





Catech. 163







# EX DECRETO CONCILII

TRIDENTINI,  
AD PAROCHOS,

Pij V. Pont. Max. iussu editus.

*Cum Privilegijs.  
Collegij S. Michaelis Monachij*



<36700050220014

<36700050220014

Bayer. Staatsbibliothek

omani,  
I.







# PII V. PONT. MAX. P R I V I L E G I V M.



**M**O T V proprio &c. Pastoralis officio cupientes quam diligentissime possumus diuina adiuuante gratia fungi, & ea, quæ sacro Tridentino Concilio statuta, & decreta fuerunt, exequi, curauimus, vt a delectis aliquot Theologis in hac alma Vrbe componeretur Catechismus: quo Christi fideles de eis rebus, quas eos nosse, profiteri, & seruare oporteret, Parochorum suorum diligentia edocerentur. qui liber cum, Deo iuuante, perfectus, in lucem edendus sit; prouidendum duximus, vt quam diligentissime, & fidelissime imprimatur. itaq; in hac alma Vrbe eum potissimum imprimi volumus dilecti filij Pauli Manutij diligentia; qui alios ecclesiasticos libros hic imprimere solet. Quia vero, si alibi imprimeretur, euenire posset, vt non pari fide, ac diligentia talis argumenti liber imprimeretur: ob hanc causam, & quia etiam indemnitati, vt æquum est, consultum volumus ipsius Manutij, qui in eo imprimendo magnos sumptus fecit, & multum laboris suscepit; Vniuersis, & singulis librorum impressoribus, & bibliopolis tam extra, quam intra Italiam, sub excommunicationis latæ sententiæ pœna, nostris vero, & S. R. E. temporali ditioni immediate, mediateue subiectis, etiam sub pœna quingentorum ducatorum auri, fisco nostro applicandorum, & amissionis librorum, ipso facto etiam sine declaratione cuiusquam Iudicis incurrenda, inhibemus, & interdiciamus ne quis prædictum Catechismum latinum, aut in vulgarem


† 2 sermo-



*Sermonem translatum, intra quinquennium proximum  
possit imprimere, vel ab alijs impressum vendere, ac  
ne post quinquennium quidem absque licentia nostra,  
& Sedis Apostolicæ: Mandantes dilectis filijs nostris  
Camerario, & Vicario Urbis, necnon Gubernatori,  
Senatori, Camera Apostolicæ causarum Auditori, &  
alijs Urbis ordinarijs Iudicibus, Legatisque, Vicele-  
gatis, Gubernatoribus, & Potestatibus terrarum  
S. R. E. Baricellisq. earundem, ac venerabilibus fra-  
tribus singularum extra terras prædictas ciuitatum  
Archiepiscopis, & Episcopis, eorumq. Vicarijs, vt,  
quoties ipsius Pauli nomine requisiti fuerint, ei effi-  
cacia defensionis præsidio assistentes præmissa omnia,  
& singula contra inobedientes, & contrauenientes  
ad executionem censurarum, & pœnarum prædicta-  
rum, omni, & quacunque appellatione remota, pro-  
cedant, & quilibet eorum procedat, inuocato etiam,  
si opus fuerit, auxilio brachij secularis. Quia vero  
difficile esset hanc nostram cedulam originalem ad sin-  
gula loca deferri: volumus quod de eius tenore, quod  
ad prohibitionem nostram huiusmodi attinet, credi de-  
beat exemplis in ipsis libris imprimendis, quodque  
presentis nostri Motus proprii, etiam absq. illius re-  
gistratura, sola signatura sufficiat, & vbique fidem  
faciat in iudicio & extra, quacumque regula, siue  
constitutione Apostolica contraria non obstante: Nō  
obstantibus constitutionibus, & ordinationibus Apo-  
stolicis, priuilegijs quoque, indultis quibuscumq. alijs  
in contrarium fortasse facientibus.*

*Placet Motu proprio. M.*

*Dat. Romæ, apud Sanctum Marcum, septimo  
Kalend. Octobr. anno primo.*





# PHILIPPVS

DEI GRATIA REX CASTELLAE,  
Aragonum, vtriusque Siciliae, Hierusalem,  
Vngariae, Dalmatiae, Croatiaeq. &c.



NON PERAFANNVS de Ribera,  
Dux de Alcala, & in hoc regno prae-  
dictae Maiestatis Vicerex, Locum-  
tenens, et Capitaneus generalis &c.  
Magnifico viro Paulo Manutio re-  
gio fideli dilecto gratiam regiam & bonam volunta-  
tem. Cum per suam Sanctitatem, vt fuit nobis ex-  
positum, tibi commissum & iniunctum fuerit, ut, ex-  
pensis Populi Romani, Catechismum, nouum Breuia-  
rium, seu Missale, & alios libros nouos imprimi cu-  
res: supplicatumque propterea nobis fuerit pro tua  
parte, quatenus regiae & catholicae Maiestatis nomi-  
ne tibi concederemus, per aliquod temporis spatium,  
videlicet per annos quindecim libros praedictos, &  
quoscumque alios nouos, necnon complures in melius  
redactos, aut cum nouis commentarijs, declarationi-  
bus, seu postillis, vel traductos in latinum seu vulga-  
re eloquium, seu in quamcumque linguam, impressos  
tamen in Vrbe sub nomine Populi Romani, in praesen-  
ti Regno imprimi non posse, nec extra Urbem impres-  
sos in Regnum immitti, nec alio modo exemplari, &  
quouis modo imprimi facere, & in Regno praedicto  
vendi, vel quouis modo contractari, nisi tantummo-  
do per te, vel tuos heredes & successores ac alios tui,  
vel tuorum heredum praedictorum parte, dicto tem-  
pore annorum quindecim perdurante. Nos autem  
attenta causa praedicta, & quod super hac concessio-  
ne

ne fuimus sue Sanctitatis nomine requisiti, ea propter  
tenore presentium de certa nostra scientia, delibera-  
te, & consulto, ac ex gratia speciali predictæ Ma-  
iestatis nomine, cum deliberatione & assistentia regij  
Collateralis Consilij, statuimus, & decernimus, quod  
per annos quindecim a die Dat. presentium in antea  
numerandos, nemini liceat in hoc Regno libros iam  
dictos imprimere, aut exemplari, & imprimi facere,  
nec extra dictam Urbem impressos in hoc prædictum  
Regnum immittere, aut aliquo pacto contractare,  
absque speciali permissione predicti Pauli Manutij,  
vel dictorum suorum heredum, & successorum dicto  
tempore annorum quindecim perdurante: Volentes  
& decernentes expresse, quod si quis contra prædictam  
nostram ordinationem attentare præsumpserit, ipso  
facto incurrat in pœnam ducatorum trecentorum, ti-  
bi, & tuis prædictis heredibus & successoribus pro  
tertia parte applicandorum, & pro alia tertia parte  
Regio fisco, & pro reliqua alia accusatori, ac libri-  
operum prædictorum in hoc Regno, aut per exemplum  
in quouis alio loco extra dictam Urbem impressi, &  
in Regnum ipsum immissi, deuoluantur, & sint tui,  
vel dictorum tuorum heredum, & successorum. Man-  
dantes propterea per has easdem omnibus & singulis  
officialibus, & subditis Regijs maioribus, & minori-  
bus, quocumque nomine nuncupatis, titulo, officio,  
auctoritate, potestate, & iurisdictione fungentibus,  
presentibus & futuris, ad quos, seu quem spectabit,  
& presentes pervenerint, seu fuerint quomodolibet  
presentatæ, unicuique in sua iurisdictione, quatenus  
tibi, seu alteri legitimæ personæ pro tui parte, præ-  
stent, & prestari faciant omne auxilium, consilium,  
& favorem opportunum & necessarium super con-  
fiscatione



fiscatione dictę pęne & executione dictorum librorũ  
in casibus premisis tibi deuolutorum , adeo quod pro  
predictis ad nos recursum habere tibi necesse non sit :  
& si secus factum fuerit, statim incurrat iram & in-  
dignationem Regiam, & pęnam ducatorum auri mil-  
le, presentibus regio sigillo a tergo impressis, presen-  
tanti singulis vicibus remansuris .

Datum Neapoli, die vltimo mensis Maij.

M. D. L X V I.



**P**HILIPPVS Hispaniarum Rex  
&c. Nostri semper instituti sunt,  
ijs fauere, qui religioni, ac rei litte-  
rarię promouendę labore, sumptuq.  
suo incumbunt. quorum in numero  
doctum, ac fidelem dilectum nostrũ

Paulum Manutium esse accepimus . is cum significa-  
ri nobis curauerit, se Catechismum latina, italicaque  
lingua conscriptum, & suos in M. Tulij Ciceronis epi-  
stolas, quas familiares appellant, commentarios in so-  
cietate P. R. typis suis ad communem omnium pio-  
rum, & studiosorum utilitatem edere se paratum esse:  
at vereri ne alij postea, sumpto inde exemplo, alibi  
eos edentes, & vendentes laboris ac sumptus, dili-  
gentięque suę fructum intercipient : dignus nobis vi-  
sus est, cui nos, pro nostra virili, prospicere, ac consi-  
lere debeamus . Itaque his litteris nostris sancimus,  
& iubemus ; vt ne quis Typographus, Bibliopola,  
Librarius, aut alius quiuis Catechismum & commen-  
tarios antedictos Romę in societate P. R. ab ipso Ma-  
nutio editos, & impressos a die impresſionis ad an-  
nos

nos sex, in vniuersa Mediolanensi ditione nostra, eo  
inuito, imprimere, aut alibi impressos clam, palam ue  
in eam inferre, & vendere audeat. Si quis contra,  
quam his litteris nostris sanctum, iussum ue est, fece-  
rit; illum continuo pœnam scutorum aureorum ter-  
centum, ac amissionis librorum omnium subire volu-  
mus: quos cum eius pecunię tertia parte Manutio,  
reliquę vero dimidiam partem fisco nostro, alteram  
accusatori assignari & attribui mandamus per eum  
magistratum, cuius potestati subiectus fuerit is, qui  
contra fecisse reperietur. In quorum &c.

Dat. Mediolani, M. D. LXVI. mense Octob.







EX DECRETO CONCILII  
TRIDENTINI,

AD PAROCHOS,

Sanctiss. D. N. Pij Quinti iussu editus.



**E**ST humanæ mentis, & intelligentiæ ratio, ut, cum alia multa, quæ ad diuinarum rerum cognitionem pertinent, ipsa per se, magno adhibito labore, & diligentia, inuestigauerit, ac cognouerit; maximam tamen illorum partem, quibus æterna salus comparatur, cuius rei in primis causa homo cõditus, atque ad imaginem & similitudinem Dei creatus est, naturæ lumine illustrata cognoscere, aut cernere numquam potuerit. Inuisibilia quidem Dei, ut docet Apostolus, a creatura mundi per ea, quæ facta sunt, Rom. 1 intellecta, conspiciuntur; sempiterna quoque eius uirtus, & diuinitas: uerum mysterium illud, quod absconditum est a sæculis, & generationibus, ita humanam intelligentiam superat, ut, nisi manifestatũ fuisset sanctis, quibus uoluit Deus fidei munere notas facere diuitias gloriæ sacramenti huius in gentibus, quod est Christus, nullo studio homini ad eam sapientiam aspirare licuisset. Cum autem fides Rom. 10

A ex au-

ex auditu concipiatur, perspicuum est, quam necessaria semper fuerit ad æternam salutem consequendam, doctoris legitimi fidelis opera, ac ministeriū:

*Rom. 10* siquidem dictum est; Quo modo audient sine prædicante? quo modo uero prædicabunt, nisi mittantur? & quidem ab ipsius mundi origine, clementissimus ac benignissimus Deus suis numquam defuit,

*Hebr. 1* sed multifarie, multisque modis locutus est Patribus in prophetis, eisque pro temporum condicione ad cælestem beatitudinem certum, ac directum iter

*Psal. 49* monstrauit. Sed quoniam prædixerat, daturum se

*Hebr. 1* doctorem iustitiæ in lucem gentium, ut esset salus eius usque ad extremum terræ, nouissime locutus

*2. Pet. 1* est nobis in Filio, quem etiam, uoce e cælo delapsa a magnifica gloria, iussit ut omnes audirent, eius-

*Eph. 4* que præceptis obtemperarent. Deinde uero Filius alios dedit Apostolos, alios Prophetas, alios Pastores, & Doctores, qui uerbum uitæ annuntiarent, ne circumferremur tanquam paruuli, fluctuantes omni uento doctrine, sed, firmo fidei fundamento adhærentes, cœdificaremur in habitaculum Dei, in spiritu sancto.

*Verba Pastorum Ecclesie tamquam Dei uerba recipienda*

*Luc. 10*

Ac ne quis uerbum auditus Dei ab Ecclesiæ ministris, tamquam uerbum hominum, sed, sicut uere est, uerbum Christi acciperet, ille ipse Saluator noster tantam auctoritatem eorum magisterio tribuendam esse statuit, ut diceret: Qui uos audit, me audit; & qui uos spernit, me spernit. quod quidem non de ijs tantum, quibuscum sermo habebatur, intelligi uoluit, uerum de omnibus etiam, qui legitima successione docēdi munus obirent, quibus se omnibus diebus usque ad consummationem sæculi affuturum



turum esse pollicitus est. At uero, cum hæc diuini uerbi prædicatio numquam intermitteri in Ecclesia debeat; tum certe hoc tempore maiori studio, & pietate elaborandum est, ut sana, & incorrupta doctrina, tamquam pabulo uitæ, fideles nutriantur, & confirmentur. exierunt enim falsi prophetæ in mundum, de quibus dixit Dominus: Non mittebam prophetas, & ipsi currebant: non loquebar ad eos, & ipsi prophetabant, ut uarijs doctrinis, & peregrinis, Christianorum animos deprauarent. Qua in re illorum impietas, omnibus Satanæ artibus instructa, tam longe progressa est, ut nullis fere certis finibus contineri posse uideatur. ac, nisi Saluatoris nostri præclara illa promissione niteremur, qui se adeo stabile Ecclesiæ suæ fundamentum posuisse affirmavit, ut portæ Inferi aduersus eam præualere numquam possint: maxime uerendum esset, ne hoc tempore, tot undique hostibus obsessa, tot machinis tentata, & oppugnata, concideret.

Math. 23

1. Ioan. 4

Hier. 23

Math. 16

Nam, ut omittamus nobilissimas prouincias, quæ olim ueram, & catholicam religionem, quam a maioribus acceperant, pie, & sancte retinebant, nunc autem derelinquentes uiam rectam, errauerunt, atque in eo se maxime pietatem colere palam profitentur, quod a patrum suorum doctrina quam longissime recesserunt; nulla tam remota regio, aut tam munitus locus, nullus Christianæ reipub. angulus inueniri potest, quo hæc pestis occulte irreperere non tentarit. Qui enim fidelium mentes corrumpere sibi proposuerunt, cum fieri nullo modo posse intelligerent, ut cum omnibus coram colloquerentur, & in eorum aures uenenatas uoces infunderent,

Quo astu  
heretici sint  
usi ad im-  
pia dogma-  
ta infunde-  
nda.

idem alia ratione aggressi, multo facilius, ac latius impietatis errores disseminarunt. Nam, præter illa ingentia uolumina, quibus catholicam fidem euertere conati sunt, a quibus tamen cauere, cum apertam hæresim continerent, non magni fortasse laboris, ac diligentiae fuit, infinitos etiam libellos conscripserunt: qui cum pietatis speciem præseferrent, incredibile est, quam facile incautos simplicium animos deceperint. Quamobrem Patres œcumenicæ Tridentinæ Synodi, cum tanto, & tam pernicioso huic malo salutarem aliquam medicinam adhibere maxime cuperent, non satis esse putarunt, grauiora catholicæ doctrinæ capita cōtra nostri temporis hæreses decernere; sed illud præterea sibi faciendum censuerunt, ut certam aliquam formulam & rationem Christiani populi ab ipsis fidei rudimentis instituendi, traderent, quam in omnibus ecclesijs illi sequerentur, quibus legitimi Pastoris, & doctoris munus obeundum esset. Multi quidem adhuc in hoc scriptiois genere cum magna pietatis & doctrinæ laude uersati sunt: sed tamen Patribus uisum est maxime referre, si liber sanctæ Synodi auctoritate ederetur, ex quo Parochi, uel omnes alij, quibus docendi munus impositum est, certa præcepta petere, atque depromere ad fidelium ædificationem possint; ut quemadmodum unus est Dominus, una fides, ita etiam una sit tradendæ fidei, ad omniaque pietatis officia populum Christianum erudiendi, communis regula, atque præscriptio.

*Catechismus cur editus.* Ergo, cum multa sint, quæ ad hanc rationem pertinere uideantur, nemo existimet, illud sanctæ Synodo propositum fuisse, ut omnia Christianæ fidei



dei dogmata, uno libro comprehensa, subtiliter explicarentur: quod ab ijs fieri solet, qui se profitentur uniuersæ religionis institutionem, & doctrinam tradere: id enim & infiniti pene operis fuisset, & instituto minus conuenire perspicuum est: sed quoniã Parochos, sacerdotesque, animarum curatores: earum rerum cognitione instruendos suscepit, quæ pastoralis muneris maxime propriæ sunt, & ad fidelium captum accommodatæ; ea tantum in medium afferri uoluit, quæ hac in re pium Pastorum studium, si in difficilioribus diuinarum rerum disputationibus non ita uersati fuerint, adiuuare possent. Quæ cum ita sint, ante quam ad ea singillatim tractanda accedamus, quibus huius doctrinæ summa continetur, institutæ rei ordo postulat, ut pauca quædam exponantur, quæ Pastores considerare, sibi que ante oculos proponere in primis debent; ut sciant, quonam, ueluti ad finem, omnia eorum consilia, labores, studia referenda sint, quoue pacto id, quod uolunt, facilius consequi, & efficere possint. Illud igitur primum uidetur esse, ut semper meminerint, omnem Christiani hominis scientiam hoc capite comprehendendi, uel potius, quemadmodum Saluator noster ait, Hæc est uita æterna, ut cognoscant te solū uerum Deum, & quem misisti, Iesum Christum. Quamobrem in eo præcipue ecclesiastici doctoris opera uersabitur, ut fideles scire ex animo cupiant Iesum Christum, & hunc crucifixum: sibi que certo persuadeant, atque intima cordis pietate & religione credant, aliud nomen non esse datum hominibus sub cælo, in quo oporteat nos saluos fieri: siquidem ipse propitiatio est pro peccatis nostris. At ue-

Ioan. 17

1. Cor. 2

Act. 4

1. Ioan. 2

A ; ro quia

- ro quia in hoc scimus, quoniam cognouimus eum,  
**1. Ioh. 2** si mandata eius obseruemus; proximum est, & cū  
 eo, quod diximus, maxime coniunctum, ut simul  
 etiam ostendat, uitam a fidelibus non in otio & de-  
**1. Ioh. 2** sidia degendam esse: uerum oportere, ut, quemad-  
 modum ipse ambulauit, ita & nos ambulemus, se-  
**Ad Tit. 2** cteturque omni studio iustitiam, pietatem, fidem,  
 charitatem, mansuetudinem: dedit enim semet  
 ipsum pro nobis, ut nos redimeret ab omni iniqui-  
 tate, & mundaret sibi populum acceptabilem, se-  
 ctatorem bonorum operum, quæ Apostolus Pasto-  
**Matth. 22** ribus præcipit, ut loquantur, & exhortentur. Cum  
 autem Dominus, ac Saluator noster non solum di-  
 xerit, sed etiam exemplo suo demonstrarit, legem,  
**1. Tim. 1** & prophetas ex dilectione pendere; Apostolus dein  
**Rom. 13** de confirmarit, charitatem esse finem præcepti, ac  
 legis plenitudinem; dubitare nemo potest, hoc tā-  
 quam præcipuum munus, omni diligentia curandū  
 esse, ut fidelis populus ad immensam Dei erga nos  
 bonitatem amandam excitetur, ac diuino quodam  
 ardore incensus, ad summum illud & perfectissimū  
 bonum rapiatur; cui adherere, solidam, & ueram  
 felicitatem esse is plane sentiet, qui illud Prophetæ  
**Psal. 72** dicere poterit: Quid enim mihi est in cælo, & a te  
**1. Cor. 12** quid uolui super terram? Hæc nimirum est uia illa  
**1. Cor. 13** excellentior, quam idem Apostolus demonstraui,  
 cum omnem doctrinæ, & institutionis suæ rationē  
 ad charitatem, quæ numquam excidit, dirigeret. Si-  
 ue enim credendum, siue sperandum, siue agendū  
 aliquid proponatur; ita in eo semper charitas Domi-  
 ni nostri commendari debet, ut quiuis perspiciat,  
 omnia perfectę Christianę uirtutis opera nō aliun-  
 de,



de , quam a dilectione , ortum habere ; neque ad alium finem , quam ad dilectionem , referenda esse .

Cum autem in omni re tradenda plurimum intersit , utrum hoc , an illo modo aliquid doceas : tum uero hoc in Christiani populi institutione maximi momenti existimandum est . Obseruanda est enim audientium ætas , ingenium , mores , condicio ; ut qui docendi munus exercet , omnia omnibus efficiatur ; ut & omnes Christo lucrifaciat , & se ipsum fidelem ministrum , & dispensatorem probare possit , ac ueluti seruus bonus , & fidelis , dignus sit , qui super multa constituatur a Domino . Neque uero unius tantum generis homines fidei suæ commissos esse arbitretur , ut præscripta quadam , & certa docendi formula erudire , atque ad ueram pietatem instituere æque omnes fideles possit : sed cum alij , ueluti modo geniti , infantes sint , alij in Christoadolescere incipiant , nonnulli uero quodam modo confirmata sint ætate ; necesse est diligenter considerare quibus lacte , quibus solidiore cibo opus sit , ac singulis ea doctrinæ alimenta præbere , quæ spiritum augeant , donec occurramus omnes in unitatem fidei , & agnitionis filij Dei in uirum perfectum , in mensuram ætatis plenitudinis Christi . Id uero Apostolus in se ipso omnibus obseruandum iudicauit , cum dixit , se Græcis , & barbaris , sapientibus , & insipientibus debitorem esse ; ut uidelicet intelligerent , qui ad hoc ministerium uocati sunt , ita in tradendis fidei mysterijs , ac uitæ præceptis , doctrinam ad audientium sensum , atque intelligentiâ accommodari oportere ; ut , cum eorum animos , qui exercitados sensus habet , spirituali cibo expleuerint ,

*Catechismi  
doctrina ad  
captum cuiusque  
accomodata.*

*1. Cor. 9*

*1. Cor. 4*

*Matth. 23*

*1. Petr. 2*

*1. Cor. 3*

*Hebr. 5*

*Eph. 4*

*Rom. 1*

*1. Tim. 4*

ne interim paruulos fame perire patiantur , ut qui panem petant, & non sit qui frangat eis . Neque uero cuiusquam studium in docendo retardari debet , propterea quod interdum necesse sit auditorem earum rerum præceptis instrui, quæ leuiore, & humiliores uidentur , nec sine molestia ab ijs potissimum tractari solent, quorum animus in sublimium rerum contemplatione uersatur , ac conquiescit. Nā si ipsa æterni patris sapientia in terras descendit , ut in carnis nostræ humilitate cælestis uitæ præcepta nobis traderet; quem non compellat charitas Christi , ut paruulus fiat in medio fratrum suorum , & tamquam nutrix fouens filios suos ita cupide proximorum salutem desideret , ut , quod de se ipso

1. Thess. 2 Apostolus testatur, eis uelit non solum euangelium Dei , sed etiam animam tradere?

Doctrina si  
dei charoli-  
ce contine-  
tur scriptu-  
ra & tra-  
ditionib. tñ  
d. Symbolo,  
sacramen-  
tis, Decalo-  
go, oratione  
Dominica.

Omnis autem doctrinæ ratio , quæ fidelibus tradenda sit , uerbo Dei continetur , quod in scripturam , traditionesque distributum est . itaque in harum rerum meditatione Pastores dies , noctesq; uersabuntur , memores illius D. Pauli admonitionis , quam ad Timotheum scriptam , omnes , quicumq; animarum curæ præpositi sunt , ad se pertinere existimabunt . est autem hæc admonitio in hunc modum . Attende lectioni , exhortationi , & doctrinæ : est enim omnis scriptura diuinitus inspirata utilis ad docendū , ad arguendum , ad corripiendum , ad erudiendum in iustitia, ut perfectus sit homo Dei, ad omne opus bonum instructus . Sed quoniam , quæ diuinitus tradita fuerunt, multa sunt, & uaria, ut nec ita facile aut animo comprehendere , aut etiam mente comprehensa , memoria teneri possint ; ut , cum se obtulerit

2. Tim. 3

1. Tim. 4

obtulerit docendi occasio, eorum parata sit & prò-  
 pta explicatio; sapientissime maiores nostri totam  
 hanc uim, & rationem salutaris doctrine, in quat-  
 tuor hæc capita redacta, distribuerunt, apostolorum  
 Symbolum, Sacramenta, Decalogum, Dominicam  
 orationem. nam omnia, quæ Christianæ fidei disci-  
 plina tenenda sunt, siue ad Dei cognitionem, siue ad  
 mundi creationem & gubernationem, siue ad hu-  
 mani generis redemptionem spectent, siue ad bo-  
 norum præmia, & malorum poenas pertineant, Sym-  
 boli doctrina continentur. Quæ autem signa sunt,  
 & tamquam instrumenta ad diuinam gratiam conse-  
 quendam, hæc septem sacramentorum doctrina  
 complectitur. Iam uero quæ ad leges referuntur,  
 quorum finis est charitas, Decalogo descripta sunt. *1. Tim. 2*  
 Quidquid denique ab hominibus optari, sperari, ac  
 salutariter peti possit, id Dominica precatatione cõ-  
 prehenditur. Quare sequitur, ut, explanatis quat-  
 tuor his quasi cõmunibus sacræ scripturæ locis, ni-  
 hil fere ad eorum intelligentiam, quæ Christiano  
 homini discenda sunt, desiderari possit. Itaque ui-  
 sum est monere Parochos, ut, quoties usu uenerit, ut  
 aliquem interpretentur Euangelij, uel quemuis aliud  
 diuinæ scripturæ locum, intelligant, eius loci, qui-  
 cumque is fuerit, sententiam cadere sub unum ali-  
 quod quattuor illorum capitum, quæ diximus,  
 quo, tamquam ad eius doctrinæ fontem, quod  
 explicandum sit, confugient. exempli causa, si  
 explanandum sit illud euangelium primæ domi-  
 nicæ Aduentus: Erunt signa in sole & luna &c. *Luc. 21*  
 quæ ad eam rationem pertinent, tradita sunt illo  
 Symboli articulo, Venturus est iudicare uiuos, &  
 mortuos:



mortuos : quibus inde assumptis , Pastor una eademque opera fidelem populum & Symbolum , & Euangelium docebit . Quare in omni docendi , & interpretandi munere , hanc consuetudinem tenebit dirigendi omnia ad prima illa quattuor genera , ad quæ referri uniuersam diuinæ scripturæ uim , atque doctrinam diximus .

Docendi autem ordinem cum adhibebit , qui & personis , & tempori accommodatus uidebitur : nos Patrum auctoritatem secuti , qui initiandis Christo domino , & in eius disciplina instituendis hominibus , a fidei doctrina initium fecerunt , opere pretiū duximus , quæ ad fidem pertinent , prius explicare . Sed quoniam in diuinis litteris multiplex est fidei significatio ; hic de ea loquimur , cuius ui omnino assentimur ijs , quæ tradita sunt diuinitus . Hanc autem ad salutem consequendam esse necessariam , nemo iure dubitabit , præsertim cum scriptum sit :

**Hebr. 1** Sine fide impossibile est placere Deo . Cum enim finis , qui ad beatitudinem homini propositus est , altior sit , quam ut humanæ mentis acie perspicui possit , necesse ei erat , ipsius a Deo cognitionē accipere . Hæc uero cognitio nihil aliud est , nisi fides : cuius uirtus efficit , ut id ratum habeamus , quod a Deo traditum esse sanctissimæ matris Ecclesiæ auctoritas comprobarit . nulla enim fidelibus potest accidere dubitatio in ijs , quorum Deus auctor est , qui est ipsa ueritas . ex quo intelligimus , quantum inter hanc fidem , quam Deo habemus , intersit ; & illam , quam humanæ historiæ scriptoribus adhibemus . Fides autem , quamquam late pateat , & magnitudine , ac dignitate differat , ( est enim  
sic in

fic in sacris litteris ; Modice fidei, quare dubitasti?  
 &, Magna est fides tua : &, Adauge nobis fidem : *Matth. 14*  
 item, Fides sine operibus mortua : &, Fides, quæ *Luc. 17*  
 per charitatem operatur ) tamen est idem genere, *Matth. 13*  
 & diuersis fidei gradibus eadem definitionis uis, *Gal. 5*  
 & ratio conuenit . Quam uero fructuosa sit, & *Iacobi 2*  
 quantam ex ea utilitatem capiamus, in articulo-  
 rum explicatione dicetur . Quæ igitur primum  
 Christiani homines tenere debent, illa sunt, quæ  
 fidei duces doctoresque sancti apostoli, diuino spi-  
 ritu afflati, duodecim Symboli articulis distinxe-  
 runt. nam, cum mandatum a Domino accepissent,  
 ut pro ipso legatione fungentes, in uniuersum mun-  
 dum proficiscerentur, atque omni creature euan-  
 gelium prædicarent, Christianæ fidei formulam  
 componendam censuerunt, ut scilicet id ipsum om- *1. Cor. 1*  
 nes sentirent, ac dicerent; neque ulla essent inter eos  
 schismata, quos ad fidei unitatem uocassent; sed  
 essent perfecti in eodem sensu, & in eadē sententia.  
 Hanc autem Christianæ fidei, & spei professionem  
 a se compositam, apostoli Symbolum appellarunt;  
 siue quia ex uarijs sententijs, quas singuli in com-  
 mune contulerunt, conflata est; siue quia ea ueluti  
 nota, & tessera quadam uterentur, qua desertores, &  
 subintroductos falsos fratres, qui euangelium adul-  
 terabant, ab ijs, qui uere Christi militiæ sacramen-  
 to se obligarent, facile possent internoscere.

**CREDO IN DEVM.** Cum multa in Christia-  
 na religione fidelibus proponantur, quorū singilla-  
 tim, uel uniuerse, certam, & firmam fidem habere  
 oportet; tum uero illud primo, ac necessario omni-  
 bus credendum est, quod ueluti ueritatis fundamen-

tum

tum ac summā de diuinę essentię unitate, & trium personarum distinctione, earumq; actionibus, quę precipua quadam ratione illis attribuuntur, Deus ipse nos docuit. Huius mysterij doctrinam breuiter in Symbolo apostolorum comprehensam esse, Parochus docebit. Nam ut maiores nostri, qui in hoc argumento pie, & accurate uersati sunt, obseruauerunt, in tres potissimum partes ita distributum uidetur, ut in una, diuinę naturę prima persona, & mirum creationis opus describatur; in altera, secunda persona, & humanę redemptionis mysterium; in tertia, tertia item persona, caput, & fons sanctitatis nostrę, uarijs, & aptissimis sententijs concludatur. Eas autem sententias, similitudine quadam a Patribus nostris frequenter usurpata, articulos appellamus. Vt enim corporis membra articulis distinguuntur, ita etiā in hac fidei cōfessione quidquid distincte, & separatim ab alio nobis credendū est, recte, & apposite articulum dicimus.

C R E D O   I N   D E U M   P A T R E M  
O M N I P O T E N T E M ,   C R E A -  
T O R E M   C A E L I , E T   T E R R A E.

His uerbis ea sententia subiecta est: certo credo, ac sine ulla dubitatione profiteor Deum patrem, primam scilicet Trinitatis personam, qui sua omnipotenti uirtute celum ipsum, & terram, & omnia, quę celi, & terrę ambitu continentur, ex nihilo condidit, & condita tuetur, ac regit: neque solum eum corde credo, & ore confiteor, uerum summo studio, ac pietate ad illum, ueluti summum, & perfectissimum bonum, contendo. Hęc igitur sit breuis quędam primi huius articuli comprehensio.



prehensio . Sed quoniam magna mysteria in singulis fere uerbis latent , ea nunc diligentius Parocho perpendenda sunt: ut, quantum Dominus permiserit , ad eius maiestatis gloriam contemplandā cum timore , & tremore fidelis populus accedat.

Igitur credendi uox hoc loco , putare, existimare, opinari, non significat; sed, ut docent sacrę litterę, certissimę assensionis uim habet, qua mens Deo sua mysteria aperienti , firme , constanterque assentitur. Quamobrem is credit, ( quod ad huius loci explicationem attinet) cui aliquid sine ulla hesitatione certum , & persuasum est. Neque uero existimare quisquam debet, fidei notitiam minus certam esse, quod ea non cernantur, quę nobis credenda fides proponit. etenim diuinum lumen, quo ea percipimus, tametsi rebus perspicuitatem nō afferat , nos tamen de his dubitare non finit. Deus enim, qui dixit de tenebris lucem splendescere, ipse illuxit in cordibus nostris, ut nō sit nobis opertum euangelium , sicut ijs , qui pereunt . Iam uero , ex ijs , quę dicta sunt, consequitur, eum , qui celesti hac fidei cognitione pręditus est, inquirendi curiositate liberum esse. Deus enim cum iussit nos credere, non diuina iudicia scrutanda, eorumq; rationem , & causam perquirendam nobis proposuit, sed immutabilem fidem pręcepit, quę efficit, ut animus in eterne ueritatis notitia conquiescat. Ac profecto cum Apostolus testetur: Deus uerax est, omnis autem homo mendax; si arrogantis, & impudentis hominis est, graui, ac sapienti uiro aliquid affirmanti fidem non habere, sed pręterea urgere, ut, quod dixerit, rationibus, aut testibus probetur:

*Verbi huius, credo, in materia fidei euangelica accepto, & professio.*

*2. Cor. 4*

*Rom. 3*

betur : cuius temeritatis , atque adeo stultitiæ fuerit , Dei uoces audientem , cælestis , ac salutaris doctrinæ rationes requirere ? fides itaque , seclusa omni non solum ambiguitate , sed etiam demonstrandi studio , tenenda est . Verum illud præterea doceat Parochus , eum , qui dicit CREDO , præterquam quod intimum mentis suæ assensum declarat , qui interior fidei actus est , debere id , quod animo inclusum habet , aperta fidei professione præferre , summaque alacritate palam fateri , ac prædicare . Oportet enim fideles eum spiritum habere , quo fretus Propheta dixit ; Credidi propter quod locutus sum : imitari apostolos , qui ad principes populi responderunt ; Non possumus , quæ uidimus , & audiuius , non loqui : diui Pauli præclara illa uoce excitari ; Non erubesco euāgelium : uirtus enim Dei est in salutē omni credenti . Item quo maxime huius sententiæ ueritas confirmatur : Corde creditur ad iustitiam , ore autem confessio fit ad salutem .

IN DEVM . Hinc iam Christianæ sapientiæ dignitatem , & præstantiam , ex eaque , quantum diuinæ bonitati debeamus , cognoscere licet , quibus datum est , statim ad rei præstantissimæ , maximeque expetendæ cognitionem quasi fidei gradibus ascendere . In hoc enim multum inter se differunt Christiana philosophia , & huius sæculi sapientia , quod hæc quidem naturalis tantum luminis ductu ab effectibus , & ab ijs , quæ sensibus percipiuntur , paulatim progressa , non nisi post longos labores uix tandem inuisibilia Dei contemplatur , primamque omnium rerum causam & auctorem agnoscit , atque

que intelligit: contra uero illa humanę mentis acie  
 ita exacuit, ut in cælum nullo labore penetrare  
 possit, atque diuino splendore collustrata, primū  
 quidem æternū ipsum luminis fontem, deinde quę  
 infra ipsum posita sunt, intueri; ut nos uocatos esse  
 de tenebris in admirabile lumē, quod est apud apo- *1. Petr. 2*  
 stolorum Principem, cum summa animi iucundi-  
 tate experiamur, & credentes exultemus lætitia ine-  
 narrabili. Recte igitur fideles primo se in Deum  
 credere profitentur, cuius maiestatem ex Hieremię *Hiere. 32*  
 sententia incomprehensibilem esse dicimus: Lucē  
 enim, ut ait Apostolus, inhabitat inaccessibilem, *1. Tim 6*  
 quem nullus hominū uidit, sed nec uidere potest.  
 cū enim ad Moysen loqueretur, Non uidebit me, *Exod. 33*  
 inquit, homo, & uiuet. Nam ut mens nostra ad  
 Deum, quo nihil est sublimius, perueniat, necesse  
 est eam omnino a sensibus abstractā esse: cuius rei  
 facultatem in hac uita naturaliter non habemus.  
 Sed quamuis hec ita sint, non reliquit tamen Deus,  
 ut inquit Apostolus, semetipsum sine testimonio *Act. 14*  
 bene faciens, de cælo dans pluuias, & tempora fru-  
 ctifera, implens cibo, & lætitia corda hominum.  
 Quę causa fuit philosophis nihil abiectum de Deo  
 sentiendi, & quidquid corporeum, quidquid con-  
 cretum, & admistum est, ab eo longissime remo-  
 uendi; cui etiā bonorum omnium perfectam uim,  
 & copiam tribuerunt, ut ab eo, tamquam a per-  
 petuo quodam, & inexhausto fonte bonitatis, ac  
 benignitatis, omnia ad omnes creatas res, atque  
 naturas perfectā bona dimanent; quem sapientem,  
 ueritatis auctorem, & amantem, iustum, benefi-  
 centissimum, & alijs nominibus appellauerunt,  
 quibus



quibus summa, & absoluta perfectio continetur; cuius immensam, & infinitam uirtutem, omnem complentem locum, & per omnia pertinentem esse dixerunt. Hoc ex diuinis litteris longe melius constat, & illustrius, ut illo loco, Spiritus est Deus: item, Estote uos perfecti, sicut & Pater uester celestis perfectus est: tum, Omnia nuda, & aperta sunt oculis eius: & illud, O altitudo diuitiarum sapientiæ, & scientiæ Dei: deinde, Deus uerax est: & , Ego sum uia, & ueritas, & uita: præterea, Iustitia plena est dextera tua: denique, Aperis tu manum tuam, & imples omne animal benedictione: postremo, Quo ibo a spiritu tuo, & quo a facie tua fugiam? & , Si ascendero in cælum, tu illic es; si descendero in infernum, ades: si sumpsero penas meas diluculo, & habitauero in extremis maris &c. & , Numquid non cælum, & terram ego impleo, dicit Dominus? Magna, & præclara hæc sunt, quæ de Dei natura sacrorum librorum auctoritate consentanea, & consequentia ex rerum effectarum inuestigatione philosophi cognouerunt. quãquam in eo etiam celestis doctrinæ necessitatem cognoscimus, si animaduertamus, fidem non solum hoc præstare, quemadmodum supra dictum est; ut, quæ uiri tantum sapientes longo studio consecuti sunt, ea rudibus quoque, & imperitis hominibus statim pateant, atque in promptu sint; uerum ut rerum notitia, quæ fidei disciplina comparatur, multo certior, atque ab omni errore purior in mentibus nostris infideat, quam si eas ipsas res, humanæ scientiæ rationibus comprehensas, animus intelligeret. Sed quãto præstantior diuini numinis cognitio censenda

Ioan. 4

Matth. 5

Ad Heb. 4

Rom. 11

Rom. 3

Ioan. 14

Psal. 47

Psal. 144

Psal. 138

Hier. 23

senda est, ad quam non communiter omnibus nature contemplatio, sed proprie credentibus fidei lumen aditum patefecit? hæc autem Symboli articulis continetur, qui nobis diuinę essentię unitatem, & trium personarum distinctionem, tum uero ipsū Deum esse ultimum hominis finem aperiunt, a quo *Heb. 11* celestis, eternęque beatitudinis possessio expectanda sit: siquidem a diuo Paulo didicimus, Deum in- *1. Cor. 2* quirentibus se remuneratorem esse. Hęc quanta sint, & an eius generis sint bona, ad quę humana cognitio aspirare potuerit, multo ante eundē Apostolum Isaias propheta his uerbis ostendit: A sæ- *Isa. 64* culo non audierunt, neque auribus perceperunt: oculus non uidit, Deus, absque te, quę preparasti expectantibus te.

Sed ex ijs, quę diximus, unum etiam Deum esse, *Vnum solum Deum esse, non plures.* non plures Deos, confitendum est. nam cum Deo summam bonitatem, & perfectionem tribuamus; fieri non potest, ut id, quod summum, atque absolutissimum est, inueniatur in pluribus. Quod si cui aliquid ad summum deest, eo ipso imperfectus est; quare nec Dei natura illi conuenit. hoc autem multis sacrarum litterarum locis comprobatur. scriptum est enim: Audi Israel: Dominus Deus noster, Deus unus est. Pręterea est Domini iussum: Non habebis Deos alienos coram me. deinde per *Deuter. 6* Prophetam sepe admonet: Ego primus, & ego nouissimus, & absque me non est Deus. *Exod. 20* Apostolus etiam palam testatur: Vnus Dominus, una *Isa. 41. 44* fides, unum baptisma. Neque uero nos moueat, *48* quod interdum sacrę litterę Dei nomen creatis *Eph. 4* etiam naturis imponunt. Nam quod prophetas,

B

&amp; iu-

& iudices deos appellarunt, non gentium more factum est, quę sibi plures deos stulte, & impie finxerunt; sed quadam loquendi consuetudine significare uoluerunt excellentem aliquam uirtutem, uel functionem, quę Dei munere illis concessa sit. Deum igitur natura, substantia, essentia unum, quemadmodum ad cōfirmandā ueritatem in Symbolo Niceni Concilij dictum est, Christiana fides credit, & profitetur; sed altius etiam ascendens ita unum intelligit, ut unitatem in trinitate, & trinitatem in unitate ueneretur: de quo nobis mysterio nunc dicere incipiendum est. sequitur enim in Symbolo, **P A T R E M**. sed quoniam Patris uox non una ratione Deo tribuitur, illud prius declarandū erit, quę sit magis propria huius loci significatio. Deum nonnulli etiam, quorum tenebris fides lucem non attulit, eternam substantiā esse intellexerunt, a qua res ortę essent, & cuius prouidentia omnia gubernarentur, suumq; ordinem, & statum cōseruarent. Ex humanis igitur rebus ducta similitudine, quemadmodum cum, a quo familia propagata est, cuiusque consilio, & imperio regitur, patrem uocabant: ita hac ratione factum est, ut Deum, quem omnium rerum opificem, & rectorem agnoscebant, Patrem appellari uoluerint. eodem nomine sacre etiam litterę usę sunt, cum de Deo loquentes uniuersorum creationem, potestatem, admirabilemq; prouidentiam ei tribuendam indicarent. legimus enim: Numquid non ipse est pater tuus, qui possedit te, & fecit, & creauit te? *Deuter. 32* & alibi: Numquid non pater unus omnium nostrum? Numquid non Deus unus creauit nos? At  
uero



uero multo frequentius, & peculiari quodam nomine, præsertim in noui testamenti libris, Deus pater Christianorum dicitur, qui non acceperunt spiritum seruitutis in timore, sed acceperunt spiritum adoptionis filiorum Dei, in quo clamant, Abba pater: eam enim charitatem dedit nobis pater, ut filij Dei nominemur, & simus: quod si filij, & heredes, heredes quidem Dei, coheredes autem Christi, qui est primogenitus in multis fratribus, nec confunditur uocare nos fratres. Siue igitur communem creationis, & prouidentia, siue præcipuam spiritualis adoptionis causam spectes, merito fideles Deum patrem se credere profitentur.

Verum præter eas notiones, quas explicauimus, Patris nomine audito, ad altiora mysteria mentem erigendam esse Parochus docebit. Quod enim in luce illa inaccessibili, quam inhabitat Deus, magis reconditum, & abstrusum est, quodque humana ratio, & intelligentia non consequi, aut ne suspicari quidem poterat, id Patris uocabulo diuina oracula nobis aperire incipiunt. Indicat autem hoc nomen, in una diuinitatis essentia non unam tantum personam, sed personarum distinctionem credendam esse. Tres enim sunt in una diuinitate personæ, Patris, qui a nullo genitus est; Filij, qui ante omnia secula a patre genitus est; Spiritus sancti, qui itidem ab æterno ex patre, & filio procedit. Atqui pater est in una diuinitatis substantia, prima persona, qui cum unigenito filio suo & spiritu sancto unus est Deus, unus est Dominus, non in unius singularitate personæ, sed in unius Trinitate substantiæ. Iam uero hæ tres personæ, cum

*Pia meditatio circa nomen Pater in diuinis: & de personarum proprietatibus.*

in ijs quidquam dissimile, aut dispar cogitare nefas sit, suis tantummodo proprietatibus distincte intelliguntur. Pater siquidem ingenuus est: Filius a patre genitus: Spiritus sanctus ab utroque procedit. Atque ita trium personarum eandem essentiam, eandem substantiam confitemur; ut in confessione uere, sempiternęq; deitatis, & in personis proprietate, & in essentia unitatem, & in Trinitate equalitatem pie, & sancte colendam credamus. Nam quod patris primam esse personam dicimus, hoc non ita accipiendū est, perinde ac si aliquid in Trinitate prius aut posterius, maius aut minus cogitemus. absit enim hec a fideiū mentibus impietas, cū eandem æternitatem, eandē glorię maiestatem in tribus personis Christiana religio prædicet. Sed patrem propterea quod ipse sit principiū sine principio, primam esse personam, uere, & sine ulla dubitatione affirmamus; quæ quidē uti patris proprietate distincta est, ita in unā illam præcipue hoc conuenit, quod filium ab æterno genuerit: semper enim Deum simul & patrem fuisse, nobis significatur, cum Dei, & patris nomina coniuncta in hac confessione pronunciamus. Verum, quoniā in nullo rei, quā huius omniū altissimæ, ac difficillimæ notitia, atque explicatione, aut periculosius uersari, aut grauius errare possumus; doceat Parochus, religiosè retinenda esse essentię, & personę propria uocabula, quibus hoc mysterium significatur, & sciant fideles unitatem esse in essentia, distinctionē autem in personis. Sed hec subtilius exquirere nihil oportet, cum meminerimus illius uocis: Qui scrutator est maiestatis, opprimetur a gloria: satis enim

uide-

*Prover. 23*

uideri debet, quod fide certum, & exploratum habeamus, nos a Deo (cuius oraculis non assentiri, extremæ stultitiæ, atque miseriæ est) ita edoctos esse. Docete, inquit, omnes gentes, baptizantes eos in nomine Patris, & Filij, & Spiritus sancti. rursus, tres sunt, qui testimonium dant in cælo, pater, uerbum, & spiritus sanctus, & hi tres unum sunt. Oret tamen assidue, ac precetur Deum, & patrem, qui uniuersa ex nihilo condidit, disponitque omnia suauiter, qui dedit nobis potestatem filios Dei fieri, qui Trinitatis mysterium humanæ menti patefecit: oret, inquam, sine intermissione, qui diuino beneficio hæc credit, ut aliquando in æterna tabernacula receptus dignus sit, qui uideat, quæ tanta sit Dei patris fœcunditas, ut se ipsum intuens, atque intelligens, parem & æqualem sibi filium gignat; quoue modo duorum idem plane & par charitatis amor, qui spiritus sanctus est, a patre & filio procedens, genitorem, & genitum æterno, atque indissolubili uinculo inter se connectat; atque ita diuinæ Trinitatis una sit essentia, & trium personarum perfecta distinctio.

OMNIPOTENTEM. Solent sacræ litteræ multis nominibus Dei summā uim, & immensam maiestatem explicare, ut ostendāt quāta religione & pietate illius sanctissimū numen colendū sit: sed in primis doceat Parochus, illi omnipotentē uim frequentissime tribui. Ipse enim de se dicit, Ego dñs omnipo-  
 tens. & rursus Iacob, cum filios ad Ioseph mitteret, ita illis precatus est: Deus autem meus omnipotēs faciat uobis eum placabilem. deinde uero in Apocalypsi scriptum est, Dominus Deus, qui est,

B 3 & qui



& qui erat . & qui uenturus est omnipotens . & ali-  
*Luc 1* bi , Dies magnus Dei omnipotentis appellatur .

Nonnumquam etiam pluribus uerbis illud idem si-  
*Num. 11* gnificari solet . Atque huc pertinet , quod dicitur :  
 Non erit impossibile apud Deum omne uerbum .

*Sap. 12* Numquid manus Domini inualida est ? item , Sub-  
 est tibi , cum uolueris , posse . & alia generis eiusdem .  
 ex quibus uarijs dicendi formis id percipitur , quod  
 uno omnipotentis uerbo comprehendere perspicuum  
 est . Intelligimus autem hoc nomine , nihil esse , ni-  
 hil animo , & cogitatione fingi posse , quod Deus ef-  
 ficere nequeat . etenim non solum hæc , quæ tamen si  
 maxima sunt , aliquo tamen modo in cogitationem  
 nostram cadunt , efficiendi potestatem habet , nimi-  
 rum , ut omnia ad nihilum recidant , atq; ut plures  
 mundi ex nihilo repente existant , uerum etiam mul-  
 ta maiora in illius potestate sita sunt , quæ humane  
 menti , & intelligentiæ suspicari non licet . Neq; ue-  
 ro , cum omnia Deus possit , mentiri tamen , aut fal-  
 lere , aut falli , aut peccare , aut interire , aut igno-  
 rare aliquid potest . hæc enim in eam naturam ca-  
 dunt , cuius imperfecta actio est : Deus uero , cuius  
 perfectissima semper est actio , ideo hæc non posse  
 dicitur , quia , posse ea , infirmitatis est , non sum-  
 mæ , & infinitæ omnium rerum potestatis , quam  
 ille habet . Ita igitur Deum omnipotentem esse cre-  
 dimus , ut ab eo tamen longe omnia abesse cogi-  
 temus , quæ perfecte eius essentiae maxime coniun-  
 cta , & conuenientia non sunt .

*Fides de o-  
mnipoten-  
tia Dei quæ  
necessaria ,  
& utilis .*

Recte autem , sapienterque factum Parochus  
 ostendat , ut , prætermisissis alijs nominibus , quæ de  
 Deo dicuntur , hoc unum nobis credendum in Sym-  
 bolo

bolo proponeretur. Nam cum Deum omnipotentem agnoscimus, simul etiam fateamur necesse est, cum omnium rerum scientiam habere, omnia ite-  
 eius ditioni, & imperio subiecta esse. Cum uero, omnia ab eo fieri posse non dubitemus: cōsequens omnino est, ut cetera etiam explorata de illo habeamus; quę si desint, quo modo omnipotens sit, prorsus intelligere non possumus. Præterea nulla res tam ad fidem & spem nostram confirmandam ualeat, quam si fixum in animis nostris teneamus, nihil nō fieri a Deo posse. quidquid enim deinceps credere oporteat, quamuis magnum, & admirabile sit, rerumque ordinem, ac modum superet, illi tamen facile humana ratio, postquam Dei omnipotentis notitiam perceperit, sine ulla hēsitatione assentitur: quin potius, quo maiora sint, quę diuina oracula doceant, eo libentius fidem eis habendam esse existimat. Quod si boni etiam aliquid expectandum sit, numquam animus rei magnitudine, quam exoptat, frangitur; sed erigit sese, atque confirmat, sepe illud cogitans, nihil esse, quod ab omnipotenti Deo effici non possit. Quare hac fide præcipue munitos nos esse oportet, uel cum admiranda aliqua opera ad proximorum usum, & utilitatem edere cogimur, uel cum a Deo precibus impetrare aliquid uolumus. Alterum enim ipse Dominus docuit, cum apostolis incredulitatem obijciens diceret: Si habueritis fidem, sicut gran- Matth 17  
 num sinapis; dicetis monti huic, transi hinc illuc; & transibit; & nihil impossibile erit uobis. De altero autem sanctus Iacobus ita testatus est: Po- Iacob. 1  
 stulet in fide nihil hēsitans. qui enim hēsitat, similis

B 4 est

est fluctui maris, qui a uento mouetur, & circumfertur. non ergo estimet homo ille, quod accipiat aliquid a Domino. Multa præterea hæc fides comoda, atque utilitates nobis præbet, in primis uero ad omnem animi modestiam, & humilitatem nos instituit: sic enim inquit Princeps apostolorum:

*1. Pet. 5* Humiliamini sub potenti manu Dei. Monet etiam non esse trepidandum, ubi non sit timor, sed unum Deum timendum esse, in cuius potestate nos ipsi, nostraque omnia posita sint. ait enim Saluator noster: *Luc. 12* Ostendam uobis, quem timeatis, Timeceum, qui postquam occiderit, habet potestatem mittere in gehennam.

Vtîmur deinde hac fide ad immensa erga nos Dei beneficia cognoscenda, & celebranda. Nam qui Deum omnipotentem cogitat, tam ingrato animo esse non potest, quin sæpius exclamet: Fecit mihi magna, qui potens est. Sed quod patrem omnipotentem in hoc articulo uocamus, neminem eo errore duci oportet, ut arbitretur ita illi hoc nomen tributum esse, ut filio etiam, & spiritui sancto commune non sit. Nam quemadmodum Deum patrem, Deum filium, Deum spiritum sanctum, neque tamen tres Deos, sed unum Deum esse dicimus: ita eque patrem, ac filium, & spiritum sanctum omnipotentem; neque tamen tres omnipotentes, sed unum omnipotentem esse confitemur. At uero, præcipua quadam ratione, patrem, quia omnis originis fons est, hoc nomine uocamus, uti etiam filio, qui æternum patris uerbum est, sapientiam; & spiritui sancto, quia utriusque amor est, bonitatem tribuimus; quamuis hæc, & alia



& alia huiusmodi nomina cōmuniter in tribus personis, ex catholicæ fidei regula, dicantur.

CREATOREM CAELI, ET TERRAE.

Quam necessarium fuerit, omnipotentis Dei cognitionem paulo ante fidelibus tradi, ex ijs quæ nunc de uniuersorum creatione explicanda erunt, perspicui potest. Tanti enim operis miraculum facilius creditur, quod nullus de immensa creatoris potestate dubitandi locus relinquitur. Deus enim non ex materia aliqua mundum fabricatus est, sed ex nihilo creauit, idque nulla ui, aut necessitate coactus, sed sua sponte, & uoluntate instituit. Neque uero ulla alia fuit causa, quæ illum ad opus creationis impelleret, nisi ut rebus, quæ ab ipso effectæ essent, bonitatem suam impertiretur. nam Dei natura, ipsa per se beatissima, nullius rei indigens est, ut inquit Dauid: Dixi domino, Deus meus es tu, *Psal. 11* quoniam bonorum meorum non eges. Quemadmodum autem sua bonitate adductus, quæcumque uoluit, fecit: ita non exemplum aliquod, aut formam, quæ extra se posita esset, cum uniuersa conderet, secutus est; uerum quia rerum omnium exemplar diuina intelligentia continetur, id summus artifex in se ipso intuens, ac ueluti imitatus, summa sapientia, & infinita uirtute, quæ ipsius propria est, rerum uniuersitatem initio procreauit: Ipse *Psal. 148* enim dixit, & facta sunt: ipse mandauit, & creata sunt. Verum cæli, & terre nomine, quidquid cælum, & terra complectitur, intelligendum est. Nam præter cælos, quos opera digitorum eius Pro *Psal. 148* pheta appellauit, solis etiam splendorem, lunæque & ceterorum siderum ornatum addidit, atque,

ut essent in signa, & tempora & dies, & annos, ita celorum orbes certo, & constanti cursu temperavit, ut nihil perpetua eorum conuersione mobilius, nihil mobilitate illa certius uideri possit.

*De creatio-  
ne Angelo-  
rum, mun-  
di uisibilis,  
& ipsius ho-  
minis.*

*Ioan. 8*

*Augustinus  
lib. 12. de  
Ciu. Dei  
cap. 9*

*1. Reg. 14*

*Psal 102*

*2. Pet. 1*

Præterea spirituales naturam, innumerabilesque angelos, qui Deo ministrarent, atque adfisterent, ipse ex nihilo creauit, quos deinde admirabili gratiæ suæ, & potestatis munere auxit, atque ornauit. Nam cum illud sit in diuinis litteris, Diabolum in ueritate non fuisse: perspicuum est, eum, reliquosque desertores angelos abortus sui initio gratia præditos fuisse. de quo ita est apud sanctum Augustinum: Cum bona uoluntate; id est, cum amore casto, quo illi adherent, angelos creauit, simul in eis & condens naturam, & largiens gratiâ. Vnde sine bona uoluntate, hoc est Dei amore, numquam sanctos angelos fuisse credendum est. Quod autem ad scientiam attinet, extat illud sacrarum litterarum testimonium: Tu domine mi rex sapiens es, sicut habet sapientiam angelus Dei, ut intelligas omnia super terram. Potestatem denique eis tribuit diuinus David illis uerbis: Potentes uirtute, facientes uerbum illius. atque ob eam rem sæpe in sacris litteris uirtutes, & exercitus Domini appellantur. Sed quamuis omnes ij cælestibus donis ornati fuerint: plurimi tamen, qui a Deo parente, & creatore suo defecerunt, ex altissimis illis sedibus deturbati, atque in obscurissimum terræ carcerem inclusi, eternas superbiæ suæ pœnas luunt: de quibus Princeps apostolorum scribit in hunc modum: Angelis peccantibus non percutit, sed rudentibus Inferni detractos in Tartarum

rum



rum tradidit cruciandos, in iudicium reseruari.

At uero terram etiam super stabilitatem suam *Psal. 103*  
 fundatam Deus uerbo suo iussit in media mundi  
 parte consistere, effecitque ut ascenderent montes,  
 & descenderent campi in locum, quem fundauit  
 eis: ac, ne aquarum uis illam inundaret, terminum  
 posuit, quem non transgredientur, neque conuer-  
 tentur operire terram. Deinde non solum arbori-  
 bus, omnique herbarum, & florum uarietate con-  
 uestiuit, atque ornauit, sed innumerabilibus etiam  
 animantiū generibus, quemadmodū antea aquas,  
 & aera, ita etiam terras compleuit. Postremo, ex  
 limo terræ hominem sic corpore affectum, & con-  
 stitutum effinxit, ut non quidem naturæ ipsius ui,  
 sed diuino beneficio immortalis esset, & impassibi-  
 lis. Quod autē ad animam pertinet, eum ad imagi-  
 nem, & similitudinem suam formauit, liberumq;  
 ei arbitriū tribuit: omnes præterea motus animi,  
 atque appetitiones ita in eo tēperauit, ut rationis  
 imperio numquam non parerent. Tum originalis  
 iustitię admirabile donum addidit, ac deinde cete-  
 ris animantibus præesse uoluit: quę quidem facile  
 erit Parochis ad fideiū institutionem ex sacra Ge-  
 nesis historia cognoscere. Hęc igitur de uniuerso-  
 rum creatione, cæli, & terræ, uerbis intelligenda  
 sunt: quæ omnia breuiter quidem Propheta com-  
 plexus est illis uerbis: Tui sunt cæli, & tua est terra: *Psal. 88*  
 orbem terræ, & plenitudinem eius tu fundasti: sed  
 multo etiam breuius Patres Niceni Concilij, ad-  
 ditis in Symbolo duobus illis uerbis, uisibilium, &  
 inuisibilium significauerunt. Quæcumque enim  
 rerum uniuersitate comprehenduntur, atque a Deo  
 crea-



creata esse confitemur, ea uel sub sensum cadunt, & uisibilia dicuntur; uel mente, & intelligentia præcipi a nobis possunt, quæ inuisibilium nomine significantur. Nec uero ita Deum creatorem, atque effectorem omnium credere oportet, ut existimemus, perfecto, absolutoque opere, ea, quæ ab ipso effecta sunt, deinceps sine infinita eius uirtute constare potuisse. Nam quemadmodum, omnia ut essent, creatoris summa potestate, sapientia, & bonitate effectum est; ita etiam, nisi conditis rebus perpetua eius prouidentia adesset, atque eadem ui, qua ab initio constitutæ sunt, illas conseruaret, statim ad nihilum reciderent. atque id scriptura declarat, cum inquit: Quo modo posset aliquid permanere, nisi tu uoluisses, aut, quod a te uocatum non esset, conseruaretur? Non solum autem Deus uniuersa, quæ sunt, prouidentia sua tuetur, atque administrat; uerum etiam, quæ mouentur, & agunt aliquid, intima uirtute ad motum, aque actionem ita impellit, ut quamuis secundarum causarum efficientiam non impediat, præueniat tamen, cum eius occultissima uis ad singula pertineat, & quemadmodum Sapiens testatur: Attingat a fine usque ad finem fortiter, & disponat omnia suauiter. Quare ab Apostolo dictum est, cum apud Athenienses annuntiaret Deum, quem ignorantes colebant: Non longe est ab unoquoque nostrum. in ipso enim uiuimus, & mouemur, & sumus. Atque hæc de primi articuli explicatione satis fuerint; si tamen illud etiam admonuerimus, creationis opus omnibus sanctæ & indiuiduæ Trinitatis personis commune esse. Nā hoc loco,

loco, ex apostolorum doctrina, patrem creatore  
 cæli, & terræ confitemur: in scripturis sacris legi-  
 mus de filio; Omnia per ipsum facta sunt: & de Spi *Ioan. 1*  
 ritu sancto, Spiritus Domini ferebatur super aquas: *Gen. 1*  
 & alibi, Verbo Domini cæli firmati sunt, & spiri *Psal. 32*  
 tu oris eius omnis uirtus eorum.

ET IN IESVM CHRISTVM, FILIVM  
 EIVS VNICVM, DOMINVM NOSTRVM.  
 Mirificam, & uberrimam esse utilitatem, quæ ex  
 huius articuli fide, & confessione confluit ad hu-  
 manum genus, & illud sancti Ioannis testimoniū  
 ostendit: Quisquis confessus fuerit, quoniā Iesus *1. Ioan. 4*  
 est filius Dei, Deus in eo manet, & ipse in Deo: &  
 beatitudinis præconium declarat, quod a Christo  
 domino tributū est Principi apostolorum. Beatus *Matth. 16*  
 es Simon Bariona, quia caro, & sanguis nō reuela-  
 uit tibi, sed pater meus, qui in cælis est. Hoc enim  
 fundamentum firmissimum est nostræ salutis, ac  
 redemptionis. Sed quoniam admirabilis huius uti-  
 litatis fructus maxime ex felicissimi illius status  
 ruina intelligitur, in quo Deus primos homines  
 collocarat; incumbat in hanc curā Parochus, ut fi-  
 deles communium miseriarum, & ærumnarum  
 causam cognoscant. Cū enim a Dei obedientia de-  
 sciuiſſet Adam, interdictumque uiolasset illud, Ex *Gen. 2*  
 omni ligno paradisi comede; de ligno autem sciē-  
 tiæ boni, & mali ne comedas: in quocumque enim  
 die comederis ex eo, morte morieris: in summam  
 illam incidit calamitatem, ut sanctitatem, & iusti-  
 tiam, in qua constitutus fuerat, amitteret, & reli-  
 qua subiret mala, quæ sancta Tridentina Synodus *Conc. Trid.*  
 uberius explicauit. Propterea uero peccatum, &  
 pec-

peccati pœnam in uno Adam non constituisse commemorabunt, sed ex eo, tamquam ex semine, & causa, ad omnem posteritatem iure permanasse. Cum igitur ex altissimo dignitatis gradu cōcidisset nostrum genus, subleuari inde, & in pristinum locum restitui nullo modo poterat hominum aut angelorum uiribus: quare reliquum erat illud ruine, & malorum subsidium, ut Dei filij infinita uirtus, assumpta carnis nostræ imbecillitate, infinitam tolleret peccati uim, & nos reconciliaret Deo in sanguine suo. Huius autem redemptionis fides, & cōfessio hominibus ad salutem consequendā necessaria est, semperque fuit, quam Deus initio præmonstrauit. nam in illa damnatione humani generis, quæ statim peccatum consecuta est, ostensa etiam spes redemptionis est illis uerbis, quibus propriū Diabolo damnum, quod ex liberatione hominū facturus erat, denunciauit: Inimicitias ponam inter te, & mulierem, semen tuum, & semen illius: ipsa conteret caput tuum, & tu insidiaberis calcaneo eius. Et deinceps eandem promissionem sæpe cōfirmauit, maioremque sui consilij significationem ijs præsertim hominibus dedit, quibus uoluit singularem beneuolentiam præstare. Inter ceteros uero, cum patriarchæ Abrahamæ sæpenumero hoc mysterium significasset, tum eo tempore apertius declarauit, cum ille Dei iussis obediens, filium suū unicū Isaac immolare uoluit: ait enim: Quia fecisti hanc rem, & non pepercisti filio tuo unigenito, benedicam tibi, & multiplicabo semen tuum sicut stellas cæli, & uelut arenam, quæ est in littore maris. possidebit semen tuum portas inimicorū tuorum,

rum,



rum, & benedicentur in semine tuo omnes gentes terræ, quia obedisti uoci meæ. Ex quibus uerbis facile colligi poterat, ex progenie Abraham futurum, qui omnibus ab immanissima Satane tyrannide libertatis salutē afferret. illum autem Dei filium, natum ex semine Abraham, secundum carnem fore necesse erat. Non ita multo post Dominus, ut eiusdē promissionis memoria conseruaretur, idem fœdus cum Iacob Abraham nepote sanciuit. nam cum ille in somnis uidit scalam stantem super terram, & cacumen illius tangens celos, angelos quoq; Dei ascendentes & descendentes per eam, ut testatur scriptura; audiuit etiam Dominum innixum scale dicentem sibi: Ego sum dominus Deus Abraham patris tui, & Deus Isaac. terram, in qua dormis, tibi dabo, & semini tuo; eritq; semen tuum quasi puluis terre. Dilataberis ad orientem, & occidentem, & septentrionem, & meridiem, & benedicentur in te, & in semine tuo cuncte tribus terre. Neque postea destitit Deus, eadem sui promissi memoria renouanda, & generi Abraham, & multis præterea hominibus Saluatoris expectationem commouere: siquidem Iudæorum republica, & religione constituta, notior populo suo fieri cepit. nam & mutę res significarunt, & homines prædixerunt, quæ, & quanta nobis bona saluator ille, & redemptor noster Christus Iesus allaturus esset. Ac prophete quidem, quorum mens cælesti lumine illustrata fuit, filij Dei ortum, admirabilia opera, quę homo natus efficit, doctrinam, mores, consuetudinem, mortem, resurrectionem, ceteraq; eius mysteria, hæc omnia, quasi tum adessent,

Gen. 28

Gen. 28

sent, palam docentes, populo prænunciarunt; ita ut, si futuri, & præteriti temporis tollatur diuersitas, nihil iam inter prophetarum prædicta, & apostolorum prædicationem, nihil inter ueterum patriarcharum fidem, & nostram interesse uideamus. Sed iam de singulis articuli partibus dicendum uidetur.

**I E S V S**, proprium est nomen eius, qui Deus, & homo est, quod saluatorem significat, non quidem fortuito, aut hominum iudicio, & uoluntate, sed Dei consilio, & præcepto illi impositum. **Luc. 1** Angelus enim Mariæ matri ita annunciauit: Ecce concipies in utero, & paries filium, & uocabis nomen eius Iesum. Ac deinde Ioseph uirginis sponso non solum, ut eo nomine puerum appellaret, præcepit; sed etiam, cur ita nominandus esset, **Matth. 1** declarauit; ait enim: Ioseph, filij Dauid, noli timere accipere Mariam coniungem tuam: quod enim in ea natum est, de spiritu sancto est: pariet autem filium, & uocabis nomen eius Iesum: ipse enim saluum faciet populum suum a peccatis eorum. Ac multi quidem hoc nomine fuerunt in diuinis litteris. nam idem nomen Naue filio fuit, qui Moyse successit, & populum a Moyse ex Aegypto liberatum, in terram promissionis, quod illi negatum fuerat, deduxit. Eodem etiam nomine Iosedec, sacerdotis filius appellatus est. Sed quanto uerius saluatorem nostrum hoc nomine appellandum existimabimus; qui non uni alicui populo, sed uniuersis omnium ætatum hominibus, non quidē fame, aut Aegyptiaco, uel Babylonico dominatu oppressis, sed in umbra mortis sedentibus; & durissi-

rissimis peccati, & Diaboli uinculis obstrictis, lucem, libertatem, & salutem dederit: qui eis cælestis regni ius, & hereditatem acquisiuerit; qui eos Deo patri reconciliauerit. in illis Christum dominum adumbratum uidemus, a quo ijs beneficijs, quæ diximus, cumulatum est genus humanum. Quæ præterea nomina prædicta sunt Dei filio diuinitus imponenda, ad unum hoc Iesus nomen referuntur. cum enim cetera salutem, quā nobis daturus erat, aliqua ex parte attingerent, hoc ipsum uniuersæ salutis humanæ uim, rationemq; complexum est.

Iesus nomini Christi etiam nomen additum est, quod unctum significat, & honoris, & officij nomen est, nec unius rei proprium, sed commune multorum. nam ueteres illi Patres nostri Christos appellabant sacerdotes, & reges, quos Deus propter muneris dignitatem ungi præceperat. Sacerdotes enim ij sunt, qui populum assiduis precibus Deo commendant, qui sacrificia Deo faciunt, qui pro populo deprecantur. Regibus autem populorum gubernatio commissa est, ad eosque pertinet maxime, legum auctoritatem, innocentium uitam tueri, & nocentium audaciam ulcisci. Quoniā igitur utraque harum functionum Dei maiestatem referre in terris uidetur; ideo qui uel ad regium, uel ad sacerdotale munus obeundum delecti erant, unguento ungebantur. Prophetas etiā ungendi mos fuit, qui Dei immortalis interpretes, & internuncij cælestia arcanā nobis aperuerunt, atque ad emendandos mores salutaribus præceptis, & futurorum prædictione hortati sunt. At uero cum Iesus Christus Saluator noster in mundum uenit, trium personarum

*Iesus Christus rex, sacerdos, & propheta summus.*

C

partes,



partes, & officia suscepit, prophetæ, sacerdotis, ac regis, atque ob eas causas Christus dictus est, & vnctus ad illorum munerum functionem, nō quidem alicuius mortalis opera, sed cælestis patris virtute, non terreno vnguento, sed spirituali oleo; quippe cum in sanctissimam eius animam spiritus sancti plenitudo, gratiaque, & omnium donorum vberior copia effusa sit, quam vlla alia creata natura capere potuerit. atque id præclare Propheta ostendit, cum redemptorem ipsum affatus diceret:

*Psal.* 44 Dilexisti iustitiam, & odisti iniquitatem: propterea vnxit te Deus Deus tuus oleo lætitiæ præ confortibus tuis. Idem etiam, ac multo apertius Isaias

*Isa.* 61 ijs verbis demonstravit: Spiritus Domini super me, eo quod vnxit Dominus me, ad annūciandū mansuetis misit me. Itaque Iesus Christus summus propheta, & magister fuit, qui nos Dei voluntatem docuit, & a cuius doctrina orbis terrarum patris cælestis cognitionem accepit: quod ei nomē præclarius, ac præstantius conuenit, quod omnes quicumque prophetæ nomine dignati sunt, eius discipuli fuerunt, atque ob illam præcipue causā missi, vt prophetam hunc, qui ad saluādos omnes venturus erat, prænunciarent. Christus item sacerdos fuit, non quidem ex ordine, ex quo in veteri lege leuiticę tribus sacerdotes extiterunt; verum ex il-

*Psal.* 109 lo, de quo David propheta cecinit: Tu es sacerdos in æternum secundum ordinem Melchisedech.

*Hebr.* 5.7 Cuius rei argumentum Apostolus ad Hebręos scribens, accurate persecutus est. sed Christum, non solum vt Deus, verum vt homo, ac nostrę naturę particeps est, regem etiam agnoscimus; de quo angelus

gelus testatus est: Regnabit in domo Iacob in æternum, & regni eius non erit finis. Quod quidem Christi regnum spirituale est, atque æternum, in terrisque inchoatur, in cælo perficitur. Ac regis quidem officia admirabili providentia suæ præstat Ecclesiæ: ipse eam regit, ipse ab hostium impetu, atque insidijs tuetur: ipse ei leges præscribit: ipse non solum sanctitatem, iustitiam largitur, verum etiam ad perseverandum facultatem, & vires præbet. quamquam autem huius regni finibus tam boni, quam mali contineantur, atque adeo omnes homines iure ad illud pertineant: ij tamen præ ceteris summam regis nostri bonitatem, & beneficentiam experiuntur, qui ex eius præceptis integram, atque innocentem vitam degunt. neque vero hoc illi regnū hereditario aut humano iure obtigit, tamen si genus a clarissimis regibus duceret; sed rex fuit, propterea quod Deus in illū hominē contulit quidquid potestatis, amplitudinis, dignitatis hominis natura capere posset. Illi igitur totius mundi regnum tradidit, eique omnia, quod iā fieri cœptū est, plene, perfecteque in die iudicii subiicietur.

**FILIVM EIVS VNICVM.** His verbis altiora mysteria de Iesu credenda, & contemplanda, fidelibus proponuntur, nimirum filium Dei esse, & verum Deum, sicuti pater est, qui eum ab æterno genuit. præterea illum diuinę Trinitatis secundam personam alijs duabus omnino equalem confitemur. nihil enim impar, & dissimile in diuinis personis aut esse, aut fingi animo debet, cum vnam omnium essentiam, voluntatem, potestatem agnoscamus. quod cum multis pateat diuinę scripturę

C 1 oraculis,

oraculis, tum præclarissime illud ostendit sancti  
*Ioan.* 1 Ioannis testimoniū: In principio erat uerbum, &  
 uerbum erat apud Deum, & Deus erat uerbum.  
 Sed cum Iesum filiū Dei esse audimus, nihil terre-  
 num, aut mortale de eius ortu cogitandum est; ue-  
 rum ortum illum, quo ab omni æternitate pater fi-  
 lium genuit, quem ratione percipere atque perfecte  
 intelligere nullo modo possumus, cōstanter crede-  
 re, & summa animi pietate colere debemus, ac ue-  
 luti mysterij admiratione obstupefacti, illud cum  
*Isa.* 53 Propheta dicere, Generationem eius quis enarra-  
 bit? Hoc igitur credendum est, filium eiusdem esse  
 nature, eiusdem potestatis, & sapientiæ cum patre,  
 ut in Symbolo Nicæno explicatius confitemur: ait  
 enim: Et in Iesum Christum, filium eius unigeni-  
 tum, & ex patre natum ante omnia sæcula, Deum  
 de Deo, lumen de lumine, Deum uerum de Deo  
 uero, genitum non factum, consubstantialem pa-  
 tri, per quem omnia facta sunt. Ex omnibus autē,  
 quæ ad indicandum modum, rationemque æternæ  
 generationis similitudines afferuntur, illa propius  
 ad rem uidetur accedere, quæ ab animi nostri cogi-  
*1 Ioan.* 1 tatione sumitur. quamobrem sanctus Ioannes fi-  
 lium eius Verbum appellat. Vt enim mens nostra,  
 se ipsam quodam modo intelligēs, sui effingit ima-  
 ginem, quam Verbum Theologi dixerūt: ita Deus,  
 quantum tamen diuinis humana conferri possunt,  
 se ipsum intelligens, Verbum æternum generat.  
 etsi præstat contemplari, quod fides proponit, &  
 sincera mente Iesum Christum uerum Deum, &  
 uerum hominem credere, & confiteri, genitū qui-  
 dem, ut Deum, ante omnium sæculorum ætates,  
 ex



ex patre; ut hominem uero, natum in tempore ex matre Maria uirgine . & quamquam duplicem eius natiuitatem agnoscamus, unum tamen filium esse credimus . Vna enim persona est, in quam diuina , & humana natura conuenit. Et quod ad diuinam generationem attinet , nullos aut fratres, aut coheredes habet, cum ipse patris unicus filius, nos uero homines figmentum, & opus manuum eius simus . At si humanum ortum consideremus, multos ille non solum fratrum nomine appellat, sed fratrum etiam loco habet, ut una cum eo paterne hereditatis gloriam adipiscantur . ij sunt, qui fide Christum dominum receperunt, & fidem, quam nomine profitentur, re ipsa, & charitatis officijs præstant. quare primogenitus in multis fratribus Rom. 8 ab Apostolo uocatur .

DOMINVM NOSTRVM. Multa sunt, quæ de Saluatore nostro in sacris litteris dicuntur: quorum alia, ut Deus est, alia ut homo, ipsi conuenire perspicuum est, quoniam a diuersis naturis diuersas earum proprietates accepit . Igitur uere dicimus Christum esse omnipotentem, æternum, immensum: quod a diuina natura habet . rursus de illo dicimus, passum, mortuum esse, resurrexisse: quæ naturæ hominum conuenire nemo dubitat. Verum præter hæc, quædam alia utrique naturæ congruunt, ut hoc loco, cum Dominum nostrum dicimus. Igitur si ad utramque naturam hoc nomen referatur, merito Dominus noster prædicandus est , Nam quemadmodum ipse æternus Deus est, uti pater; ita omnium rerum æque dominus est, ac pater, & quemadmodum ipse & pater non est alius, atque

alius Deus, sed idem plane Deus; ita etiā ipse, & pater non est alius, atque alius dominus. Sed recte etiam multis rationibus, ut homo est, Dominus noster appellatur. Ac primum quidem, quoniam ipse redemptor noster fuit, atque a peccatis nos liberauit, iure hanc potestatem accepit, ut uere Dominus noster esset, ac diceretur. ita enim Apo-

*Philip. 2* stolus docet: Humiliauit semetipsum, factus obediens usque ad mortem, mortem autem crucis: propter quod & Deus exaltauit illum, & donauit illi nomen, quod est super omne nomē, ut in nomine I E S V omne genu flectatur, cælestium, terrestrium, & infernorum; & omnis lingua confiteatur, quia dominus Iesus Christus in gloria est Dei

*Matth. 28* patris. Atque ipse de se post resurrectionem, Data est, inquit, mihi omnis potestas in cælo, & in terra. ob eam quoque rem Dominus dicitur, quod in una persona duæ naturæ, diuina, & humana, coniunctæ sint. hac enim admirabili coniunctione meruit, ut quamuis pro nobis mortuus non esset, tamē dominus constitueretur cōmuniter quidem omnium rerum, quæ conditæ sunt, præcipue autem fideiū, qui illi parent, atq; summo animi studio inseruiunt.

*Quantū homo Christianus Christo debeat.*

Quod igitur reliquum est, Parochus fidelem populum ad eam rationē cohortabitur, ut sciat equissimum esse, præ ceteris hominibus nos, qui ab eo nomē inuenimus, Christianique uocamur, & quāta ille in nos beneficia cōtulerit, ignorare non possumus, ob id maxime, quod eius munere hæc omnia fide intelligimus; æquum esse, inquam, nos ipsos, nō secus ac mancipia, redemptori nostro, & domino in perpetuum addicere, & consecrare. Et quidē,  
cum

cum baptismo initiaremur, ante ecclesię fores id professi sumus. declarauimus enim, nos Satanę, & mundo renunciare, & Iesu Christo totos nos tradere. Quod si, ut Christianę militię adscriberemur, tum sancta, & sollemni professione nos ipsos Domino nostro deuouimus: quo supplicio digni erimus, si, postquam ecclesiam ingressi sumus, Dei uoluntatem, & leges cognouimus; postquam sacramentorum gratiam percepimus; ex mundi, & diaboli preceptis, ac legibus uixerimus; perinde ac si, cum baptismo abluti sumus, mundo, & Diabolo, nō Christo domino, ac redemptori, nomen dedissemus? Sed cuius animum amoris facibus non incendat tanti domini tam benigna, & propensa in nos uolūtas, qui, tametsi nos in potestate sua, & dominatu ueluti seruos sanguine suo redemptos habeat; ea tamen charitate complectitur, ut non seruos uocet, sed amicos, sed fratres? Hęc profecto iu- Ioan 15  
stissima causa est, atque haud scio an omnium sit maxima, cur eum perpetuo debeamus dominum nostrum agnoscere, uenerari, & colere.

QVI CONCEPTVS EST DE SPIRITU  
SANCTO, NATVS EX MARIA VIRGINE.  
Maximo quidem & singulari beneficio humanum genus a Deo affectum esse, qui nos e durissimi tyranni seruitute in libertatem uindicarit, ex ijs, quę superiori articulo declarata sunt, intelligere fideles possunt. At uero si consilium etiam, & rationē, qua potissimū id efficere uoluit, nobis ante oculos ponamus; profecto nihil diuina in nos beneficentia, ac bonitate illustrius, nihil magnificentius esse uidebitur. Eius igitur mysterij magnitudinem, quod

C 4 nobis



nobis tamquam salutis nostrę præcipuū caput sacre litterę considerandum sæpissime proponunt, Paroçhus a tertij articuli explicatione ostēdere incipiet: cuius hanc esse sententiam docebit, nos credere, & confiteri, eum ipsum Iesum Christum, unicum dominum nostrum, Dei filium, cum pro nobis humanā carnem suscepit in utero uirginis, non ex uirili semine, ut alij homines, sed supra omnem naturę ordinem spiritus sancti uirtute cōceptū esse, ita ut eadem persona Deus permanens, quod ex æternitate erat, homo fieret, quod ante nō erat. Ea autem uerba ita accipienda esse, ex sacri Concilij Constantinopolitani confessione plane perspicitur. ait enim: Qui propter nos homines, & propter nostram salutem descendit de cælis, & incarnatus est de spiritu sancto ex Maria uirgine, & homo factus est. Atque id etiam sanctus Ioannes Euangelista explicauit, ut qui ex ipsius Domini Saluatoris pectore altissimi huius mysterij cognitionem hausisset. nam cum diuini uerbi naturam declarasset illis uerbis: In principio erat uerbum, & uerbum erat apud Deum, & Deus erat uerbum; ad extremum conclusit: Et uerbum caro factum est, & habitauit in nobis. Verbum enim, quod diuinę naturę hypostasis est, ita humanam naturam assumpsit, ut una, & eadem esset diuinę, & humanę naturę hypostasis, ac persona: quo factū est, ut tam admirabilis coniunctio utriusque naturę actiones, & proprietates conseruaret, atque, ut

*Ioan I* est apud sanctum Leonem magnum illum Pontificem, Nec inferiorem consumeret glorificatio, nec superiorem minueret assumptio.

*S. Leo PP.*

Sed

Sed quoniam prætermittenda nō est uerborum explanatio, doceat Parochus, cū dicimus, Dei filiū spiritus sancti uirtute conceptum esse, unā hanc diuinę Trinitatis personam incarnationis mysteriū non confecisse. Quamuis enim unus filius humanā naturam assumpserit; tamen omnes diuinę Trinitatis persone, Pater, Filius, & Spiritus sanctus, huius mysterij auctores fuerunt. siquidē illa Christianę fidei regula tenēda est: Omnia quę Deus extra se in rebus creatis agit, tribus personis cōmunia esse, neque unā magis quam aliā, aut unam sine alia agere. Quod autē una persona ab alia procedat, hoc unū omnibus cōmune esse non potest. nā filius a patre tantū generatur, spiritus s̄ctus a patre, & filio procedit. quidquid uero extra illas ab ipsis proficiscitur, tres persone sine ullo discrimine agūt, atque ex hoc genere filij Dei incarnatio censenda est. Quāquam uero hec ita se habeant, solent tamen sacrę litterę earū rerum, quę omnibus personis cōmunes sunt, aliam alijs tribuere; quemadmodum summā omnium rerum potestatem patri, sapientiam filio, spiritui sancto amorem adscribunt. Et quoniā diuinę incarnationis mysterium singularem, atque immēsam Dei erga nos benignitatem declarat, ob eam rem peculiari quadā ratione hoc opus spiritui sancto tribuitur. In hoc mysterio quędam supra naturę ordinem, quędam naturę ui effecta esse animaduertimus. Nam, quod ex purissimo uirginis matris sanguine Christi corpus formatum credimus, in eo naturam humanam agnoscimus: cum illud omniū hominum corporibus cōmune sit, ut ex matris sanguine formentur. Quod uero & nature

turæ ordinem, & humanam intelligentiam superat, illud est, simul atque beata uirgo angeli uerbis  
**Luc. 1** assentiens dixit: Ecce ancilla Domini, fiat mihi secundum uerbum tuum: statim sanctissimum Christi corpus formatum, eique anima rationis compos coniuncta est; atque ita in ipso temporis articulo perfectus Deus, & perfectus homo fuit. Hoc autem nouum fuisse, atque admirabile spiritus sancti opus, nemo dubitare potest, cum, seruato naturæ ordine, nullum corpus, nisi intra præscriptum temporis spatium, hominis anima informari queat. Deinde uero illud accedit, maxima admiratione dignum, quod, ut primum cum corpore anima coniuncta fuit, ipsa etiam diuinitas cum corpore, & anima copulata est. quare simul corpus formatum, atque animatum est, corpori, & animæ diuinitas coniuncta. ex quo fit, ut eodem temporis puncto perfectus Deus, & perfectus homo esset, & uirgo sanctissima uere, & proprie mater Dei, & hominis diceretur, quod eodem momento Deum, & hominem concepisset. Hoc autem ab angelo ei significatum est, cum ait: Ecce concipies in utero, & paries filium, & uocabis nomen eius IESVM: hic erit magnus; & filius altissimi uocabitur. Et euentu comprobatum est, quod Isaias prædixit: Ecce uirgo concipiet, & pariet filium. Idem quoque Elisabeth, cum spiritu sancto repleta filij Dei conceptionem intellexisset, his uerbis declarauit: Vnde hoc mihi, ut ueniat mater Domini mei ad me? Sed quemadmodum Christi corpus ex purissimis integerrimæ uirginis sanguinibus sine ulla uiri opera, ut antea diximus, uerum sola spiritus sancti uirtute for-



te formatum est : ita etiam , ut primum conceptus est , illius anima uberrimam spiritus Dei copiam , atque omnem charismatum abundantiā accepit . neque enim , ut alijs hominibus , qui sanctitate , & gratia ornantur , ipsi ad mensuram , ut testatur sanctus Ioannes , dat Deus spiritum ; sed omnem gratiam tam affluenter in eius animam infudit , ut de plenitudine eius nos omnes acceperimus . Ioan. 3 Neque tamen filium Dei adoptiuum appellare licet , quamuis spiritum illum habuerit , quo sancti homines filiorum Dei adoptionem consequuntur . nā cum natura filius Dei sit , adoptionis gratiam , aut nomen in eum conuenire nullo modo existimandum est . Hæc sunt , quæ de admirabili conceptionis mysterio explicanda uisa sunt . ex quibus ut salutaris fructus ad nos redundare possit , illa in primis fideles memoria repetere , ac sepius cogitare cū animis suis debent , Deum esse , qui humanam carnem assumpsit ; ea uero ratione hominem factum , quam mente nobis assequi non licet , nedum uerbis explicare ; ob eum denique finem hominem fieri uoluisse , ut nos homines filij Dei renasceremur . Ioan. 1 Hæc cum attente considerauerint , tū uero omnia mysteria , quæ hoc articulo continentur , humili ac fidei animo credant , & adorēt ; nec curiose , quod sine periculo uix umquam fieri potest , illa inuestigare , ac perscrutari uelint .

NATVS EX MARIA VIRGINE . Hæc altera est huius articuli pars , in qua explicanda Parochus diligenter uersabitur , cum fidelibus credendum sit , Iesum dominum non solum conceptum spiritus sancti uirtute , sed etiam ex Maria uirgine natum ,

tum ,

tum, & in lucem editum esse. cuius mysterij fides quanta cum lætitia, & iucunditate animi meditata sit, angeli uox, qui primus felicissimum

**Luc. 2** nuncium mundo attulit, declarat. ait enim: Ecce euangelizo vobis gaudium magnum, quod erit omni populo. Tum ex illius cælestis militiæ can-

**Luc. 2** tico; Gloria in altissimis Deo, & in terra pax hominibus bonæ voluntatis; quod angeli cecinerunt, facile est intelligere. Hinc etiam amplissimū illud Dei promissum ad Abrahamā impleri cœptū est, cui

**Gen. 22** dictum est, fore aliquādo, ut in eius semine omnes gentes benedicerentur. Maria enim, quam uere matrem Dei prædicamus, & colimus, quod eam personam, quæ simul Deus, & homo erat, peperit, a Dauide rege originem duxit. Sed quemadmodum conceptio ipsa naturæ ordinē prorsus uincit: ita in ortu nihil nō diuinum licet contemplari. Præterea, quo nihil admirabilius dici omnino, aut cogitari potest, nascitur ex matre sine ulla maternæ uirginitatis diminutione. & quo modo postea ex sepulcro clauso, & obsignato egressus est, atque ad di-

**Ican. 20** scipulos clausis ianuis introiuit; uel, ne a rebus etiā quas natura quotidie fieri uidemus, discedatur, quo modo solis radij concretā uitri substantiā penetrāt, neque frangunt tamen, aut aliqua ex parte ledunt: simili, inquam & infinitis partibus altiori modo Iesus Christus ex maternæ aluo, sine ullo maternæ uirginitatis detrimento, editus est. ipsius enim incorruptam, & perpetuam uirginitatem uerissimis laudibus celebramus. Quod quidē spiritus sancti uirtute effectum est, qui in filij conceptione, & partu, matri ita affuit, ut ei & fœcunditatem dederit,

& perpe-

& perpetuam uirginitatem conseruari. Solet interdum Apostolus Christum Iesum nouissimum Adam appellare, eumque primo Adam conferre. *1. ad Cor. 15* nā' ut in primo omnes homines moriuntur, ita in secundo omnes ad uitā reuocantur: atque ut Adā, quod ad naturalem condicionem pertinet, humani generis parens fuit, ita Christus gratiæ, & gloriæ auctor est. Ad eum modum nobis etiam licet uirginem matrem cum Eua ita conferre, ut priori Eux secunda Eua, quæ est Maria, respondeat, quemadmodum secundum Adam, hoc est Christum, primo Adam respondere ostendimus. Eua enim, quia serpenti fidem habuit, maledictum, & mortem in humanum genus inuexit: & Maria postquam angelo credidit, Dei bonitate effectum est, ut benedictio, & uita ad homines perueniret. Propter Euam nascimur filij iræ: a Maria Iesum Christum accepimus, per quem filij gratiæ regeneramur. Eux dictum est: In dolore paries filios. *Gen. 3* Maria hac lege soluta est, ut quæ, salua uirginalis pudicitiae integritate, sine ullo doloris sensu, ut antea dictum est, Iesum filium Dei peperit.

Cum igitur tanta, & tam multa sint admirandæ huius conceptionis, & natiuitatis sacramenta, *Prophetia & figura* diuinæ prouidentiae consentaneum fuit, ut ea multis figuris, & oraculis significarentur. Quare huc *conceptionis & natiuitatis Iesu Christi.* pertinere sancti Doctores intellexerunt multa, quæ in uarijs sacre scripture locis legimus, præcipue uero Portam illam sanctuarij, quam Ezechiel clausam uidit: item lapidem de monte sine manibus *Ezech. 44 Dan. 2* abscissum, ut est apud Danielelem, qui factus est magnus mons, & impleuit uniuersam terram, deinde  
Aaron



Num. 17  
Exod. 3  
Luc. 2

Aaron uirgam, quę una inter uirgas principum  
Israclis germinauit: & rubum, quem Moyſes uidit  
ardere, & non comburi. Multis uerbis ſanctus  
Euangelista, Chriſti natiuitatis hiftoriam deſcripfit.  
qua de re nihil eſt quod plura a nobis dicantur, cū  
ea lectio Parocho in promptu ſit. Danda autem illi

Rom. 15

eſt opera, ut hęc myſteria, quę ad doctrinam no-  
ſtram ſcripta ſunt, infixæ animo, & mentibus fide-  
lium hæreant; primum quidem, ut tanti beneficii  
cōmemoratione aliquam gratiã eius auctori Deo  
referant; deinde ut eximium hoc, & ſingulare hu-  
militatis exemplum eis ante oculos ad imitandum  
proponat. Quid enim nobis utilius, atque ad ani-  
morum noſtrorum ſuperbiam, & elationem com-  
primendam accommodatius eſſe poteſt, quã ſepius  
cogitare, Deum ita ſeſe humiliare, ut cū hominibus  
gloriam ſuam communicet, & hominū infirmita-  
tem, fragilitatemq; aſſumat; Deum hominē fieri,  
ſummamq; illam, & infinitā maiestātē homini mi-

Iob 26

niſtrare, ad cuius nutū columnæ cæli, ut inquit ſcri-  
ptura, contremiſcunt, & pauent, eumq; in terra na-  
ſci, quem in cælis angeli adorant? Quid igitur, cū  
hęc Deus noſtra cauſa faciat, quid, inquam, nos,  
ut illi obſequamur, facere oportet? quam libenti,  
atq; alacri animo debemus omnia humilitatis offi-  
cia amare, amplecti, præſtare? Videant fideles quã  
ſalutari doctrina Chriſtus naſcens nos inſtituat, an-  
tequam uocē aliquam emittere incipiat. Naſcitur  
egenus: naſcitur ut peregrinus in diuerſorio: naſci-  
tur in uili præſepio: naſcitur media hieme. ita enim

Luc. 2

ſcribit ſanctus Lucas: Factum eſt, cum eſſent ibi,  
impleti ſunt dies, ut pareret, & peperit filium ſuū  
primoge-

primogenitum, & pannis eum inuoluit, & reclinauit eū in præsepio, quia nō erat ei locus in diuersorio. Potuit ne Euāgelista humilioribus verbis omnem celi, & terre maiestatem, & gloriam includere? Neque vero scribit, nō fuisse locum in diuersorio, sed ei non fuisse, qui dicit: Meus est orbis terræ, & Psal 49 plenitudo eius. Quod etiā alius Euāgelista testatus est: In propria venit, & sui eum non receperunt. Ioan. 1

Hæc cum fideles sibi ante oculos proposuerint, *Incarnatio  
nis filij Dei  
mysterium  
quanto pie-  
tatis studio  
recolendū .* tum vero cogitēt, Deum carnis nostræ humilitatē, & fragilitatem subire voluisse, vt humanum genus in altissimo dignitatis gradu collocaretur. Nam illud vnum satis declarat excellentē hominis dignitatem, & præstantiam, quæ illi diuino beneficio tributa est, quod homo fuerit, qui idē verus, & perfectus Deus sit: vt iam gloriari nobis liceat, filium Dei os nostrum, & carnem nostram esse; quod beatissimis illis spiritibus non licet: nusquam enim, vt est apud Apostolum, angelos apprehendit, *Hebr. 2* sed semen Abraham apprehendit. Præterea cauendum est, ne maximo nostro malo eueniat, vt, quēadmodū illi in diuersorio Bethlechem locus, vbi nasceretur, defuit; ita etiam, quando iam in carne non nascitur, locū in cordibus nostris inuenire non possit, vbi in spiritu nascatur. hoc enim, cum salutis nostræ cupidissimus sit, vehementer optat. nam vt ille spiritus sancti virtute supra naturæ ordinem homo factus, & natus est, sanctusque, atque adeo sanctitas ipsa fuit: ita nos oportet, non ex sanguinibus, *Ioan. 1* neque ex voluntate carnis, sed ex Deo nasci, ac deinde veluti nouam creaturam in nouitate *Ad Roma-* spiritus ambulare, sanctitatem illam, ac mentis *nos 6.7* integri

1. ad Cor. 2

integritatem custodire, quæ homines spiritu Dei regeneratos maxime decet. hac enim ratione sanctæ huius filij Dei conceptionis, & natiuitatis imaginem aliquam in nobis ipsis exprimemus, quam fidei animo credimus, & credentes Dei sapientiã in mysterio, quæ abscondita est, suspicimus, & adoramus.

P A S S V S, S V B P O N T I O P I L A T O, C R V C I F I X V S, M O R T V V S, E T S E P V L T V S.

1. ad Cor. 2

Quantã habeat necessitatẽ huius articuli cognitio, & quam diligenter Parochus curare debeat, ut fideles dominicę passionis memoriã sæpissime animo repetât, docet Apostolus, qui nihil aliud se scire testatus est, nisi Iesum Christum, & hunc crucifixum. Quare in hoc argumento omne studium, & opera adhibenda est, ut quammaxime illustretur, fidelesque tãti beneficij cõmemoratione excitati, totos se ad Dei erga nos amorem, & bonitatem suscipiendã conuertant. Fides itaque priore articuli parte (nam altera postea dicetur) illud nobis credendum proponit, Christum dominum, cum Pontius Pilatus Tiberij Cæsaris iussu Iudæam prouinciam administraret, cruci affixum esse. nam captus, irrisus, uarijs iniuriarum, & cruciatuum generibus affectus, demum in crucem sublatus est. Nec uero cuiquam dubitandum est, eius animam, quod ad inferiorem partem attinet, ab ijs cruciatibus liberam non fuisse. nam quod humanam naturam uere assumpsit, necesse est fateri, animo etiam grauissimum dolorem sensisse. quare inquit: Tristis est anima mea usque ad mortem. Nam etsi personę diuinę humana natura coniuncta fuit, tamen  
propter

Matth 26

Marc. 14



propter eam coniunctionem nihilo minus passionis acerbiter sentit, quam si ea coniunctio facta non fuisset, cum in una Iesu Christi persona, utriusque naturæ, diuinæ, & humanæ, proprietates seruatae sint: atque idcirco, quod erat passibile & mortale, passibile & mortale permanfit; rursus uero, quod impassibile, & immortale erat, qualem esse diuinam naturam intelligimus, suam proprietatem retinuit. Quod autem hoc loco tam diligenter obseruari uidemus, Iesum Christum eo tempore passum esse, quo Pontius Pilatus Iudeam prouinciam procuraret, id ea re factum esse docebit Parochus, quia tantæ rei, & tam necessariæ cognitio exploratio omnibus esse poterat, si rei gestæ certum, quod & ab Apostolo Paulo factum legimus, tempus describeretur: tum etiam, quia ijs uerbis declaratur, illam Saluatoris prædictionem exitu comprobata esse: Tradent, inquit, eum gentibus ad illudendum, & flagellandum, & crucifigendum.

*1. ad Timoth. 6*

*Math. 20*

*Cur Christus in ligno mortem perpassus.*

Sed quod potissimum in ligno crucis mortem per tulit, hoc etiam diuino consilio tribuendum est, ut scilicet, unde mors oriebatur, inde uita resurgeret. serpens enim, qui in ligno primos parietes uicerat, uictus est a Christo in ligno crucis. Plures eius rei afferri rationes possunt, quas sancti Patres latius persecuti sunt, ut ostendamus consentaneum fuisse, redemptorem nostrum mortem crucis potissimum subire. Verum satis esse Parochus admoneat, si fideles credant illud genus mortis a Salvatore delectum esse, quod quidem ad humani generis redemptionem aptius, atque accommodatius uideretur, quemadmodum certe nullum turpius, atque indi-

Dignius

gnius esse potuit. Non solum enim apud Gentiles crucis supplicium execrandum, & dedecoris, ignominieq; plenissimum semper existimatum est; uerū  
*Deuter. 21* etiam in lege Moyſis maledictus homo appellatur,  
*Ad Gal. 3* qui pendet in ligno. Neque uero Parochus huius articuli historiam prætermittet, quæ diligentissime a sanctis euāgelistis exposita est, ut saltē summa eius mysterij capita, quæ ad confirmandā fidei nostræ ueritatem magis necessaria uidentur, fideles cognita habeant. Hoc enim articulo, ueluti fundamento quodam, christiana religio, & fides nititur; eoque posito, reliqua omnia recte constituta sunt. Nam si quid aliud humanæ menti, & intelligentiæ difficultatem affert; certe crucis mysterium omnium difficillimum existimandū est, uixque percipi a nobis potest, salutem nostram ex cruce ipsa, & ex eo, qui pro nobis ligno illi affixus est, pendere. Sed in hoc, ut docet Apostolus, summā Dei prouidentia licet admirari. Nam quia in Dei sapientia non cognouit mūdus per sapientiam Deum, placuit Deo per stultitiā prædicationis saluos facere credentes. Quare mirandum non est, si prophete ante Christi aduentum, apostoli post eius mortem, & resurrectionem tantopere laborarunt, ut hominibus persuaderent, hunc esse mundi redemptorem, eosque in crucifixi potestatem, atque obedientiam redigerent. Quare Dominus, cum nihil tam ab humana ratione remotum esset, quam crucis mysterium, statim post peccatum numquam destitit tum figuris, tum prophetarum oraculis filij sui mortem significare. Atque ut de figuris pauca quædam attingamus, Abel primum, qui fratris inuidia occisus est,

*Gen. 4*

est, deinde Isaac sacrificium, præterea Agnus, quem Iudæi, cum e terra Aegypti egrederentur, immolarunt, tum serpens æneus, quem Moyses in deserto exaltauit, Christi domini passionis, ac mortis figuram præmonstrabant. Quod autem ad prophetas pertinet, quam multi extiterint, qui de ea uaticinati sunt; id uero multo notius est, quam ut explicari hoc loco oporteat. Sed præ ceteris, ut Dauidem omittamus, qui omnia præcipua redemptionis nostræ mysteria in psalmis complexus est, Isaiaë oracula tam aperta, & clara sunt, ut recte dici queat, eum potius rem gestam exposuisse, quam futuram prædixisse.

Gen. 21  
Exod. 12  
Num. 21  
Ioan. 3

D. Hiero.

**MORTVVS, ET SEPVLTVS.** His uerbis Parochus credendum explicabit, Iesum Christum, postquam crucifixus est, uere mortuum, ac sepultum esse. Neque uero sine causa hoc separatim fidelibus credendū proponitur, cum non defuerint, qui cum in cruce mortuum negarent. illi igitur errori hanc fidei doctrinā sancti apostoli merito opponendam censuerūt: de cuius articuli ueritate dubitādi nullus nobis locus relinquitur, nam omnes euangelistę cōsentiunt, Iesum spiritū emisisse. Præterea, cum Christus, uerus, & perfectus homo fuerit, uere etiam mori potuit: moritur autem homo, cum anima separatur a corpore. Quare cū Iesum mortuum esse dicimus, id significamus, eius animam a corpore diuisam esse: neque tamen concedimus diuinitatem seiunctam a corpore: quin potius cōstāter credimus, & confitemur, anima eius a corpore diuisa, diuinitatem tum corpori in sepulcro, tum animæ apud inferos coniunctā semper fuisse.

Matth. 27  
Marc. 15  
Luc. 23  
Ioan. 19

D 2 Decebat

- Ad Hebr. 2* Decebat autem filium Dei mori, ut per mortē destrueret eum, qui habebat mortis imperium, idest Diabolum, & liberaret eos, qui timore mortis per totam uitam obnoxij erant seruituti. Sed illud in Christo domino singulare fuit, quod tunc mortuus est, cum ipse mori decreuit, & mortem non tam aliena ui illatam, quam uoluntariam obiit. Nec uero mortem solum, sed locum etiam, & tempus, in quo moreretur, ipse sibi cōstituit. ita enim *Isa. 53* scripsit: Oblatus est, quia ipse uoluit. Atque idem *Iuan. 10* Dominus de se ante passionē dixit: Ego pono animā meam, ut iterū sumam eam: nemo tollit eam a me, sed ego pono eā a me ipso: potestatem habeo ponendi eā, & potestatem habeo iterū sumendi eam. Quod autē ad tempus, & locū attinet, cum *Herodes* eius uitæ insidiaretur, ipse inquit: Dicite uulpi illi, ecce eijcio demonia, & sanitates perficio hodie & cras, & tertia die consumor: uerūtamen oportet me hodie, & cras, & sequēti die ambulare: quia nō capit prophetam perire extra Hierusalē. Ille igitur nihil inuitus, aut coactus fecit, sed ipse sese uolens obtulit, atque inimicis suis obuiā procedens dixit: *Iuan. 18* Ego sum; & spōte sua ea omnia supplicia pertulit, quibus illū iniuste, & crudeliter affecerūt. quo quidem nihil ad commouendos animi nostri, sensus maiorem uim habere potest, cum pœnas, tormentaue eius omnia cogitatione perpendimus. Nam si quispiam nostra causa omnes dolores patiatur, non quos ipse sua uoluntate suscipiat, sed quos uitare nequeat; hoc uero haud magni beneficij loco a nobis ponetur: uerum si nostro tantū nomine mortem, quam defugere poterat, libenter occumbat, pro-



profecto hoc beneficij genus tātum est, ut omnem non solum referendā, sed etiam habendę gratię facultatem uel gratissimo cuique eripiat. ex quo Iesu Christi summa, & eximia charitas, eiusque diuinum, & immensum in nos meritū perspicui potest.

Iam uero quod sepultum fuisse confitemur, hoc quidem ueluti articuli pars non constituitur, quod nouam aliquam difficultatem habeat, præter ea, quę iam de morte dicta sunt. Nam si Christū mortuum credimus, facile etiam nobis persuaderi potest, eum sepultum esse. Verum hoc additum est, primum, ut minus dubitare de morte liceat; cum maximo argumento sit, aliquem mortuum esse, si eius corpus sepultum probemus: deinde, ut resurrectionis miraculum magis declaretur, atque eluceat. neque uero hoc solum credimus, Christi corpus sepultum esse, sed illud præcipue his uerbis credendum proponitur, Deum sepultum esse: quemadmodum ex fidei catholice regula uerissime etiā dicimus, Deum mortuum, & ex uirgine natum esse. nam cum diuinitas numquam diuisa fuerit a corpore, quod in sepulcro conditum est; recte confitemur Deum sepultum esse. Ac de genere quidem, & loco sepulture illa Parocho satis erunt, quę a sanctis euāgelistis dicta sunt. Duo uero in primis obseruanda sunt, alterum, Christi corpus in sepulcro nulla ex parte corruptum esse; de quo Propheta ita uaticinatus erat: Non dabis sanctum tuum uidere corruptionem. Alterum est, quod ad omnes huius articuli partes attinet, sepulturam scilicet, passionem etiam, & mortem Christo Iesu, ut homini, nō ut Deo conuenire. nam pati, & mori, in humanam

*Sepultura Christi cur expessa mōtio, & quid de illius passione meditando.*

*Matth 27  
Mar. 15  
Luc. 23*

*Ioan. 19  
Psal. 15  
Act. 2*

D 3 tan-

tantum naturam cadunt; quamuis Deo etiam hæc omnia tribuantur; quoniam de illa persona, quæ simul perfectus Deus, perfectus homo fuit, recte dici perspicuū est. His cognitis, ea de Christi passione, & morte Parochus explicabit, ex quibus tanti mysterij immensitatē si non comprehendere, contēplari saltem fideles possint. Ac primum quidem considerandum est, quis ille sit, qui hæc omnia patitur. Et quidem nullis uerbis eius dignitatem explicare, aut mentē comprehendere possumus. Sanctus Ioannes uerbum esse dicit, quod erat apud Deum. Apostolus magnificis uerbis describit in hunc modum: Esse eum, quem Deus cōstituit heredem uniuersorum, per quem fecit & secula: qui est splendor gloriæ, & figura substantiæ eius, qui portat omnia uerbo uirtutis suæ. Hic igitur purgationem peccatorum faciens, sedet ad dexteram maiestatis in excelsis. Atque ut uno uerbo complectamur, patitur Iesus Christus, Deus & homo: patitur creator proprijs, quos ipse condidit: patitur dominus pro seruis: patitur is, per quem angeli, homines, celi, elementa facta sunt; ille inquam, in quo, per quem, & ex quo sunt omnia. Quare mirandum non est, si, co tot passionum tormentis commoto, totum etiam ædificium concussum est. nam, ut inquit scriptura; Terra mota est, & petraë scissæ sunt: tenebræ etiam factæ per uniuersam terram, & sol obscuratus est. Quod si mutæ etiam res, & sensu carentes creatoris sui passionem luxerunt: cogitent fideles quibus lacrymis ipsi, tamquam uiui lapides huius ædificij, dolorem suum declarare debeant.

Passionis  
Christi

Iam uero causæ etiā passionis exponendæ sunt,

ut co

ut eo magis diuinæ erga nos charitatis magnitudo, *causa, & de gravitate relapsentium.*  
 & uis appareat. Si quis igitur quærat, quæ causa fuerit cur filius Dei acerbissimam passionē subierit, hanc potissimum fuisse inueniet, præter hereditariam labem primorum parentum, uitia, & peccata, quæ homines a mundi origine usque ad hanc diem admiserunt, ac deinceps uique ad cōsummationē sæculi admissuri sunt. hoc enim in passione, & morte filius Dei saluator noster spectauit, ut omnium ætatum peccata redimeret, ac deleret, & pro eis patri abunde, cumulateque satisfaceret. Illud etiam accedit ad augendam rei dignitatem, quod non solum Christus pro peccatoribus passus est, sed etiam pœnarum omnium, quas pertulit, peccatores, & auctores, & ministri fuerūt: de quo Apostolus admonet, ita ad Hebræos scribens: *Ad Heb.* Recogitate eum, qui talem sustinuit a peccatoribus aduersus semetipsum cōtradictionē, ut ne fatigemini animis uestris deficientes. Atque hac culpa omnes teneri iudicandum est, qui in peccata sæpius prolabantur. nam cum peccata nostra Christum dominum impulerint, ut crucis supplicium subiret; profecto qui flagitijs, & sceleribus uoluntantur, rursus, quod in ipsis est, crucifigunt in semetipsis filium Dei, & ostentui habēt. *Hebr. 6* Quod quidem scelus eo grauius in nobis uideri potest, quam fuerit in Iudæis, quod illi, eodem Apostolo teste, Si cognouissent, nunquam dominum glorię crucifixissent: nos autem & nosse eum profitemur; & tamen, factis negantes, quodā modo uiolentas ei manus uidemur inferre. Sed a patre etiam, & a semetipso Christum dominum traditum esse sacrę litterę testantur. ait

**Isa. 53** enim apud Isaiam : Propter scelus populi percussus  
 eum . Et paulo ante idem propheta, cum Dominū  
 plagis , & uulneribus affectum, spiritu Dei plenus  
 uideret , dixit : Omnes nos quasi oues errauim-  
 us : unusquisque in uiam suam declinauit , &  
 posuit Dominus in eo iniquitatē omnium nostrū .

**Isa. 53** De filio autem scriptum est : Si posuerit pro pecca-  
 to animam suam , uidebit semen longeuum. Sed  
 eandem rem Apostolus grauioribus etiam uerbis  
 expressit , cum tamen ex altera parte uellet osten-  
 dere, quātum nobis de immensa Dei misericordia

**Rom. 8** & bonitate sperare liceat . ait enim : Qui etiam  
 proprio filio suo nō pepercit, sed pro nobis omni-  
 bus tradidit illum , quo modo non etiam cum illo  
 omnia nobis donauit? Sequitur nunc , ut , quanta  
 fuerit pāssionis acerbitas, Parochus doceat . quam-

**Luc. 22** etum ut guttas sanguinis decurrentis in terram ,  
 cum ille tormenta, & cruciatus animo perciperet,  
 quibus paulo post afficiēdus erat; facile ex eo unus-  
 quisque intelliget, nihil ad illum dolorem addi po-  
 tuisse . nam si malorum imminentium cogitatio  
 tam acerbā fuit, id quod sanguinis sudor declara-  
 uit; quid ipsam perpeffionem fuisse existimandum  
 est? Sed tamen Christum dominum summis tum  
 animi , tum corporis doloribus affectum esse con-  
 stat . Ac primum quidem nulla fuit eius corporis  
 pars, quæ grauissimas pœnas non senserit . nam &  
 pedes , & manus clauis cruci affixæ , caput spinis  
 compunctum , & arundine percussum , facies spu-  
 ris foedata, alapis cæsa , totum corpus flagellis uer-  
 beratum est. Præterea omnium & generum , & or-  
 dinum



dinum homines conuenerunt in unum aduersus  
 Dominum, & aduersus Christum eius. Gentes *Psal 2*  
 enim & Iudæi passionis suasores, auctores, mini-  
 stri fuerunt: Iudas eum prodidit, Petrus negauit, *Matth 26*  
 ceteri omnes deseruerunt. Iam uero in cruce ipsa *Marc. 14*  
 acerbitem ne, an ignominiam, an utrumque si- *Luc. 22*  
 mulqueremur? Ac profecto nullum aut turpius  
 genus mortis, aut acerbius excogitari eo potuit,  
 quo affici non nisi nocentissimi, & sceleratissimi  
 homines consueuerunt, & in quo summi doloris,  
 & cruciatus sensum mortis diurnitas uehemēti-  
 orem efficiebat. Augebat autem poenarū magnitu-  
 dinem ipsa Christi Iesu corporis constitutio, & ha-  
 bitus: quod quidem cum spiritus sancti uirtute for-  
 matū esset; multo perfectius, & temperatius fuit  
 quam aliorū hominum corpora esse possunt; atque  
 ideo acriorem quoque sentiendi uim habuit, & gra-  
 uius tormenta illa omnia perpeffum est. Quod ue-  
 ro ad intimū animi dolorē pertinet, nemo dubita-  
 re potest, quin summus in Christo fuerit. sanctis  
 enim hominibus, quicumque supplicia, & crucia-  
 tus pertulerunt, non defuit animę solatium diui-  
 nitus datum, quo recreati, tormentorum uim equo  
 animo ferre possent: immo uero in cruciatibus ple-  
 rique intima letitia efferebantur. ait enim Aposto-  
 lus: Gaudeo in passionibus pro uobis: & adimpleo *Ad Col. 1*  
 ea, quę defunt passionum Christi in carne mea pro  
 corpore eius, quod est Ecclesia. & alibi: Repletus *ad Co 1*  
 sum cōsolatione: superabundo gaudio in omni tri- *rint. 7*  
 bulatione nostra. Verum Christus dominus amarif-  
 sime passionis calicem, quem bibit, nulla suauitate  
 permista temperauit. humanæ enim naturæ, quam  
 assumpserat,

assumpserat, sentire omnia tormenta permisit, nō secus, ac si homo, non etiam Deus fuisset.

Reliquum modo est, ut commoda etiam, & bona, quæ ex passione Domini percepimus, a Parocho accurate explicentur. Primum igitur Domini passio, peccati liberatio fuit. nam, ut est apud sanctum Ioannem, Dilexit nos, & lauit nos a peccatis nostris in sanguine suo. & Apostolus inquit: Cōuiuificauit uos, donans uobis omnia delicta, delens quod aduersum nos erat chirographum decreti, quod erat contrarium nobis, & ipsum tulit de medio, affigens illud cruci. Deinde a dæmonis tyrannide nos eripuit. ipse enim Dominus inquit: Nunc iudicium est mundi: nunc princeps huius mundi eijcietur foras: & ego, si exaltatus fuero a terra, omnia traham ad me ipsum. Pœnam præterea peccatis nostris debitam persoluit. Tum uero, quia nullum gratius, & acceptius Deo sacrificium afferri potuit, patri nos reconciliauit, eumque nobis placatum, & propitium reddidit. Postremo, quoniam peccata sustulit, cælorum etiam aditum, cōmuni humani generis peccato interclusum, nobis patefecit. Atque id Apostolus significauit illis uerbis: Habemus fiduciam in introitu sanctorum in sanguine Christi. Neque uero in ueteri lege huius mysterij figura, & imago quædam defuit. nam illi, quibus interdictum erat, ne in patriam antequam summi sacerdotis mortem reuerterentur, hoc significabant, nemini, quamuis iuste, & pie uiuisset, aditum in cēlestem patriam patere, antequam summus ille, atque æternus sacerdos Christus Iesus mortem obiret: qua quidem obita, statim cæli fores patuerunt

tuerunt ijs, qui sacramentis expiati, fideque, spe,  
 & charitate præditi, passionis eius participes fiunt.  
 Hæc autem omnia maxima, & diuina bona Paro-  
 chus docebit ex Domini passione ad nos peruenisse;  
 primū quidem, quia est integra, atque omnibus  
 numeris perfecta satisfactio, quā admirabili qua-  
 dā ratione Iesus Christus pro peccatis nostris Deo  
 patri persoluit. Neque uero pretium, quod pro no-  
 bis persoluit, debitis nostris par solum, & æquale  
 fuit, uerum ea longe superauit. Deinde sacrificiū  
 Deo acceptissimum fuit; quod cum illi filius in  
 ara crucis obtulit, patris iram, atque indignatio-  
 nem prorsus mitigauit. atque hoc nomine Apосто-  
 lus usus est, cum inquit: Christus dilexit nos, & *Ad Eph. 5*  
 tradidit semetipsum pro nobis oblationem & ho-  
 stiam Deo in odorem suauitatis. Præterea redem-  
 ptio, de qua est apud Apostolorum Principem:  
 Non corruptibilibus auro, uel argento redempti *1. Petr. 1*  
 estis de uana uestra conuersatione paternæ traditio-  
 nis, sed pretioso sanguine quasi agni immaculati  
 Christi, & incontaminati. Et Apostolus docet:  
 Christus nos redemit de maledicto legis, factus *Ad Gal. 3*  
 pro nobis maledictum. Verum, præter hæc im-  
 mēsa beneficia, illud etiam uel maximū consecuti  
 sumus, ut in hac una passione, omnium uirtutū  
 clarissima exempla habeamus. nam & patientiā,  
 & humilitatem, & eximiam charitatem, & man-  
 suetudinem, & obedientiam, & summam animi  
 constantiam non solum in perferendis propter ius-  
 titiam doloribus, sed etiam in morte oppetenda  
 ita ostendit, ut uere dicere possimus, saluatorem  
 nostrum, quæcumque uite præcepta toto prædica-  
 tionis

tionis suæ tēpore uerbis nos docuit, ea omnia uno passionis die in se ipso expressisse. Atque hæc breuiter de Christi domini saluberrima passione & morte dicta sunt. Utinam uero hæc mysteria in animis nostris assidue uersentur, & una cum Domino pati, & mori, & sepeliri discamus; ut deinde, abiecta omni sorde peccati, ad nouam uitam cum illo resurgentes, aliquando tandem, ipsius gratia, & misericordia, digni simus, qui cælestis regni, & gloriæ participes efficiamur.

DESCENDIT AD INFEROS, TERTIA DIE RESURREXIT A MORTUIS.

Maxime quidem refert nosse gloriam sepulture domini nostri Iesu Christi, de qua proxime dictū est; sed plus interest fidelis populi, cognoscere illustres triumphos, quos ex deuicto Diabolo, & spoliatis inferorum sedibus deportauit: de quibus, simulque de resurrectione dicendum est. qui locus etsi separatim per se recte tractari possit; nos tamen, sanctorum patrum auctoritatem secuti, eum cum descensu ad inferos coniungendum putauimus. Eius igitur priori parte hoc nobis credendum proponitur, Christo iam mortuo, eius animam ad inferos descendisse, ibique tamdiu mansisse, quamdiu eiusdem corpus in sepulcro fuit. His autem uerbis simul etiam confitemur, eandem Christi personam eo tempore & apud inferos fuisse, & in sepulcro iacuisse. Quod quidem cum dicimus, nemini mirum uideri debet: propterea quod, ut sæpe iam docuimus, quamuis anima a corpore discesserit, numquam tamen diuinitas uel ab anima, uel a corpore separata est.

Sed



Sed quoniam articuli explanationi plurimum lucis asserere potest, si Parochus prius doceat, quid hoc loco inferorum uocabulo intelligendū sit, monere oportet, inferos hoc loco pro sepulcro non accipi, ut quidam non minus impie, quam imperite putauerunt. superiori enim articulo, Christum dominum sepultum esse, edocti sumus: nec ulla causa erat, cur in fide tradenda alio, & quidem obscuriori loquendi genere idem a sanctis apostolis repeteretur: uerum inferorum nomen abdita illa receptacula significat, in quibus animæ detinentur, quæ cælestē beatitudinem non sunt consecutæ. Ita uero sacræ litteræ hanc uocem multis in locis usurparunt. nam apud Apostolum legimus: In nomine Iesū omne genu flecti cælestium, terrestrium, & infernorum. & in Actis apostolorum diuus Petrus testatur: Christum dominum suscitatum solutis doloribus Inferni. Neque tamen ea receptacula unius, & eiusdem generis sunt omnia. est enim terribilissimus, & obscurissimus carcer, ubi perpetuo, & inextinguibili igne damnatorum animæ simul cum immundis spiritibus torquentur, qui etiam gehenna, abyssus, & propria significatione Infernus uocatur. Præterea est purgatorius ignis, quo piorum animæ ad definitum tempus cruciatæ expiantur, ut eis in æternam patriam ingressus patere possit, in quam nihil coinquinatum ingreditur. Ac de huius quidem doctrinæ ueritate, quam & scripturarum testimonijs, & apostolica traditione confirmatam esse sancta Concilia declarant, eo diligentius, & sæpius Parocho differendum erit, quod in ea tempora incidimus,

De multi-  
plici Infer-  
ni, significa-  
tione: ubi  
et de Pur-  
gatorio ani-  
marum.

Ad Phil. 2

Act. 2

Apoc. 21

mus, quibus homines sanam doctrinam non sustinent. Tertium postremo receptaculi genus est, in quo animæ sanctorum ante Christi domini aduentum excipiebantur; ibique sine ullo doloris sensu, beata redemptionis spe sustentati, quieta habitatione fruebantur. Horū igitur piorum animas, qui in sinu Abrahamæ Saluatorem expectabant, Christus dominus ad inferos descendens liberavit. Nec uero existimandum est, cum sic ad inferos descendisse, ut eius tantummodo uis ac uirtus, non etiam anima, eo peruenerit: sed omnino credendum est, ipsam animam re, & præsentia ad inferos descendisse: de quo extat firmissimum illud Davidis testimonium: *Psal. 15* Nō derelinques animam meam in Inferno. Verum etsi Christus ad inferos descendit, nihil de eius summa potestate detractum est: neque eius sanctitatis splendor macula aliqua aspersus: cum potius hoc factō uerissima esse omnia, quæ de illius sanctitate celebrata erant, eumque filium Dei esse, quemadmodum antea tot prodigijs declarauerat, apertissime comprobatum sit. id quod facile intelligemus, si causas, cur Christus, & alij homines in ea loca uenerint, inter se conferamus. Ceteri enim omnes captiui descenderant: ipse uero *Psal. 87* inter mortuos liber, & uictor, ad profligandos dæmones, a quibus illi ob noxam inclusi, & constricti tenebantur, descendit. Præterea alij omnes, qui descenderunt, partim, pœnis acerbissimis torquebantur, partim uero, ut alio doloris sensu careant, tamen Dei aspectu priuati, & spe beatæ gloriæ, quam expectabant, suspensi torquebantur. At Christus dominus descendit, non ut aliquid pateretur,

teretur, uerum ut sanctos, & iustos homines ex  
inifera illius custodiæ molestia liberaret, eisque  
passionis suæ fructum impertiret. Quod igitur ad  
infernus descendit, nulla prorsus de summa eius di-  
gnitate, & potestate diminutio facta est.

His expositis, docendum erit, propterea Chri-  
stum dominum ad inferos descendisse, ut, ereptis  
dæmonum spolijs, sanctos illos patres, ceterosque  
pios e carcere liberatos secum adduceret in celum.  
quod ab eo admirabiliter, summaque cum gloria  
perfectum est. statim enim illius aspectus clarissi-  
mam lucem captiuis attulit, eorumque animas im-  
mensa latitia, gaudioque impleuit: quibus etiam  
optatissimam beatitudinē, quæ in Dei uisione con-  
sistit, impertiuit. quo facto, id comprobatum est,  
quod latroni promiserat illis uerbis: Hodie mecū  
eris in paradiso. Hanc uero piorum liberationem  
Oscas tanto ante prædixerat in hunc modum: Ero  
mors tua, o mors: morsus tuus ero inferne. Hoc  
etiam significauit Zacharias propheta, cum ait:  
Tu quoque in sanguine testamenti tui emisisti uin-  
ctos tuos de lacu, in quo non est aqua. Id ipsum de-  
nique expresit Apostolus illis uerbis: Expolians  
principatus, & potestates, traduxit confidenter pa-  
lam triumphans illos in semetipso. Verum, ut  
huius mysterij uim melius intelligamus, sæpe illud  
memoria repetere debemus, pios homines non so-  
lum qui post aduentū Domini in lucem editi erāt,  
sed qui illud post Adam antecesserāt, uel qui usque  
ad finem sæculi futuri sunt, eius passionis beneficio  
salutem consecutos esse. Quamobrem ante quam  
ille moreretur, ac resurgeret, cæli portæ nemini  
umquam

*Quibus de  
causis Chri-  
stus ad in-  
feros descen-  
derit.*

*Luc. 23*

*Osc. 13*

*Zach. 9*

*Ad Col. 2*

umquam patuerunt: sed piorum animę, cum e uiuis excessissent, uel in sinum Abrahamę deferebantur; uel, quod etiam nunc ijs contingit, quibus aliquid diluendum, & persoluendum est, Purgatorij igne expiabantur. Est illa præterea causa, cur descenderit ad Inferos Christus dominus, ut ibi etiã, quemadmodum in cælo, & in terris, uim suam, potestatemque declararet, & omnino, ut in nomine eius omne genu flecteretur cælestium, terrestrium, & infernorum. Quo loco quis summam Dei benignitatem in genus humanum non admiraretur, & obstupescat, qui nō modo pro nobis acerbissimam mortem subire, sed infimas etiam terre partes penetrare uoluerit, ut sibi carissimas animas, inde ereptas, ad beatitudinem traduceret?

*Ad Phil. 2*

*De glorioso  
resurrectionis  
Christi  
mysterio.  
2. ad Ti-  
mot. 2*

Sequitur altera articuli pars: in qua explicanda, quantum laborare Parochus debeat, declarant illa Apostoli uerba: Memor esto, dominum Iesum Christum resurrexisse a mortuis. Quod enim Timotheo præcipit, idem etiam reliquis animarum curatoribus præceptum esse dubitandum non est. Ea autem articuli est sententia: Postquam Christus dominus sexta feria, hora diei nona, in cruce spiritum emisit, & eadem die uespere sepultus est ab eius discipulis, qui Pilati præsidis permissu corpus Domini e cruce depositum in propinqui horti monumētum nouum intulerunt; tertio a morte die, qui fuit dominicus, summo mane illius anima corpori iterum coniuncta est: atque ita is, qui triduum illud mortuus fuerat, ad uitam, ex qua moriens discesserat, redijt, & surrexit. Sed resurrectionis uoce non illud solum intelligendum



ligendum est, Christum a mortuis excitatum esse, quod multis alijs commune fuit, sed sua ui, ac uirtute resurrexisse; quod proprium in illo fuit, & singulare. Neque enim natura patitur, nec ulli homini concessum est, ut se ipsum possit uirtute sua a morte ad uitam reuocare. Hoc uero summæ Dei potestati tantummodo reseruatum est, ut ex illis Apostoli uerbis intelligimus: Et si crucifixus est 2. Cor. 13 ex infirmitate, sed uiuit ex uirtute Dei. quæ quoniam neque a Christi corpore in sepulcro, neque ab anima, cum ad inferos descendisset, seiuncta unquam fuit, diuina uis tum in corpore inerat, quæ animæ iterum coniungi, tum in anima, qua ad corpus denuo reuerti posset: qua & licuit sua uirtute reuiuiscere, atque a mortuis resurgere. Id uero Dauid spiritu Dei plenus prædixit his uerbis: Sal- Psal. 97 uauit sibi dextera eius, & brachium sanctum eius. Deinde ipse Dominus diuino oris sui testimonio confirmauit: Ego pono animam meam, ut iterum Ioan. 10 sumam eam; & potestatem habeo ponendi eam, & iterum sumendi eam. Iudæis etiam ad confirmandam doctrinæ ueritatem dixit: Soluite tem- Ioan. 2 plū hoc, & in tribus diebus excitabo illud. Quod quidem tametsi de templo illo magnifice ex lapidibus structo intelligerent; ille tamen, ut scripturæ uerbis eodem in loco declaratum est, dicebat de templo corporis sui. Quamuis autem in scripturis interdum legamus, Christum dominum a Ioan. 2 patre suscitatum esse: hoc ad eum, ut ad hominem, referendum est: quemadmodum illa rursus ad eundem, ut Deum, spectant, quibus significatur, eum sua uirtute resurrexisse.

E

Sed

Ad Col. 1

Apoc. 1

1. Cor. 15

Ad Roma-  
nos 6

Sed illud etiam præcipuum Christi fuit, quod ipse primus omnium hoc diuino resurrectionis beneficio affectus est. nam in scripturis & primogenitus ex mortuis, & primogenitus mortuorum uocatur. Atque, ut est apud Apostolum, Christus resurrexit a mortuis, primitiæ dormientiū: quoniā quidem per hominē mors, & per hominē resurrectio mortuorum: & sicut in Adā omnes moriuntur, ita & in Christo omnes uiuificabūtur. Vnusquisque autem in suo ordine, primitiæ Christus; deinde ij, qui sunt Christi. Quæ quidē uerba de perfecta resurrectione interpretanda sunt, qua ad immortalem uitam, omni prorsus moriendi necessitate sublata, excitamur. Atque in eo genere Christus dominus primum locū obtinet. nam si de resurrectione loquimur, hoc est de reditu ad uitam, cui iterum moriendi necessitas adiuncta est; ante Christum multi alij a mortuis excitati sunt: qui omnes tamen ea cōdictione reuixerunt, ut eis iterum moriendum esset: at Christus dominus ita resurrexit morte subacta, & oppressa, ut mori amplius non posset: quod quidem apertissimo illo testimonio cōfirmatur: Christus resurgens ex mortuis iam non moritur: mors illi ultra nō dominabitur. Quod uero articulo additur, TERTIA DIE, Parocho explanandū erit, ne fideles arbitretur, totos ipsos tres dies Dominū in sepulcro fuisse. nam quod integrum naturalem diem, partemque tum antecedentis, tum consequentis diei in sepulcro conditus est, ob eam rem uerissime dicitur triduo in sepulcro iacuisse, ac tertiā die a mortuis surrexisse. Vt autem diuinitatem suā declararet, resurrectionem ad finem sæculi differ-

re no-

re noluit. rursus uero, ut eum uere hominem, uereque mortuum esse crederemus, non statim post mortem, sed tertio die reuixit: quod temporis spatium ad ueram mortem comprobendam satis esse uidebatur.

Patres primę Constantinopolitanę Synodi huic loco addiderunt, SECVNDVM SCRIPTVRAS.

Quod quidem ab Apostolo acceptū, in fidei Symbolum propterea transtulerunt, quod resurrectionis mysterium maxime necessariū esse, idem Apo- 1. ad Co-  
rinth. 15  
stolus docuerit ijs uerbis: Si Christus non resurre-  
xit, inanis est ergo prædicatio nostra, inanis est &  
fides uestra; & si Christus non resurrexit, uana est  
fides uestra: adhuc enim estis in peccatis uestris,  
Quare D. Augustinus, cum huius articuli fidem S. Augu-  
st. Luc. 18  
admiraretur, ita scripsit: Non magnum est cre-  
dere, quia mortuus est Christus. hoc & Pagani,  
& Iudæi, & omnes iniqui credunt: hoc omnes  
credunt, quia mortuus est: fides Christianorum re-  
surrectio Christi est: hoc pro magno habemus, quia  
credimus eum resurrexisse. ex quo factum est, ut  
frequētissime Dominus de sua resurrectione locu-  
tus sit: ac numquam fere de passione sua cum di-  
scipulis collocutus est, quin de resurrectione loque-  
retur. quare cum dixisset; Filius hominis tradetur Luc. 18  
gentibus, & illudetur, & flagellabitur, & conspuetur,  
& postquam flagellauerint, occident eum:  
ad extremum addidit, Et tertia die resurget. &  
cum Iudæi ab eo peterent, ut aliquo signo, & mi-  
raculo doctrinam suam comprobaret, respondit,  
nullum aliud signū eis datum iri, quam Ionę pro- Luc. 11  
phetę signum. sicut enim fuit Ionas in uentre ceti Math. 12

E 2 tribus

tribus diebus, & tribus noctibus; sic futurum affirmavit, filium hominis in corde terræ tribus diebus, & tribus noctibus.

*De necessitate, fine, & utilitate resurrectionis Iesu Christi.*

Verum, ut huius articuli uim, & sensum melius perspiciamus, tria nobis inuestiganda, & cognoscenda sunt. Primum quidem, quare necesse fuerit Christum resurgere: deinde, qui resurrectionis finis, & scopus sit, & quæ ab ea utilitates, & commoda in nos sint profecta. Quod igitur ad primum attinet, necesse fuit eum resurgere, ut Dei iustitia ostenderetur, a quo maxime decebat eum extolli, qui, ut illi obtemperaret, depressus, atque omni ignominia affectus erat. Hanc Apostolus *Ad Phil. 2* causam attulit, cum ad Philippenses inquit: Humiliauit semet ipsum factus obediens usque ad mortem, mortem autem crucis, propter quod & Deus exaltauit illum. Præterea, ut fides nostra confirmaretur, sine qua hominis iustitia constare non potest. illud enim maximo argumēto esse debet, Christum filium Dei fuisse, quod sua uirtute a mortuis resurrexit. Deinde ut spes nostra aleretur, atque sustentaretur. Cum enim Christus resurrexerit, certa spe nitimur fore, ut nos etiam resurgamus: siquidē membra capitis sui condicionē consequātur, necesse est. ita enim Apostolus argumentationē concludere uidetur, cū ad Corinthios, & Thessalonicenses scribit. & a Principe apostolorum Petro dictum est: Benedictus Deus, & pater domini nostri Iesu Christi, qui secūdam misericordiam suam magnā regenerauit nos in spem uiuam per resurrectionem Iesu Christi ex mortuis in hereditatem incorruptibilem. Postremo ob eam euiam rem Domini resurrection-

*1. Cor. 15*

*1. Thess. 4*

*1. Pet. 1*



rectionem necessariam fuisse docendum est, ut salutis, & redemptionis nostræ mysterium absolueretur. Christus enim morte sua nos a peccatis liberavit; resurgens uero præcipua nobis bona restituit, quæ peccando amiseramus. Quare est apud Apostolum dictum: Christus traditus est propter delicta nostra, & resurrexit propter iustificationem nostram. Ne quid igitur humani generis saluti deesset, quemadmodum illum mori, ita resurgere etiam oportuit. Ex ijs uero, quæ hætenus dicta sunt, perspicere possumus, quantum utilitatis Christi domini resurrectione fidelibus attulerit. In resurrectione enim, Deum esse immortalem, plenum gloria, mortis & Diaboli uictorem, agnoscimus: quod de Christo Iesu sine ulla dubitatione credendum, & confitendum est. Deinde Christi resurrectio nobis etiam corporis resurrectionem peperit: tum quia eius mysterij efficiens causa fuit; tum quia ad Domini exemplum resurgere omnes debemus. Nam quod ad corporis resurrectionem attinet, Apostolus ita testatur. Per hominem mors, & per hominem resurrectio mortuorum. quæcumque enim Deus in redemptionis nostræ mysterio egit, ad omnia Christi humanitate, tamquam efficienti instrumento, usus est. Quare eius resurrectio instrumentum quoddam fuit ad resurrectionem nostram efficiendam. exemplar uero dici potest, quoniam Christi domini resurrectio omnium est perfectissima: ac quemadmodum Christi corpus resurgens ad immortalem gloriam immutatum est, ita nostra etiam corpora, quæ prius imbecilla, & mortalia fuerant, gloria, & immortalitate orna-

Ad Rom. 4

1. Cor. 15

*Ad Phil. 3* ta restituentur . Vt enim Apostolus docet , Saluatorem expectamus , dominū nostrum Iesum Christum , qui reformabit corpus humilitatis nostræ configuratum corpori claritatis suæ . Hoc etiam de anima in peccatis mortua dici potest : cui quo pacto Christi resurrectio exemplar proponatur , idem

*Ad Rom. 6* Apostolus his uerbis ostēdit . Quo modo Christus surrexit a mortuis per gloriam patris ; ita & nos in nouitate uitæ ambulemus . si enim complantati facti sumus similitudini mortis eius , simul & resurrectionis erimus . Et paucis interiectis , inquit : Scientes quod Christus resurgens ex mortuis , iam non moritur : mors illi ultra non dominabitur . quod enim mortuus est peccato , mortuus est semel ; quod autem uiuit , uiuit Deo . Ita & uos existimate , uos mortuos quidem esse peccato , uiuentes autem Deo in Christo Iesu .

*Quæ ex  
Christi re-  
surrectione  
exempla su-  
menda .*

Duo igitur a Christi resurrectione exempla petere debemus . Alterum est , ut , postquam peccati maculas eluimus , nouum uitæ genus instituamus , in quo morū integritas , innocentia , sanctitas , modestia , iustitia , beneficentia , humilitas eluceant . Alterum est , ut in eo uitæ instituto ita perseueremus , ut , adiuuante Domino , a iustitiæ uia , quam semel ingressi fuerimus , non excidamus . Neque uero Apostoli uerba id solum demonstrant , Christi resurrectionem ad resurrectionis exemplum nobis proponi ; uerum etiam resurgendi uirtutem nobis præbere , uiresque , & spiritum largiri , quo in sanctitate , & iustitia permaneamus , ac Dei præcepta seruemus , declarant . nam quemadmodum ex eius morte non solum peccatis moriendi exemplum

plum

plum capimus, sed uirtutem etiam haurimus, qua peccatis moriamur: ita eius resurrectio ad iustitiā consequendam nobis uires affert, ut deinde pie, & sancte Deū colentes, in nouitate uitę ambulemus, ad quam resurgimus. Hoc enim maxime resurrectione sua Dominus effecit, ut qui antea una cum illo peccatis, & huic sæculo mortui eramus, cum illo etiam ad nouam uitę institutionem, & disciplinam resurgeremus. Huius resurrectionis quæ potissimum signa obseruanda sint, Apostolus nos admonet. Nam cum inquit: Si consurrexistis cum Christo, quæ sursum sunt quærite, ubi Christus est in dextera Dei sedens: plane ostendit, eos, qui uitā, honores, otium, diuitias ibi maxime, ubi Christus est, habere cupiunt, uere cum Christo surrexisse. Cum uero addit: Quæ sursum sunt sapite, non quæ super terram: alteram etiam hanc ueluti notam apposuit, qua perspicere possimus, num uere cum Christo surrexerimus. ut enim corporis affectionē & ualeitudinem gustus indicare solet: ita, si, quæcumque sunt uera, quæcumque pudica, quæcumque iusta, quæcumque sancta, alicui sapiant, isque cælestium rerum iucunditatem intimo mentis sensu percipiat, hoc maximo argumento esse potest, eum, qui ita affectus sit, ad nouam, & spiritualem uitam una cum Christo Iesu surrexisse.

Ad Col. 3

Ad Phil. 4

ASCENDIT AD CAELOS, SEDET AD DEXTERAM DEI PATRIS OMNIPOTENTIS. Daud propheta, cum beatam, & gloriosam Domini ascensionē spiritu Dei plenus contemplaretur: omnes ad eum triumphum summa lætitia, & gaudio celebrandum illis uerbis

E 4 hortatur,

*Psal.* 46 hortatur, cum inquit: Omnes gentes plaudite manibus, iubilare Deo in uoce exultationis: ascendit Deus in iubilatione. ex quo intelliget Parochus, maximo studio hoc mysterium explicandū esse, sibi que diligenter curandum, ut fideles illud non solum fide, & mente percipiant; sed, quoad eius fieri poterit, iuuante Domino, factis etiam, & uita exprimere studeant. Quod igitur ad sexti articuli explanationem attinet, in quo potissimum de diuino hoc mysterio agitur, a priori eius parte incipiendum est, &, quæ eius sit uis, atque sententia, aperiendum. De Christo enim Iesu illud etiam fideles sine ulla dubitatione credere oportet, cum, perfecto iam & absoluto redemptionis nostræ mysterio, ut homo est, in cælum corpore, & anima ascendisse. nam, ut Deus est, numquam ab eo absuit, ut qui diuinitate sua loca omnia compleat. Ascendisse autem sua uirtute, doceat, non aliena ui sublatum, quemadmodum Elias, qui igneo curru in cælum euectus est: uel Habacuc propheta, uel Philippus diaconus, qui diuina uirtute per aerem delati, longinqua terrarum spatia permearūt. Neque uero solum, ut Deus, præpotenti diuinitatis uirtute in cælos ascendit, sed etiam, ut homo est. Quamuis enim naturali ui id fieri non potuerit; tamen uirtus illa, qua beata Christi anima prædita erat, corpus, ut libuit, mouere potuit: corpus uero, quod iam gloriam adeptum erat, mouēris animæ imperio facile parebat. Atque hac ratione, ut Deus, & ut homo est, Christum in cælum sua uirtute ascendisse credimus. In altera articuli parte hæc sunt: Sedet ad dexteram patris. quo loco tro-

4. Reg. 2  
Dan. 14  
Act. 8



eo tropum, idest uerbi immutationem licet animadu-  
 uertere, frequentem in diuinis litteris, cum hu-  
 manas affectiones, & membra, ad nostram intel-  
 ligentiã accommodantes, Deo tribuimus. neque  
 enim, cum spiritus sit, quidquam in eo corporeũ  
 cogitari potest. Sed quoniam in humanis rebus ei  
 maiorem honorem tribui existimamus, qui ad de-  
 xteram collocatus est; eandem rem ad cælestia etiã  
 transferentes, ad explicandam Christi gloriam,  
 quam ut homo præ ceteris omnibus adeptus est,  
 cum in patris dextera esse confitemur. Sedere autẽ  
 hoc loco non situm, & figuram corporis signifi-  
 cat; sed eam regiæ summæque potestatis, ac glo-  
 riæ firmam & stabilem possessionem, quam a pa-  
 tre accepit, declarat: de quo ait Apostolus: Susci- *Eph. I*  
 tans illum a mortuis, & constituens ad dexteram  
 suam in cælestibus supra omnem principatum, &  
 potestatem, & uirtutem, & dominationem, &  
 omne nomen, quod nominatur non solum in hoc  
 sæculo, sed etiam in futuro; & omnia subiecit sub  
 pedibus eius. Ex quibus uerbis apparet, hanc glo-  
 riam adeo propriam, & singularem Domini esse,  
 ut nulli præterea conuenire possit. Quamobrem  
 alio loco testatur: Ad quem autem angelorum di- *Hebr. I*  
 xit aliquando: Sede a dextris meis? Sed articuli  
 sensum Parochus latius explanabit, ascensionis hi-  
 storiam persequens, quam sanctus Lucas euange-  
 lista in Actis apostolorum admirabili ordine de- *Act. I*  
 scripsit. In cuius explicatione illud primum obser-  
 uare oportebit, cetera omnia mysteria ad ascensio-  
 nem, tamquam ad finem, referri, in eoque omniũ  
 perfectionem, & absolutionem contineri. nam, ut  
 ab in-

ab incarnatione Domini omnia religionis nostræ mysteria initium habent; ita ascensione eius peregrinatio concluditur. Præterea, alia Symboli capita, quæ ad Christum dominum pertinent, summam eius humilitatem, & contemptionem ostendunt. neque enim abiectius, aut humilior quidquam cogitari potest, quàm quod filius Dei pro nobis humanam naturam, & imbecillitatem assumpserit, patique, & mori uoluerit. At uero, quod tum superiori articulo a mortuis resurrexisse, nunc uero in cælum ascendisse, & ad Dei patris dexteram sedere confitemur, nihil ad eius summam gloriam, diuinamque maiestatem declarandam magnificentius dici, aut admirabilius potest.

*Christi in  
cælum ascen-  
sionis cau-  
sa, & quæ  
nobis inde  
beneficia.*

Iam his expositis accurate docendum est, cuius rei causa Christus dominus in cælos ascenderit. Primum enim ascendit, propterea quod eius corpori, quod immortalitatis gloria in resurrectione donatum fuerat, non terrenæ huius, & obscuræ habitationis locus, sed altissimum, & splendidissimum cæli domicilium conueniret: nec uero solū ut eius gloriæ, & regni solium potiretur, quod sanguine meruerat, uerum etiam ut ea, quæ ad salutem nostram pertinebant, curaret: deinde, ut regnum suum non esse ex hoc mundo, re ipsa comprobaret. nam mundi regna, terrena, & fluxa sunt, magnisque opibus, & carnis potentia nituntur: Christi uero regnum non terrenum, quale Iudæi expectabant, sed spirituale, & æternum. itemque eius opes, & diuitias spirituales esse ipse ostendit, cum suam sedem in cælis collocauit. in quo quidē regno illi ditiores, & omnium bonorum copia af-  
fluen-

*Ioan. 18*

**fluentiores existimandi sunt, qui ea, quæ Dei sunt,**  
 diligentius querunt. nam & sanctus Iacobus testa- *Iacob. 2*  
 tur, Deum elegisse pauperes in hoc mundo, diui-  
 tes in fide, & heredes regni, quod repromisit Deus  
 diligentibus se. Sed illud etiam Dominus noster  
 in cælum ascendens efficere uoluit, ut nos eum ascen-  
 dentem mente & desiderio prosequeremur. nam  
 quemadmodum morte, & resurrectione sua mori-  
 endi, & resurgendi spiritu exemplum nobis reli-  
 querat; ita ascensu nos docet, atque instruit, ut in *Hebr. 11*  
 terris positi, in cælum nos cogitatione confera-  
 mus, confitentes nos peregrinos, & hospites esse *Eph. 2*  
 super terram, ac patriam inquirentes ciues esse san-  
 ctorum, & domesticos Dei. Nostra enim, ut idem *Philip. 3*  
 inquit Apostolus, conuersatio in cælis est. Iam ue-  
 ro uim, & magnitudinem inexplicabilium bono-  
 rum, quæ in nos Dei benignitas effundit, diuinus  
 Daud, Apostolo interprete, multo ante cecinerat *Psal. 67*  
 illis uerbis: Ascendens in altum captiuam duxit ca- *Eph. 4*  
 ptiuitatem, dedit dona hominibus. Nā decimo die  
 spiritum sanctum dedit, cuius uirtute, atque uber-  
 tate compleuit præsentem illam fidelium multitu-  
 dinem: & uere tum magnifica illa promissa persol- *Act. 1*  
 uit: Expedit uobis, ut ego uadam. si enim non abie- *Ioan. 16*  
 ro, paracletus non ueniet ad uos: si autem abiero,  
 mittam eum ad uos. Ascendit etiam in celum ex *Hebr. 9*  
 Apostoli sententia, ut appareat nunc uultui Dei  
 pro nobis, & apud patrem aduocati officio funga-  
 tur. Filioli mei, inquit sanctus Ioannes, hæc scribo *1. Ioan. 2*  
 uobis, ut non peccetis: sed &, si quis peccauerit,  
 aduocatum habemus apud patrem Iesum Chri-  
 stum iustum, & ipse est propitiatio pro peccatis no-  
 stris

stris . Nec uero quidquam est , unde fideles maiorem letitiam , & animi iucunditatē capere debeāt , quam Iesum Christum patronum causæ , ac deprecatorem salutis nostræ constitutum esse , cuius sit apud æternum patrem summa gratia , & auctoritas . Parauit denique nobis locum , quod etiam se facturum promiserat , atque omnium nostrum nomine caput ipse Iesus Christus uenit in cælestis gloriæ possessionem . nam in cælum abiens , portas , quæ Adami peccato interclusæ fuerant , patefecit , nobisque uiam muniuit , qua ad cælestem beatitudinem perueniremus ; quemadmodum ipse in cena discipulis futurum prædixerat . quod quidem ut rei etiam euentu aperte comprobaret , piorum animas , quas ab inferis eripuerat , secum in æternæ beatitudinis domicilium introduxit . Hanc cælestium munerum admirabilem copiam salutaris illa commodorum series consecuta est . primum enim fidei nostræ merito maximus cumulus accessit : nam fides earum rerum est , quæ sub aspectum non cadunt , atque ab hominum ratione , ac intelligentia remotæ sunt . Quare si Dominus a nobis non discessisset , fidei nostræ meritum minueretur : siquidem a Christo domino beati prædicantur , qui non uiderunt , & crediderunt . Præterea Christi in cælum ascensus ad confirmādam spem in cordibus nostris magnum momentum habet . nam quoniam Christum hominem in celum ascendisse , & humanam naturam in dextera Dei patris collocasse credimus , magna in spe sumus , fore , ut nos etiam , eius membra , illuc ascendamus , atque ibi cū capite nostro coniungamur

mur



mur: quod ipse Dominus his uerbis testatus est: Pater, quos dedisti mihi, uolo, ut, ubi sum ego, & *Ioan. 17* illi sint mecum. Deinde hoc quoque uel maximū beneficiū consecuti sumus, quod amorem nostrum ad cælum rapuit, ac diuino spiritu inflammauit: nam uerissime dictum est, ibi cor nostrum esse, ubi *Matth. 6* thesaurus noster est. Ac profecto, si Christus dominus in terris uersaretur, omnis nostra cogitatio in ipso hominis aspectu, & consuetudine defixa esset; & illum dumtaxat hominem spectaremus, qui nos tantis beneficijs afficeret, eumque terrena quadam beneuolentia prosequeremur: uerum in cælum ascendens, amorem nostrum spirituales redidit, effecitque, ut quem nunc absentem cogitamus, eum, ut Deum, ueneremur, & diligamus. Id autē partim Apostolorum exemplo intelligimus, quibus dum præsens affuit Dominus, humano fere sensu de illo iudicare uidebantur; partim uero ipsius Domini testimonio confirmatum est, cum inquit: Expedi uobis, ut ego uadam. Nam im- *Ioan. 16* perfectus ille amor, quo Christum Iesum præsentem diligebant, diuino amore perficiendus erat, idque spiritus sancti aduentu: quare statim addit: Si enim non abiero, paracletus non ueniet ad uos. Accedit etiam, quod in terris domum suam, idest Ecclesiam, amplificauit, quæ spiritus sancti uirtute, & ductu gubernaretur. eius uero uniuersæ inter homines Pastorem, & summum antistitem Petrum, apostolorum principem, reliquit. tum uero dedit quosdam quidem *Eph. 4* apostolos, quosdam autem prophetas, alios uero euangelistas, alios autem pastores, & doctores. *1. Cor. 12* atque

atque ita ad dexteram patris sedens, alijs, atque alijs diuersa dona semper impertitur. nam testatur Apostolus, unicuique nostrum datam esse gratiam **Eph. 4** secundum mensuram donationis Christi. Ad extremum uero, quod antea de mortis, & resurrectionis mysterio docuimus, idem etiã de ascensu fidelibus cogitandũ est. quamuis enim Christi passioni salutem, & redemptionem nostram debeamus, qui merito suo aditum iustis ad cælum aperuit: tamen eius ascensus non solũ ueluti exemplar nobis propositum est, quo alte spectare, & spiritu in cælum ascendere discamus; sed diuinam etiam uirtutem, qua id efficere possimus, largitus est.

**I N D E V E N T V R V S E S T I V D I C A R E V I V O S, E T M O R T V O S.** Tria sunt domini nostri Iesu Christi ad suã Ecclesiam decorandam, & illustrandam insignia officia, & munera, redemptionis, patrocinijs, & iudicij. cum autem superioribus articulis, ab eo genus humanum passione, & morte redemptum esse, ascensu etiam in cælum nostram causam, & patrocinium in perpetuum susceptum constet: sequitur, ut eius iudicium hoc articulo declaretur: cuius articuli ea uis est, & ratio, summo illo die Christum dominũ de uniuerso hominum genere iudicaturum esse. Sacræ enim litteræ duos filijs Dei aduentus esse testantur, alterum, cum, salutis nostræ causa, carnem assumpsit, & homo in uirginis aluo effectus est: alterum, cum in consummatione sæculi ad iudicandos omnes homines ueniet. hic aduentus in sacris litteris dies Domini appellatur: de quo Apostolus ait:

**1. Theß. 5** Dies Domini, sicut fur in nocte, ita ueniet. & Saluator

uator ipse: De die autem illa, & hora nemo scit. *Math. 24*

Ac de summo iudicio satis sit illa auctoritas Apo- *Mar. 13*  
stoli: Omnes nos manifestari oportet ante tribunal *2. Cor. 5*

Christi, ut referat unusquisque propria corporis, prout gesit, siue bonum, siue malum. Plena enim est sacra scriptura testimoniorum, quæ passim Parochis occurrent, ad rem non solum comprobendam, sed etiam fidelium oculis subiiciendam; ut, quemadmodum a mundi initio dies ille Domini, quo humanam carnem induit, omnibus optatissimus semper fuit, quod in eo mysterio liberationis suæ spem positam haberent; ita deinceps post filij Dei mortem, & ascensum in cælum, alterum diem Domini uehementissimo studio desideremus, expectantes beatam spem, & aduentū gloriæ magni Dei.

Sed duo tempora Parochis ad rei explicationem obseruanda sunt, in quibus unicuique necesse est in conspectum domini uenire, & singularum cogitationum, actionum, uerborum denique omnium rationē reddere, demumque iudicis præsentem subire sententiam. Primum est, cum unusquisque nostrum migrat e uita: nam statim ad Dei tribunal sistitur, ibiq. de omnib<sup>9</sup> iustissima quæstio habetur, quæcumque aut egerit, aut dixerit, aut cogitarit umquam. atque hoc priuatim iudicium uocatur. Alterum uero, cum uno die, atque uno in loco omnes simul homines ad tribunal iudicis stabunt, ut, omnibus omnium seculorum hominibus inspectantibus, & audientibus, singuli, quid de ipsis decretum, & iudicatum fuerit, cognoscant: cuius sententiæ pronuntiatio impijs, & scelestis hominibus non minima futura est poenarum, & suppliciorum pars.

*De duplici  
ad nos aduē  
tu Domini  
& de neces  
sitate gene  
ralis iudicij.*

pars. Rursus uero pij, & iusti non paruum ex ea præmium fructumq. percepturi sunt, cum, qualis quisque in hac uita fuerit, apparebit. hoc autem generale iudiciũ appellatur: de quo illud necessario ostendendum est, quæ causa fuerit, cur, præter priuatum de singulis, alterum etiam de uniuersis hominibus iudicium exerceretur. nam cum uel ipsis hominibus mortuis interdum superstites sint filij parentum imitatores, reliqui sint libri, discipuli, exemplorum, orationum, actionum amatores, ac propugnatores, quibus rebus ipsorum mortuorum præmia, & pœnas augeri necesse est; cum hæc uel utilitas, uel calamitas ad plurimos pertinens, non prius finem habitura sit, quã extremus ueniat mundo dies; equum erat de uniuersa hac recte, aut perperam factorum, dictorumq. ratione perfectã quæstionẽ haberi: quod fieri non poterat, nisi factõ cõmuni omnium hominum iudicio. Accedit etiam quod, cum piorum fama sæpe lædatur, impij uero innocentie laude commendentur, diuine iustitie ratio postulat, ut pij ereptam iniuria apud homines existimationem in publico uniuersorum hominũ conuentu, & iudicio recuperent. deinde uero boni, & mali homines, quæcumque in uita egerunt cum nõ sine corporibus egerint; omnino sequitur, ut benefacta, siue malefacta ad corpora etiã pertineant, quæ actionum ipsarum instrumentũ fuerunt. Maxime igitur conueniebat, corporibus una cum eorũ animis debita eternæ gloriæ præmia, aut supplicia imperiri: quod quidem neque sine omnium hominũ resurrectione, neque sine generali iudicio fieri poterat. Postremo, quoniam in aduersis, & secundis

dis



dis hominum rebus , quę promiscue nonnūquam bonis & malis eueniunt, probandum erat, nihil nō infinita Dei sapientia , & iustitia geri, ac gubernari; par fuit, non solum bonis prēmia, improbis supplicia in futuro seculo constitui , uerum etiam publico, ac generali iudicio decerni; quo omnibus notiora, & illustriora fierent, atque ut Deo iustitię, & prouidentię laus ab omnibus tribueretur, pro iniusta illa querela , qua sancti etiam uiri deplorare interdum, ut homines , solebant, cum improbos ualentes opibus , & honoribus florentes animaduernerent. nam Propheta, Mei , inquit, pene moti sunt *Psal. 72* pedes, pene effusi sunt gressus mei , quia zelaui super iniquos pacem peccatorum uidens . Et paulo post : Ecce ipsi peccatores, & abundantes in seculo, obtinuerunt diuitias : & dixi : Ergo sine causa iustificauit cor meum : & laui inter innocentes manus meas : & fui flagellatus tota die: & castigatio mea in matutinis . Atque hęc frequens querela multorum fuit . Ergo necesse erat , ut generale iudicium exerceretur; ne forte homines dicerent, Deum circa *Iob 22* cardines cęli perambulantem non curare terrena . Hęc autem ueritatis formula, iure una ex duodecim fidei Christianę articulis constituta est , ut , si quorum animi in prouidentia & iustitia Dei narent, huius doctrine ratione confirmarentur . Pręterea , proposito iudicio pios recreari , impios terreri oportebat ; ut , cognita Dei iustitia, illi ne deficerent , hi a malis , eterni supplicij metu , atque expectatione, reuocarentur . Quare Dominus , & saluator noster , cum de extremo die loqueretur , declarauit futurum aliquan-

F do ge-

Act. 1

do generale iudicium; signaque aduentantis eius temporis descripsit; ut, cum illa uiderimus, finem sæculi prope esse intelligamus. Ac deinde in cælum ascendens angelos misit, qui apostolos, eius absentia mærentes, his uerbis consolarentur: Hic Iesus, qui assumptus est a uobis in cælum, sic ueniet, quæ admodum uidistis eum euntem in cælum.

*Christus  
est iudex  
omnium fu-  
urus: ac de  
precedenti-  
bus iudicii  
signis, deq.  
forma, sen-  
tentia, mo-  
do.  
Joan. 5*

I. 1

Verum, Christo domino non solum ut Deo, sed etiam ut homini hoc iudicium datum esse, sacrę literę declarant. quamuis enim iudicandi potestas omnibus sanctę Trinitatis personis communis sit: præcipue tamen filio eam tribuimus; quod ipsi quoque sapientiam conuenire dicimus. Quod autem ut homo mundum iudicaturus sit, Domini testimonio confirmatur, qui inquit: Sicut pater habet uitã in semet ipso, sic dedit & filio habere uitã in semet ipso, & potestatem dedit ei iudicium facere, quia filius hominis est. Decebat autem maxime a Christo domino hoc iudicium exerceri, ut, cum de hominibus decernendum esset, illi corporeis oculis iudicẽ uidere, & auribus sententiam, quæ proferebatur, audire possent, & omnino iudicium illud sensibus percipere. Ac præterea equissimum erat, ut homo ille, qui iniquissimis hominum sententijs condemnatus fuerat, omnium deinde iudex sedere ab omnibus conspiceretur. Quamobrem apostolorum Princeps, cum in Cornelij domo summa Christianę religionis capita exposuisset, docuissetque Christum a Iudæis in ligno suspensum, atque occisum, tertia uero die ad uitam resurrexisse, subiunxit: Et præcepit nobis, prædicare populo, & testificari, quia ipse est, qui constitutus est a Deo iudex uiuorum,

Act. 10

uorum, & mortuorum. Sed tria hæc præcipua signa iudicium antecessura esse, sacræ litteræ declarant, prædicationem euangelij per uniuersum orbem, discessionem, Antichristum. ait enim Dominus: Prædicabitur hoc euangelium regni in uniuerso orbe in testimonium omnibus gentibus, & tunc ueniet consummatio. & Apostolus nos admonet, ne ab aliquo seducamur, quasi instet dies Domini: quoniam, nisi uenerit discessio primum, *Math. 24* & reuelatus fuerit homo peccati, iudicium non fiet. Quæ autem iudicij forma, & ratio futura sit, Parochis ex Danielis oraculis, tum ex sanctorum euangeliorum, & Apostoli doctrina facile erit cognoscere. Præterea, sententia, quæ a iudice pronuntianda sit, diligentius hoc loco expendenda erit. Christus enim, saluator noster, lætis oculis pios a dextera stantes intuens, ita de illis iudicium summa cum benignitate pronuntiabit: Venite benedicti patris mei: possidete regnum, quod paratum est uobis a constitutione mundi. Quibus uerbis nihil iucundius audiri posse illi intelligent, qui ea cū impiorum damnatione contulerint, ac cum animo suo cogitauerint, ijs uerbis pios & iustos homines a laboribus ad quietem, a lacrymarum ualle ad summum gaudium, a miserijs ad perpetuam beatitudinem, quam illi charitatis officijs promeriti fuerint, uocari. Deinde ad eos, qui a sinistra stabunt, conuersus, suam iustitiam in eos effundet his uerbis: Discedite a me maledicti in ignem æternum, qui paratus est Diabolo, & angelis eius. Prioribus illis uerbis, Discedite a me, maxima poena significatur, qua impij plectendi erunt, cum a Dei

aspectu quamlongissime eijciētur; neque ulla spes eos consolari poterit, fore aliquando, ut tanto bono perfruantur. atque hæc quidem a Theologis pœna damni appellata est, quod scilicet impij apud inferos diuinæ uisionis luce perpetuo carituri sint. Quod uero additur, Maledicti; mirum in modū auget illorum miseriam, & calamitatem. si enim, cū a diuina præsentia expellendi essent, aliqua saltem benedictione digni haberentur, hoc profecto magno eis solatio esse potuisset. at quoniam nihil eiusmodi ipsis expectandum est, quod calamitatē leuiorem faciat; iure optimo, cum expellentur, diuina iustitia eos omni maledictione persequetur.

*Matth. 25* Sequitur deinde, In ignem æternum. quod quidem alterum pœnarum genus, pœnam sensus Theologi uocarunt: propterea quod sensu corporis percipiatur, ut in uerberibus, & flagellis, alioque grauiore suppliciorum genere; inter quæ, dubitari nō potest, ignis tormenta summum doloris sensum efficere. cui malo cum accedat, ut perpetuum tempus duraturum sit; ex eo ostenditur, damnatorum pœnam omnibus supplicijs cumulandam esse. atque hoc magis declarāt uerba illa, quæ in extrema sententiæ parte posita sunt: Qui paratus est Diabolo, & angelis eius. Cum enim ita comparatum sit, ut omnes molestias leuius feramus, si calamitatis nostræ socium aliquem, & consortem habeamus, cuius prudentia, atque humanitate aliqua ex parte iuuari possimus; quæ tandem erit damnatorum miseria, quibus in tantis ærumnis a perditissimorum demonum societate diuelli nūquam licebit? Et hæc quidem sententia in impios  
iustis-



iustissime a domino Salvatore nostro feretur ; ut ,  
qui omnia uere pietatis opera neglexerint , & esu-  
rienti , ac sitiendi nec cibum , nec potum ministra-  
uerint , hospitem non exceperint , nudum non ope-  
ruerint , aut in carcere inclusum , ægrumque non  
uissitarint . Hæc sunt , quæ Pastores fidelis populi  
auribus sæpissime inculcare debent . nam huius ar-  
ticuli ueritas fide concepta maximam uim habet  
ad frenandas prauas animi cupiditates , atque a pec-  
catis homines abstrahendos . Quare in Ecclesia- *Eccle. 7*  
stico dictum est : In omnibus operibus tuis memo-  
rare nouissima tua , & in æternum non peccabis .  
Ac profecto uix quisquam adeo præceptis in scelera  
feretur , quem illa cogitatio ad pietatis studium nō  
reuocet , fore aliquando , ut ei apud iustissimum iu-  
dicem omnium non solum factorum , dictorum-  
que , sed occultissimarum etiam cogitationum ra-  
tio reddenda , & pro meritis poena persoluenda sit .  
Iustus uero ad colendam iustitiam magis ac magis  
incitetur , ac summa lætitia efferatur , necesse est ,  
quamuis etiam in egestate , infamia , cruciatibus  
uitam degat , cum animum ad eum diē refert , quo  
post ærumnosæ huius uitæ certamina , uictor uni-  
uersis hominibus audientibus declarabitur , & di-  
uinis , atque illis quidem æternis honoribus , in cæ-  
lestem patriam receptus , afficietur . Quod igitur  
reliquum est , hortari fideles oportet , ut optime ui-  
uendi rationem comparent , ad omne pietatis stu-  
dium se exerceant , quo possint aduentantem ma-  
gnū illum diem Domini maiore cum securitate  
animi expectare , atque adeo , ut filios decet , cum  
summa cupiditate expetere .

C R E D O I N S P I R I T V M S A N C T V M .

Haftenus, quæ ad primam, & secundam sanctæ Trinitatis personam pertinebant, quantum propositi argumenti ratio postulare uidebatur, exposita sunt: sequitur nunc, ut illa etiam, quæ in Symbolo de tertia persona, hoc est de spiritu sancto traduntur, explicentur. Qua in re declaranda omne studium, & diligentiam Pastores adhibebunt, cum homini Christiano non magis liceat hanc partem ignorare, uel de ea minus recte sentire, quam de alijs superioribus articulis existimandum sit. Quare Apostolus non permisit Ephesios quosdam spiritus sancti personam ignorare: a quibus cum quæsisset, an spiritum sanctum acceperissent, cum illi, ne si spiritus sanctus quidem esset, se scire respondissent; statim rogauit: In quo ergo baptizati estis? quibus uerbis significauit, distinctam huius articuli notitiam fidelibus maxime necessariam esse: ex qua eum præcipue fructum capiunt, quod, cum attente cogitant, se, quidquid habent, spiritus sancti munere, & beneficio consecutos esse: tum uero de se ipsis modestius, & humiliter sentire, & in Dei præsidio omnem spem ponere incipiunt: qui primus homini Christiano gradus ad summam sapientiam, & felicitatem esse debet.

*De propria  
spiritus sancti  
signifi-  
catione.*

Huius igitur articuli explanationem a ui, & notione, quæ hoc loco spiritus sancti uocabulo subiecta est, exordiri oportebit. nam cum illud eque de patre, & filio rectissime dicatur; (uterque enim spiritus est, & sanctus: si quidem Deum spiritum esse confitemur) deinde uero hac uoce angeli etiam & piorum anime significentur; cauendum est, ne  
populus

populus uerbi ambiguitate in errorem inducatur .  
 Quare docendum est in hoc articulo, spiritus sancti nomine tertiam Trinitatis personam intelligi : quo modo in sacris litteris tum ueteris nonnumquam, tum noui testamenti frequenter accipitur . nam Dauid precatur : Et spiritum sanctum tuum *Psal. 50* ne auferas a me . In libro sapientię legimus : Sen- *Sap 9* sum tuum quis sciet , nisi tu dederis sapientiam , & miseris spiritum sanctum tuum de altissimis ? & alibi : Ipse creauit illam in spiritu sancto . In nouo *Eccl. 1* uero testamento iubemur baptizari in nomine pa- *Matth. 28* tris , & filij , & spiritus sancti . Et sanctissimam *Matth. 1* uirginem de spiritu sancto concepisse legimus . Tū *Luc. 1* uero a sancto Ioanne ad Christum mittimur : qui *Ioan. 8* nos spiritu sancto baptizat ; ac plurimis præterea alijs in locis ea uox legentibus occurrit . Verum nemo mirari debet , tertię personę , quemadmodum primę , & secundę , proprium nomen tributum non esse . nam secunda persona ideo proprium nomen habet , & filius dicitur , quia eius æternus a patre ortus proprie generatio uocatur , ut in superioribus articulis explicatum est . Vt igitur ortus ille , generationis nomine significatur ; ita personam , quę emanat , proprie filium appellamus , & , a qua emanat , patrem . Nunc cum tertię personę productioni proprium nomen impositum non sit , sed spiratio , & procesio appelletur ; sequitur , ut etiam persona , quę producitur , suo nomine careat . Nullum autem proprium nomen eius emanatio habet : propterea quod nomina , quę Deo tribuuntur , a rebus creatis mutuari cogimur : in quibus quoniam nullam aliam naturę , & essentię communicandę ra-

F 4

tionem,

tionem, quam generandi uirtute agnoscimus, ob eam causam fit, ut rationem, qua se ipsum totum Deus ui amoris communicat, proprio uocabulo exprimere non possimus. Quare communi SPIRITVS SANCTI nomine tertia persona appellata est. quod quidem illi maxime conuenire ex eo intelligimus, quia spirituales uitam in nos infundit, ac sine eius sanctissimi numinis afflatu nihil æterna uita dignum efficere possumus.

*Spiritum sã  
ctum om-  
nino Patri  
& filio in  
omnibus æ-  
quale esse.*

Verum, explicata uocabuli significatione, docendus in primis erit populus, spiritum sanctum æque ac patrem & filium Deum esse, eidem æqualem, æque omnipotentem, æternum, & infinitæ perfectionis, summum bonum, ac sapientissimũ, eiusdemq. cum patre, & filio naturæ. Quod quidẽ illius uocis, IN, cum dicimus, Credo in spiritum sanctum, proprietates satis indicat, quæ, ad exprimendam fidei nostræ uim, singulis Trinitatis personis appositæ est. Atque id etiam aperta sacrarũ litterarum testimonia confirmant. nam cum sanctus Petrus in Actis apostolorum dixisset: Anania, cur tentauit Satanæ cor tuum, mentiri te spiritui sancto? mox inquit: Non es mentitus hominibus, sed Deo: quem prius spiritum sanctum appellauerat, eundem statim Deum uocat. Apostolus etiam ad Corinthios, quem Deum dixerat, spiritum sanctum esse interpretatur. Diuisiones, inquit, operationum sunt, idem uero Deus, qui operatur omnia in omnibus. Deinde subiungit: Hæc autem omnia operatur unus, atque idem spiritus, diuidens singulis prout uult. Præterea in Actis apostolorum, quod uni Deo prophetæ tribuunt,

**Act. 5**

**1. Cor. 12**



buunt, ille spiritui sancto adscribit. dixerat enim  
 Isaias: Audiui uocem Domini dicentis. Quem *Isa. 6*  
 mittam? & dixit mihi: Vade, & dices populo huic:  
 Excæca cor populi huius, & aures eius aggraua,  
 & oculos eius claude: ne forte uideat oculis suis,  
 & auribus suis audiat. Quæ uerba cum Apосто- *Act. 28*  
 lus citaret, Bene, inquit, spiritus sanctus locutus  
 est per Isaiam prophetam. Deinde uero cum scri-  
 ptura spiritus sancti personam cum Patre & Filio  
 coniungit, ut cum patris, & filij, & spiritus san-  
 cti nomen in baptismo adhiberi præcipit, nullus  
 nobis de huius mysterij ueritate dubitandi locus  
 relinquitur. nam si pater Deus est, & filius Deus:  
 omnino fateri cogimur, etiam spiritum sanctum,  
 qui cum eis pari honoris gradu cōiungitur, Deum  
 esse. Accedit autem, quod is, qui in nomine cu-  
 iusuis rei creatæ baptizatur, nullum ex eo fructum  
 consequi potest. Numquid in nomine Pauli, inquit, *1. Cor. 1*  
 baptizati estis? ut ostenderet hoc eis nihil ad cōpa-  
 randam salutem profuturum esse. Cum igitur ba-  
 ptizemur in nomine spiritus sancti, eum esse Deū  
 fateri oportet. Sed hunc eundem trium personarū  
 ordinem, quo spiritus sancti diuinitas cōprobat, *1. Ioan. 5*  
 licet animaduertere tum in epistola Ioannis: Tres  
 sunt qui testimonium dant in cælo, pater, uerbum,  
 & spiritus sanctus, & hi tres unum sunt: tum ex  
 præclaro illo sanctæ Trinitatis elogio, quo diuine  
 laudes & psalmi concluduntur, Gloria patri, &  
 filio, & spiritui sancto. Postremo, quod ad eam  
 ueritatem confirmandam maxime pertinet, quæ-  
 cumque Dei propria esse credimus, ea spiritu san-  
 cto conuenire sacræ litterę testantur. Quare illi

1. Cor. 6

2. Thess. 2

1. Petr. 1

Ioan. 6

2. Cor. 3

1. Cor. 2

Math. 28

2. Cor. 13

Hebr. 1

templorum honorem tribuunt, ut cum Apostolus ait: An nescitis, quoniam membra uestra tēplum sunt spiritus sancti? Item sanctificationem, & uiuificationem; & scrutari profunda Dei; & per prophetas loqui; & ubique esse: quæ omnia diuino tantum numini tribuenda sunt. Sed illud præterea fidelibus accurate explanandum est, spiritum sanctum ita Deū esse, ut eum tertiā personam in diuina natura a patre, & filio distinctam, & uoluntate productam confiteri oporteat. nam, ut alia scripturarum testimonia omittatur, baptismi forma, quā Saluator noster docuit, apertissime ostendit spiritū sanctū tertiā esse personā, quæ in diuina natura per se cōstet, & ab alijs distincta sit. Quod etiā Apostoli uerba declarant, cū inquit: Gratia domini nostri Iesu Christi, & charitas Dei, & cōmunicatio sancti spiritus sit cum omnibus uobis, Amen. Idem uero multo apertius demonstrant, quæ Patres in Constantinopolitano primo Cōcilio hoc loco ad confundendam impiam Macedonij amentia addiderunt, & in SPIRITVM SANCTVM DOMINVM, & uiuificantem, qui ex patre, filioque procedit, qui cum patre & filio simul adoratur, & conglorificatur; qui locutus est per prophetas. Quod igitur spiritum sanctum Dominum confitentur, in eo declarant, quantum angelis antecellat; qui tamen nobilissimi spiritus a Deo cōditi sunt. illos enim omnes sanctus Paulus testatur esse administratorios spiritus, in ministerium missos propter eos, qui hereditatem capiunt salutis. V I V I F I C A N T E M uero appellant, quod anima cum Deo coniuncta magis uiuit, quam corpus anime coniunctione alitur,

tur, ac sustinetur. Quoniam uero spiritui sancto sacræ litteræ hanc animæ cum Deo coniunctionē tribuunt, rectissime uiuificantem spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles, spiritum sanctum a patre, & filio, tamquam ab uno principio, æterna processione procedere. id enim ecclesiastica regula, a qua Christiano non licet aberrare, credendum nobis proponit, & diuinarum litterarum & Conciliorum auctoritate confirmatur. nam Christus dominus, cū de spiritu sancto loqueretur, dixit: Ille me clarificabit, quia de meo accipiet. Hoc idem ex eo colligitur, quod in scripturis sacris spiritus sanctus nonnumquā spiritus Christi, interdum spiritus patris appellatur: modo a patre, modo a filio mitti dicitur, ut æque a patre, & filio procedere nō obscure significetur. Qui spiritum Christi non habet, inquit sanctus Paulus, hic non est eius. Et idem spiritum Christi uocat, cum ad Galatas inquit: Misit Deus spiritum filij sui in corda uestra, clamantem Abba pater. Apud sanctum Matthæum spiritus patris appellatur: Non uos estis qui loquimini, sed spiritus patris uestri. Et Dominus in cena inquit: Paracletus, quem ego mittam uobis spiritum ueritatis, qui a patre procedit, ille testimonium perhibebit de me. Tum alibi eundem spiritum sanctum a patre mittendum affirmat his uerbis: Quem mittet pater in nomine meo. Ex quibus uerbis cum processionem spiritus sancti intelligamus, perspicuum est, eundem ab utroque procedere. Hæc sunt, quæ de spiritus sancti persona tradenda erunt.

Ioan. 16

Ioan. 14. 18

Rom. 8

Gal. 4

Matth. 10

Ioan. 15

Ioan. 14

Docere

*De admirā-  
dis spiritus  
sancti effe-  
ctibus &  
donis.*

Docere præterea oportebit, quosdam esse spiri-  
tus sancti admirabiles effectus, & amplissima quæ-  
dam munera, quæ ab ipso, tamquam a perenni bo-  
nitatis fonte, oriri, & manare dicuntur. Quam-  
uis enim sanctissimæ Trinitatis opera, quæ extrin-  
secus fiunt, tribus personis communia sint: ex ijs  
tamen multa spiritui sancto propria tribuuntur, ut  
intelligamus illa in nos a Dei immensa charitate  
proficisci. nam cū spiritus sanctus a diuina uolun-  
tate, ueluti amore inflammata, procedat; perspicui  
potest, eos effectus, qui proprie ad spiritum san-  
ctum referuntur, a summo erga nos Dei amore ori-  
ri. Quare ex eo consequitur, ut spiritus sanctus  
**D O N V M** appelletur. nam doni uocabulo signifi-  
catur id, quod benigne, & gratuito, nulla spe re-  
munerationis proposita, donatur. Ac proinde quæ-  
cumque bona, & beneficia a Deo in nos collata  
sūt, (quid autē habemus, quod a Deo ut inquit Apo-  
stolus, non acceperimus?) ea nobis spiritus sancti  
concessu, & munere data esse, pio, & grato animo  
agnoscere debemus. Eius autem plures effectus  
sunt. nam ut mundi creationem, creatarumque re-  
rum propagationem, & gubernationem omitta-  
mus, de quibus in primo articulo commemorauim-  
us; uiuificationem spiritui sancto proprie tribui,  
paulo ante demonstratum est, & Ezechielis testi-  
monio confirmatur: Dabo inquit, uobis spiritum,  
& uiuetis. Præcipuos tamen, & maxime pro-  
prios spiritus sancti effectus Propheta enumerat:  
**Isa. 11** Spiritum sapientiæ, & intellectus, spiritum consilij,  
& fortitudinis, spiritum scientiæ, & pietatis, &  
spiritum timoris Domini, quæ dona spiritus sancti  
uocantur.

**1. Cor. 4**

**Ezech. 37**

**Isa. 11**



uocantur . interdum autem spiritus sancti nomen eis tribuitur . Quare sapienter D. Augustinus monet , Animaduertendum esse, cum in sacris litteris huius uocis **S P I R I T V S S A N C T I** mētio fit, ut dijudicare possimus, tertiam ne Trinitatis personam, an eius effectus, atque operationes significet, nam hec duo eodem interuallo distinguenda sunt, quo etiam creatorem a rebus creatis differre credimus. Atque hec eo diligentius explicāda sunt, quod ex hisce spiritus sancti donis, Christianę uite pręcepta haurimus, sentireque possumus, an spiritus sanctus in nobis sit. Verum, prę ceteris eius amplissimis muneribus, gratia illa prędicanda est, quę nos iustos facit, signatque spiritu promissionis sancto, qui est pignus hereditatis nostrę. hec enim mentem nostram arctissimo amoris uinculo Deo iungit: ex quo fit, ut summo pietatis studio accensi, nouam uitam instituamus, ac naturę diuinę participes effecti, filij Dei nominemur, & uere simus .

S. August.

Ephe. 1

1 Ioan. 3

**C R E D O S A N C T A M E C C L E S I A M C A T H O L I C A M .** Quanta diligentia curare Pastores debeant, ut huius noni articuli ueritatem fidelibus explicent, si duo potissimum considerātur, facile cognosci poterit. Primum enim, teste sancto Augustino, prophetę planius, & apertius de Ecclesia, quam de Christo, locuti sunt, cum in eo multo plures errare, ac decipi posse, quam in incarnationis sacramento, pręuiderent. Neque enim de futuri erant impij, qui ad simię imitationem, quę se hominem esse fingit, solos se catholicos esse profiterentur, & catholicam Ecclesiam apud se tantum, non minus nefarie, quam superbe affirmarent .

S. August.

rent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est; sed qui, Ecclesiæ auctoritate neglecta, impias opiniones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarij artes muniti, in fidei ueritate perseuerent. Pendet autem hic articulus a superiori: quia cum iam demonstratum sit, spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur.

*Quid proprie nunc  
ecclesiæ  
christianis  
intelligen-  
tiam, quæ  
in mysterio  
uocat.*

*Act 19*

*Psal. 25*

Ac quoniam Ecclesiæ uocem Latini a Græcis mutuati, post diuulgatum euangelium ad res sacras transtulerunt; quam uim habeat hoc uocabulum, aperiendum est. Significat autem Ecclesia euocationem: uerum scriptores postea usurparunt pro concilio, & concione. Neque uero refert, utrū populus ille ueri Dei, an falsæ religionis cultor existerit. in Actis enim de Ephesino populo scriptum est, cum scriba turbas sedasset, dixisse, Si quid autem alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiam malorum, & impiorum hominum concilia interdum Ecclesia nominantur. Odiui, inquit Propheeta, Ecclesiam malignantium, & cum impijs non sedebo. Communi uero deinde sacrarū scriptura-  
rum

rum consuetudine hæc uox ad remp. Christianam, fideliumque tantum congregationes significandas usurpata est; qui scilicet ad lucem ueritatis, & Dei notitiam per fidem uocati sunt, ut, reiectis ignorantia, & errorum tenebris, Deum uerum, & uiuum pie, & sancte colant, illique ex toto corde inserviant. Atque, ut unico uerbo hæc res tota absol-uatur, Ecclesia, ut ait sanctus Augustinus, est po-  
 pulus fidelis per uniuersum orbem dispersus. Nec uero leuia mysteria in hoc uocabulo continentur. etenim in euocatione, quam Ecclesia significat, statim diuinę gratię benignitas, & splendor elucet, intelligimusque Ecclesiam ab alijs rebus publicis maxime differre. illę enim humana ratione, & prudentia nituntur: hæc autem Dei sapientia, & consilio constituta est. uocauit enim nos intimo quidam spiritus sancti afflatu, qui corda hominum aperit, extrinsecus autem Pastorum & prædicato-  
 rum opera, ac ministerio. Præterea, ex hac uoca-  
 tione quis nobis finis propositus esse debeat, nimirum eternarum rerum cognitio, & possessio, is optime perspiciet, qui animaduernerit, cur olim fide-  
 lis populus sub lege positus, synagoga, idest congregatio diceretur. nam, ut docet sanctus Augusti-  
 nus, hoc ei nomen impositum est, quia pecudum more, quibus magis congregari conuenit, terrena, & caduca tantum bona spectaret. quare merito Christianus populus, non synagoga, sed Ecclesia dicitur: quia, terrenis, & mortalibus rebus contemptis, celestes, & eternas tantummodo conse-  
 ctatur. Multa præterea nomina, quę plena sunt my-  
 sterijs, ad Christianam rempub. significandam tra-  
 ducta

S. August.

1. Tim 3

ducta sunt . nam & domus , & ædificium Dei ab Apostolo uocatur . Si tardauero, inquit ad Timotheum , ut scias quo modo oporteat te in domo Dei conuersari, quæ est ecclesia Dei uiui, columna, & firmamentum ueritatis. Domus autem Ecclesia idcirco appellatur, quia sit ueluti una familia, quâ unus paterfamilias moderatur, & in qua est bonorum omnium spiritualium cōmunio . Dicitur etiã grex ouium Christi , quarum ille ostium est, & Pastor. Vocatur sponsa Christi. Despondi uos uni uiro uirginem castam exhibere Christo, inquit Apo-

2. Cor 11

Eph. 5

stolus ad Corinthios . Idem ad Ephesios : Viri diligite uxores uestras , sicut & Christus dilexit Ecclesiam . Ac de matrimonio : Sacramentum hoc, inquit, magnum est, ego autem dico in Christo, & in Ecclesia. Dicitur denique Ecclesia corpus Christi, ut ad Ephesios , & Colossenses licet uidere . Et hæc singula plurimum ualent ad fideles excitandos , ut se dignos immensa Dei clementia, & bonitate præbeant, qui eos, ut populus Dei esset, elegit .

Eph. 1

Ad Col. 1

*Ecclesiæ  
Militans, et  
Triumphans  
dicatur, et  
quæsiã com-  
plectatur .*

His uero explicatis , necesse erit singulas Ecclesiæ partes enumerare, earumque differentias docere, quo magis Deo dilectę Ecclesię naturam, proprietates, dona, & gratias populus percipiat, & ob eam causam sanctissimũ Dei numen laudare numquam intermittat. Ecclesię autem duę potissimum sunt partes : quarum altera Triumphans , altera Militans uocatur . Triumphans est, cœtus ille clarissimus , & felicissimus beatorum spirituum , & eorum , qui de mundo, de carne , de iniquissimo demone triumpharunt , & ab huius uitę molestiis liberi, ac tuti , æterna beatitudine fruuntur . Militans



rans uero Ecclesia est, coetus omnium fidelium, qui adhuc in terris uiuunt: quę ideo Militans uocatur, quod illi cum immanissimis hostibus, mundo, carne, Satana perpetuum sit bellum. Neque idcirco tamen duas esse Ecclesias censendum est: sed eiusdem Ecclesię, ut antea diximus, partes duę sunt, quarum una antecessit, & cęlesti patria iam potitur: altera in dies sequitur, donec aliquando cum Salvatore nostro coniuncta, in sempiterna felicitate conquiescat. Iam in Ecclesia Militanti duo sunt hominum genera, bonorum, & improborum. & improbi quidem eorundem sacramentorum participes eandem quoque, quam boni, fidem profitentur, uita ac moribus dissimiles: boni uero in Ecclesia dicuntur ij, qui non solum fidei professione, & communione sacramentorum, sed etiam spiritu gratię, & charitatis uinculo inter se coniuncti, & colligati sunt: de quibus dicitur: Cognouit *2.Tim.2* Dominus, qui sunt eius. Possunt uero etiam homines aliquibus coniecturis opinari, quinam sint, qui ad hunc piorum hominum numerum pertineant, certo autem scire minime possunt. Quare existimandum non est, Christum saluatorem de hac Ecclesię parte locutum esse, cum ad Eccle- *Math.18* siam nos remisit, eique ut pareamus pręcepit. nam cum illa sit incognita; cui certum esse poterit, ad cuius iudicium confugiendum, & cuius auctoritati obtemperandum sit? Bonos igitur, & improbos Ecclesia complectitur, quemadmodum & diuinę litterę, & sanctorum uirorum scripta testantur. In quam sententiam scriptum *Eph.4*

G est

est illud Apostoli, Vnum corpus, & unus spiritus,

*Ecclesia qui  
bus figuris  
& similitu-  
dinibus de-  
signata, &  
quoniam ab  
ea excludi-  
tur.*

*Matth. 13;*

*Matth. 3*

*Luc. 3*

*Matth. 25*

*Gen. 7*

Hæc autem Ecclesia nota est, ubique supra mô-  
tem sitæ comparata, quæ undique conspicitur. nam  
cum illi ab omnibus parendū sit, cognoscatur ne-  
cesse est. Neque bonos tantum, sed malos etiam  
complectitur, ut multis parabolis euangelium do-  
cet, ueluti cum regnum cælorum, idest Militan-  
tem Ecclesiam, simile esse sagenæ in mare missæ cō-  
memorat; uel in agro, in quo zizania superseminata  
sunt; uel areæ, in qua frumentum cum paleis con-  
tinetur; uel decem uirginibus partim fatuis, par-  
tim prudentibus. Sed multo ante etiā in arca Noe,  
qua non solū munda, sed etiam immunda animan-  
tia concludebantur, huius Ecclesiæ figuram, &  
similitudinem licet intueri. Quamuis autem, bo-  
nos, & malos ad Ecclesiam pertinere, catholica fi-  
des uere, & constanter affirmet: ex ijsdem tamen  
fidei regulis fidelibus explicandum est, utriusque  
partis diuersam admodum rationem esse. ut enim  
paleæ cum frumento in area confusæ sunt, uel in-  
terdū membra uarie intermortua corpori coniun-  
cta: ita etiam mali in Ecclesia continentur: ex quo  
fit, ut tria tantummodo hominum genera ab ea ex-  
cludātur, primo infideles, deinde heretici & schis-  
matici, postremo excommunicati: ethnici quidem  
quod in Ecclesia numquam fuerunt, neque eam  
umquam cognouerunt, nec ullius sacramenti par-  
ticipes in populi Christiani societate facti sunt; hæ-  
retici uero, atque schismatici, quia ab Ecclesia de-  
sciuerunt. neque enim illi magis ad Ecclesiam spe-  
ctant, quam transfuge ad exercitum pertineant,  
a quo defecerunt. non negandum tamen, quin in  
Ecclesia

Ecclesiæ potestate sint, ut qui ab ea in iudicium uocentur, puniantur, & anathemate damnentur. Postremo etiam excommunicati, quod Ecclesiæ iudicio ab ea exclusi, ad illius communionē non pertineant, donec resipiscant. De ceteris autem quamuis improbis, & sceleratis hominibus, adhuc eos in Ecclesia perseuerare dubitandum non est: idque fidelibus tradendum assidue, ut, si forte Ecclesiæ antistitum uita flagitiosa sit, eos tamen in Ecclesia esse, nec propterea quidquā de eorum potestate detrahi, certo sibi persuadeāt. Verum uniuersę etiam Ecclesię partes, Ecclesię nomine significari solēt, ut cum Apostolus Ecclesiam, quę est Corinthi, Galatię, Laodicensium, Thessalonicensium nominat, priuatas etiam fidelium familias Ecclesias uocat: nam Priscę, & Aquilę domesticam Ecclesiam salutarī iubet. item alio in loco, Salutant uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem uocem usurpauit. Interdum quoque Ecclesię nomine eius præsides, ac Pastores significantur: Si te non audierit, inquit Christus, dic Ecclesię. Quo in loco præpositi Ecclesię designantur. Sed locus etiam, in quem populus siue ad concionem, siue alicuius rei sacrę causā conuenit, Ecclesia appellatur. Præcipue uero in hoc articulo Ecclesia bonorum simul, & malorum multitudinem, nec præsides solum, sed eos etiam, qui parere debent, significat.

Aperiendę autem sunt fidelibus huius Ecclesię proprietates, ex quibus licebit agnoscere, quanto beneficio a Deo affecti sint, quibus contige-

2. Cor. 1

1. Cor. 16

Colos. 4

1. Theß. 1

Rom. 16

1. Cor. 16

Matth. 18

Ecclesia catholica proprietates &amp;

*prærogati-  
ua, de q. eius  
uisibili su-  
premo ca-  
pite Pontifi-  
ce Romano.*

*Cant. 6*

*Eph. 4*

*Eph. 1*

*S. Hieron.*

*B. Cypria.*

rit in ea nasci, atque educari. Prima igitur proprietas in Symbolo Patrum describitur, ut una sit: Vna enim, inquit, est columba mea, una est speciosa mea. Vocatur autem una tanta hominum multitudo, quæ tam longe, lateque diffusa est ob eas causas, quæ ab Apostolo ad Ephesios scriptæ sunt, unum enim dominum, unam fidem, unum baptisma tantum esse prædicat: Vnus est etiam eius rector, ac gubernator, inuisibilis quidem Christus, quem æternus pater dedit caput super omnem Ecclesiam, quæ est corpus eius; uisibilis autem is, qui Romanam cathedram, Petri apostolorum Principis legitimus successor, tenet: de quo fuit illa omnium patrum ratio, & sententia consentiens, hoc uisibile caput ad unitatem Ecclesiæ constituendam, & conseruandam necessarium fuisse. quod præclare & uidit, & scripsit sanctus Hieronymus, & contra Iouinianum his uerbis: Vnus eligitur, ut, capite constituto; schismatis tollatur occasio. Et ad Damasum: Faceat inuidia; Romani culminis recedat ambitio: cum successore Piscatoris, & discipulo crucis loquor. Ego nullum primum, nisi Christum, sequens, beatitudini tuæ, idest cathedre Petri, communionem consocior: super illam petram ædificatam Ecclesiam scio. Quicumque extra hanc domum agnum comederit, profanus est: Si quis in arca Noe non fuerit, peribit regnante diluuiio. Quod & longe antea ab Irenæo probatur, & Cypriano, qui de unitate Ecclesiæ loquens, ait. Loquitur Dominus ad Petrum: Ego Petre dico tibi, quia tu es Petrus, & super hanc petram ædificabo Ecclesiam meam. Super unum ædificat Ecclesiam: & quam  
uis



uis apostolis omnibus, post resurrectionem suam, parem potestatem tribuat, & dicat; Sicut misit me pater, & ego mitto uos: accipite spiritum sanctum: tamen, ut unitatem manifestaret, unitatis eiusdem originem, ab uno incipientem, auctoritate sua disposuit, &c. Optatus deinde Mileuitanus ait: Ignorantia tibi adscribi non potest, scienti in urbe Roma, Petro primo cathedram episcopalem esse collatam, in qua sederit omnium apostolorum caput Petrus; in quo uno cathedræ unitas ab omnibus seruaretur, ne ceteri apostoli singulas sibi quisque defenderent: ut iam schismaticus, & præuaricator esset, qui contra singularem cathedrâ alterâ collocaret. Post uero Basilius sic scriptum reliquit: Petrus collocatus est in fundamento: dixit enim; Tu es Christus filius Dei uiui: & uicissim audiuit se esse petram. licet enim petra esset, non tamen petra erat ut Christus, nam Christus uere immobilis petra: Petrus uero propter petram. Dignitates enim suas Deus largitur alijs: sacerdos est, & facit sacerdotes: petra est, & petram facit: & quæ sua sunt, largitur seruis suis. Postremo uero sanctus Ambrosius ait: Si quis obijciat, Ecclesiam, uno capite, & sponso Iesu Christo contentam, præterea nullum requirere; in promptu responsio est. Ut enim Christum dominum singulorum sacramentorum non solum auctorem, sed intimum etiam præbitorem habemus: (nam ipse est qui baptizat, & qui absoluit, & tamen is homines sacramentorum externos ministros instituit) sic Ecclesiæ, quam ipse intimo spiritu regit, hominem suæ potestatis uicarium, & ministrum præfecit. nam cum uisibi-

Optatur.

S. Basilius.

S. Ambrosius.

lis Ecclesia, uisibili capite egeat: ita Saluator noster Petrum uniuersi fidelium generis caput, & pastorem constituit, cum illi oues suas pascendas uerbis amplissimis commendauit, ut qui ei successisset, eandem plane totius Ecclesiae regendae, & gubernandae potestatem habere uoluerit. Vnus praeterea, idemque est spiritus, inquit Apostolus ad

1. Cor. 12 Corinthios, qui fidelibus gratiam, perinde atque anima corporeis membris uitam, impetitur. Ad

Eph. 4 quam unitatem seruandam cum Ephesios hortaretur, inquit: Solliciti seruare unitatem spiritus in uinculo pacis: unum corpus, & unus spiritus. Quemadmodum enim humanum corpus multis constat membris, eaque ab una anima aluntur, quae oculis uisum, auribus auditum, & alijs sensibus diuersas uires subministrat: ita corpus Christi mysticum, quod est Ecclesia, ex multis fidelibus compositum est. Vna quoque est spes, ut in eodem loco

Eph. 4 idem Apostolus testatur, ad quam uocati sumus: siquidem omnes eandem rem, nempe aeternam & beatam uitam, speramus. Vna est denique fides, quae omnibus tenenda est, ac praeseferenda. Non

1. Cor. 1 sint, inquit Apostolus, in uobis schismata: atque unum baptisma, quod quidem est Christianae fidei sacramentum. Altera proprietas Ecclesiae est, ut sit sancta: quod a Principe apostolorum accepimus

1. Pet. 2 eo loco: Vos autem genus electum, gens sancta. Appellatur autem sancta, quod Deo consecrata, dedicataque sit. sic enim cetera huiuscemodi, quae corporalia sint, sancta uocari consueuerunt, cum diuino cultui addicta, & dedicata sunt. cuius generis sunt in lege ueteri uasa, uestes, & altaria: in qua

pri-

primogeniti quoque, qui Deo altissimo dedicabatur, sancti sunt appellati. Nec mirum cuiquā uideri debet, Ecclesiam dici sanctam, tametsi multos peccatores continet. sancti enim uocantur fideles, qui populus Dei effecti sunt, quæ se, fide, & baptis-  
mate suscepto, Christo consecrarunt: quamquam in multis offendunt, &, quæ polliciti sunt, non præstant. quemadmodum etiam, qui artem aliquam profitentur, etsi artis præcepta non seruent, nomen tamen artificum retinent. Quare D. Paulus Corinthios sanctificatos, & sanctos appellat: in 1. Cor. 1  
quibus nonnullos fuisse perspicuum est, quos, ut carnales, & grauioribus etiam nominibus acriter obiurgat. Sancta etiam dicenda est, quod uelut corpus cū sancto capite Christo domino, totius sanctitatis fonte, coniungitur, a quo spiritus sancti charismata, & diuinæ bonitatis diuitiæ diffunduntur. 2. 3. 4.  
Præclare sanctus Augustinus, interpretans uerba S. August.  
illa prophetæ, Custodi animam meam, quoniam sanctus sum; Audeat, inquit, & corpus Christi, audeat & unus ille homo, clamans a finibus terræ, cum capite suo, & sub capite suo dicere, sanctus sum: accepit enim gratiam sanctitatis, gratiam baptismi, & remissionis peccatorum. Ac paulo post: Si Christiani omnes, & fideles, in Christo baptizati, ipsum induerunt, sicut Apostolus dicit: Quotquot in Christo baptizati estis, Christū Gal. 3  
induistis; si membra sunt facti corporis eius, & dicunt se sanctos non esse, capiti ipsi faciunt iniuriā, cuius membra sancta sunt. Accedit etiam, quod sola Ecclesia legitimum sacrificij cultum, & salutarem habet sacramentorum usum: per quæ, tam-

quam efficacia diuinæ gratiæ instrumenta, Deus ueram sanctitatem efficit, ita ut, quicumque uere sancti sunt, extra hanc Ecclesiam esse non possint. Patet igitur, Ecclesiam esse sanctam, ac sanctam quidem, quoniam corpus est Christi, a quo sanctificatur, cuiusque sanguine abluitur. Tertia proprietas Ecclesiæ ea est, ut Catholica, nempe universalis, uocetur: quæ appellatio uere illi tributa

*S. August.* est: quoniam, ut testatur sanctus Augustinus, A solis ortu usque ad occasum unius fidei splendore diffunditur. Neque enim, ut in humanis rebus pub. aut hæreticorum conuentibus, unius tantum regni terminis, aut uno hominum genere Ecclesia definita est: uerum omnes homines, siue illi barbari sint, siue Scythæ, siue serui, siue liberi, siue masculi, siue feminæ, charitatis sinu complecti-

*Apoc. 5* tur. Quare scriptum est: Redemisti nos Deo in sanguine tuo ex omni tribu, & lingua, & populo, & natione, & fecisti nos Deo nostro regnum.

*Psal. 2* De Ecclesia dicit Dauid: Postula a me, & dabo tibi gentes hereditatem tuam, & possessionem tuam terminos terræ. Item: Memor ero Raab, & Babylonis scientium me. &: Homo natus est in ea. Præ-

*Psal. 86* terea omnes fideles, qui ab Adam in hunc usque diem fuerunt, quiue futuri sunt, quamdiu mundus extabit, ueram fidem profitentes, ad eandem

*Eph. 2* Ecclesiam pertinent: quæ super fundamento apostolorum fundata est, ac prophetarum: qui omnes in illo lapide angulari Christo, qui fecit utraque unum, & pacem ijs, qui prope, & ijs, qui longe, annunciauit, constituti sunt, & fundati. Vniuersalis etiam ob eam causam dicitur, quod omnes,

qui



qui salutem æternam consequi cupiunt, eam tenere, & amplecti debeant, non secus ac qui arcam, ne diluuiο perirent, ingressi sunt.

Hec igitur ueluti certissima regula tradenda est, *Ecclesie ne qua uera, & falsa Ecclesia iudicetur: sed ex origine etiam, quam reuelata gratia ab apostolis ducit, Ecclesie ueritatem agnoscimus: siquidem eius doctrina ueritas est, non recens, neque nunc primum orta, sed ab apostolis iam olim tradita, & in omnē orbem terrarum disseminata. ex quo fit, ut nemo dubitare possit, impias hæreticorum uoces longe a ueræ Ecclesie fide abesse, cum doctrinæ Ecclesie, quæ ab apostolis ad hanc diē prædicata est, aduersentur. Quare, ut omnes intelligerent, quenam esset Ecclesia catholica, Patres in Symbolo illud diuinitus addiderunt, APOSTOLICAM. Etenim spiritus sanctus, qui Ecclesie præsidet, eam non per aliud genus ministrorum, quam per apostolicum, gubernat. Qui spiritus primum quidem apostolis tributus est, deinde uero summa Dei benignitate semper in Ecclesia mansit. Sed quemadmodum hæc una Ecclesia errare non potest in fidei, ac morum disciplina tradenda, cum a spiritu sancto gubernetur: ita ceteras omnes, quæ sibi Ecclesie nomen arrogant, ut quæ Diaboli spiritu ducantur, in doctrinæ, & morum perniciosissimis erroribus uersari necesse est. Sed quoniam magnam uim habent figuræ ueteris testamenti ad excitandos fidelium animos, reuocandamque rerum pulcherrimarum memoriā, cuius rei potissimum causā apostoli his usi sunt; illam quoque doctrinæ partem, quæ magnas utilitates habet, Parochi non prætermittent.*

In his

Gen. 6

In his autem illustrem significationem habet arca Noe: quę ob eam rem tantum diuino iussu constructa est, ut nullus dubitandi locus relinqueretur, quin Ecclesiam ipsam significet; quam Deus sic constituit, ut quicumque per baptismum illam ingrederetur, ab omni mortis eterne periculo tuti esse possent; qui uero extra illam essent, quemadmodum ijs euenit, qui in arcā recepti non sunt, suis sceleribus obruerentur. Alia figura est, magna illa ciuitas Hierusalem, cuius nomine scripturę sæpius sanctā Ecclesiam significant. Nimirum in illa solum offerre Deo sacrificia licebat: quia in sola etiā Dei Ecclesia, neque extra eam usquā, uerus cultus, uerumque sacrificium reperitur, quod Deo placere ullo modo possit. Iam illud etiam extremo loco de Ecclesia docendum erit, quam ratione nos credere Ecclesiam, ad articulos fidei pertineat. nā etsi quiuis ratione, & sensibus percipit, Ecclesiam, id est hominum conuentū in terris esse, qui Christo domino addicti, & consecrati sunt; neque ad eam rem animo concipiendam fide opus esse uideatur; cum nec Iudæi, nec Turcæ quidem de eo dubitent: tamen illa mysteria, quę in sancta Dei Ecclesia contineri partim declaratum est, partim in sacramento ordinis explicabitur, mens fide tantummodo illustrata, non ullis rationibus conuicta, intelligere potest. Cum igitur hic articulus non minus, quam ceteri, intelligentię nostrę facultatem, & uires superet; iure optimo cōfitemur, nos Ecclesię orrum, munera, & dignitatē non humana ratione cognoscere, sed fidei oculis intueri. Neque enim homines huius Ecclesię auctores fuerunt, sed Deus ipse  
immorta-

immortalis, qui eam super firmisſimam petram  
 ædificauit, teſte Propheta; Ipſe fundauit eam altif- *Pſal. 86*  
 ſimus: quam ob cauſam hereditas Dei, & Dei po-  
 pulus appellatur. Nec poteſtas, quam accepit, hu-  
 mana eſt, ſed diuino munere tributa; quare, quæ-  
 admodum naturæ uiribus comparari non poteſt;  
 ita etiam fide ſolum intelligimus, in Eccleſia cla-  
 ues regni cælorum eſſe, eique poteſtatem peccata  
 remittendi, excommunicandi, uerumque Chriſti  
 corpus conſecrandi traditam; deinde ciues, qui in *Hebr. 13*  
 ea morantur, non habere hic ciuitatem permanen-  
 tem, ſed futuram inquirere. Vnam igitur Eccle-  
 ſiam ſanctam, & catholicam eſſe, neceſſario cre-  
 dendum eſt. tres enim Trinitatis perſonas, Patrem,  
 & Filium, & Spiritum ſanctum, ita credimus, ut  
 in eis fidem noſtram collocemus. Nunc autem,  
 mutata dicendi forma, ſanctam, & non, in ſan-  
 ctam Eccleſiam, credere profitemur: ut, hac etiam  
 diuerſa loquendi ratione, Deus omnium effector  
 à creatis rebus diſtinguatur, præclaraque illa om-  
 nia, quæ in Eccleſiam collata ſunt, beneficia di-  
 uinæ bonitati accepta referamus.

**SANCTORVM COMMVNIONEM.** Cum  
 ſanctus Ioannes euangelista de diuinis myſterijs ad  
 fideles ſcriberet, cur eos in illis eruditet, hanc ra-  
 tionem attulit: Vt & uos, inquit, ſocietatem ha- *1. Ioan. 1*  
 beatis nobiſcum, & ſocietas noſtra ſit cum patre,  
 & cum filio eius Ieſu Chriſto. Hæc ſocietas in com-  
 munionem ſanctorum ſita eſt, de qua in hoc articulo  
 ſermo habetur, utinam uero in eo explicando eccle-  
 ſiarum præſides, Pauli, & aliorum apoſtolorum di-  
 ligentiam imitarentur, eſt enim non ſolum quæ-  
 dam

Ad Col. 1

1. Cor. 13

S. Ambr.

dam superioris articuli interpretatio, doctrinaque uberrimorum fructuum, sed etiā, quis usus mysteriorum esse debeat, quę Symbolo continentur, declarat. omnia enim eius rei causa peruestiganda sunt, ac percipienda, ut in hanc tam amplam, & beatam societatem sanctorum admittamur, admisique constantissime perseueremus, cū gaudio gratias agentes Deo patri, qui dignos nos fecit in partem sortis sanctorū in lumine. In primis igitur fideles docendi sunt, hunc articulum esse illius, qui de una sancta Ecclesia catholica antea positus est, ueluti explicationem quandam. unitas enim spiritus, a quo illa regitur, efficit, ut, quidquid in eam collatum est, commune sit. omniū enim sacramentorum fructus ad uniuersos fideles pertinet: quibus sacramentis, ueluti sacris uinculis, Christo connectuntur, & copulantur, & maxime omnium baptismo: quo, tamquam ianua, in Ecclesiam ingredimur. Hac autem sanctorum communionem; sacramentorum communionem intelligi debere, Patres in Symbolo significant illis uerbis: Confiteor unum baptisma. Baptismus uero in primis Eucharistia, & deinceps cetera sacramenta consequuntur. nam etsi hoc nomen omnibus sacramētis conuenit, cum Deo nos coniungāt, illiusque participes, cuius gratiam recipimus, efficiant; magis tamen proprium est Eucharistię, quę hanc efficit cōmunionem. Sed alia etiam communio in Ecclesia cogitanda est. Quęcūque enim pie, sancteq. ab uno suscipiuntur, ea ad omnes pertinent, &, ut illis pro sint, charitate, quę non quærīt, quę sua sunt, efficitur. Id uero cum S. Ambrosij testimonio comprobatur,



batur, qui locum illum psalmi explanans, Particeps ego sum omnium timentum te, ita inquit: Sicut membrum particeps esse dicimus totius corporis, sic coniunctum omnibus timēribus Deum. Quare Christus eam nobis orandi formam præscripsit, ut diceremus, Panem nostrum, non meum; *Matth. 6* ac reliqua eius generis, non nobis tantum, sed omnium saluti, & commodis prospicientes, At uero hæc bonorum communicatio, membrorum humani corporis aptissima similitudine in sacris litteris sepe demonstratur. nam in corpore multa sunt mēbra: sed etsi multa sunt, unum tamen corpus constituunt, in quo singula proprio, non autem omnia eodem munere funguntur. Nec uero omnia eandem dignitatem habent, aut æque utiles, & decoras functiones exequuntur; nullique suum, sed totius corporis commodum, atque utilitas proposita est. Omnia deinde tam apta inter se, & connexa sunt, ut, si unum aliquod dolore afficitur, cetera item naturæ cognatione, & consensu doleant: si contra bene affectum est, communis sit omnibus ille iucunditatis sensus. Atque hæc eadem in Ecclesia licet contemplari: in qua etsi diuersa sunt membra, nempe uariæ nationes, Iudeorum, Gentium, liberi, & serui, pauperes, & diuites; cum tamen baptismo initiantur, unum corpus cum Christo fiunt, cuius ille caput est. Vnicuique præterea in hac Ecclesia suum munus assignatum est. ut enim alij in ea apostoli, alij doctores, omnes uero publicæ utilitatis causa sunt constituti: ita aliorum est, præesse, ac docere; aliorum item, parere, & subiectos esse. At uero tot, tantisque muneribus, ac bonis

*1. Cor. 12*

ac bonis diuinitus collatis illi fruuntur, qui in charitate uitam Christianam degunt, iustique, & cari Deo sunt, Membra uero mortua, nimirum homines sceleribus obstricti, & a Dei gratia alienati, hoc quidem bono non priuantur, ut huius corporis membra esse desinant; sed cum sint mortua, fructum spirituales, qui ad iustos, & pios homines peruenit, non percipiunt. tametsi, cum in Ecclesia sint, ad amissam gratiam, uitamque recuperandam ab ijs adiuuantur, qui spiritu uiuunt, & eos fructus capiunt, quorum expertes esse dubitari non potest, qui omnino ab Ecclesia sunt præcisi. Nec uero tantum communia sunt ea dona, quæ homines caros Deo, ac iustos reddunt, sed gratiæ etiam gratis datæ, in quibus numerantur scientia, prophetia, donum linguarum, ac miraculorum, & cetera huius generis: quæ dona malis etiam hominibus, non priuatæ, sed publicæ utilitatis causa, ad ædificandam Ecclesiam conceduntur. nam sanitatis gratia, non illius, qui ea præditus est, sed ægroti curandi causa tributa est. Ac nihil tandem a uere Christiano homine possidetur, quod sibi cū ceteris omnibus commune esse non existimare debeat. quare ad subleuandam indigentium miseriam prompti, ac parati esse debent. nam qui huiusmodi bonis ornatus est, si uiderit fratrem suum egere, nec illi subuenerit, is Dei charitatem non habere plane conuincitur. Quæ cum ita se habeant; satis constat, eos, qui in hac sancta communione sunt, quadam felicitate perfrui, & uere illud dicere posse: Quam dilecta tabernacula tua Domine uirtutum: concupiscit, & deficit anima mea

1. Ioan 3

Psalm. 83

mea

mea in atria Domini : & beati, qui habitant in domo tua Domine .

REMISSIONEM PECCATORVM. Nemo est, qui cum uideat, hunc articulum de remissione peccatorum, in ceteris fidei articulis numeratum esse, dubitare possit, eo non solum diuinum aliquod mysterium, sed etiam ad salutem comparandam maxime necessarium contineri. nam antea declaratum est, sine certa eorum fide, quę in Symbolo credenda proponuntur, nemini ad Christianam pietatem aditum patere. Verum si id, quod per se omnibus notum esse debet, aliquo etiam testimonio confirmandum uideatur, satis illud erit, quod Saluator noster paulo ante ascensum in cælum de ea re testatus est, cum discipulis sensum aperuit, ut intelligerent scripturas : Oportebat, inquit, Christum pati, & resurgere a mortuis tertia die, & prædicari in nomine eius pænitentiam, & remissionem peccatorum in omnes gentes incipiētibus ab Hierosolyma. Quæ uerba si Parochi animaduernerint, facile intelligent, cum cetera, quæ ad religionem pertinent, fidelibus tradenda sint, tum uero præcipue huius articuli diligenter explicandi magnam eis a Domino necessitatem impositam esse. Munus igitur Parochi erit, quod ad hunc locum attinet, docere, non solum peccatorum remissionem in catholica Ecclesia reperiri; de qua Isaias prædixerat; Populus qui habitat in ea, auferetur ab eo iniquitas : sed etiam potestatem peccata remittendi in ea esse : qua si rite, & secundum leges a Christo domino præscriptas sacerdotes utantur, uere peccata remitti, & condonari credendum est.

Hęc

Hęc autem uenia, cum primum fidem profitentes sacro baptismo abluimur, adeo cumulate nobis datur, ut nihil aut culpe delendum, siue ea origine cōtracta, siue quid propria uoluntate omissum, uel commissum sit, aut pœne persoluendum relinquantur. Verum per baptismi gratiam nemo tamen ab omni nature infirmitate liberatur: quin potius, cum unicuique aduersus concupiscentię motus, quę nos ad peccata incitare non desinit, pugnandum sit, uix ullum reperiās, qui uel tam acriter resistat, uel tam uigilanter salutem suam tueatur, ut omnes plagas uitare possit.

Cum igitur necesse fuerit, in Ecclesia potestatem esse peccata remittendi; alia etiam ratione, quam baptismi sacramento, clauēs regni cęlorū illi concedite sunt, quibus possint unicuique pœnitenti, etiam si usque ad extremū uite diem peccasset, delicta condonari. Clarissima huius rei testimonia in sacris litteris habemus; nam apud sanctum Mattheum Dominus ita ad Petrum loquitur: Tibi dabo clauēs regni cęlorum: & quodcumque ligaueris super terram, erit ligatum & in cęlis; & quodcumque solueris super terram, erit solutum & in cęlis.

*Matth. 18* Item: Quęcumque alligaueritis super terram, erunt ligata & in cęlo: & quęcumque solueritis super terram, erunt soluta & in cęlo. Deinde sanctus Ioannes testatur, Dominum, cum insufflasset apostolis, dixisse: Accipite spiritum sanctum; quorum remiseritis peccata, remittuntur eis: & quorum retinueritis, retenta sunt. Neque uero existimandum est, hanc potestatem certis quibusdā peccatorum generibus definitā esse. nullum enim tam

nefa-



nefarium facinus uel admitti, uel cogitari potest, cuius remittendi potestatem sancta Ecclesia nō habet:quemadmodum etiam nemo adeo improbus & scelestus fuerit, quem si erratorum suorum uere peniteat, certa ei uenie spēs proposita esse non debeat. Sed neque hęc eadem potestas ita circumscribitur, ut p̄finito solum aliquo tempore ea uti liceat. nam quacunque hora peccator ad sanitatem redire uoluerit, reiiciendum non esse docuit Saluator noster, cum Principi apostolorum interroganti quoties peccatoribus ignoscendum esset, an septies, respondit, Non septies, sed usque septuagies septies. Verum si ministros diuinę huius potestatis spectemus, ea minus late patere uidebitur. Dominus enim non omnibus, sed Episcopis tantū, & sacerdotibus tam sancti muneris potestatem dedit. Idem etiam censendum erit, quod ad rationem eius potestatis exercendę pertinet. nam per sacramenta solum, si eorum forma seruetur, peccata remitti possunt: aliter uero nullū ius a peccatis soluendi Ecclesię datum est. ex quo sequitur, tum sacerdotes, tum sacramenta ad peccata condonanda ueluti instrumenta ualere: quibus Christus dominus auctor ipse, & largitor salutis remissionem peccatorum, & iustitiam in nobis efficit. Vt autem fideles celeste hoc munus, quod singulari in nos Dei misericordia Ecclesię donatū est, magis suspiciāt, atque ad eius usum, & tractationem ardentiori pietatis studio accedant, conabitur Parochus huius gratię dignitatem, & amplitudinem demonstrare. ea autem ex hoc potissimum perspicitur, si, cuius uirtutis sit peccata remittere, & homines ex iniu-

H      stis

Isa. 43

Matth. 6

Matth. 9

Marc. 2

stis iustos reddere , diligenter expositum fuerit .  
 Constat enim, infinita, & immensa Dei ui hoc effi-  
 ci, quam eandem in excitandis mortuis, & in mūdi  
 creatione necessariam esse credimus . Quod si etiā,  
 ut Augustini sententia confirmatur , maius opus  
 existimandum est ; aliquem ex impio pium facere',  
 quam cælum , & terram ex nihilo creare, cum ipsa  
 creatio non nisi ex infinita uirtute possit existere :  
 consequens est , ut multo magis peccatorum remis-  
 sio infinitæ potestati tribuenda sit. quare uerissimas  
 esse priscorum Patrum uoces agnoscimus , quibus  
 confitentur, ab uno Deo peccata hominibus condo-  
 nari: neque ad alium auctorem, quam ad summam  
 eius bonitatem, & potentiam, tam mirificum opus  
 referendum esse. Ego sum, inquit ipse Dominus per  
 Prophetam, ego sum ipse, qui deleo iniquitates tuas.  
 Nam scelerum remittendorum eadem ratio uide-  
 tur esse , quam in pecunia debita seruare oportet .  
 Quemadmodum igitur a nemine, nisi a creditore,  
 pecunia , quæ debetur , remitti potest: ita , cum  
 uni Deo peccatis obstricti simus , ( siquidem quo-  
 tidie oramus, Dimitte nobis debita nostra ) per spi-  
 cum est , a nemine, præter illum , debita nobis  
 condonari posse. Hoc uero admirabile, & diuinum  
 munus, antequam Deus homo fieret , nulli creatę  
 naturę impertitum est. Primus omnium Christus,  
 saluator noster, ut homo, cum idem uerus Deus es-  
 set, hoc munus a cęlesti patre traditum accepit .  
 Ut sciatis, inquit , quia filius hominis habet pote-  
 statem in terra dimittendi peccata , ait paralytico :  
 Surge, tolle grabatum tuum, & uade in domum  
 tuam. Cum igitur homo factus esset, ut hominibus  
 hanc

hanc peccatorum ueniam largiretur, priusquam in celum ascenderet, ut ibi ad dexteram Dei in perpetuum sederet, eam potestatem Episcopis, & presbyteris in Ecclesia concessit: quamquam, ut antea docuimus, Christus sua auctoritate, ceteri, ut eius ministri, peccata dimittunt. Quamobrem si, quæ infinita uirtute effecta sunt, maxime admirari, & suspicere debemus: satis intelligimus, pretiosissimū hoc munus esse, quod Christi domini benignitate Ecclesiæ donatum est. sed ipsa etiam ratio, qua Deus, clementissimus pater, mundi peccata delere constituit, animos fidelium ad huius beneficii magnitudinem cōtemplandam uehementer excitabit: sanguine enim unigeniti filij sui scelera nostra expiari uoluit, ut poenam, quam nos pro peccatis commeruimus, ultro ille persolueret, iustusque pro iniustis damnaretur, innocens pro reis 1. Petr. 1 morte acerbissima afficeretur. Quare cum animo cogitabimus, nos non corruptibilibus auro, & argento redemptos esse, sed pretioso sanguine quasi agni immaculati Christi, & incontaminati; facile statuemus, nihil nobis salubrius contingere potuisse hac remittendi peccata potestate, quæ inexplicabilem Dei providentiam, summamque erga nos charitatem ostendit. Ex hac autem cogitatione maximus fructus ad omnes perueniat, necesse est. nam qui Deum mortali aliquo peccato offendit, quidquid meritorum ex Christi morte, & cruce consecutus est, statim amittit, & omnino paradisi aditu, quæ prius interclusum Saluator noster passione sua omnibus patefecit, prohibetur. Quod quidem cum in mentem uenit, facere non possumus, quin huma-

ne miseriæ consideratio uehementer sollicitos nos habeat. Verum si animum ad hanc admirabilem potestatem referamus, quæ Ecclesiæ diuinitus tributa est; & huius articuli fide confirmati, oblatam unicuique facultatem credamus, ut possit diuina ope adiutus in pristinum dignitatis statum restituere: tunc uero cogimur summo gaudio, & lætitia exultare, & immortales Deo gratias agere. Ac profecto, si grata, & iucunda medicamenta uideri solent, quæ nobis medicorum arte, & industria, cum graui aliquo morbo laboramus, parantur: quanto iucundiora esse debent ea remedia, quæ Dei sapientia ad animorum curationem, atque adeo ad uitam reparandam instituit? cum præsertim non quidem dubiam salutis spem, ut medicinæ illæ, quæ corporibus adhibentur, sed certissimam ijs, qui sanari cupiunt, salutem afferant.

*Beneficium  
remissionis  
peccatorum  
quanto stu-  
dio suscipie-  
dum.*

Erunt igitur fideles hortandi, postquam tam ampli, & præclari muneris dignitatem cognouerint, ut illud etiam studeant ad suum commodum religiose conuertere. Vix enim fieri potest, ut qui re utili, & necessaria non utatur, eam contemnere non existimetur; præsertim uero cum Dominus hanc potestatem remittendi peccata ea re tradiderit Ecclesiæ, ut omnes hoc salutari remedio uterentur. nam quemadmodum nemo sine baptismo expiari potest: ita, quicumque baptismi gratiam, mortiferis sceleribus amissam, recuperare uoluerit, ad aliud expiationis genus, nimirum penitentiae sacramentum, confugiat necesse est. Verum hoc loco admonendi sunt fideles, ne, tam ampla ueniæ facultate proposita, quam etiam nullius temporis termi-



termino definiri declarauimus, uel ad peccandum faciliores, uel ad resipiscendum tardiores reddantur, in altero enim cum iniuriosi, & contumeliosi in hanc diuinam potestatem manifeste deprehendantur, indigni sunt, quibus Deus misericordiam suam impertiatur: in altero uero magnopere uerendum est, ne morte præoccupati, frustra peccatorum remissionem cōfessi fuerint, quam tarditare & procrastinatione merito amiserunt.

### CARNIS RESVRRECTIONEM.

Magnā huius articuli uim esse ad fidei nostrę ueritatem stabiliendā id maxime ostendit, quod diuinis litteris non solum credendus fidelibus proponitur, sed multis etiā rationibus confirmatur. quod quidem cum in alijs Symboli articulis uix fieri uideamus, intelligi potest, hoc ueluti firmissimo fundamento salutis nostrę spem nixam esse. nam, ut Apostolus ratiocinatur: Si mortuorum resurrectio 1. Cor. 15 non est, neque Christus resurrexit: quod si Christus non resurrexit, inanis est prædicatio nostra, inanis est & fides uestra. In eo igitur explicando Parochus non minus operę, & studij ponet, quam in eo euerrendo multorū impietas laborarit. magnas enim & præclaras utilitates ex ea cognitione ad fidelium fructum redundare, paulo post demonstrabitur. Sed hoc in primis attendere oportebit, resurrectionem hominum in hoc articulo, carnis resurrectionem appellari. quod quidem sine causa factū non est. nam docere uoluerunt Apostoli id, quod necessario ponendum est, animam esse immortalem. quare ne quis forte eam simul cum corpore interijssē, utrumque uero in uitam reuocari existi-

H 3 inaret,

Isa. 40  
Ioan. I

mare, cum animam plurimis sacrarum litterarum locis immortalem esse plane constet, ob eam rem carnis tantum suscitandę mentio in articulo facta est. & quamquam sæpe etiam in sacris scripturis caro integrum hominem, ut est apud Isaiam, Omnis caro fenum; & apud sanctum Ioannem, Et uerbum caro factum est; significet: hoc tamen loco carnis uox corpus declarat: ut duarum partium, animæ & corporis, quibus homo constat, alteram tantum: nempe corpus corrumpi, & in puluerem terræ, ex qua compactum est, redire; animam uero incorruptam manere intelligamus. At uero, cum nemo, nisi mortuus fuerit, ad uitam reuocetur, anima proprie non dicitur resurgere. Carnis quoque mentio facta est, illius hæresis confutandæ causa, quæ: uiuo Apostolo, Hymenæi, & Phileti fuit, qui asserebant, cum de resurrectione in scripturis sacris ageretur, non de corporea, sed de spirituali, qua a morte peccati ad uitam innocentem resurgitur, accipiendum esse. Itaque his uerbis planum fit, eum errorem tolli, & ueram corporis resurrectionem confirmari.

1. Tim. I

*Carnis resurrectionis exemplis scripturæ, & testimonijs comprobatur.*

Verum Parochi partes erunt, hanc ueritatem illustrare exemplis ex ueteri, nouoque testamento, & ex omni ecclesiastica historia depromptis. alij enim ab Elia, & Eliseo in ueteri testamento; alij, præter eos, quos Christus dominus a morte excitauit, a sanctis apostolis, alijsque permultis ad uitam reuocati sunt, quæ resurrectio multorum huius articuli doctrinam confirmat. ut enim plures a morte excitatos credimus: ita uniuersos ad uitam reuocatum iri credendum est. quin etiam præcipuus fructus,

fructus, quem nos ex huiusmodi miraculis capere debemus, ille est, ut summam fidem huic articulo tribuamus. Sunt multa testimonia, quæ Parochis, qui in sacris litteris mediocriter uersati sunt, facile occurrent. Illustriora uero loca sunt in ueteri quidem testamento, quæ leguntur apud Iob, cum ait, *Iob 12* se in carne sua conspecturum Deum suum: & apud Daniele de ijs, qui in puluere terræ dormiunt, alios in uitam æternam, alios in opprobrium sempiternum euigilatuos: in nouo autem testamento, quæ sanctus Matthæus refert de disputatione, quam Dominus cum Sadducæis habuit: præterea, quæ Euangelistæ narrant de extremo iudicio. Atque huc etiam referenda sunt, quæ Apostolus, ad Corinthios, & ad Thessalonicenses scribens, accurata oratione disseruit. Sed *1. Cor. 15* quamuis hoc fide certissimum sit; multum tamen *1. Thes. 4* proderit, uel exemplis, uel rationibus ostendere, id, quod fides credendum proponit, a natura, aut ab humane mentis intelligentia non abhorre-  
itaque Apostolus quærenti quo modo resurgerent mortui, sic respondit: Insipiens tu quod seminas, *1. Cor. 15* non uiuificatur, nisi prius moriatur: & quod seminas, non corpus, quod futurum est, seminas, sed nudum granum, ut puta tritici, aut alicuius ceterorum: Deus autem dat illi corpus sicut uult. & paulo post inquit: Seminatur in corruptione, surget in incorruptione. Ad eam similitudinem multas præterea adiungi posse, sanctus Gregorius ostendit: Lux enim, inquit, quotidie quasi moriendo oculis subtrahitur, & rursus quasi resurgendo reuocatur: & arbusta uiriditatem amittunt, & rur-

sus quasi resurgendo reparantur : & semina putrescendo moriuntur , & rursus germinando resurgunt . Rationes illæ præterea , quæ ab ecclesiasticis scriptoribus afferuntur , satis ad eam rem probandam accommodatæ uideri possunt . Ac primum quidem , cum animæ immortales sint , & tamquam pars hominis ad humana corpora naturalem propensionem habeant , eas a corporibus seiunctas perpetuo manere , præter naturam existimandum est .

Quoniam uero , quod naturæ aduersatur , ac uiolentum est , diuturnum esse non potest ; consentaneum fore uidetur , ut denuo cum corporibus iungantur : ex quo etiam sequitur , ut corporum resurrectio futura sit . quo quidem argumentandi genere Saluator ipse noster usus est , cum aduersus Sad-

*Matth. 22*

duceos disputans , ex animarum immortalitate corporum resurrectionem conclusit . Deinde , cum malis supplicia , bonis præmia a iustissimo Deo sint proposita ; ex illis uero quamplurimi , ante quam debitas poenas persoluant , ex his magna ex parte nullis affecti uirtutis præmijs e uita decedant : necesse est iterum animas cum corporibus coniungi , ut pro sceleribus , aut recte factis corpora , quibus ueluti peccati socijs homines utuntur , una cum anima poena , aut præmio afficiantur . qui locus dili-

*8. Chryso-  
stomus .*

gētissime tractatus est a sancto Chrysostomo in homilia ad populum Antiochenum . Quare Aposto-

*1. Cor. 15*

lus , cum de resurrectione dissereret , Si in hac uita , inquit , tantum in Christo sperantes sumus , miserabiliores sumus omnibus hominibus . Quæ quidem uerba nemo ad animæ miseriam referri existimabit ; quæ cum immortalis sit , quamuis corpora

**non**



non resurgerent, in futura tamen uita beatitudine frui posset; uerum de toto homine intelligēda sunt. nisi enim corpori debita pro laboribus præmia red dantur; necesse est, ut, qui, quemadmodum aposto li, tot erumnas, & calamitates in uita perpeffi sunt, omniū sint miserrimi. Idem uero multo aper- tius docet ad Thessalonicenses his uerbis; Gloria- 1. *Thess.* 1  
mur in ecclesijs Dei pro patientia uestra, & fide in omnibus persecutionibus uestris, & tribulationi- bus, quas sustinetis in exemplum iusti iudicij Dei, ut digni habeamini in regno Dei, pro quo & patimi ni: si tamen iustum est apud Deū retribuere tribula- tionem ijs, qui uos tribulant, & uobis, qui tribula mini, requiem nobiscum in reuelatione domini Ie- su de cælo, cum angelis uirtutis eius in flamma ignis dantis uindictam ijs, qui non nouerunt Deū, & qui non obediunt euangelio domini nostri Iesu Christi. Adde etiam, non posse homines, quam diu anima a corpore seiuncta est, plenā felicitatem, & bonis omnibus cumulatam adipisci. Vt enim que- libet pars, a toto separata, imperfecta est: ita etiam anima, quæ corpori non est adiuncta; ex quo se- quitur, ut illi ad summam felicitatem nihil desit, corporum resurrectionem necessariam esse.

His igitur, atque alijs huiusmodi rationibus Pa- De uaria re  
rochus fideles in hoc articulo erudire poterit. Ex- surgentium  
plicare præterea diligenter oportebit ex Apostoli condicione.  
doctrina, quinam ad uitam suscitandi sint. nam ad 1. *Cor.* 15  
Corinthios scribens, Sicut in Adam, inquit, omnes moriuntur, ita & in Christo omnes uiuificabuntur. Omni itaque malorum, bonorumq. discriminere- moto, omnes a mortuis, quamquam non omnium par

Lm. 5

par condicio futura est, resurgent, qui bona fecerunt, in resurrectionem uitæ; qui uero mala egerunt, in resurrectionem iudicii. Cum autem omnes dicimus, tam eos intelligimus, qui aduentante iudicio mortui iam erunt, quam eos, qui morientur. Huic enim sententiæ, quæ asserit omnes morituros esse, nemine excepto, Ecclesiam acquiescere, ipsamque sententiam magis ueritati conuenire, scriptum reliquit sanctus Hieronymus. idem sentit & sanctus Augustinus. Neque uero huic sententiæ repugnant Apostoli uerba, ad Thessalonicenses scripta: Mortui qui in Christo sunt, resurgent primi: deinde nos, qui uiuimus, qui relinquimur, simul rapiemur cum illis in nubibus obuiam Christo in-

S. Hierony-  
mus, &  
August.

1. Thes. 4

aera. nam sanctus Ambrosius, cum ea explana-  
ret, ita inquit: In ipso raptu mors præueniet, & quasi per soporem, ut egressa anima in momento reddatur: cum enim tollentur, morientur, ut peruenientes ad Dominum, præsentia Domini recipiant animos, quia cū Domino mortui esse non possunt. Eademq. sententia comprobatur sancti Augustini auctoritate in libro de Ciuitate Dei. Cum uero multum referat, nobis certo persuaderi, hoc ipsum, atque adeo idem corpus, quod uniuscuiusque proprium fuit, quamuis corruptum sit, & in puluerem redierit, tamen ad uitam suscitandum esse: illud etiā Parochus accurate explicandum suscipiet.

S. Ambr.

1. Cor. 15

Hæc Apostoli est sententia, cum inquit: Oportet corruptibile hoc induere incorruptionem: ea uoce, Hoc, proprium corpus aperte demonstrans. Iob etiam de eo clarissime uaticinatus est: Et in carne mea, inquit, uidebo Deum; quem uisurus sum

Iob 19

sum

sum ego ipse, & oculi mei conspecturi sunt, & non alius. Hoc idem colligitur ex ipsius resurrectionis definitione. est enim resurrectio, auctore Damasceno, ad eum statum, unde cecideris, *Damascenus.* reuocatio. Denique, si consideremus, cuius rei causa resurrectionem futuram paulo ante demonstratum est; nihil erit, quod cuiusquam animū hac in re dubium facere possit. Idcirco autem corpora excitanda esse docuimus, ut referat unusquisque pro *1. Cor. 9* propria corporis, prout gessit, siue bonum, siue malum. Hominem igitur ex ipso corpore, cuius opera uel Deo, uel Dæmoni seruiuit, resurgere oportet, ut cū eodem corpore triūphi coronas, & præmia consequatur, aut poenas, & supplicia miserrima perferat. Neque uero corpus tantum resurget, sed quidquid ad illius naturæ ueritatem, atque ad hominis decus, & ornamentum pertinet, restituendum est. Præclarum ea de re sancti Augustini testimonium *S. August.* legimus: Nihil tunc uitij, inquit, in corporibus existet: si aliqui plus pinguedine obesi, & crassi extiterint, non totam corporis molem assument, sed, quod illam habitudinē superabit, reputabitur superfluum; & e diuerso, quæcumque uel morbus, uel senium confecit in corpore, reparabitur per Christum uirtute diuina, ut, si aliqui propter macrorem fuerint graciles, quia Christus non solum nobis corpus reparabit, sed quidquid per miseriam huius uitæ fuerit nobis ademptum. Item alio loco: Non resumeret homo capillos, quos habuerit, sed *S. August. Matth. 10* quos decuerit, iuxta illud, Omnes capilli capitis uestri numerati sunt, qui secundum diuinam sapientiam sunt reparandi. In primis uero, quoniam membra

bra ad ueritatem humanæ naturæ pertinent, simul restituētur omnia. Qui enim uel ab ipso ortu oculis capti sunt, uel ob aliquem morbum lumina amiserunt, claudi, atque omnino manci, & quibusuis membris debiles, integro, ac perfecto corpore resurgent. aliter enim animæ desiderio, quæ ad corporis coniunctionem propensa est, minime satisfactū esset: cuius tamen cupiditatem in resurrectione explendam esse, sine dubitatione credimus. Præterea satis constat, resurrectionem æque, ac creationem, inter præcipua Dei opera numerari. Quemadmodum igitur omnia a Deo initio creationis perfecta fuerunt; ita etiam in resurrectione futurum omnino affirmare oportet. Neque id de martyribus solum fatendum est, de quibus sanctus Augustinus ita testatur: Non erunt absque illis membris: non enim posset illa mutilatio nō esse corporis uitium: alioquin, qui capite truncati sunt, deberent sine capite resurgere. uerumtamen extabunt in eorundem membrorum articulis gladij, cicatrices refulgentes super omne aurum, & lapidem pretiosum, ueluti & cicatrices uulnerum Christi: quod de improbis quoque uerissime dicitur, etsi illorum culpa membra amputata fuerint. nam quo plura membra habebunt, tãto acerbiori dolorum cruciatu conficientur. quare illa membrorum restitutio nō ad eorum felicitatem, sed ad calamitatem, ac miseriam est redundatura; cum merita non ipsis mēbris, sed personæ, cuius corpori coniuncta sunt, adscribantur. nam ijs, qui pænitentiam egerunt, ad præmium, illis uero, qui eandem contempserint, ad supplicium restituentur. Hæc uero si a

Parochis



Parochis attente considerentur, numquam eis rerum & sententiarum copia deerit ad excitandos, inflammandosque pietatis studio fidelium animos: ut uitę huius molestias, & ærumnas cogitantes, beatam illam resurrectionis gloriam, quę iustis, & pijs proposita est, auide expectent.

Sequitur nunc, ut fideles intelligant: si ea spectemus, quę corporis substantiam constituunt, quamuis illud ipsum, atque idem corpus a mortuis reuocari oporteat, quod antea extinctum fuerat, longe aliam tamen, & diuersam eius condicionem fore. ut enim cetera omittamus, in eo maxime resurgentium corpora omnia a se ipsis differēt, quod cum antea mortis legibus subiecta essent, postea quam ad uitam suscitata fuerint, sublato bonorum malorumque discrimine immortalitatem assequentur. Quam quidem admirabilem nature restitutionem insignis Christi uictoria meruit, quam de morte reportauit, quemadmodum sacrarum scripturarum testimonia nos admonent: scriptum est enim, Præcipitabit mortem in sempiternum. & alibi: Ero mors tua, o mors: quod explicans Apostolus, inquit; Nouissima inimica destruetur mors. & apud sanctum Ioannem legimus: Mors ultra non erit. Decebat autem maxime, Christi domini merito, quo mortis imperium euersum est, peccatum Adę longo interuallo superari. Idem etiam diuinę iustitię consentaneum fuit, ut boni beata uita perpetuo fruerentur; mali uero sempiternas poenas luentes, quærerent mortem, & non inuenirent; optarent mori, & mors fugeret ab eis. Atque hæc quidem immortalitas bonis, malisque communis erit.

Isa. 25

Ose. 13

1. Cor. 15

Apo. 21

Apo. 9

erit, Habebunt præterea sanctorum rediuiua corpora insignia quædam , & præclara ornamenta , quibus multo nobiliora futura sint, quam umquam antea fuerint. Præcipua uero sunt quattuor illa, quæ dotes appellantur , ex Apostoli doctrina a Patribus obseruatæ. earum prima est impassibilitas, munus scilicet , & dos : quæ efficiet, ne molesti aliquid pari , ulloue dolore, aut incommodo affici queant. nihil enim aut frigorum uis, aut flammæ ardor, aut

**1. Cor. 15** aquarum impetus obesse eis poterit . Seminatur , inquit Apostolus , in corruptione , surget in incorruptione . Quod autem impassibilitatem potius , quam incorruptionem scholastici appellarint, ea causa fuit, ut, quod est proprium corporis gloriosi , significarent . non enim impassibilitas illis communis est cum damnatis, quorum corpora ; licet incorruptibilia sint , æstuarè tamen possunt, atque algere , uariisque cruciatibus affici . Hanc consequitur claritas, qua sanctorum corpora, tamquàm sol fulgebunt.

**Matth. 13** ita enim apud sanctum Matthæum testatur Saluator noster: Iusti, inquit, fulgebunt sicut sol in regno patris eorum. Ac ne quis de eo dubitaret, suæ transfigurationis exemplo declarauit. Hæc interdum Apostolus gloriam, modo claritatem appellat. Reformabit, inquit, corpus humilitatis nostræ configuratum corpori claritatis suæ . & rursus : Seminatur in ignobilitate , surget in gloria . Huius etiam gloriæ imaginem quandam uidit populus Israel in deserto cum facies Moysis ex colloquio , & præsentia Dei ita colluceret, ut in eam filij Israel oculos intendere non possent . Est uero claritas hæc fulgor quidam ex summa animæ felicitate ad corpus redundans,

ita ut

ita ut sit quedam cōmunicatio illius beatitudinis, qua anima fruitur:quo modo etiam anima ipsa beata efficitur, quod in eam pars diuinæ felicitatis deriuetur. Hoc uero munere non æquæ omnes, perinde ac primo, ornari credendum est. erunt quidem sanctorum corpora omnia æque impassibilia, sed eundem splendorem non habebunt. nam, ut testatur Apostolus. Alia claritas solis, alia claritas lunæ, & alia claritas stellarum: stella enim a stella differt in claritate; sic & resurrectio mortuorum. Cum hac dote coniuncta est illa, quam agilitatem uocant, qua corpus ab onere, quo nunc premitur, liberabitur: facillimeque, in quācumque partem anima uoluerit, ita moueri poterit, ut ea motione nihil celerius esse queat, quemadmodum aperte sanctus Augustinus in libro de Ciuitate Dei, & Hieronymus in Isaiam, docuerunt. Quare ab Apostolo dictum est; Seminatur in infirmitate, surgit in uirtute. His uero addita est, quæ uocatur subtilitas, cuius uirtute corpus animæ imperio omnino subiicietur, eique seruiet, & ad nutum præsto erit: quod ex illis Apostoli uerbis ostenditur: Semina-

1. Cor. 15

1. Cor. 15

1. Cor. 15

Vt autem fideles sciant, quem fructum ex tot, tantorumque mysteriorum cognitione capere possint; primum declarare oportebit, maximas a nobis Deo gratias agendas esse, qui hæc sapientibus absconderit, & reuelauerit paruulis. Quot enim uiri, uel prudentiæ laude præstantes, uel singulari doctrina præditi, in hac tam certa ueritate cæ-

*Quam salu-  
tares ex ar-  
ticulo Re-  
surrectionis  
capiantur  
fructus.  
Matth. 11*

cipla-

1. Thess. 4

Iob 19

Ioan. 5

ci plane fuerunt? Quod igitur nobis illa patefecerit, quibus ad eam intelligentiam adspirare non licebat, est quod summam eius benignitatem, & clementiam perpetuis laudibus celebremus. Deinde magnus etiam ille fructus ex huius articuli meditatione consequetur, quod scilicet in eorum morte, qui nobis necessitudine, uel beneuolentia cōiuncti sunt, facile tum alios, tum nos ipsos consolabimur: quo quidem genere cōsolationis Apostolum usum esse constat, cum ad Thessalonicenses de dormientibus scriberet. Sed in omnibus etiam alijs ærumnis, & in calamitatibus, futuræ resurrectionis cogitatio summā nobis doloris leuationē afferet; quemadmodum sancti Iob exemplo didicimus, qui una hac spe afflictum, & mærentem animum sustentabat, fore aliquando, ut in resurrectione dominum Deum suum conspiceret. Præterea, hoc plurimum ualebit ad persuadendum fidelibus populis, ut rectam uitam, integram, ab omni prorsus peccati labe puram agere quam diligentissime curent. si enim cogitauerint ingentes illas diuitias, quæ resurrectionem consequuntur, ipsis propositas esse, facile ad uirtutis, & pietatis studia allicientur. Contra uero nulla res maiorem uim habitura est ad cōprimendas animi cupiditates, hominesque a sceleribus auocandos, quam si sæpius admoneantur, quibus nā malis, & cruciatibus improbi afficiendi sunt, qui extremo illo die procedent in resurrectionē iudicij.

V I T A M A E T E R N A M. Sancti apostoli, duces nostri, Symbolum, quo fidei nostrę summa continetur, æternæ uitæ articulo claudi, & terminari uoluerunt, tum quia post carnis resurrectionem  
nihil



nihil aliud fidelibus expectandum est, nisi eternæ uitæ præmium; tum uero, ut perfecta illa felicitas, & bonis omnibus cumulata, nobis sēper ante oculos uersaretur, doceremurq. in ea mentem, & cogitationes nostras omnes defigendas esse. Quare Parochi in erudiendis fidelibus nūquā intermittent, præmijs eternæ uitæ propositis, eorum animos accendere; ut, quęcumque uel difficillima Christiani nominis causa subeunda esse docuerint, facilia, atque adeo iucunda existiment, promptioresque ad parendum Deo, & alacriores reddantur. Sed quoniam sub his uerbis, quę ad beatitudinem nostrā declarandam hoc loco usurpantur, plurima mysteria in occulto latent, ea sic aperiēda sunt, ut, quantum cuiusque ingenium ferat, omnibus patere possint. Admonendi igitur sunt fideles, his uocibus, Vitam eternam, non magis perpetuitatem uitę, cui etiā demones, sceleratique homines addicti sunt, quam in perpetuitate beatitudinem, quę beatorum desiderium expleat, significari. Atque ita intelligebat legis peritus ille, qui a Domino saluatore nostro, quid sibi faciendum esset, ut uitam æternam possideret, in euāgelio quęsiuit: perinde ac si diceret: Quęnam mihi præstanda sunt, ut ad eum locum, ubi perfecta felicitate frui liceat, perueniam? In hunc uero sensum sacrę litterę hęc uerba accipiunt, ut multis in locis licet animaduertere. Hoc uero potissimū nomine summa illa beatitudo appellata est, ne quis existimaret eam in rebus corporeis, & caducis, quę æternæ esse non possunt, consistere. Neque enim hęc ipsa beatitudinis uox satis explicare poterat, quod quærebat; Luc. 18.

præsertim cum non defuerint homines inanis cuiusdam sapientiæ opinione inflati, qui summum bonum in ijs rebus ponerent, quæ percipiuntur sensibus. hæc enim pereunt, & ueterascunt; beatitudo uero nullo temporis termino definienda est. quin potius terrena hæc longissime a uera felicitate absunt: a qua is quammaxime recedit, qui mundi amore, & desiderio tenetur. scriptum est enim:

**1. Ioan. 2.** Nolite diligere mundum, neque ea, quæ in mundo sunt. si quis diligit mundum, non est charitas Patris in eo. & paulo post: Mundus transit, & concupiscentia eius. Hæc igitur Parochi fidelium mentibus imprimenda diligenter curabunt, ut mortalia contemnere, nullamque in hac uita, in qua non ciues, sed aduenæ sumus, felicitatem obtineri posse, in animum inducant. Quamquam hic etiam spe beati merito dicemur, si abnegantes impietatem, ac sæcularia desideria, sobrie, & iuste, & pie uixerimus in hoc sæculo, expectantes beatam spem, & aduentum gloriæ magni Dei, & saluatoris nostri Iesu Christi. Hæc autem cum permulti, qui sibi ipsi sapientes uidebatur, minus intelligerent, & in hac uita felicitatem quærendam putarent, stulti facti sunt, & in maximas calamitates inciderunt. Sed illud præterea ex ui huius nominis, Vitam æternam; percipimus, semel adeptam felicitatem amitti numquam posse, ut falso nonnulli suspicati sunt. nam felicitas ex omnibus bonis sine ulla mali admistione cumulatur: quæ cum hominis desiderium expleat, in æterna uita necessario consistit. neque enim potest beatus non magnopere uelle, ut illis bonis, quæ adeptus est, sibi perpetuo frui liceat.

Quare,

Quare, nisi ea possessio stabilis, & certa sit, maximo cruciatu timoris angatur, necesse est.

Verum, quanta sit beatorum, qui in cælesti patria uiuunt, felicitas, eaque ab ipsis tantum, præterea nemine, comprehendi possit, hæ ipsæ uoces, cum uitam beatam dicimus, satis demonstrant. nam cum ad rem aliquam significandā eo nomine utimur, quod cum multis alijs commune est, facile intelligimus deesse propriam uocem, qua res illa plane exprimatur. Cum igitur felicitas ijs uocibus declaretur, quæ non magis in beatos, quā in omnes, qui perpetuo uiuant, recte conueniunt, hoc nobis argumento esse potest, altiore, & præstantiorem quandam rem esse, quam ut proprio uocabulo perfecte significare eius rationem possimus. nam etsi plurima alia nomina cælesti huic beatitudini in sacris litteris tribuuntur, cuiusmodi sunt, regnum Dei, Christi, celorum, paradysus, sancta ciuitas, noua Hierusalem, domus patris: tamē perspicuum est, nullum ex ijs ad eius magnitudinem explicandam satis esse. Quare Parochi hoc loco oblatam sibi occasionem non prætermittent, fideles tam amplis præmijs, quæ uitæ æternæ nomine declarantur, ad pietatem, iustitiam, & omnia Christianæ religionis officia inuitandi. Constat enim, uitam in maximis bonis, quæ natura expetuntur, numerari solere. atqui hoc potissimum bono, cum uitam æternam dicimus, beatitudo definitur. Quod si exigua hac, & calamitosa uita, quæ tot, & tam uarijs miserijs subiecta est, ut mors uerius dicenda sit, nihil magis amatur, nihil aut carius, aut iucundius esse potest: quo tandem animi studio, qua con-

*De inenarrabili sanctorum gloria; & de præmijs essentialibus & accidentalibus.*

tentione æternam illam uitam quærere debemus, quæ defunctis omnibus malis perfectam & absolutam bonorum omnium rationem cõiunctã habet? nam, ut sancti Patres tradiderunt, æternæ uitæ felicitas, omnium malorum liberatione, & bonorum adeptione definienda est. De malis clarissima sunt sanctarum litterarum testimonia: scriptum est

*Apoc. 1.21* enim in Apocalypsi: Non esurient, neque sitient amplius; neque cadet super illos sol, neque ullus æstus. & rursus: Absterget Deus omnem lacrymam ab oculis eorum: & mors ultra non erit, neque luctus, neque clamor, neque dolor erit ultra, quæ prima abierunt. Iam uero beatorum immensa gloria, innumeraque solide lætitiæ, & uoluptatis genera futura sunt: cuius gloriæ magnitudinem cū animus noster capere, aut illa in animos nostros penetrare nullo modo possit, necesse est, nos in illam, nempe in gaudium Domini, introire; ut eo circumfusi, mentis desiderium cumulate expleamus.

*s. August.* Quamuis autem, ut sanctus Augustinus scribit, facilius mala, quibus carituri sumus, quam bona ac uoluptates, quas hausuri sumus, numerari possent uideantur: danda tamen erit opera, ut, quæ fideles summæ illius felicitatis adipiscendæ cupiditate inflammare poterunt, breuiter, & dilucide explicentur. Sed illa in primis distinctione uti oportebit, quam a grauissimis diuinarum rerum scriptoribus accepimus. ij enim duo bonorum genera esse statuunt: quorum alterum ad beatitudinis naturam pertinet; alterum ipsam beatitudinem consequitur. quare illa essentialia, hæc uero accessoria bona, docendi causa, appellarunt. Ac solida quidem beati-



beatitudo, quam essentialem communi nomine licet uocare, in eo sita est, ut Deum uideamus, eiusque pulchritudine fruamur, qui est omnis bonitatis, ac perfectionis fons, & principium. Hæc est uita eterna, inquit Christus dominus, ut cognoscant te *Ioan. 17* solum Deum uerū, & quem misisti Iesum Christū. quam sententiam sanctus Ioannes uidetur interpretari, cum ait: Carissimi, nunc filij Dei sumus: & *1. Ioan. 3.* nondum apparuit, quid erimus: scimus quoniam, cum apparuerit, similes ei erimus, quoniam uidebimus eum sicuti est. Significat enim beatitudinē ex ijs duobus constare; tum quod Deum intuebitur, qualis in natura sua, ac substantia est; tum quod ueluti Dij efficiemur. nam qui illo fruuntur, quamuis propriam substantiam retineant, admirabilem tamen quandam, & prope diuinam formā induunt, ut Dij potius, quam homines uideantur. Hoc autem cur ita fiat, ex eo perspicuum est, quod unaquæque res uel ex eius essentia, uel ex eius similitudine, & specie cognoscitur. At quoniam nihil est Dei simile, cuius similitudinis adiumento ad perfectam eius notitiam peruenire possimus: consequens est, ut eius naturam, & essentiam uidere nemini liceat, nisi hæc eadem diuina essentia se nobis coniunxerit. atque id Apostoli uerba illa significant: Videmus nunc per speculum in ænigmate, *1. Cor. 13* tunc autem facie ad faciem. Nam quod inquit, In ænigmate; interpretatur sanctus Augustinus, in similitudine ad Deum intelligendum *S. August.* accommodata. Quod etiam sanctus Dionysius *S. Dionysius* aperte ostendit, cum affirmat, nulla inferiorum *sius Arce* similitudine superiora percipi posse. neque enim *pagita.*

I 3 ex ali-

ex alicuius rei corporeæ similitudine, eius, quæ corpore careat, essentia, & substantia cognosci potest, cum præsertim necesse sit, rerum similitudines minus concretionis habere, & magis spirituales esse, quam res ipsas, quarum imaginem referunt; quemadmodum in omniū rerum cognitione facile experimur. quoniam uero fieri non potest, ut alicuius rei creatæ similitudo æque pura, & spiritualis, ac Deus ipse est, reperiatur: ita fit, ut ex nulla similitudine diuinam essentiā perfecte intelligere possimus. Accedit etiam, quod omnes creatæ res certis perfectionis terminis circumscribuntur: at Deus infinitus est, neque ullius rei creatæ similitudo eius immensitatem capere potest. Quocirca una illa ratio diuinæ substantiæ cognoscendæ relinquitur, ut ea se nobis coniungat, & incredibili quodam modo intelligentiam nostrā altius extollat, atque ita idonei ad eius naturæ speciem contemplandam reddamur. id uero lumine gloriæ assequemur, cum eo splendore illustrati, Deum lumen uerum in eius lumine uidebimus. nam beati Deū præsentem semper intuentur: quo quidem dono, omnium maximo, & præstantissimo, diuinæ essentiæ participes effecti, uera, & solida beatitudine potiuntur: quam nos ita credere debemus, ut, eam Dei benignitate cum certa spe nobis expectandam esse, in Symbolo Patrum definitum sit. ait enim: Expecto resurrectionem mortuorum, & uitam uenturi sæculi. Diuina hæc plane sunt, neque ullis uerbis explicari, aut cogitatione comprehendi a nobis possunt. Verum licet aliquam huius beatitudinis imaginem in ijs etiam rebus, quæ sensu percipiuntur,

cipiuntur, cernere. Nam quemadmodum ferrum,  
 admoto igni, ignem concipit, & quamuis eius  
 substantia non mutetur, fit tamen, ut diuersum  
 quippiam, nimirum ignis esse uideatur: eodem  
 modo, qui in celestem illam gloriam admissi sunt,  
 Dei amore inflammati, ita afficiuntur, cum tamen  
 id, quod sunt, esse non desinant, ut multo magis  
 distare ab ijs, qui in hac uita sunt, merito dici pos-  
 sint, quam ferrum candens ab eo, quod nullam ca-  
 loris uim in se contineat. ut igitur rem paucis com-  
 plectamur, summa illa, & absoluta beatitudo,  
 quam essentialem uocamus, in Dei possessione con-  
 stituenda est, Quid enim ei ad perfectam felicitatem  
 deesse potest, qui Deum optimum, & perfe-  
 ctissimum possidet? Verum ad illam tamen quæ-  
 dam accedunt ornamenta, omnibus beatis commu-  
 nia; quæ quoniam ab humana ratione minus remo-  
 ta sunt, uehementius quoque animos nostros com-  
 mouere, & excitare solent. Huius generis ea sunt,  
 de quibus Apostolus ad Romanos uidetur intelli- *Rom. 2*  
 gere, Gloria, & honor, & pax omni operanti bo-  
 num. nam gloria quidem beati perfruentur, non il-  
 la solum, quam tandem essentialem beatitudinem,  
 uel cum eius natura maxime coniunctam esse osten-  
 dimus: sed ea etiam, quæ constant ex clara, & aper-  
 ta notitia, quam singuli de alterius eximia, & præ-  
 stanti dignitate habituri sunt. At uero quantus il-  
 le honor existimandus est, qui eis a Domino tri-  
 buitur, cum non amplius serui, sed amici, fratres,  
 ac filij Dei uocentur? quare ita electos suos amantis-  
 simis, & honorificentissimis uerbis Saluator noster  
 compellabit, Venite benedicti patris mei, posside- *Matth. 25*

*Psal. 138*

te paratum uobis regnum, ut merito liceat exclamare: Nimis honorificati sunt amici tui Deus. Sed laudibus etiam a Christo domino, coram patre celesti, & angelis eius celebrabuntur. Præterea, si hoc commune omnibus hominibus desiderium natura ingenuit honoris, qui a uiris sapientia præstantibus habeatur, quod eos locupletissimos uirtutis suę testes fore existiment; quantum beatorum gloriæ accessurū putamus, quod alius alium summo honore prosequetur? Infinita esset omnium oblationum enumeratio, quibus beatorum gloria cumulata erit, ac ne cogitatione quidem fingere eas possumus: sed tamen hoc fidelibus persuasum esse debet, quęcunque nobis iucunda in hac uita contingere, uel etiam optari queant, siue ea ad mentis cognitionem, siue ad corporis perfectum habitum pertineant, earum rerum omnium copijs beatam celestium uitam circumfluere: quamuis hoc altiore quodam modo, quam oculus uidit, aut auris audiuit, aut in cor hominis ascendit, fieri Apostolus affirmat. nam corpus quidem, quod antea crassum, & concretum erat, cum in cælo, detracta mortalitate, tenue, & spirituale effectum fuerit, nullis amplius alimentis indigebit: anima autem eternę glorię pabulo, quod magni illius conuiuij auctor transiens omnibus ministrabit, cum summa uoluptate exsaturabitur. Quis uero pretiosas uestes, aut regales corporis ornatus desiderare poterit, ubi nullus harum rerum usus futurus sit, omnesque immortalitate, & splendore amicti, & sempiternę glorię corona ornati erunt? Sed si amplę etiam, & magnificę domus possessio ad humanam felicitatem

*1. Cor. 2**Lec. 12*

tatem



tatem pertinet, quid cælo ipso, quod Dei claritate undique collustratur; uel amplius, uel magnificentius cogitari potest? Quare Propheta, cum eius domicilij pulchritudinem sibi ante oculos poneret, & ad beatas illas sedes perueniendi cupiditate arderet, Quam dilecta, inquit, tabernacula tua Domine uirtutum: concupiscit, & deficit anima mea in atria Domini; cor meum, & caro mea exultauerunt in Deum uiuum. Atque, ut hic sit omnium fidelium animus, hæc communis omnium uox, quemadmodum Parochi uehementer optare, ita etiam omni studio curare debent. nam, In domo patris mei, inquit Dominus, mansiones multæ sunt; in quibus maiora, & minora præmia, ut quisque promeritus erit, reddentur. Qui enim parce seminat, parce & metet: & qui seminat in benedictionibus, de benedictionibus & metet. Quare non solum ad eam beatitudinem fideles excitabunt, uerum etiam eius consequendæ certam rationem hanc esse frequenter monebunt, ut fide, & charitate instructi, & in oratione, & sacramentorum salutari usu perseuerantes, ad omnia benignitatis officia in proximos se exercent. ita enim Dei misericordia fiet, qui beatam illam gloriam diligentibus se præparauit, ut aliquando impleatur quod dictum est per Prophetam. Sedebit populus meus in pulchritudine pacis, & in tabernaculis fiducia, & in requie opulenta.

Psal. 83

Ioan. 14

2. Cor. 9

Isa. 32



*Math. 7*

V M O M N I S Christianæ doctrinæ pars scientiam, diligentiamque desiderat: tum sacramentorum disciplina, quæ & Dei iussu necessaria, & utilitate uberrima est, Parochi facultatem, & industriam postulat singularem; ut eius accurata, ac frequenti perceptione fideles tales euadant, quibus præstantissimæ, ac sanctissimæ res digne & salutariter impertiri possint, & sacerdotes ab illa diuini interdicti regula non discedant: Nolite sanctum dare canibus, neque mittatis margaritas uestras ante porcos.

Principio igitur, quoniâ uniuerse de toto genere sacramentorum agendum est, ab ipsius nominis ui, atque notione oportet incipere, eiusque ambiguum significationem explanare; ut, quæ huius uerbi sententia hoc loco propria sit, facilius intelligatur. Quare docendi sunt fideles, sacramenti nomen, quod ad propositam rem attinet, aliter a profanis, quam a sacris scriptoribus, acceptum esse. nam alij auctores sacramenti nomine obligationem illam significari uoluerunt, cum iurati aliquo seruitutis uinculo obstringimur, ex quo iusiurandum, quo se milites fidelē operam reip. præstaturus pollicentur, sacramentū militare dictum est. atque hæc frequētissima huius uocabuli significatio apud illos uidetur fuisse. Verū apud Latinos patres, qui res diuinas scriptis tradiderunt, sacramenti nomen aliquam rem sacram, quæ in occulto latet, declarat, quemadmodum Græci, ad eandem rem significandam,

dam, mysterij uocabulo usi sunt. in eam uero sententiam sacramenti uocem accipiendam esse intelligimus, cum ad Ephesios scribitur: Vt notum faceret nobis sacramentum uoluntatis suæ. Deinde ad Timotheum: Magnum est pietatis sacramentum. *Ad Eph. 1*  
 Præterea in libro sapientiæ: Nescierunt sacramenta Dei. Quibus in locis, & alijs multis, licet animaduvertere, sacramentum nihil aliud, nisi rem sacram, abditam, atque occultam, significare. Quare Latini doctores signa quædam sensibus subiecta, quæ gratiam, quam efficiunt, simul etiam declarant, ac ueluti ante oculos ponunt, sacramenta commodè appellari posse existimarunt. *1. Tim. 3*  
 Quamquam, ut D. Gregorio placet, ob id sacramenta dici possunt, quod diuina uirtus sub rerum corporearum tegumentis occulte salutem efficiat. Nec uero quisquam putet hoc uocabulum nuper in Ecclesiam inductum esse. nam qui sanctos Hieronymum, & Augustinum legerit; facile perspiciet, antiquos religionis nostræ scriptores ad eam, de qua loquimur, rem demonstrandam sepiissime sacramenti nomine, interdum uero etiam Symboli, uel mystici signi, uel sacri signi uoce usos esse. Atque hæc de sacramenti nomine dicta sint: quod quidem ueteris etiam legis sacramentis conuenit: de quibus nihil opus est Pastoribus præcepta tradere, cum ea euangelij lege, & gratia sublata sint. *Sap. 2*

Verum, præter nominis notionem, quæ hætenus declarata est, rei etiam uis, & natura diligenter inuestiganda, &, quid sacramentum sit, fidelibus aperiendum est. Sacramenta enim ex genere earum rerum esse, quibus salus & iustitia comparatur,

*De propria  
 ni, atque natura  
 sacramenti*

ratur,

**D. Aug.**

ratur, dubitare nemo potest. Sed cum multæ rationes sint, quæ ad hanc rem explicandam aptæ, & accommodatæ uideantur, nulla tamen planius, & dilucidius eam demonstrat, quam definitio a D. Augustino tradita, quam deinde omnes doctores scholastici secuti sunt. Sacramentum, inquit ille, est signum rei sacræ: uel, ut alijs uerbis, in eandem tamen sententiam, dictum est, sacramentum est inuisibilis gratiæ uisibile signum, ad nostram iustificationem institutum. Quæ quidem definitio ut magis pateat, singulæ eius partes Pastoribus exponendæ erunt. Atque in primis docere oportebit, rerum omniû, quæ sensibus percipiuntur, duo esse genera. aliæ enim ob id inuentæ sunt, ut aliquid significant: aliæ non alterius rei significandæ, sed sua tantum causa effectæ sunt: quo in numero omnes pene res, quæ natura constât, haberi possunt. At uero in priori genere uocabula rerum, scriptura, uexilla, imagines, tubæ, & alia huiuscemodi permulta ponenda sunt. nam si ex uocabulis uim significandi detraxeris, sublata uidetur esse causa, quamobrem uocabula instituerentur. Hæc igitur signa proprie dicuntur. illud enim signum esse sanctus Augustinus testatur, quod præter rem, quam sensibus obijcit, efficit etiam, ut ex se alterius rei cognitionem capiamus: sicut ex uestigio, quod terræ impressum intuemur, transisse aliquem, cuius uestigium apparet, facile cognoscimus. Quæ cum ita se habeant; sacramentum ad hoc rerum genus, quæ significandi causa institutæ sunt, referri perspicuum est: siquidem specie quadam, & similitudine id nobis declarat, quod Deus in animis nostris sua uirtute,

**S. Aug.**

te,



te, quæ sensu percipi non potest, efficit. Baptismus enim, (ut, quod docetur, exemplo notius fiat) cum, adhibitis certis, & sollemnibus uerbis, aqua extrinsecus abluimur, hoc significat, spiritus sancti uirtute omnem peccati maculam, & turpitudinem interius elui, & animas nostras præclaro illo celestis iustitiæ dono augeri, atq. ornari; simulq. ea corporis ablutio, ut postea suo loco explicabitur, illud in animo efficit, quod significat. Sed ex scripturis etiã aperte colligitur, sacramentũ inter signa numerandũ esse. Apostolus enim de circumcissione, ueteris legis sacramento, quæ Abrahamã patri omnium credentiũ data erat, ita ad Romanos scribit: Et signum accepit *Rom. 4* circumcissionis, signaculum iustitiæ fidei. Et alio *Rom. 6* loco, cum affirmat nos omnes, qui baptizati sumus in Christo Iesu, in morte ipsius baptizatos esse, licet cognoscere, baptismum huius rei significatio- *Rom. 6* nem habere, nimirum, ut ait idem Apostolus, nos consepultos esse cum illo per baptismum in mortẽ, Neque uero parum proderit, si fidelis populus sacramenta ad signa pertinere intellexerit. ita enim fiet, ut, quæ illis significantur, continentur, atque efficiuntur, sancta, & augusta esse facilius sibi per suadeat; cognitaque eorum sanctitate, ad diuinam erga nos beneficentiam colendam, ac uenerandam magis exciteretur.

Sequitur nunc, ut uerba illa, **REI SACRAE**, *Sacramen- tum esse rei* quæ est altera definitionis pars, explicentur. quod *sacra signũ,* quidem ut commodè fieri possit, paulo altius repe- *quo modo* tenda sunt, quæ de signorum uarietate sanctus Au- *intelligen-* gustinus acute, & subtiliter disputauit. Quædam *dum.* enim signa naturalia dicuntur, quæ præter se ipsa *S. August.* alterius

alterius rei notitiam ( quod omnibus signis commune esse , antea demonstratum est ) in animis nostris gignunt, ueluti fumus, ex quo statim ignē adesse intelligitur . atque hoc signum ob eam causam naturale appellandum est, quod fumus non uolūta te ignem significat, sed rerum usus efficit, ut, si quis fumum tātum uideat, naturam simul & uim ignis, qui adhuc latet, subesse, mente, & cogitatione percipiat. Quædam uero signa natura non constant, sed constituta , atque ab hominibus inuenta sunt, ut & colloqui inter se , & alijs animi sui sensa explicare, uicissimque aliorum sententiam, & consilia possent cognoscere . Hæc autem quam uaria, & multiplicia sint, ex eo licet animaduertere, quod nonnulla ad oculorum , pleraque ad aurium sensum, reliqua ad ceteros sensus pertinent. nam cum aliquid alicui innuimus, &, exempli causa , sublato uexillo quippiam declaramus ; satis constat , eam significationem ad oculos tantū referri: quem admodum tubarum , tiliarum, aut citharæ sonus, qui non solum delectādi, sed plerumque significādi causa funditur, ad aurium iudiciū spectat : quo quidem præcipue sensu uerba etiam accipiuntur, quæ ad exprimendas intimas animi cogitationes maximam uim habent . Verum, præter illa signa, quæ hominum consensu, & uoluntate cōstituta esse, hætenus diximus , alia quædam sunt diuinitus data, quorum tamen non unum genus esse omnes consentiunt. Alia enim signa ob eam tantum rem a Deo hominibus commendata sunt, ut aliquid significarent, uel admonerent : cuiusmodi fuerunt, legis purificationes, panis azymus, & alia permul-  
ta,

ta, quæ ad Mosaici cultus cærimonias pertinebant : alia uero Deus instituit, quæ non significandi modo, sed efficiendi etiam uim haberent . atque in hoc posteriori signorum genere sacramenta nouę legis numeranda esse, liquido apparet . signa enim sunt diuinitus tradita, non ab hominibus inuenta, quæ rei cuiuspiam sacræ, quam declarant, efficientiam in se continere certo credimus . Sed quemadmodum signa in multiplici uarietate esse ostendimus ; ita etiam res sacra non unius modi existimanda est .

Quod uero ad propositam sacramenti definitionem attinet : diuinarum rerum scriptores, sacræ rei nomine Dei gratiam, quę nos sanctos efficit, ac omnium diuinarum uirtutum habitu exornat, demonstrant. huic enim gratiæ propriam sacræ rei appellationem tribuendam merito putarunt, quippe cum eius beneficio animus noster Deo consecratur, & coniungatur. Quare, ut explicatius, quid sacramentum sit, declaretur ; docendum erit, rem esse sensibus subiectam, quę ex Dei institutione sanctitatis, & iustitiæ tum significandæ, tum efficiendæ uim habet : ex quo sequitur, ut facile quiuis possit intelligere, imagines sanctorum, cruces, & alia id generis, quamuis sacrarum rerum signa sint, non ideo tamen sacramenta dicenda esse . Huius autem ueritatis doctrinam facile erit omnium sacramentorum exemplo comprobare, si, quod antea de baptismo admonuimus, cum dicebamus sollemnem illam corporis ablutionem signum esse, & efficientiam habere rei sacrę, quæ interiorius spiritus sancti ui fieret, idem etiam in alijs sacramentis exercere aliquis uelit. Iam uero hisce mysticis signis, quæ a  
Deo

Deo instituta sunt, illud etiam præcipue conuenit, ut ex Domini institutione non unam aliquam re, sed plures simul significant. Quod in singulis sacramentis licet cognoscere, quæ non solum sanctitatem, & iustitiam nostram, sed præterea duo alia cum ipsa sanctitate maxime coniuncta declarant, Christi scilicet redemptoris passionem, quæ sanctitatis causa est, & uitam eternam, cælestemque beatitudinem, ad quam sanctitas nostra, tamquam ad finem, referri debet. Quod quidem cum in omnibus sacramentis perspicui possit, merito sacri doctores unicuique sacramentorum triplicem significandi uim inesse tradiderunt: tum quia alicuius rei præteritæ memoriam afferat; tum quia aliam præsentem indicet, ac demonstret; tum quia aliam futuram prænunciet. Neque uero existimandum est, hoc ita ab illis doceri, ut etiam sanctarum scripturarum testimonio non probetur. nam cum Apostolus ait: *Quicumque baptizati sumus in Christo Iesu, in morte ipsius baptizati sumus: plane ostendit, idcirco baptismum signum dicendum esse, quod Dominicæ passionis & mortis nos admoneat. Deinde cum inquit: Consepulti enim sumus cum illo per baptismum in mortem, ut, quo modo Christus surrexit a mortuis per gloriam patris, ita & nos in nouitate uitæ ambulemus: ex his uerbis perspicuum est, baptismum signum esse, quo cælestis gratia in nos infusa declaratur: cuius munere nobis datum est, ut, nouam uitam instituentes, omnia ueræ pietatis officia facile, & libenti animo exequamur.*

*Postremo cum addit: Si enim complantati facti sumus similitudini mortis eius, simul & resurrectionis*

nis



nis erimus : apparet , baptismum uitæ etiam æternæ , quam per illum consecuturi sumus , non obscuram significationem dare . Sed præter hæc quæ commemorauimus , uaria significandi genera , & rationes , sæpe etiam euenit , ut sacramentum non unam tantum rem præsentem , sed plures demonstret , ac notet . id uero sanctissimum Eucharistiæ sacramentum intuentibus facile est intelligere , quo ueri corporis , & sanguinis Domini præsentia , necnon gratia , quam non impure sacra mysteria sumentes percipiunt , designatur . Ex ijs igitur , quæ dicta sunt , Pastoribus argumenta deesse non poterunt , quibus ostendant , quanta diuinitatis potentia , quot arcana miracula sacramentis nouæ legis insint ; ut ea summa cum religione colenda , & suscipienda esse , omnibus persuadeant .

Verum ad rectum sacramentorum usum docendum nihil accomodatius uideri potest , quam diligenter causas exponere , cur sacramenta institui oportuerit . Plures autem numerari solent : quarum prima est , humani ingenij imbecillitas . siquidem natura ita comparatum uidemus , ut ad earum rerum notitiam , quæ mente , atque intelligentia comprehensæ sunt , nisi per ea , quæ aliquo sensu percipiuntur , nemini adspirare liceat . Vt igitur , quæ occulta Dei uirtute efficiuntur , facilius intelligere possemus , idem summus rerum omnium artifex sapientissime fecit , ut eam ipsam uirtutem aliquibus signis , quæ sub sensum cadunt , pro sua in nos benignitate declararet . nam , ut præclare a sancto Chrysostomo dictum est ; si homo corporis con-

*Sacramenta , præsertim legis euangelicæ , cur instituta .*

*S. Chrysostomus .*

K regu-

tegumentis inuoluta, ei oblata essent: quoniā uero anima corpori coniuncta est, omnino opus fuit, ut rerum, quę sentiuntur, adminiculo ad ea intelligenda uteretur. Altera uero causa est, quod animus noster haud facile cōmouetur ad ea, quę nobis promittuntur, credenda. Quare Deus a mundi exordio quę facere instituerat, uerbis quidē frequentissime indicare consuevit: interdum uero, cū opus aliquod institueret, cuius magnitudo promissi fidē abrogare posset, alia etiam signa, quę nonnumquā miraculi speciem haberent, uerbis adiunxit. nam

**Exod. 3** cum Deus Moysen ad Israelitici populi liberationem mitteret; ille uero, ne Dei quidem precipientis auxilio fretus, timeret, ne onus sibi grauius imponeretur, quam ut sustinere posset; aut ne populus diuinis oraculis, & dictis fidem non adiungeret; Dominus promissionem suam multa signorū uarietate firmavit. Quemadmodum igitur in ueteri testamento Deus fecerat, ut magni alicuius promissi constantiam signis testificaretur: ita etiam in noua lege Christus, saluator noster, cū nobis peccatorum ueniam, cælestē gratiam, spiritus sancti cōmunicationem pollicitus est, quędam signa oculis, & sensibus subiecta instituit, quibus eum quasi pignoribus obligatum haberemus, atque ita fidelem in promissis futurū dubitare numquam possemus.

Tertia causa fuit, ut illa tāquam remedia, ut scribit sanctus Ambrosius, atque euangelici Samaritani medicamenta ad animarum sanitatem uel recuperandam, uel tuendam præsto essent. Virtutē enim, quę ex passione Christi manat, hoc est gratiam, quam ille nobis in ara crucis meruit, per sa-

cræ-

sacramenta, quasi per alueum quendam in nos ipsos deriuare oportet. aliter uero nemini ulla salutis spes reliqua esse poterit. Quare clemētissimus Dominus sacramenta, uerbo suo & promissione sancta, relinquere in Ecclesia uoluit, per quę passionis suę fructum nobis re ipsa cōmunicari sine dubitatione crederemus: si modo unusquisque nostrū ad se eam curationem pie, & religiose admoueret,

Sed quarta etiam causa accedit, cur sacramentorum institutio necessaria uideri possit: ut scilicet notę quędam, & symbola essent, quibus fideles internoscerentur; cum pręsertim nullus hominum cōtusus queat, ut etiam a D. Augustino traditum *D. August.* est, siue uerę, siue falsę religionis nomine, quasi unū corpus coagmentari, nisi aliquo uisibiliū signorum fœdere coniungantur. Vtrumque igitur pręstant nouę legis sacramenta, quę & Christianę fidei cultores ab infidelibus distinguunt, & ipsos fideles sancto quodam uinculo inter se connectunt.

Pręterea, aliam etiam iustissimam fuisse causam sacramenta instituendi, ex illis Apostoli uerbis, Corde creditur ad iustitiam, ore autem confessio *Rom. 10* fit ad salutem, ostendi potest. Sacramentis enim fidem nostram in hominum cōspectu profiteri, & notam facere uidemur. Quare ad baptismum accedentes, palam testamur, nos credere, eius aquę uirtute, qua in sacramento abluimur, spiritualem animę purgationem fieri. Magnam deinde uim habēt sacramenta non solum ad fidem in animis nostris excitandam, & exercendam, sed etiam eam charitatem inflammandam, qua amare inter nos debemus, cum, arētissimo nos uinculo colligatos, &

unius corporis membra effectos esse, ex sacrorum mysteriorum communione, recordamur. Postremo, quod in Christianæ pietatis studio plurimi faciendum est, humanæ mentis superbiam edomant, ac comprimunt, nosque ad humilitatem exercent; dum sensibilibus elementis subijcere nos cogimur, ut Deo obtemperemus, a quo antea impie defeceramus, ut mundi elementis seruiremus. Hæc sunt, quæ potissimum de sacramenti nomine, natura, institutione, fidei populo tradenda esse uisa sunt: quæ posteaquam a Pastoribus accurate exposita fuerint, docere deinceps oportebit, quibus ex rebus singula sacramenta constent, quæque sint illorum partes, ac præterea qui ritus, & cærimoniarum additæ illis fuerint.

*De materia  
& forma  
sacramen-  
torum, eorūq.  
cærimoniarum.*

*S. August.*

Primum igitur explicandum est, rem sensibilem, quæ supra in sacramenti definitione posita est, non unam tantum esse, quamuis unum signum constitui credendum sit. Duo enim sunt, ex quibus quodlibet sacramentum conficitur: quorum alterum materię rationem habet, atque elementum dicitur; alterum formę uim, & uerbum communi uocabulo appellatur: sic enim a Patribus accepimus. quæ in re notum est, atque apud omnes peruulgatum illud sancti Augustini testimonium, Accedit uerbum ad elementum, & fit sacramentum. Rei igitur sensibilis nomine tum materiam, siue elementum intelligunt, ut in sacramento baptismi aquam, confirmationis chrisma, & extreme unctionis oleum, quæ omnia sub aspectum cadunt: tum præterea uerba, quæ formę rationem habent, atque ad aurium sensum pertinent. Apostolus uero utrumque aper-  
te in-



te indicauit, cum inquit: Christus dilexit Ecclesiam, & se ipsum tradidit pro ea, ut illam sanctificaret, mundans eam lauacro aquæ in uerbo uitæ. Quo in loco materia, & forma sacramenti exprimitur. Addenda autem erant uerba ad materiam, ut apertior, clariorque rei, quæ gerebatur, significatio fieret. Verba enim inter omnia signa maximam uim habere perspicuum est; ac, si ipsa desint, plane obscurum erit, quidnam materia sacramentorum designet, ac demonstret. Nam, ut in baptismo licet uidere, cum aqua non minus refrigerandi, quam abluendi uim habeat, & utriusque rei symbolum esse possit, nisi uerba addantur; utrū horum in baptismo significet, aliquis fortasse coniectura aliqua dijudicabit; nemo autem ea de re quippiam certi affirmare audebit: at cum uerba adhibentur, statim intelligimus, abluendi uim, & significationem habere.

In hoc autem nostra sacramenta antiquæ legis sacramentis plurimum præstant, quod in illis administrandis nulla, quod quidem acceperimus, definita forma seruaretur; quo etiam fiebat, ut incerta admodum, & obscura essent: nostra uero formam uerborum ita præscriptam habent, ut, si forte ab ea discedatur, sacramenti ratio constare non possit: ob eamque rem clarissima sunt, ac nullum relinquunt dubitandi locum, Hæ igitur sunt partes, quæ ad naturam, & substantiam sacramentorum pertinent, & ex quibus unumquodque sacramentum necessario constituitur. His accedunt ceremoniæ: quæ tametsi prætermitti sine peccato non possunt, nisi aliud facere ipsa necessitas cogat; tamen,

K ; si quan-

si quando omittantur, quoniam rei naturam non attingunt, nihil de vera sacramenti ratione immi-  
nui credendum est. Ac merito quidem a primis  
usque Ecclesię temporibus illud semper seruatum  
est, ut sacramenta sollemnibus quibusdam cęrimo-  
nijs ministrarentur. Primum enim maxime decuit,  
sacris mysterijs eum religionis cultum tribuere, ut  
sancta sancti tractare uideremur. preterea, quę  
sacramento efficiuntur, cęrimonię ipsę magis de-  
clarant, ac ueluti ante oculos ponunt, & earum  
rerum sanctitatem in animos fidelium altius imprę-  
munt. Deinde uero mentes illorum, qui eas intuen-  
tur, & diligenter obseruant, ad sublimium rerum  
cogitationem erigunt, fidemque in eis, & charita-  
tē excitant: quo maior cura, & diligentia adhibenda  
erit, ut fideles uim cęrimoniarum, quibus singula sa-  
cramēta cōficiuntur, cognitā, & perspectā habeant.

*De necessi-  
tate, nume-  
ro, & utili-  
tate sacra-  
mentorum.*

Sequitur, ut sacramentorum etiam numerus  
explicetur. quę quidem cognitio hanc utilitatem af-  
fert, quod populus eo maiori pietate omnes animi  
sui uires ad laudandam, & prædicandam Dei erga  
nos singularem beneficentiam conuerter, quo plu-  
ra salutis, ac beatę uitę adiumenta nobis diuini-  
tus parata esse intellexerit. Catholicę igitur Eccle-  
się sacramenta, quemadmodum ex scripturis pro-  
batur, & Patrum traditione ad nos peruenit, &  
conciliorum testatur auctoritas, septenario nume-  
ro definita sunt. Cur autem neque plura, neque  
pauciora numerentur, ex ijs etiam rebus, quę per  
similitudinem a naturali uita ad spiritualem trans-  
feruntur, probabili quadam ratione ostendi pote-  
rit. Homini enim ad uiuendum, uitamque confer-  
uandam,

uandam , & ex sua , reique publicę utilitate traducendam , hæc septem necessaria uidentur ; ut scilicet in lucem edatur , augeatur , alatur ; si in morbum incidat , sanetur , imbecillitas uirium reficiatur : deinde , quod ad remp. attinet , ut magistratus numquam desint , quorum auctoritate , & imperio regatur ; ac postremo , legitima sobolis propagatione se ipsum & humanum genus conseruet . Que omnia quoniam uite illi , qua anima Deo uiuit , respondere satis apparet , ex ijs facile sacramentorum numerus colligetur . Primus enim est Baptismus , ueluti ceterorum ianua , quo Christo renascimur : deinde Confirmatio ; cuius uirtute fit , ut diuina gratia augeamur , & roboremur . baptizatis enim iam apostolis , ut D. Augustinus testatur , in *D. Aug. 1.*quit Dominus , Sedere in ciuitate , donec induamini *Luc. 24* uirtute ex alto . Tum Eucharistia , qua , tamquam cibo uere celesti , spiritus noster alitur , & sustinetur , de ea enim dictum est a Saluatore : Caro mea *Ioan. 6* uere est cibus , & sanguis meus uere est potus . Sequitur quarto loco Pænitentia ; cuius ope sanitas amissa restituitur , postquam peccati uulnera accepimus . Postea uero extrema Vnctio , qua peccatorum reliquiæ tolluntur , & animi uirtutes recreantur : siquidem D. Iacobus , cum de hoc sacramento *Iacob 5* loqueretur , ita testatus est : Et si in peccatis sit , remittentur ei . Sequitur Ordo , quo publica sacramentorum ministeria perpetuo in Ecclesia exercendi , sacrasque omnes functiones exequendi potestas traditur . Postremo additur matrimonium , ut ex maris & femine legitima , & sancta coniunctione filij ad Dei cultum , & humani generis conserua-

tionem procreentur, & religiose educantur.

*De præstan-  
tia & dif-  
ferentia sa-  
cramento-  
rum, & eo-  
rum aucto-  
re.*

*Ioan. 3*

Illud uero maxime animaduertendū est, quam-  
is omnia sacramenta diuinam, & admirabilem  
uirtutem in se contineant, tamen non parē omnia,  
& æqualem necessitatem, aut dignitatem, aut  
unam, eandemque significandi uim habere. Arque  
ex ijs tria sunt, quæ tametsi non eadem ratione, ta-  
men præ ceteris necessaria dicuntur. baptismum  
enim unicuique sine ulla adiunctione necessariū ef-  
se, Saluator his uerbis declarauit: Nisi quis rena-  
tus fuerit ex aqua, & spiritu, non potest introire  
in regnum Dei. Pænitentia uero illis tantum modo  
necessaria est, qui se post baptismum aliquo mor-  
tali peccato obstrinxerunt. neque enim æternum  
exitium effugere poterunt, nisi eos admissi peccati  
rite pænituerit. Ordo præterea, etsi non singulis fi-  
delibus, toti tamen Ecclesiæ omnino necessarius  
est. Verū si dignitas in sacramentis spectetur, Eu-  
charistia sanctitate, & mysteriorū numero, ac ma-  
gnitudine longe ceteris antecellit. quæ omnia faci-  
lius intelligentur, cum suo loco ea, quæ ad singula  
sacramenta pertinent, explicabuntur. Deinceps  
uidendum est, a quo hæc sacra, & diuina myste-  
ria acceperimus. neque enim dubitādum est, quin  
præclari alicuius muneris dignitas, eius, a quo do-  
num ipsum profectum est, dignitate, & præstantia  
quam maxime augeatur. Sed ea quæstio difficilem  
explicationem habere non potest. Nam cum Deus  
sit, qui homines iustos efficiat; ipsa uero sacramen-  
ta iustitiæ adipiscendæ mirifica quædam instrumē-  
ta sint: patet, unum eundemque Deum in Christo  
iustificationis & sacramentorum auctorem agno-  
scen-



scendum esse. Præterea, sacramenta eam vim, & efficientiam continent, quæ ad intimam animam penetrat. Cum uero unius Dei potentiæ proprium sit, in corda & mentes hominum illabi; ex hoc etiã perspicitur, sacramenta a Deo ipso per Christum instituta esse: quemadmodum, ab eo quoque intus dispensari, certa, & constanti fide tenendum est. hoc enim testimonium de illo se accepisse sanctus Ioan. Ioan. I affirmat, cū ait: Qui misit me baptizare in aqua, ille mihi dixit: super quem uideris spiritum descendentem, & manentem super eum, hic est, qui baptizat in spiritu sancto. Sed quāuis Deus sacramentorum auctor, & dispensator sit, ea tamen non per angelos, uerum per homines ministrari in Ecclesia uoluit. non minus enim ministrorū officio, quam materia, & forma, ad sacramenta cōficienda opus esse, perpetua sanctorum Patrum traditione confirmatum est. Atque hi quidem ministri, quoniã in sacra illa functione non suam, sed Christi personam gerunt, ea re fit, ut, siue boni, siue mali sint, modo ea forma, & materia utantur, quā ex Christi instituto semper Ecclesia catholica seruauit, idque facere proponant, quod Ecclesia in ea administratione facit, uere sacramenta conficiant, & conferant: ita ut gratiæ fructum nulla res impedire possit, nisi, qui ea suscipiunt, se ipsos tanto bono fraudare, & spiritui sancto uelint obistere. Hæc uero in Ecclesia certam, & exploratam sententiam semper fuisse, sanctus Augustinus in i. s. disputationibus, quas aduersus Donatistas conscripsit, clarissime demonstrauit. Quod si etiam scripturæ testimonia quærimus; ipsum Apostolum, his uerbis loquen-

S. August.

1. Cor. 3

loquentem, audiamus: Ego, inquit, plantaui, Apollo rigauit; sed Deus incrementum dedit. neque enim qui plantat, est aliquid, neque qui rigat, sed qui incrementum dat Deus. Ex quo loco satis intelligitur; quemadmodum arboribus nihil obest eorum improbitas, quorum manu satę sunt; ita nihil uitę aliena culpa contrahi illis posse, qui malorum hominum ministerio Christo insiti sunt. Quare, ut ex D. Ioannis euangelio sancti Patres nostri docuerunt, Iudas etiam Iscariotes plures baptizauit: ex quibus tamen neminem iterum baptizatum fuisse

S. August.

legimus: ita ut præclare D. Augustinus scriptum reliquerit: Dedit baptismum Iudas, & non baptizatum est post Iudam: dedit Ioannes, & baptizatum est post Ioannem: quia, si datum est a Iuda, baptismus Christi erat: quod autem a Ioanne datum est, Ioannis erat: non Iudam Ioanni, sed baptismum Christi, etiam per Iudę manus datum, baptismus Ioannis, etiam per manus Ioannis dato, recte preponimus.

Act. 19

est post Ioannem: quia, si datum est a Iuda, baptismus Christi erat: quod autem a Ioanne datum est, Ioannis erat: non Iudam Ioanni, sed baptismum Christi, etiam per Iudę manus datum, baptismus Ioannis, etiam per manus Ioannis dato, recte preponimus.

*Sacramenta nouæ legis impura conscientia ministrare, quam perniciosum ipsi ministris, & de eorum effectu,*

Neque uero Pastores, alię sacramentorum ministri, cum hæc audiunt, satis sibi esse arbitrentur, si, posthabita morum integritate, ac conscientię munditia, illud tantum cogitent, quo modo sacramenta ab illis rite ministrentur. id enim etsi diligenter curandum est, in hoc tamē omnia, quę ad eam functionem pertinent, posita non sunt. Meminisse autem semper debent, sacramenta diuinā quidem uirtutem, quę illis inest, numquam amittere, at uero impure ea ministrantibus eternam perniciem, & mortem afferre. Sancta enim, quod semel atque iterum ac sæpius admonere oportet, sancte, & religiose tractanda sunt. Peccatori, ut est apud

Prophe-

Prophetam, dixit Deus : Quare tu enarras iustitias *Psal 49*  
 meas, & assumis testamentum meum per os tuum?  
 tu uero odisti disciplinam. Quod si homini pecca-  
 tis contaminato minus licet de rebus diuinis age-  
 re : quantum ab eo scelus concipi existimandū erit,  
 qui sibi multorum scelerum conscius est, nec tamē  
 sacra mysteria polluto ore conficere, uel in fœdas  
 manus sumere, contrectare, atque alijs porrigere,  
 & ministrare uereatur? cum præsertim apud sanctū  
 Dionysium scriptum sit, malis symbola (ita enim *S. Diony.*  
 sacramenta appellat) ne contingere quidem per-  
 missum esse. Sanctitatem igitur sacrarum rerum  
 ministri in primis sectentur, pure ad sacramēta mi-  
 nistranda accedāt, atque ita se ad pietatē exerceāt,  
 ut ex eorum frequenti tractatione, & usu uberiorē  
 in dies gratiam, adiuuante Deo, consequantur.

Sed iam, his rebus explicatis, docendum erit,  
 quinam sacramētorum effectus sit : id enim sacra-  
 menti definitioni, quæ supra tradita est, non parū  
 lucis allaturum uidetur. hi autem duo præcipue nu-  
 merantur. Ac principem quidem locū merito gra-  
 tia illa obtinet, quam usitato a sacris doctoribus no-  
 mine iustificantem uocamus. ita enim Apostolus *Ad Eph. 5*  
 apertissime nos docuit, cum inquit, Christū dilexif-  
 se Ecclesiam, & se ipsum tradidisse pro ea, ut illam  
 sanctificaret, mundās eam lauacro aquæ in uerbo.  
 Quo autē pacto tanta res, & tā admirabilis per sa-  
 cramentū efficiatur, ut, quemadmodū *S. Augustini D. Augus.*  
 sententia celebratum est, Aqua corpus abluat, &  
 cor tangat; id quidem humana ratione, atque in-  
 telligentia comprehendere non potest. constitutū enim  
 esse debet, nullam rem sensibilem suapte natura ea  
 ui

Math. 3

Marc. 1

Luc 3

Act. 2

ui pręditam esse, ut penetrare ad animam queat. At fidei lumine cognoscimus, omnipotētis Dei uirtutem in sacramentis inesse, qua id efficiant, quod sua ui res ipsę naturales pręstare nō possunt. Quo circa, ne ulla umquam huius effectus dubitatio in animis fidelium resideret, cum ministrari sacramenta cęptum est, uoluit clementissimus Deus, quid illa interius efficerent, miraculorū significationibus declarare; ut eadem perpetuo interius fieri cōstantissime crederemus, quamuis longe a nostris sensibus remota essent. Itaque, ut omittamus, Saluatore nostro in Iordane baptizato, cęlos apertos esse, & spiritum sanctum columbę specie apparuisse; ut admoneremur, eius gratiam, cum salutaris fonte abluimur, in animam nostrā infundi: ut hoc in quā omittamus, (magis enim ad baptismi sanctificationē, quā sacramenti administrationem pertinet) nonne legimus, cum Pentecostes die apostoli spiritum sanctum acceperunt, quo deinde ad prędicandam fidei ueritatem, adeundaque pro Christi gloria pericula alacriores, & fortiores fuerunt, tunc, factō repente de cęlo sonitu, tamquam adueniētis spiritus uehementis, apparuisse illis dispersitas linguas quasi ignis? ex quo intellectum est, sacramento confirmationis eundem nobis spiritum tribui, easque uires addi, quibus possimus carni, mundo, & Satanę, perpetuis scilicet hostibus nostris, fortiter repugnare, & resistere. Atque hęc miracula, quoties Apōstoli sacramenta ista ministrarent, initio nascentis Ecclesię aliquandiu uisita sunt, donec, firmata iam fide, & corroborata, fieri desierunt.

Ex



Ex ijs igitur, quę de priori sacramentorum effe-  
ctu, gratia scilicet iustificante, demonstrata sunt,  
illud etiam plane constat, excellentiorem, & pre-  
stantiorem uim sacramēti nouę legis inesse, quam  
olim ueteris legis sacramenta habuerunt: quę cum  
infirmas essent, egenaque elementa, inquinatos san-  
ctificabant ad emundationem carnis, non animę.  
quare, ut signa tantum earum rerum, quę myste-  
rijs nostris efficienda essent, instituta sunt. At ue-  
ro sacramenta nouę legis, ex Christi latere manan-  
tia, qui per spiritum sanctum semet ipsum obtulit  
immaculatum Deo, emundant conscientiam nostram  
ab operibus mortuis ad seruiendum Deo uiuenti,  
atque ita eam gratiam, quam significant, Christi  
sanguinis uirtute operantur. Quocirca si ea cum  
antiquis sacramentis conferamus, præterquam  
quod plus efficacię habent, & utilitate uberiora, &  
sanctitate augustiora esse inuenientur. Alter uero  
sacramentorum effectus non quidem omnibus cō-  
munis, sed trium tantummodo proprius, baptis-  
mi, confirmationis, & ordinis sacri, est chara-  
cter, quem animę imprimunt. nam cum Apосто-  
lus ait: Vnxit nos Deus, qui & signauit nos, & de-  
dit pignus spiritus in cordibus nostris: uoce illa,  
Signauit, non obscure characterem descripsit; cu-  
ius proprium est, aliquid signare, & notare. Est au-  
tem character ueluti insigne quoddam animę im-  
pressum, quod deleri nūquam potest, eique perpe-  
tuo inheret: de quo ita apud S. Augustinum scri-  
ptum est: An minus forte sacramenta Christiana,  
quam corporalis hæc nota, qua scilicet miles insi-  
gnitur, poterunt? illa namque militi, ad militiam,  
quam

*De excellen-  
tia sacramē-  
torum nouę  
legis ad ue-  
tera compa-  
ratorum, et  
de caracte-  
re.*

*Ad Heb. 9*

*2. Cor. 1*

*S. Augus<sup>9</sup>.*

quam deseruisset, reuertenti, nō noua imprimitur, sed antiqua cognoscitur, & approbatur. Iam uerō character hoc præstat, tum ut apti ad aliquid sacri suspiciendum uel peragendum efficiamur, tum ut aliqua nota alter ab altero internoscatur. Ac baptismi quidem characterē utrumque cōsequimur, ut ad alia sacramenta percipienda reddamur idonei, & eo præterea fidelis populus a gentibus, quæ fidem non colunt, distinguatur. Idem autem in characterē cōfirmationis, & sacri ordinis licet cognoscere: quorū altero ueluti Christi milites ad eius nominis publicam confessionem, & propugnationē, ac contra insitum nobis hostem, & spiritualia nequitie in cælestibus armamur, atque instruimur, simulque ab ijs, qui nuper baptizati, tamquam modo geniti infantes sunt, discernimur; alter uero tum potestatem sacramenta conficiendi, & ministrandi coniunctam habet, tum eorum, qui eiusmodi potestate præditi sunt, a reliquo fidelium cœtu distinctionem ostendit. Tenenda igitur est catholice Ecclesie regula, qua docemur, tria hæc sacramenta characterem imprimere, neque ullo umquam tempore iteranda esse.

Hæc sunt, quæ generatim de sacramentis tradenda erunt; in cuius argumenti explicatione, Pastores duo potissimū efficere omni studio conentur. Primum est, ut fideles intelligant, quanto honore, & cultu, & ueneratione hæc diuina, & cælestia munera digna sint; alterum uero ut, quoniā a clementissimo Deo ad communē omniū salutē proposita sunt, ijs pie & religiose utantur, atque ita Christianæ perfectionis desiderio exardescant, ut, si pœnitentiæ præferim

sertim & Eucharistię saluberrimo usu aliquādiu careant, plurimum damni se fecisse existiment. Hęc autem facile Pastores assequi poterunt, si, quę de sacramentorū diuinitate, & fructu supra dicta sunt, auribus fidelium sepius inculcabūt: primum a Domino, saluatore nostro, a quo nihil nisi perfectissimum proficisci potest, instituta esse: pręterea, cum ministrantur, spiritus sancti intima cordis nostri permeantis efficacissimum numen pręsto esse: deinde, admirabili, & certa curandarum animarum uirtute prędita esse: tum, per ea immensas illas Domine passionis diuitias ad nos deriuari. Postremo uero ostendent, totum Christianum ædificium firmissimo quidem lapidis angularis fundamento inniti; uerum, nisi uerbi Dei prædicatione, & sacramentorum usu undique fulciatur, magnopere uerendum esse, ne magna ex parte labefactatum cōcidat. ut enim per sacramenta in uitam suscipimur; ita hoc ueluti pabulo alimur, conseruamur, augemur.

## DE BAPTISMI SACRAMENTO.

Ex ijs quidem, quę hactenus de sacramentis uniuerse tradita sunt, cognosci potest, quam necessarium sit ad Christianę religionis uel doctrinam percipiendam, uel pietatem exercendam, ea intelligere, quę de illorum singulis credenda catholica Ecclesia proponit: sed, si quis diligentius Apostolum legerit, sine dubitatione ita statuet, perfectam baptismi cognitionē a fidelibus magnopere requiri: adeo non solum frequenter, sed grauibz uerbis, & spiritu Dei plenis, eius mysterij memoriā renouat, diui-

diuinitatē commendat, atque in eo redemptoris nostri mortem, sepulturam, & resurrectionem nobis ante oculos tum ad contemplandum, tū ad imitandum constituit. Quare Pastores numquam se satis multam operam, & studium in huius sacramenti tractatione collocasse arbitrantur. uerum, præter eos dies, in quibus more maiorum diuina baptismi mysteria potissimum explananda essent, in sabbatho magno Paschæ, & Pentecostes, quo tempore Ecclesia summa cum religione, maximisque cærimonijs hoc sacramentum celebrare consueuerat, alijs etiam diebus occasionem capient de hoc argumento disserendi. Atque illud in primis tempus maxime opportunum ad eam rem uideri poterit, si interdum, cum baptismus alicui ministrandus sit, fidelis populi multitudinem conuenisse animaduenerint. tunc enim facilius multo erit, si minus liceat omnia capita, quæ ad hoc sacramentum attinent, persequi, unum saltem, aut alterum docere, cum fideles earum rerum doctrinam, quam auribus percipiunt, simul etiam sacris baptismi cærimonijs expressam uident, pioque & attento animo contemplantur. Ex quo deinde fiet, ut unusquisque, ijs rebus admonitus, quas in alio geri uideat, secū recorderetur, qua se sponsione Deo obligauerit, cum baptismo initiatus est; simulque illud cogitet, an uita, & moribus talem se præbeat, qualem ipsa Christiani nominis professio pollicetur. Vt igitur, quæ docenda erunt, dilucide exponantur; quænam sit baptismi natura, & substantia, aperiendum est, si prius tamen ipsius uocis significatio explicetur. Ac baptismus quidem græcum esse nomen nemo igno-



ignorat : quod etsi in sacris litteris non solum eam ablutionem, quæ cū sacramento coniuncta est, sed etiam omne ablutionis genus, quod aliquando ad passionem translatum est, significat; tamen apud Ecclesiæ scriptores non quamvis corporis ablutionem declarat, sed eam, quæ cum sacramento coniungitur, nec sine præscripta uerborum forma ministratur. qua quidem significatione Apostoli ex Christi domini instituto frequentissime usi sunt.

Alia quoque nomina ad eandem rem significandam sancti Patres usurparunt. Sacramentum enim fidei appellari, quod illud suscipientes, uniuersam Christianæ religionis fidem profiteantur, D. Augustinus testatur. Alij uero, quia fide corda nostra illuminantur, quam in baptismo profiteamur, hoc sacramentum Illuminationem uocarunt. nam & Apostolus ita inquit : Rememoramini pristinos dies, in quibus illuminati magnum certamen sustinistis passionum : tempus nimirum, quo baptizati erant, significans. Chrysostomus præterea in oratione, quam ad baptizatos habuit, tum expurgationem, quia per baptismum expurgamus uetus fermentum, ut simus noua conspersio, tum sepulturam, tum plantationem, tum crucem Christi nominat : quarum omnium appellationum causam ex epistola ad Romanos scripta licet colligere. Cur autem D. Dionysius principium sanctissimorum mandatorum uocauerit, perspicuum est; cum hoc sacramentum ueluti ianua sit, qua in Christianæ uitæ societatem ingredimur, atque ab eo diuinis præceptis obtemperandi initium facimus. Atque hæc de nomine breuiter exponenda erunt.

L Quod

*Baptismi  
pro sacra-  
mento sum-  
pti definitio,  
materia, for-  
ma, effectus.*

*Iean 1*

*D. August.*

Quod autem ad rei definitionem attinet, etsi multæ ex sacris scriptoribus afferri possunt, illa tamen aptior, & commodior esse uidetur, quâ ex uerbis Domini apud Ioannē, & Apostoli ad Ephesios licet intelligere. nam cū Saluator dicat: Nisi quis renatus fuerit ex aqua, & spiritu, non potest introire in regnum Dei: & Apostolus, cum de Ecclesia loqueretur: Mundans eam lauacro aque in uerbo: ita fit ut recte, & apposite definiatur, baptismum esse sacramentum regenerationis per aquam in uerbo. Natura enim ex Adam filij iræ nascimur, per baptismum uero in Christo filij misericordiæ nascimur: siquidem dedit hominibus potestatem filios Dei fieri, ijs qui credunt in nomine eius, qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt. Sed quibuscumque tandem uerbis baptismi naturam explicari contigerit, docendus erit populus, hoc sacramētum confici ablutione, cui ex Domini Saluatoris instituto certa, & sollempnia uerba necessario adhibētur, quemadmodū semper sancti Patres docuerūt. quod apertissimo illo D. Augustini testimonio demonstratur: Accedit uerbum ad elementum, & fit sacramētū. Id uero eo diligētius monere oportebit, ne forte fideles in eum errorē inducantur, ut existimēt, quod uulgo dici solitum est, aquā ipsam, quæ ad cōficiendū baptismum in sacro fonte afferuatur, sacramentum esse. tunc enim sacramētū baptismi dicendū est, cum aqua ad abluendū aliquē additis uerbis, quæ a Domino instituta sunt, re ipsa utimur. Iam uero, quoniam singula sacramēta ex materia, & forma constitui initio diximus, cum ge-  
nera-

neratim de omnibus sacramētis ageretur, idcirco, quæ utraque sit in baptismo, a Pastoribus declarandum erit. Materiam igitur, siue elementum huius sacramenti, esse omne naturalis aquæ genus, siue ea maris sit, siue fluuij, siue paludis, siue putei, aut fontis, quæ sine ulla adiunctione aqua dici solet. nam & Saluator docuit: Nisi quis renatus fuerit ex *Ioan. 3* aqua, & spiritu, non potest introire in regnum Dei. & Apostolus inquit, Ecclesiam lauacro aque mundatam esse. Et in B. Ioannis epistola scriptum legimus: Tres sunt, qui testimonium dant in terra, spiritus, aqua, & sanguis. Quod etiam alijs sacrarum litterarum testimonijs comprobatur. Quod uero a Ioanne Baptista dictum est, uenturum esse Dominum, qui baptizaret in spiritu sancto, & igne; id quidem nullo modo de baptismi materia intelligendum est; sed uel ad intimum spiritus sancti effectum, uel certe ad miraculum referri debet, quod die Pentecostes apparuit, cum spiritus sanctus ex cælo in apostolos ignis specie delapsus est: de quo alio loco Christus dominus noster prædixit: Ioannes quidem baptizauit aqua: uos autem baptizabimini spiritu sancto non post multos hos dies. *Act. 2*

Verum idem quoque a Domino tum figuris, tum prophetarum oraculis significatum esse, ex diuinis scripturis animaduertimus. Diluuium enim, quo mundus purgatus est, quod multa malitia hominum esset in terra, & cuncta cogitatio cordis intenta esset ad malum, huius aque figuram, & similitudinem gefsisse, apostolorum Princeps in priori epistola ostendit. Et maris rubri transitum eiusdem aquæ significationem habuisse, D. Paulus, ad Corinthios *1. Petr. 3* *1. Cor. 10*

L 2 scri-

Figura, &  
prophetie  
antiquæ ba-  
ptismi.  
*Gen. 6*

4. Reg. 5  
Ioan. 5

Isa. 55

Ezech. 47

Zach. 13

D. Hiero.

scribens, exposuit. ut interim omittamus tum Naaman Syri ablutionem, tum probaticę piscinę admirabilem uim, & alia id genus multa, in quibus huius mysterij symbolum inesse facile apparet. De prædictionibus autem dubitare nemo potest, quin aquę illę, ad quas tam liberaliter Isaias propheta omnes sitientes inuitat, uel quas e templo egredientes Ezechiel in spiritu uidit, tum præterea fons ille, quem domui Dauid habitantibus Hierusalem paratum in ablutionem peccatoris, & menstruatę Zacharias prænunciauit, ad salutarem baptismi aquam indicandam atque exprimendā pertineant. Quantum uero baptismi naturę, & uirtuti consentaneum fuerit, ut eius propria materia aqua institueretur, pluribus quidem rationibus D. Hieronymus ad Oceanum scribens demonstra- uit: sed quod ad hunc locū attinet, Pastores docere in primis poterunt, quoniam hoc sacramentum omnibus sine ulla exceptione ad consequendam uitam necessarium erat, idcirco aquę materiam, quę numquam non præsto est, atque ab omnibus facile parari potest, maxime idoneam fuisse. Deinde aqua effectū baptismi maxime significat. ut enim aqua sordes abluat, ita etiam baptismi uim, atque efficientiam, quo peccatorum maculę eluuntur, optime demonstrat. Accedit illud, quod, quemadmodum aqua refrigerandis corporibus aptissima est, sic baptismo cupiditatū ardor magna ex parte restinguitur. Illud uero animaduertendū est, quamuis aqua simplex, quę nihil aliud admistum habet, materia apta sit ad hoc sacramentum conficiendum, quoties scilicet baptismi ministrandi necessitas



fitas incidat; tamē ex apostolorum traditione semper in catholica Ecclesia obseruatum esse, ut, cum sollemnibus cærimonijs baptismus conficitur, sacrum etiam chrisma addatur, quo baptismi effectum magis declarari perspicuum est. Docendus quoque erit populus, etsi aliquando incertum esse potest, utrum hæc an illa uera aqua sit, qualem sacramenti perfectio requirat; hoc tamen pro certo habendum esse, numquam ex alia materia, quam ex aquę naturalis liquore, baptismi sacramentum ulla ratione confici posse.

Sed duarum partium, ex quibus baptismus constare debet, postquam altera, hoc est materia, diligenter explicata fuerit, studebunt Pastores eadem diligentia formam etiam tradere; quæ est altera eius pars maxime necessaria. In huius autem sacramenti explicatione, eo maiori cura, & studio elaborandum putabunt, quod tam sancti mysterij notitia non solum sua sponte fideles uehementer delectare potest, quod quidē in omni diuinarum rerū scientia cōmuniter euenit, uerum etiam ad usus ferre quotidianos summopere expetenda est. Cū enim sæpe incidant tēpora, quemadmodū suo loco planius dicetur, in quibus tum ab alijs de populo, tū sæpissime a mulierculis baptismū ministrari oporteat; ita fit, ut promiscue omnibus fidelibus ea, quæ ad huius sacramenti substantiam pertinent, cognita, & perspecta esse debeant. Quare dilucidis & apertis uerbis, quæ facile percipi ab omnibus possint, Pastores docebunt, hanc esse perfectam & absolutam baptismi formam, Ego te baptizo in nomine patris, & filij, & spiritus sancti. Ita enim a

*Quam sit necessaria forma baptismi cognitio.*

L ; Do-

Math. 28

Domino, & Salvatore nostro traditum est, cum apostolis apud Mattheum præcepit: Euntes docete omnes gentes, baptizantes eos in nomine patris, & filij, & spiritus sancti. Ex illo autem uerbo, Baptizantes, catholica Ecclesia, diuinitus edocta, optime intellexit, in huius sacramenti forma actionem ministri exprimendam esse: quod quidem fit, cum dicitur: Ego te baptizo. Ac quoniam, præter ministros, tum illius personam, qui baptizatur, tum principalem causam, quæ baptismum efficit, significare oportebat, idcirco illud pronomen, TE, & distincta diuinarum personarum nomina adduntur, ut absoluta sacramenti forma ijs uerbis concludatur, quæ modo exposita sunt: Ego te baptizo in nomine patris, & filij, & spiritus sancti. Neque enim sola filij persona, de quo a Ioanne scribitur; Hic est, qui baptizat; sed simul omnes sanctæ Trinitatis personæ ad baptismi sacramentum operantur. Quod autem, In nomine, non, In nominibus, dictum est; hoc plane declarat unam Trinitatis naturam, & diuinitatem: etenim hoc loco nomen, ad personas non refertur, sed diuinam substantiam, uirtutem, & potestatem, quæ una & eadem est in tribus personis, significat. Sed in hac forma, quam integram, & perfectam esse ostendimus, obseruandum est, quedam prorsus necessaria esse, quæ si omittantur, sacramentum confici non potest; quædam uero non ita necessaria, ut, si desint, sacramenti ratio non constet: cuiusmodi est uox illa, Ego: cuius uis in uerbo BAPTIZO continetur: immo uero in ecclesijs Græcorum uariata dicendi ratione prætermitti consuevit: propterea

Ioan. 1

præterea quod nullam fieri oportere ministri mentionem iudicarunt : ex quo factum est, ut in baptismo hac forma passim utantur : Baptizatur seruus Christi in nomine patris, & filij, & spiritus sancti : a quibus tamen perfecte sacramentum ministrari, ex Concilij Florentini sententia, & definitione apparet, cum ijs uerbis satis explicetur id, quod ad baptismi ueritatem attinet, nimirum ablutio, quæ tunc re ipsa peragitur. Quod si etiam aliquando tempus fuisse dicendum est, cum apostoli in nomine tantum domini Iesu Christi baptizarent ; id Act. 2 quidem spiritus sancti afflatu eos secisse, exploratū Act. 8 nobis esse debet ; ut initio nascentis Ecclesiæ Iesu Christi nomine prædicatio illustrior fieret, diuinaque, & immensa eius potestas magis celebraretur. Deinde uero rem penitus introspecientes, facile intelligemus, nullam earum partium in ea forma desiderari, quæ ab ipso Salvatore præscriptæ sunt. qui enim Iesum Christum dicit, simul etiam patris personam, a quo unctus, & spiritum sanctum, quo unctus est, significat. Quamquam dubium fortasse uideri potest, an huiusmodi forma apostoli aliquem baptizauerint, si Ambrosij, & Basilij, sanctissimorum, & grauissimorum Patrum, S. Ambr. & Basilins. auctoritatem sequi uolumus, qui ita baptismum in nomine Iesu Christi interpretati sunt, ut dixerint, ijs uerbis significari baptismum, non qui a Ioanne, sed qui a Christo domino traditus esset, tametsi a cōmuni, & usitata forma, quæ distincta trium personarum nomina continet, apostoli nō discederēt. Atque hoc loquēdi genere Paulus etiam in epistola Ad Gal. 3 ad Galatas usus uidetur, cum inquit : Quicumque

in Christo baptizati estis, Christum induistis: ut significaret, in fide Christi, nec alia tamen forma, quam idem Saluator & Dominus noster seruandam præceperat, baptizatos esse.

Hactenus igitur de materia, & forma, quæ ad baptismi substantiam maxime pertinet, fideles docere satis fuerit. Quoniam uero in hoc sacramento conficiendo legitimæ etiam ablutionis ratione seruari oportet; idcirco eius quoque partis doctrina a Pastoribus tradenda est, atque ab eis breuiter explicandum, communi Ecclesiæ more & consuetudine receptum esse, ut baptismus uno aliquo ex tribus modis confici posset. nam qui hoc sacramento initiari debet, uel in aquam mergitur, uel aqua in eos infunditur, uel aquæ aspersione tinguntur. Ex his autem ritibus quicumque seruetur, baptismum uere perfici credendum est. aqua enim in baptismo adhibetur ad significandam animæ ablutionem, quam efficit: quare baptismus ab Apostolo lauacrum appellatus est. Ablutio autem non magis fit, cum aliquis aqua mergitur, quod diu a primis temporibus in Ecclesia obseruatū animaduertimus; quam uel aquæ effusione, quod nunc in frequentiori usu positum uidemus, uel aspersione, quemadmodum a Petro factum esse colligitur, cum uno die tria millia hominum ad fidei ueritatem traduxit, & baptizauit. Vtrum uero unica, an trina ablutio fiat, nihil referre existimandum est. utrovis enim modo & antea in Ecclesia baptismū uere confectum esse, & nunc confici posse, ex D. Gregorij Magni epistola, ad Leandrum scripta, satis apparet. Retinendus est tamen a fidelibus is ritus, quem

unus-

*Ad Eph. 5*

*Act. 2*

*D. Gregor.*



Unusquisque in sua ecclesia seruari animaduernerit. Atque illud præcipue monere oportet, nō quamlibet corporis partem, sed potissimum caput, in quo omnes tum interiores, tum externi sensus uigent, abluendum, simulque ab eo, qui baptizat, non ante, aut post ablutionem uerba sacramenti, quæ formam cōtinēt, sed eodem tempore, quo ablutio ipsa peragitur, pronuncianda esse. His expositis, conueniet præterea docere, atque in memoriam fidelium reducere, baptismum, quemadmodum & reliqua sacramenta, a Christo domino institutum esse. Hoc igitur Pastores frequenter docebunt, explicabūtq. duo diuersa tempora baptismi notanda esse; alterum, cum Saluator eum instituit; alterum, cum lex de eo suscipiendo sancita est. Ac, quod ad primum attinet, tunc a Domino hoc sacramentum institutum esse perspicitur, cū ipse a Ioanne baptizatus sanctificandi uirtutem aquæ tribuit. testantur enim sancti Gregorius Nazanzenus, & Augustinus, eo tempore aquæ uim generandi in spirituales scilicet uitā datam esse. Et alio loco ita scriptum reliquit: Ex quo Christus in aqua mergitur, ex eo omnia peccata abluit aqua. Et alibi: Baptizatur Dominus, nō mūdari indigens, sed tactu mūde carnis aquas mundans, ut uim abluendi habeat. Atque ad eam rem illud maximo argumento esse potuit, quod tunc sanctissima Trinitas, in cuius nomine baptismus conficitur, numen suum præsens declarauit. Vox enim patris audita est: filij persona aderat: & spiritus sanctus in columbæ specie descendit: præterea cæli aperti sunt, quo nobis iam per baptismum licet ascendere. Quod si quis

scire

B. Gregorius Nazanzenus, & S. August.

Matth. 3  
Marc. 1  
Luc. 3

scire cupiat, quam ratione tanta, & tam divina uirtus a Domino aquis tributa sit; id quidem humanam intelligentiam superat: hoc uero satis percipi a nobis potest, baptismo a Domino suscepto, sanctissimi, & purissimi eius corporis tactu aquam ad baptismi salutarem usum consecratam esse; ita tamen, ut hoc sacramentum, etsi ante passionem institutum fuerit, a passione tamen, quæ omnium Christi actionum tamquam finis erat, uim, & efficientiam duxisse, credendum sit. Sed de altero etiam, quo scilicet tempore lex de baptismo lata fuerit, nullus dubitandi locus relinquitur. nam inter sacros

*Mar. 16* scriptores cōuenit, post Domini resurrectionem, cū

*Matth. 28* apostolis præcepit; Euntes docete omnes gentes baptizantes eos in nomine patris, & filij, & spiritus sancti: ex eo tempore omnes homines, qui salutem æternam consecuturi erant, lege de baptismo

*1. Pet. 1* teneri cœpisse. Quod quidem ex apostolorum Principis auctoritate colligitur, cum inquit: Regenerauit nos in spem uiuam per resurrectionem Iesu

*Ad Eph. 5* Christi ex mortuis. Idemq. ex illo Pauli loco; Se ipsum tradidit pro ea, ut illam sanctificaret, (cum de Ecclesia loqueretur) mundans eam lauacro aquæ in uerbo; licet cognoscere. uterque enim baptismi obligationem ad tempus, quod mortem Domini consecutus est, uidetur retulisse: ut dubitandum nullo modo sit, uerba etiam illa Saluatoris, Nisi quis renatus fuerit ex aqua, & spiritu, non potest introire in regnum Dei; id ipsum tempus spectasse, quod post passionem futurum erat. Et his igitur, si accurate a Pastoribus tractentur, haud dubium esse potest, quin fideles maximam in hoc sacramento

digni-

dignitatem agnoscant, ac summa animi pietate uenerentur; præsertim uero cū cogitarint, præclara illa & amplissima munera, quæ cum Christus dominus baptizaretur, miraculorum significationibus declarata sunt, singulis, cum baptizantur, intima spiritus sancti uirtute donari, atque impertiri. Ut enim si, quemadmodum Elisei puero contigit, no- 4. Reg. 6  
bis oculi ita aperirentur, ut cælestes res intueri possemus, nemo adeo communi sensu carere putandus esset, quem diuina baptismi mysteria in maximam admirationem non traducerent; cur idem etiam euenturum non existimemus, cum a Pastoribus huius sacramenti diuitiæ ita expositæ fuerint, ut eas fideles si non corporis oculis, at mentis acie, fidei splendore illuminatæ, contemplari queant?

Iam uero, a quibus ministris hoc sacramentum *Qui proprii ministri baptismi.*  
conficiatur non utiliter modo, sed necessario, tradē dū uidetur; tum ut ij, quibus præcipue hoc munus commissum est, illud sancte, & religiose curare studeant; tum ut ne quis, tamquā fines suos egressus, in alienam possessionem intempestiue ingrediatur, uel superbe irrumpat, cum in omnibus ordinem seruandum esse Apostolus admoneat. doceantur igitur 1. Cor. 4  
fideles, triplicem esse eorum ordinem: ac in primo quidem Episcopos, & sacerdotes collocandos esse, quibus datum est, ut iure suo, non extraordinaria aliqua potestate, hoc munus exercent. ijs enim *Math. 28*  
in apostolis præceptum est a Domino; Euntes baptizate: quamuis Episcopi, ne grauiorem illam docendi populi curam deferere cogerentur, baptismi ministerium sacerdotibus relinquere soliti essent. Quod uero sacerdotes iure suo hanc functionem ex

crcc-

erceant, ita ut præſente etiam Epifcopo miniſtrare baptiſmum poſſint, ex doctrina Patrum, & uſu Eccleſiæ conſtat. nam cum ad Euchariftiam confe- crandam inſtituti ſint; quæ eſt pacis & unitatis ſacramentum: conſentaneum fuit, poteſtatem ijs dari omnia illa adminiſtrandi, per quæ neceſſario huius pacis, & unitatis quilibet particeps fieri poſſet. Quod ſi aliquando Patres ſacerdotibus, ſine Epifcopi uenia, baptizandi ius permiſſum non eſſe dixerunt; id de eo baptiſmo, qui certis anni diebus ſollemni cærimonia adminiſtrari cõſueuerat, intelli- gendum uidetur. Secundũ miniſtrorum locum obti- nent Diaconi; quibus, ſine Epifcopi, aut ſacerdotis conſeſſu, non licere hoc ſacramentũ adminiſtrare, plurima ſanctorum Patrum decreta teſtatur. Extre- mus ordo illorum eſt, qui, cogente neceſſitate, ſine ſollemnibus cærimonijs baptizare poſſunt: quo in- numero ſunt omnes, etiã de populo, ſiue mares, ſiue, femine, quãcumque illi ſectam profiteantur. nam & Iudæis quoque, & infidelibus, & hereticis, cum ne- ceſſitas cogit, hoc munus permiſſum eſt; ſi tamẽ id efficere propoſitũ eis fuerit, quod Eccleſia catholi- ca in eo adminiſtrationis genere efficit. Hæc autem cum multa ueterum Patrum, & Conciliorũ decre- ta confirmarunt; tũ uero a ſacra Tridentina Syno- do anathema in eos ſancitum eſt, qui dicere audeant baptiſmũ, qui etiã datur ab hereticis in nomine pa- tris, & filij, & ſpiritus ſancti, cũ intentione faciendi quod facit Eccleſia, non eſſe uerũ baptiſmũ. In quo proſecto ſummam Domini noſtri bonitatẽ, & ſapiẽ- tiã licet admirari. nã cum hoc ſacramentũ neceſſa- rio ab omnibus percipiendum ſit: quemadmodum  
aquam

*Concil. Tri-  
dent.*



aquam eius materiam instituit , qua nihil magis cōmune esse potest : sic neminem ab eius administratione excludi uoluit ; quamuis , ut dictum est , non omnibus liceat sollemnes cærimonias adhibere : nō quidē quod ritus , aut cærimonie plus dignitatis , sed quod minus necessitatis , quā sacramentū , habeant . Neque uero , hoc munus ita omnib<sup>9</sup> promiscue pmissū esse , fideles arbitrentur , quin ordinē aliquē ministrorū statuere maxime deceat . mulier enim si marres adsint , laicus itē præsente clerico , tum clericus coram sacerdote , baptismi administrationē sibi sumere non debent . Quāquam obstetrices , quę baptizare cōsueuerunt , improbandę non sunt , si interdū præsente aliquo uiro , qui huius sacramenti conficiēdi minime peritus sit , quod alias uiri magis proprium officium uideretur , ipsæ exequantur .

Accedit autē ad eos ministros , qui , ut haftenus declaratū est , baptismū cōficiunt , aliud etiam ministrorū genus , qui ad sacrā , & salutarem ablutionem celebrandam ex uetustissima catholice Ecclesie consuetudine adhiberi solent . ij nūc patrini , olim susceptores , spōsores , seu fideiussores , cōmuni uocabulo , a rerū diuinarum scriptoribus uocabātur . De quorum numero , quoniā ad omnes fere laicos pertinet , accurate a Pastoribus agendū erit ; ut fideles intelligant , quæ potissimum ad illud recte perficiendū necessaria sint . In primis uero explicare oportet , quæ causa fuerit , cur ad baptismum præter sacramenti ministros patrini etiā , & susceptores adiungerētur . quod quidē optimo iure factū esse , omnibus uidebitur , si meminerint , baptismū esse spirituales regenerationem , per quā filij Dei nascimur . de ea enim

*De patrinis baptizandorum .*

ita

1. *Pa. 2*

ita loquitur D. Petrus : Sicut modo geniti infantes rationabiles , sine dolo lac concupiscite . Vt igitur , postquam aliquis in hanc lucem editus est , nutrice & pædago indiget, quorum ope, atque opera educetur , ac doctrina , & bonis artibus erudiatur : ita etiam necesse est , ut , qui ex baptismi fonte uitam spiritualem uiuere incipiunt , alicuius fidei , & prudentiæ committantur , a quo Christianæ religionis præcepta haurire, ad omnemque pietatis rationem institui possint, atque ita paulatim in Christo adulescere, donec tandem uiri perfecti, iuuante Domino, euadant, cum præsertim Pastoribus , qui publicæ parochiarum curationi præpositi sunt, tantum temporis non supersit , ut priuatam illam curam pueros in fide erudiendi suscipere possint. Huius autem uetustissimæ cōsuetudinis præclarum testimonium

*S. Dionys.*

a D. Dionysio habemus, cum inquit : Diuinis nostris ducibus (sic enim apostolos uocat) in mentem uenit , & uisum est suscipere infantes , secundum istum sanctum modum , quod naturales parentes pueri eum cuidam docto in diuinis, ueluti pædago , traderent, sub quo, sicut sub diuino patre , & saluationis sanctæ susceptore , reliquum uitæ puer degeret. Eandem uero sententiam confirmat Higinij auctoritas. Quamobrem sapientissime a sancta Ecclesia constitutum est , ut non solum is , qui baptizat, cum baptizato, sed etiamceptor cum eo, quem suscipit , & cum eius ueris parentibus affinitate deuinciatur; ita ut legitima nuptiarum fœdera inter hos omnes iniri non possint , atque inita dirimantur . Præterea docere oportet fideles , quæ sintceptoris partes . etenim hoc munus adeo ne-

*Higinij  
Papa.*

gligen-

gligenter in Ecclesia tractatur, ut nudum tantum huius functionis nomen relictum sit; quid autem sancti in eo contineatur, ne suspicari quidem homines uideantur. Hoc igitur uniuerse susceptores semper cogitent, se hac potissimū lege obstrictos esse, ut spirituales filios perpetuo commendatos habeant, atque in ijs, quæ ad Christianæ uitæ institutionem spectant, curent diligenter, ut illi tales se in omni uita præbeant, quales eos futuros esse sollemni cærimonia spopoderunt. Audiamus quid ea de re sanctus Dionysius scribat, uerba sponsoris exprimens. *S. Diony.* Spondeo puerum inducturum, cum ad sacram intelligentiam uenerit, sedulis adhortationibus meis, ut abrenunciet cōtrarijs omnino, profiteatur, peragatque diuina, quæ pollicetur. Item diuus *D. August.* Augustinus: Vos, inquit, ante omnia tam uiros, quam mulieres, qui filios in baptismo suscepistis, moneo, ut cognoscatis, fideiussores apud Deum extitisse pro illis, quos uisi estis de sacro fonte suscipere. Ac profecto decet maxime, eum, qui aliquod officium suscepit, in eo diligenter exequendo numquā defatigari; & qui se alterius pædagogum, & custodem professus est, minime pati illum esse desertum, quem semel in fidem, & clientelam suam recepit, donec illum opera, & præsidio suo egere intellexerit. Quæ autem filiis spiritualibus tradenda sint, *D. August.* paucis *D. Augustinus* comprehendit, cum de hoc ipso susceptorum officio loqueretur. ait enim: Debent eos admonere, ut castitatem custodiant, iustitiam diligant, charitatem teneant, & ante omnia Symbolum, & orationem Dominicam eos doceant: Decalogum etiā, & quæ sint prima Christianæ religionis

ligionis rudimenta . Quæ cum ita se habeant, facile intelligimus, cuinam hominum generi sanctę huius tutelę administratio committenda non sit, nimirum ijs , qui eam gerere aut fideliter nolint, aut sedulo , & accurate non queant . Quocirca , præter naturales parentes, quibus non licet eam curationem suscipere, ut ex eo magis appareat , quantum hæc spiritualis educatio a carnali distet, hæretici in primis, Iudei, infideles ab hoc munere omnino prohibendi sunt, ut qui in ea cogitatione, & cura semper uersentur , ut fidei ueritatem mendacijs obscurant , atque omnem Christianam pietatē euertant. Plures quoque ne baptizatum de baptismo suscipiant , sed ut unus tantum , siue uir , siue mulier , uel ad summum unus, & una , Tridentino Concilio statutum est; tum quia disciplinæ , atque institutionis ordo a multitudine magistrorum perturbari poterat: tū quia providere oportebat , ne inter plures eiusmodi affinitates coniungerentur; quę impedirent, quo minus legitimo matrimonij uinculo hominū inter homines societas latius diffunderetur.

*Quam necessaria baptismi susceptio tam adultis, quā infantibus .*

Sed cum ceterarum rerum cognitio, quæ hactenus expositæ sunt, fidelibus utilissima habenda sit; tum uero nihil magis necessarium uideri potest, quam ut doceantur, omnibus hominibus baptismi legem a domino præscriptam esse, ita ut, nisi per baptismi gratiam Deo renascantur, in sempiternam miseriam , & interitum a parentibus , siue illi fideles , siue infideles sint, procreentur . Igitur sæpius a Pastoribus explicandum erit , quod apud Euangelistam legitur: Nisi quis renatus fuerit ex aqua , & spiritu , non potest introire in re-

gnum

*Ioan. 3*



gnum Dei . Quam legem non solum de ijs , qui adulta ætate sunt , sed etiam de pueris infantibus intelligendam esse , idque ab apostolica traditione Ecclesiam accepisse , communis Patrum sententia & auctoritas confirmat . Præterea , credendum est , noluisse Christum dominum baptismi sacramentū , & gratiam pueris denegari , de quibus dicebat : Sinite paruulos , & nolite eos prohibere ad me *Matth. 19* uenire ; talium est enim regnum cælorum . quos *Marc. 10* amplexabatur , super quos manus imponebat , quos benedicebat . Deinde , cum legimus , totam *1. Cor. 1* aliquam familiam a Paulo baptizatam esse , satis apparet , pueros etiam , qui in illorum numero erant , saluari fonte ablutos esse . Deinde circumcisio , quæ figura fuit baptismi , eum morem maxime commendat . Pueros enim octauo die circum *Gen. 21* cidi solitos , nemo est , qui ignoret . Ac quibus *Leuit. 12* circumcisio manu facta in expoliatione corporis *Luc. 1.2* carnis proderat , iisdem baptismum , qui est cir- *Colos. 2* cumcisio Christi non manufacta , prodesse perspicuum est . Postremo , ut Apostolus docet , si unius *Rom. 5* delicto mors regnavit per unum ; multo magis abundantiam gratiæ , & donationis , & iustitiæ accipientes , in uita regnabunt per unum Iesum Christum , Cum itaque per Adæ peccatum pueri ex origine noxam contraxerint ; multo magis per Christum dominum possunt gratiam , & iustitiam consequi , ut regnēt in uita : quod quidem sine baptismo fieri nullo modo potest . Quare docebunt Pastores , infantes omnino baptizandos , & deinde paulatim teneram ætatem Christianæ religionis præceptis ad ueram pietatem informandam esse . nam , ut a sa-

M

piente

piente præclare dictum est; Adolefcens iuxta uiam  
 suam, etiam cum senuerit, non recedet ab ea. Ne-  
 que enim dubitare licet, quin fidei sacramenta, cū  
 abluuntur, accipiant; non quia mentis suę assen-  
 sione credant; sed quia parentum fide, si parentes  
 fideles fuerint, sin minus, fide (ut D. Augustini  
 uerbis loquamur) uniuersæ societatis sanctorum  
 muniuntur. etenim ab ijs omnibus recte dicimus  
 eos baptismo offerri, quibus placet ut offerantur,  
 & quorum charitate ad communionē sancti spiri-  
 tus adiunguntur. Hortandi autem sunt magnopere  
 fideles, ut liberos suos, cum primū id sine periculo  
 facere liceat, ad ecclesiam deferendos, & sollemni-  
 bus cērimonijs baptizandos curent. nam cum pue-  
 ris infantibus nulla alia salutis comparandæ ra-  
 tio, nisi eis baptismus præbeatur, relicta sit; fa-  
 cile intelligitur, quam graui culpa illi sese obstrin-  
 gant, qui eos sacramenti gratia diutius, quam  
 necessitas postulet, carere patiantur; cum præser-  
 tim propter ætatis imbecillitatem, infinita pene  
 uitę pericula illis impendeant. Diuersam uero ra-  
 tionem in ijs seruandam esse, qui adulta etate sunt,  
 & perfectum rationis usum habent, qui scilicet ab  
 infidelibus oriuntur, antiquæ Ecclesię consuetudo  
 declarat. nam Christiana quidem fides illis propo-  
 nenda est, atque omni studio ad eam suscipiendam  
 cohortandi, alliciendi, inuitandi sunt. quod si ad do-  
 minum Deum conuertantur; tū uero monere oportet,  
 ne ultra tēpus ab Ecclesiā præscriptum, ba-  
 ptismi sacramentum differant. nam cum scriptum  
 sit; Non tardes conuerti ad Dominum, & ne diffe-  
 ras de die in diem: docendi sunt, perfectam conuer-  
 sionem

sionem in noua per baptismū generatione positam esse; præterea, quo serius ad baptismum veniunt, eo diutius sibi carendum esse ceterorum sacramentorum usu, & gratia, quibus Christiana religio collitur, cum ad ea sine baptismo nulli aditus patere possit: deinde etiam maximo fructu priuari, quem ex baptismo percipimus: siquidem non solum omnium scelerum, quæ antea admissa sunt, maculam & sordes baptismi aqua prorsus eluit, ac tollit, sed diuina gratia nos ornat: cuius ope, & auxilio in posterum etiam peccata vitare possumus, iustitiamq; & innocentiam tueri: qua in re summam Christianæ vitæ constare facile omnes intelligunt. Sed quamuis hæc ita sint, non consuevit tamen Ecclesia baptismi sacramentum huic hominū generi statim tribuere, sed ad certum tempus differendum esse constituit. neque enim ea dilatio periculum, quod quidem pueris imminere supra dictum est, coniunctum habet cum illis, qui rationis usu præditi sunt, baptismi suscipiendi propositum, atque consilium, & male actæ uitæ pænitentia satis futura sit ad gratiam, & iustitiam, si repentinus aliquis casus impediat, quo minus salutari aqua ablui possint. Contra uero hæc dilatio aliquas uidetur utilitates afferre. Primum enim, quoniam ab Ecclesia diligenter prouidendum est, ne quis ad hoc sacramentum fictæ, & simulato animo accedat, eorum uoluntas, qui baptismum petunt, magis exploratur, atque perspicitur. cuius rei causa in antiquis Concilijs decretum legimus; ut qui ex Iudeis ad fidem catholicam ueniunt, antequam baptismus illis administretur, aliquot menses inter catechumenos



essent: deinde, in fidei doctrina, quam profiteri debent, & Christianæ vitæ institutionibus erudiuntur perfectius. Præterea, maior religionis cultus sacramento tribuitur, si constitutis tantum Paschæ, & Pentecostes diebus, sollemni cærimonia baptismum suscipiant. Sed interdum tamen baptismi tempus iusta aliqua & necessaria causa differendum non est, ueluti si vitæ periculum instare uideatur, ac præsertim si illi abluendi sint, qui iam fidei mysteria plene perceperint, quod quidem Philippum, & apostolorum Principem fecisse satis constat, cum alter Candacis reginæ eunuchum, alter Cornelium, nulla interposita mora, sed statim ut se fidem amplecti professi sunt, baptizauit.

Act. 8  
10

Docendum præterea, & populo explicandū erit, quo modo affecti esse debent, qui baptizandi sunt. in primis itaque opus est, ut uelint, propositumque illis sit, baptismum suscipere. nam cum unusquisque in baptismo peccato moriatur, & nouam vitæ rationem, & disciplinam suscipiat; æquum est, non inuito cuiquam, aut recusanti, sed illis tantum, qui sponte sua, & libenti animo accipiunt, baptismum præberi. Quare ex sancta traditione semper seruatum animaduertimus, ut nemini baptismus ministretur, nisi prius interrogatus fuerit, an uelit baptizari. Nec uero in pueris quoque infantibus eam uoluntatem deesse existimandum est, cum Ecclesiæ uoluntas, quæ pro illis spondet, obscura esse non possit. Præterea, amentes, & furiosos, qui cum aliquando compotes mentis essent, in insaniam deinde inciderunt, ut qui eo tempore nullam baptismi suscipiendi uoluntatem habeant, nisi ui-

ta



etæ periculum immineat, baptizandos non esse : cum autem in uitæ discrimine uersantur, si, ante quam furere inciperent, eius uoluntatis significationem dederunt, abluendi sunt; sin minus, a baptisimi administratione abstinendum est. Idemque iudicium de dormientibus fieri debet, quod si in mentis potestate numquam fuerunt, ita ut nullum rationis usum habuerint; eos in fide Ecclesiæ non secus, ac pueros, qui ratione carent, baptizandos esse, Ecclesiæ auctoritas, & consuetudo satis declarat. Verum, præter baptisimi uoluntatem, fides etiam ea ratione, qua de uoluntate dictum est, ad consequendam sacramenti gratiam maxime necessaria est. etenim Dominus, & Saluator noster docuit: Qui crediderit, & baptizatus fuerit, saluus erit. Deinde ut quemlibet admissorum scelerum, & male actæ uitæ pæniteat, atque ut idem in posterum a peccatis omnibus abstinere statuatur, opus est. aliter enim, qui ita baptismum peteret, ut tamen peccandi consuetudinem nollet emédare, omnino repellendus esset. nihil enim baptismi gratiæ, & uirtuti adeo repugnat, quam eorum mens, & consilium, qui nullum umquam peccandi finem sibi constituunt. Cum itaque baptismus ob eam rem expetendus sit, ut Christum induamus, & cum eo coniungamur; plane constat, merito a sacra ablutione reijciendum esse, cui in uitijs, & peccatis perseuerare propositum est; præsertim uero, quia nihil eorum, quæ ad Christum, & Ecclesiam pertinent, frustra suscipiendum est: inanemque baptismum, si iustitiæ, & salutis gratiam spectemus, in eo futurum esse, satis intelli-

Rom. 8

Act. 2

Act. 3

Rom. 6

gimus, qui secundum carnem ambulare, non secundum spiritum, cogitat: etsi quod ad sacramentum pertinet, perfectam eius rationem sine ulla dubitatione consequitur, si modo, cum rite baptizatur, in animo habeat id accipere, quod a sancta Ecclesia administratur. Quamobrè Princeps apostolorum magnæ illi hominum multitudini, qui, ut ait scriptura, compuncti corde, ab eo, & a reliquis apostolis, quid sibi faciendum esset, quæsiuerant, ita respondit: Pœnitentiam agite, & baptizetur unusquisque uestrum. & alio loco: Pœnite mini, inquit, & conuertimini, ut deleantur peccata uestra. Item beatus Paulus, ad Romanos scribens, aperte ostendit, ei, qui baptizatur, omnino moriendum esse peccatis: quare nos monet, ne exhibeamus membra nostra arma iniquitatis peccato, sed exhibeamus nos Deo, tamquam ex mortuis uiuentes. Hæc uero si fideles sepe meditati fuerint, primum quidem summam Dei bonitatem uehementer admirari cogentur, qui nihil tale merentibus, tam singulare, & diuinum baptismi beneficium sola sua misericordia adductus tribuit; deinde, cum sibi ante oculos proponent, quam aliena esse debeat ab omni crimine eorum uita, qui tanto munere ornati sunt; illud etiam in primis a Christiano homine requiri facile intelligent, ut quotidie tam sancte & religiose traducere uitam studeant, perinde ac si ea ipsa die baptismi sacramentum & gratiam consecuti essent. quamquam ad inflammandos uerè pietatis studio animos nihil magis proficiet, quam si Pastores accurata oratione explicauerint, quinam sint baptismi effectus.

De

De his igitur quoniam sæpe agendum est, ut fideles magis perspiciant, se in altissimo dignitatis gradu positos esse, nec se ab eo dei jci ullis aduersarij insidijs, uel impetu, ullo umquam tempore patiantur; hoc primum tradere oportet, peccatum, siue a primis parentibus origine contractum, siue a nobis ipsis commissum, quamuis etiam adeo nefarium sit, ut ne cogitari quidem posse uideatur, admirabili huius sacramenti uirtute remitti, & condonari. Id uero multo ante ab Ezechiele prænunciatum est, per quem dominus Deus ita loquitur: Effundam super uos aquam mundam, & mundabimini ab omnibus inquinamentis uestris. Et Apostolus ad Corinthios, post longam peccatorum enumerationem, subiicit: Et hæc quidem fuistis, sed abluti estis, sed sanctificati estis. Atque hanc doctrinam perpetuo a sancta Ecclesia traditam esse, perspicuum est. Sanctus enim Augustinus in libro, quem de baptismo paruulorum conscripsit, ita testatur: Generante carne tantum contrahitur peccatum originale: regenerante autem spiritu, non solum originalium, sed etiam uoluntariorum peccatorum fit remissio. Et sanctus Hieronymus ad Oceanum, Omnia, inquit, in baptismo condonata sunt crimina. Ac ne dubitare amplius ea de re cuiquam liceret, post aliorum Conciliorum definitionem, sacra etiam Tridentina Synodus idem declarauit, cum anathema in eos decreuit, qui aliter sentire auderent, quiue asseuerare non dubitarent, quamuis peccata in baptismo remittantur, ea tamen prorsus non tolli, aut radicitus euelli.

*Concupiscentia in re natis non adscribitur culpa.*

*Ezech. 36*

*1. Cor. 6*

*D. August.*

*S. Hieron.*

sed quodam modo abradi, ita ut peccatorum radices animo infixę adhuc remaneant. Namque, *Trid. Syn.* ut eiusdem sanctę Synodi uerbis utamur, in renatis nihil odit Deus, quia nihil damnationis est his, qui uere consepulti sunt cum Christo per baptisma in mortem: qui non secundum carnem ambulant, sed ueterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt. Ac fateri quidem oportet, sicut eodem loco ipsius Synodi auctoritate decretum est, in baptizatis concupiscentiam uel fomitem remanere: sed illa uere peccati rationem non habet. nam ex diuino quoque Augustini sententia, in paruulis baptizatis concupiscentię reatus absoluitur, ad agonem relinquitur. atque idem alibi testatur: Concupiscentię reatus in baptismo soluitur, sed infirmitas manet. concupiscentia enim, quę ex peccato est, nihil aliud est, nisi animi appetitio, natura sua rationi repugnans: qui tamen motus si uoluntatis consensum, aut negligentiam coniunctam non habeat, a uera peccati natura longe abest. *Item. 7* Ac cum D. Paulus inquit; Concupiscentiam nesciebam, nisi lex diceret, Non concupisces; ex his uerbis non ipsam concupiscendi uim, sed uoluntatis uitium intelligi uoluit. Eandem doctrinam tradit D. Gregorius, ita scribens: Si qui sunt qui dicant peccata in baptismo superficie tenus dimitti, quid est hac prædicatione infidelius? cum per fidei sacramentum anima, peccatis radicitus absoluta, soli Deo inhæreat. Atque ad eam rem demonstrandam Saluatoris nostri testimonio utitur, cum  
apud



apud sanctum Ioannem ait: Qui lotus est, non indiget, nisi ut pedes lauet, sed est mūdus totus. Quod si cui expressam huius rei figuram, & imaginem liber intueri, proponat sibi ad contemplandum Naaman Syrii leprosi historiam, qui cū septies Iordanis aqua se abluisset, testante scriptura, ita a lepra mundatus est, ut eius caro, caro pueri uideretur. Quare baptismi proprius effectus est, peccatorum omnium, siue originis uitio, siue nostra culpa contracta sint, remissio: cuius rei causa a Domino, & Salvatore nostro institutum esse, clarissimis uerbis apostolorum Princeps, ut alia testimonia omitamus, explicauit, cum inquit: Pœnitentiam agite, & baptizetur unusquisque uestrum in nomine Iesu Christi in remissionem peccatorum.

Iam uero, in baptismo non solum peccata remittuntur, sed peccatorum etiam, & scelerum pœnæ omnes a Deo benigne condonantur. nam, etsi omnibus sacramentis hoc commune est, ut per illa uirtus passionis Christi Domini communicetur: de solo tamen baptismo dictum est ab Apostolo, nos per ipsum Christo cōmori, & sepeliri. ex quo sancta Ecclesia semper intellexit, sine maxima sacramenti iniuria fieri non posse, ut ei qui baptismo expiandus sit, eiusmodi pietatis officia, quæ usitato nomine sancti Patres opera satisfactionis uocarunt, imponantur. Nec uero, quæ hoc loco traduntur, ueteris Ecclesiæ cōsuetudini aduersantur: quæ olim Iudæis, cū baptizarentur, præcipiebat, ut quadraginta continuos dies ieiunarent. neque enim illud institutum ad satisfactionem pertinebat; sed qui baptismum percepissent, ea ratione admonebātur, ut

*Per baptismum nō solum præcedentia peccata, sed illorum etiā pœnas remitti: & cur non restitueretur statum naturæ integræ.*

ut sacramenti dignitatem uenerantes, ieiunijs, & orationibus aliquandiu sine intermissione operam darent. Sed quamquam in baptismo pœnas peccatorum condonari exploratum esse debet: ab eo tamen pœnarum genere, quę ciuilibus iudicijs ob graue aliquod scelus persoluendę sunt, nemo liberatur; ita ut, qui morte dignus sit, per baptismum a pœna, quę legibus constituta est, eripiatur: tametsi uehementer laudanda esset eorum Principum religio, & pietas, qui eam quoque animaduersionem, ut Dei gloria in suis sacramentis illustrior fieret, fontibus remitterent, ac condonarent. Efficit præterea baptismus post huius uitę curriculum, pœnarum omnium, quę originale peccatum consequuntur, liberationem. siquidē merito mortis Domini factum est, ut hæc consequi possemus. Baptismo autem, ut supra dictum est, ei commorimur. Si enim, ut inquit Apostolus, complantati facti sumus similitudini mortis eius, simul & resurrectionis erimus.

Rom. 6

Quod si querat aliquis, cur statim post baptismum in hac etiam mortali uita his incōmodis non careamus, atque ad perfectum illum uitę gradum, in quo Adam primus humani generis parens ante peccatum collocatus fuerat, sacre ablutionis uirtute non transferamur; id quidem duabus potissimum de causis factum esse, respondebitur. Quarum prima est, quod nobis, qui per baptismum Christi corpori coniuncti, atque eius membra effecti sumus, plus aliquid dignitatis tribuendum non erat, quam ipsi capiti nostro tributum esset. Cum igitur Christus dominus, etsi ab initio ortus sui gratię, & ueritatis plenitudinem habuit, tamen hu-

manę

manæ naturæ fragilitatem, quam suscepit, non antea deposuit, quam passionis tormenta, & mortem pertulit, ac deinde ad immortalis uitæ gloriam resurrexit: quis miretur, cum uideat fideles, qui iam per baptismum cælestis iustitiæ gratiam adepti sunt, adhuc tamen caduco, & fragili corpore uestiri, ut, postquam multis laboribus pro Christo perfuncti, & morte obita denuo ad uitam reuocati fuerint, tandem digni sint, qui cum Christo æuo sempiterno perfruantur? Altera uero causa, cur in nobis post baptismum infirmitas corporis, morbus, dolorum sensus, concupiscentiæ motus relinquatur, illa est, ut scilicet tamquam segetem, & materiam uirtutis haberemus, ex qua deinde uberiores gloriæ fructum, atque ampliora præmia consequeremur. nam cum patienti animo uitæ incommoda omnia toleramus, prauasque animi nostri affectiones sub rationis imperium diuina ope subiicimus, certa spe niti debemus, fore, ut, si cum Apostolo bonum certauerimus, cursum consummauerimus, fidem seruauerimus, repositam quoque iustitiæ coronam reddat nobis Dominus in illa die iustus iudex. Sic uero etiam cum filiis Israel uidetur Dominus egisse: quos etsi ab Aegyptiorum seruitute, Pharaone, atque eius exercitu in mare demerso, liberauit; tamen non statim in beatam illam promissionis terram introduxit, sed prius in multis, uarijsque casibus exercuit; ac deinde, cum eos in promissæ terræ possessionem misisset, ceteros quidem incolas e patrijs sedibus exturbauit; quasdam uero nationes reliquas fecit, quas delere nō potuerūt,

2. Tim. 4]

ut populo Dei bellicæ uirtutis, & fortitudinis exercendæ occasio numquam deesset. Huc accedit, quod, si per baptismum, præter dona cælestia, quibus anima ornatur, corporis etiam bona tribueretur, dubitari merito posset, ne multi, præsentis potius uitæ commoda, quam futuræ speratam gloriam consecrantes, ad baptismum uenirent; cum tamen non falsa hæc, & incerta, quæ uidentur, sed

2. Cor. 4 uera, atque æterna, quæ non uidentur, bona Christiano homini semper proposita esse debeant. Sed interim tamen huius uitæ condicio, quæ miseriarum plena est, suis uoluptatibus, & lætitijs non caret. Quid enim nobis, qui iam per baptismum, ueluti palmites, insiti sumus in Christum, iucundius aut optabilius esse potest, quam, cruce in humeros nostros sublata, eum ducem sequi, nullisque aut laboribus defatigari, aut periculis retardari, quo minus ad præmium superne uocationis Dei omni studio contendamus, alij uirginitatis lauream, alij doctrine, & prædicationis coronam, alij martyrij palmam, alij alia uirtutum decora a Domino accepturi? Quæ quidem præclara laudis insignia nemini darentur, nisi prius nos ipsos in huius ærumnosæ uitæ stadio exercuissemus, atque in acie inuicti stetissemus.

*De eximijs  
baptismi  
fructibus.*

Sed ut ad baptismi effectus oratio redeat, exponendum erit, huius sacramenti uirtute nos non solum a malis, quæ uere maxima dicenda sunt, liberari, uerum etiam eximijs bonis, & muneribus augeri. Animus enim noster diuina gratia repletur; qua iusti, & filij Dei effecti, æternæ quoque salutis heredes instituimur. nam, ut scriptum est,

Qui



Qui crediderit & baptizatus fuerit, saluus erit: *Marc. 16*  
mundatamque Ecclesiam lauacro aquæ, in uerbo *Ad Eph. 5*  
Apostolus testatur. Est autem gratia, quemadmo-  
dum Tridentina Synodus ab omnibus credendū,  
pœna anathematis proposita, decreuit, non solum  
per quam peccatorum fit remissio, sed diuina qua-  
litas in anima inherens, ac ueluti splendor quidā,  
& lux, quæ animarum nostrarum maculas omnes  
delet, ipsasque animas pulchriores, & splendidiores  
reddit. Atque id ex sacris litteris aperte colligitur,  
cum gratiam effundi dicant, eamque spiritus san-  
cti pignus soleant appellare. Huic autem additur  
nobilissimus omnium uirtutum comitatus, quæ in  
animam cum gratia diuinitus infunduntur. Qua-  
re, cum Apostolus ad Titum ait: Saluos nos fecit *Ad Tit. 3*  
per lauacrum regenerationis, & renouationis spiri-  
tus sancti, quem effudit in nos abunde per Iesum  
Christum saluatorem nostrum: D. Augustinus uer- *D. August.*  
ba illa, Abunde effudit, explanans, Nimirum, in-  
quit, ad remissionem peccatorum, & copiam uir-  
tutum. Iam uero per baptismum etiam Christo ca-  
piti tamquam membra copulamur, & connecti-  
mur. Quemadmodum igitur a capite uis manat,  
qua singulæ corporis partes ad proprias functio-  
nes apte exequendas mouentur: ita etiam ex Chri-  
sti domini plenitudine in omnes, qui iustificantur,  
diuina uirtus, & gratia diffunditur: quæ nos ad o-  
mnia Christianæ pietatis officia habiles reddit. Ne-  
que uero mirum cuiquam uideri debet, si, cum tā-  
ta uirtutum copia instructi, & ornati simus, tamen  
non sine magna difficultate, & labore pias hone-  
stasque actiones inchoamus, uel certe absolui-  
mus

id

id enim ob eam rem non euenit, quod uirtutes, a quibus actiones ipsæ proficiscuntur, Dei beneficio nobis donate non sint; sed quoniam post baptismum acerrima cupiditatis pugna aduersus spiritum relicta est; in qua tamen contentione animo frangi, aut debilitari Christianum hominem non decet; cum Dei benignitate freti, optima spe niti debeamus, fore, ut quotidiana recte uiuendi exerci-

*Ad Phil. 4* tatione, quæcumque pudica sunt, quæcumque iusta, quæcumque sancta, eadem etiam facilia, & iucunda uideantur; hæc libenter cogitemus, hæc alacri animo agamus, ut Deus pacis sit nobiscum. Præterea, per baptismum consignamur caractere, qui ex anima deleri numquam potest: de quo, nihil est, ut plura hoc loco differantur; cum liceat ex ijs, quæ supra dicta sunt, cum uniuersæ de sacramentis ageretur, satis multa, quæ ad hoc argumentum pertinent, in hunc locum transferre.

*Baptismus  
sine sacrile-  
gio iterari  
non posse.*

Sed quoniam ex characteris ui, & natura ab Ecclesia definitum est, baptismi sacramentum nulla ratione iterandum esse; ea de re fideles, ne aliquando in errores inducantur, sepe, & diligenter a Pastoribus admonendi erunt. Hoc uero docuit Apostolus, inquit: Unus Dominus, una fides, unum baptisma. Deinde cum Romanos hortatur, ut mortui per baptismum in Christo cauerent, ne uitam, quam ab illo accepissent, amitterent, cum inquit: Quod enim Christus mortuus est peccato, mortuus est semel: hoc uidetur aperte significare, sicut ille mori iterum non potest, ita nobis denuo mori per baptismum non licere. Quare sancta etiam Ecclesia, se unum baptismum credere, palam profite-

*Rom. 6*

profitetur . quod quidem rei nature , & rationi uehementer cōsentaneum esse , ex eo intelligitur , quod baptismus est quedā spiritalis regeneratio . Quem admodum igitur naturali uirtute semel tantum generamur , & in lucem edimur ; atque , ut D. Augustinus ait , uterus non potest repeti ; sic etiam una est spiritalis generatio , nec baptismus ullo umquā tempore iterandus est . Neque uero quisquam putet eum ab Ecclesia iterari , cum , adhibita huiusmodi uerborum formula , aliquem abluit , de quo incertū est , an baptizatus prius fuerit : Si baptizatus es , te iterū non baptizo : si uero nōdum baptizatus es , ego te baptizo in nomine patris , & filij , & spiritus sancti . ita enim nō impie iterari , sed sancte cum adiunctione baptismū administrari , dicendū est . Qua in re tamen diligenter a Pastoribus aliqua prouidenda sunt , in quibus fere quotidie non sine maxima sacramenti iniuria peccatur . neque enim defunt , qui nullum scelus admitti posse arbitrentur , si quemuis sine delectu cum adiunctione illa baptizent . quare si infans ad eos deferatur , nihil prorsus querendum putant , an is prius ablutus fuerit ; sed statim ei baptismum tribuunt : quin etiam , quamuis exploratum habeant , domi sacramentum administratum esse , tamen sacram ablutionem in Ecclesia , adhibita sollemni cærimonia , cum adiunctione repetere non dubitant . quod quidem sine sacrilegio facere non possunt : & eam maculam suscipiunt , quam diuinarum rerum scriptores Irregularitatem uocant . nam ea baptismi forma , ex Alexandri Pape auctoritate , in illis tantum permittitur , de quibus , re diligenter perquisita , dubium relin-

relinquitur, an baptismum rite susceperint. aliter uero numquam fas est, etiam cum adiunctione baptismum alicui iterum administrare. Præter cetera uero, quæ ex baptismo consequimur, illud ueluti extremum est, quo reliqua omnia uidentur referri, quod scilicet cæli aditum, propter peccatum prius interclusum, unicuique nostrum patefacit. Hæc autem, quæ in nobis baptismi uirtute efficiuntur, ex ijs plane intelligi possunt, quæ in Saluatoris baptismo contigisse, euangelica auctoritas confirmauit. Etenim cæli aperti sunt, & spiritus sanctus columbæ specie in Christum dominum descendens apparuit. ex quo significatum est, eis, qui baptizantur, diuini numinis charismata impertiri, & cælorum ianuam reſerari; non quidem ut, simul atque baptizati sunt, sed ut magis opportuno tempore ingrediantur in illam gloriam, cum omnium miseriarum expertes, quæ in beatam uitam cadere non possunt, pro mortali conditione immortalitatem assequantur. Atque hi quidem sunt baptismi fructus; quos, siquidem sacramenti uim spectemus, æque ad omnes pertinere dubitari non potest; sin autem, quo quisque animo affectus ad illum suscipiendum accesserit, confideremus: plus minus uel cælestis gratiæ, & fructus ad unum aliquem, quam ad alium, peruenire omnino fateri oportet.

*De precatio-  
nibus, riti-  
bus, & cæ-  
rimonijs ba-  
ptismi.*

Restat nunc, ut, quæ de huius sacramenti pre-  
cationibus, ritibus, & cærimonijs tradenda sint,  
aperte, & breuiter explicetur. Nam quod Apo-  
stolus de linguarum dono admonuit, cum inquit:  
Sine fructu esse, si, quæ aliquis loquitur, a fide-  
libus



bus non intelligantur: idem fere ad ritus, & cærimonias transferri potest. imaginem enim, & significationem earum rerum præferunt, quæ in sacramento geruntur. quod si illorum signorum uim, & potestatem fidelis populus ignoret; non magna ad modum cærimoniarum utilitas futura esse uidebitur. Danda est igitur Pastoribus opera, ut eas fideles intelligant, certoque sibi persuadeant, si minus necessariae sint, plurimi tamen faciendas, magnoque in honore esse oportere. Id uero tum instituentium auctoritas, qui sine controuersia sancti apostoli fuerunt, tum finis, cuius causa cærimonias adhiberi uoluerunt, satis docet. ita enim sacramentum maiori cum religione, ac sanctitate administrari, ac ueluti ante oculos poni præclara illa, & eximia dona, quæ in eo continentur, & in animos fidelium immensa Dei beneficia magis imprimi, perspicuum est. Sed omnes cærimonie, & preces, quibus in baptismi administratione Ecclesia utitur, ad tria capita redigendæ sunt, ut in eis explicandis certus ordo a Pastoribus seruari possit, & quæ tradita ab illis fuerint, auditorum memoria facilius retineantur. Ac primum quidem illarum genus est, quæ, antequam accedatur ad baptismi fontem, seruantur: alterum earum, quæ, cum ad ipsum fontem uentum est, adhibentur: tertium earum, quæ, peracto iam baptismo, addi solent. In primis igitur aqua paranda est, qua ad baptismum uti oportet. Consecratur enim baptismi fons, addito mystice unctionis oleo. neque id omni tempore fieri permissum est: sed more maiorum, festi quidam dies, qui omnium celeberrimi, & sanctissimi optimo iu-

N rcha-

re habendi sunt, expectantur, in quorum uigilijs sacræ ablutionis aqua conficitur: quibus etiam tantum diebus, nisi necessitas aliter facere coegisset, in ueteris Ecclesiæ more positum fuit, ut baptismus administraretur. Sed quamuis Ecclesia hoc tempore propter communis uitæ pericula eam consuetudinem retinendam non iudicarit; tamen sollemnes illos dies Pasche, & Pentecostes, quibus baptismi aqua consecranda est, summa cum religione adhuc obseruauit. Post aquæ consecrationem, alia deinceps, quæ baptismum antecedunt, explicare oportet. afferuntur enim, uel etiam adducuntur, qui baptismi initiandi sunt, ad ecclesiæ fores, atque ab eius introitu omnino prohibentur; quod indigni sint, qui domum Dei ingrediantur, ante quam a se turpissimæ seruitutis iugum repulerint, & totos se Christo domino, eiusque iustissimo imperio addixerint. Tum uero sacerdos ab eis exquirat, quidnam ab Ecclesia petant. quo cognito, primum eos Christianæ fidei doctrina, quam in baptismi profiteri debent, instituit: id autem Catechismo efficitur. cuius institutionis morem a Domini Saluatoris præcepto manasse, nemo dubitare potest; cum ipse apostolis iusserit: *Ite in mundum uniuersum, & docete omnes gentes, baptizantes eos in nomine patris, & filij, & spiritus sancti, docentes eos seruare omnia, quæcumque mandauimus uobis.* Ex quo licet cognoscere, baptismum non esse administrandum priusquam summa saltem religionis nostræ capita exponantur. Quoniam uero Catechismi ratio ex multis interrogationibus constat, si is, qui instituitur, adulta ætate fuerit, ad ea, quæ rogantur, ipse per

*Marc. 16*

*Matth. 28*

per se responder: si autē infans sit, pro illo sponsor rite responder, sollemnemq. sponsionē facit. Sequitur Exorcismus, qui ad expellendum diabolum, eiusq. vires frangendas, & debilitandas, sacris, & religiosis uerbis ac precationibus conficitur. Accedunt ad Exorcismū alię cęrimonię: quarū singulę, ut quę mysticę sint, propriā, atque illustrem significationem habent. nam cum sal in illius os, qui ad baptismū adducendus est, inferitur, hoc significari perspicuum est, eum fidei doctrina, & gratię dono consecuturū esse, ut a peccatorum putredine liberetur, saporemq. bonorum operum percipiat, & diuinę sapientię pabulo delectetur. Obsignantur preterea signo crucis frōs, oculi, pectus, humeri, aures; quę omnia declarant, baptismi mysterio sensus baptizati aperiri, ac roborari, ut Deū excipere, preceptaq. eius intelligere, ac seruare possit. Postea uero illi nares, & aures saliuā liniuntur, statimq. ad baptismi fontē mittitur: ut, quemadmodum cecus ille euangelicus, quē Dominus iusserat oculos luto illi- Ioan. 9 tos filios aqua abluere, lumen recuperauit; ita etiā intelligamus sacrę ablutionis eā uim esse, ut menti ad cęlestē ueritatem perspiciendam lumen afferat. His peractis, ad baptismi fontē ueniunt, ibiq. alię cęrimonię, & ritus adhibētur; ex quibus Christianę religionis summā licet cognoscere. Sacerdos enim, ter conceptis uerbis, eū, qui baptizandus est, interrogat. Abrenuncias Satanę, & omnibus operibus eius, & omnibus pōpis eius? At ille, aut eius nomine patrinus, ad singulas interrogationes, responder: Abrenuncio. Igitur qui Christo nomen daturus est, hoc primū sanctę, & religiose polliceri debet, se dia-

bolum, & mundū deferere, ac nullum umquam tempus fore, in quo utrumq. ueluti hostem teterrium, nō detestetur. Post hęc, oleo cathecuminorū baptizandus inūgitur in pectore, & inter scapulas. In pectore quidē, ut per spiritus sancti donum abijciat errorem, & ignorantia, & suscipiat fidem rectā: quia iustus ex fide uiuit. Inter scapulas autē, ut per spiritus sancti gratiā, excutiat negligentiam, & torporē, ac bonam operationem exerceat: quia fides sine operibus mortua est. Deinde ad ipsū baptismi fontem consistens, interrogatur a sacerdote hoc modo: Credis in Deum patrē omnipotentem? Cui ille respōdet: Credo. Atque ita deinceps de reliquis Symboli articulis rogatus, fidē suam sollēni religione profitetur. quibus sane duabus spōsionibus omnem Christianę legis uim, & disciplinā contineri perspicuū est. Sed cum iam baptismum administrare oportet: querit sacerdos ab eo qui baptizandus est: Num baptizari uelit? quo quidē per se, uel eius nomine, si infans sit, patrino annuēte, statim in nomine patris, & filij, & spiritus sãcti, salutari aqua eum abluit. Quemadmodū enim homo sua uoluntate serpenti obediens, merito damnatus est: ita Dominus neminem ad suorū numerum nisi uoluntarium militē, adscribi uoluit; ut diuinis iussis iponte obtemperans, eternā salutem consequeretur. Iā postquam baptismus absolutus est, sacerdos summū baptizati uerticē chrismate perungit, ut intelligat se ab eo die Christo capiti tamquā membrum coniunctum esse, atq. eius corpori insitū, & ea re Christianum a Christo, Christū uero a chrismate appellari. Quid uero chrisma significet, ex ijs satis intelligi, quæ

Gal. 3

Iacob. 2



quæ tunc sacerdos orat, D. Ambrosius testatur. In- D. Ambrosius.  
 duit postea sacerdos baptizatū ueste alba, dicens: Ac-  
 cipe uestē candidam, quam immaculatam perferas  
 ante tribunal domini nostri Iesu Christi, ut habeas  
 uitam æternā. Infantibus uero, qui uestitu non utun-  
 tur, iisdē uerbis album sudariolum datur: quo sym-  
 bolo significari sancti Patres docent tū resurrectionis  
 gloriam, ad quā per baptismum nascimur, tum  
 nitorē, & pulchritudinem, qua, dilutis peccatorum  
 maculis, anima in baptismo ornatur; tū innocentia,  
 atq. integritatem, quā in omni uita baptizatus ser-  
 uare debet. Et deinde cereus ardens in manū tradi-  
 tur: qui ostendit, fidē charitate inflammata, quam  
 in baptismo accepit, bonorū operum studio alen-  
 dam, atq. augendam esse. Ad extremum uero nomē  
 baptizato imponitur: quod quidē ab aliquo sumen-  
 dum est, qui, propter excellentē animi pietatem, &  
 religionem in sanctorum numerum relatus est. ita  
 enim facile fiet, ut quiuis nominis similitudine ad  
 uirtutis, & sanctitatis imitationē excitetur; ac præ-  
 terea, quem imitari studeat, eum quoq. precetur, &  
 speret sibi aduocatū ad salutem tū animi tum cor-  
 poris defendendā uenturum esse. Quare reprehē-  
 dendi sunt, qui gentilium nomina, & eorum præ-  
 cipue, qui omniū sceleratissimi fuerunt, tam dili-  
 genter consecantur, & pueris imponunt: cū ex eo  
 intelligi possit, quanti Christianæ pietatis studiū fa-  
 ciendum existiment, qui impiorū hominum me-  
 moria tantopere delectari uidetur, ut uelint fidelium  
 aures huiusmodi profanis nominibus undiq. circū-  
 sonare. Hæc de baptismi sacramēto si a Pastoribus  
 explanata fuerint, nihil eorū fere prætermisum esse

uidebitur, quæ ad hanc cognitionē maxime pertinere existimanda sunt. Demonstratum est enim, quid ipsum baptismi nomē significet; quæ sit eius natura, & substantia; tū, ex quibus partibus constet. Dicitum est, a quo institutus fuerit; qui ministri ad conficiendum sacramentū necessarij sint, quosue tamquam pædagogos ad sustentandam baptizati imbecillitatem adhibere oporteat. Traditū est etiam, quibus, & quemadmodū animo affectis baptismus administrari debeat; quæ sit eius uirtus, & efficiētia: postremo, qui ritus, & cērimonię seruentur, quantū proposita ratio postulabat, satis copiose explicatū est. Quæ omnia ob eā præcipue causā docenda esse Pastores meminerint; ut fideles in hac cura, & cogitatione perpetuo uersentur; ut in ijs, quæ adeo sãcte, & religiose spopoderunt, cū baptismo initiati sunt, fidem seruent, atque eam uitā instituant, quæ sanctissime Christiani nominis professioni respōdeat.

## D E C O N F I R M A T I O N I S

### S A C R A M E N T O .



**I**n sacramento Confirmationis explicando Pastorum diligentia requirenda umquam fuit; nunc certe opus est, illud quā maxime illustrare; cum in sancta Dei Ecclesia hoc sacramentū a multis omnino prætermittatur; paucissimi uero sint, qui diuinæ gratiæ fructū, quē deberent, ex eo capere studeāt. Quare fideles ita de huius sacramēti natura, ui, dignitate, tū in die Pentecostes, quo præcipue die administrari solet, tū alijs etiā diebus, cum id Pastores cōmode fieri posse iudicauerint, docendi erūt, ut intelligant nō solū negligendum nō esse, sed sūma cū pietate, & religionē

gione suscipiendum; ne ipsorum culpa, maximoque malo eueniat, ut frustra in eos diuinum hoc beneficiū collatum esse uideatur. Sed ut a nomine initium sumatur, Confirmationem ab Ecclesia hoc sacramentum idcirco uocari, docendum est; quoniam, qui baptizatus est, cum ab Episcopo sacro chrismate ungitur, additis sollemnibus illis uerbis; Signo te signo crucis, & confirmo te chrismate salutis, in nomine patris, & filij, & spiritus sancti, nisi aliud sacramenti efficientiam impediat, nouæ uirtutis robore firmior, atque adeo perfectus Christi miles esse incipit. In Confirmatione autem ueram & propriam sacramenti rationem catholica Ecclesia semper agnouit: quod & Melchiades Pontifex, & plures etiam *S. Melch.* alij sanctissimi, & uetustissimi Pontifices aperte *papa.* declarant. Ac sanctus Clemens eius ueritatis doctrinam grauiori sententia comprobare non potuit. ait enim: Omnibus festinandum est sine mora renasci Deo, & demum ab Episcopo consignari, id est, *S. Clemens* septiformem gratiam spiritus sancti percipere: cum *papa.* alioqui perfectus Christianus nequaquam esse possit is, qui iniuria, & uoluntate, non autem necessitate compulsus, hoc sacramentum prætermiserit, ut a B. Petro accepimus, & ceteri apostoli, præcipiente Domino, docuerunt. Hanc uero eandem fidem doctrina sua confirmarunt, qui eodem spiritu pleni pro Christo sanguinem profuderunt, Urbanus, Fabianus, Eusebius, Romani Pontifices, quem admodum ex eorum decretis licet perspicere. Accedit præterea sanctorum Patrum consentiens auctoritas: inter quos Dionysius Areopagita, Athenarum Episcopus, cum diceret, quâ ratione hoc sa-

*Eusebius  
Cæsariensis.*

*S. Ambr.*

*D. August.*

*Ad Eph. 4*

*Psal. 132  
Rom. 5*

*S. Melch.  
kata.*

crum unguentum conficere, eoque uti oporteret, ita inquit : Baptizatum sacerdotes induunt ueste congrua munditiæ, ut ad Pontificem ducant : ille uero sacro, atque prorsus diuino unguento baptizatum signans, sacratissimæ communionis participem facit. Eusebius quoque Cæsariensis tantum huic sacramento tribuit, ut dicere non dubitarit ; Nouatum hereticum spiritum sanctum promereri non potuisse ; quia, cum baptizatus esset, in graui egritudine signaculo chrismatis non est signatus. Sed clarissima habemus huius rei testimonia tum a D. Ambrosio in eo libro, quem de ijs, qui initiantur, inscripsit ; tum a D. Augustino in libris, quos aduersus Petiliani Donatistę epistolas edidit : quorum uterque adeo de huius sacramenti ueritate nihil dubitari posse existimauit, ut eam scripturę etiam locis doceat, ac confirmet. Quare alter quidem uerba illa Apostoli ; Nolite contristare spiritum sanctum Dei, in quo signati estis : alter uero, quod in psalmis legitur ; Sicut unguentum in capite, quod descendit in barbam, barbam Aaron ; tum illud eiusdem Apostoli, Charitas Dei diffusa est in cordibus nostris per spiritum sanctum, qui datus est nobis ; ad confirmationis sacramentum referri testatus est. Quamuis autem a Melchiade dictum sit, baptismum confirmationi maxime coniunctum esse ; non idem tamen sacramentum, sed ab altero longe disiunctum, existimandum est. constat enim, uarietatem gratię, quam singula sacramenta tribuunt, & rei sensibus subiectę, quę ipsam gratiam significat, efficere, ut uaria quoque & diuersa sacramenta sint. Cum igitur baptismi gratia homines in nouam



etiam uitam gignantur; confirmationis autem sacramento, qui iam geniti sunt, uiri euadant; euacuationis, quę erant paruuli: satis intelligitur, quantum in naturali uita generatio ab incremento distat, tantundem inter se differre baptismũ, qui regenerandi uim habet, & confirmationem, cuius uirtute fideles augescunt, & perfectum animi robur assumunt. Pręterea, quoniam nouum atque distinctum sacramenti genus constituendum est, ubi animus in nouam aliquam difficultatem incurrit; facile perspicui potest, quemadmodum baptismi gratia ad mentem fide informandam indigemus, ita etiã maxime conducere, fidelium animos alia gratia confirmari, ut nullo pœnarum, suppliciorum, mortis periculo, aut metu a uerę fidei confessione deterreantur. quod quidem cum sacro Cõfirmationis chrismate efficiatur, ex eo aperte colligitur, huius sacramenti rationem a baptismo diuersam esse. Quare Melchiades Pontifex utriusque discrimen accurata oratione persequitur, ita scribens: In baptismate homo ad militiam recipitur, & in Confirmatione coarmatur ad pugnam. In fonte baptismatis spiritus sanctus plenitudinẽ tribuit ad innocentia, Confirmatione autẽ perfectionem ad gratiam ministrat: in baptismo regeneramur ad uitam, post baptismum ad pugnam cõfirmamur: in baptismo ablui mur, post baptismũ roboramur: regeneratio per se saluat in pace baptismũ recipiẽtes, Confirmatio armat, atque instruit ad agones. Verum hæc iam non solũ ab alijs Concilijs tradita, sed præcipue a sacra Synodo Tridẽtina, decreta sunt; ut iã de ijs non solũ aliter sũt, sed ne dubitare quidẽ ullo modo liceat.

1 Cor. 13

S. Melch.  
papa.

Conc. Trid.

Quo-

*De origine,  
auctore, ma-  
teria, & for-  
ma sacra-  
menti Con-  
firmationis.*

*S. Fab. pa-  
pa.*

*S. Diony.*

*S. Fab. pa-  
pa.*

Quoniam uero supra demonstratum est, quam necessarium esset, communiter de omnibus sacramentis docere, a quonam ortum habuerint, idem etiam de Confirmatione tradere oportet; ut fideles huius sacramenti sanctitate magis afficiantur. Igitur a Pastoribus explicandum est, Christum dominum non solum eius auctorem fuisse, sed, sancto Fabiano Pontifice Romano teste, chrismatis ritum, & uerba, quibus in eius administratione catholica Ecclesia utitur, præcepisse. quod quidem ijs facile probari poterit, qui Confirmationem sacramentum esse confitentur; cum sacra omnia mysteria humanæ naturæ uires superent, nec ab alio, quam a Deo, possint institui. Iam uero, quæ sint eius partes, ac primum quidem de materia dicendum est. Hæc autem Chrisma appellatur: quo nomine, a Græcis accepto, etsi profani scriptores quodlibet unguenti genus significant, illud tamen, qui res diuinas tradunt, communi loquendi consuetudine ad illud tantummodo unguentum accommodarunt, quod ex oleo, & balsamo, sollemni Episcopi consecratione, conficitur. Quare duæ res corporeæ permixtæ, Confirmationis materiam præbent. quæ quidem diuersarum rerum compositio quemadmodum multiplicem spiritus sancti gratiam, quæ confirmatis tribuitur, declarat; ita etiam ipsius sacramenti excellentiam satis ostendit. Quod autem ea sit huius sacramenti materia, cum sancta Ecclesia, & Concilia perpetuo docuerunt, tum a sancto Dionysio, & compluribus alijs grauissimis Patribus traditum est, in primisq. a Fabiano Pontifice, qui apostolos chrismatis confectionem a Domino accepisse, nobis-

nobisque reliquisse testatus est. Neque uero ulla  
 alia materia, quam chrismatis, aptior uideri pote-  
 rat ad illud declarandum, quod hoc sacramento ef-  
 ficitur. Oleum enim, quod pingue sit, & natura sua  
 manet, ac diffuat, gratiæ plenitudinem exprimit :  
 quæ per spiritum sanctum a Christo capite in alios *Psalm. 132*  
 redundat, atque effunditur, sicut unguentum,  
 quod descendit in barbam Aaron, usque in oram *Psalm. 44*  
 uestimenti eius. Vixit enim eum Deus oleo læti-  
 tiæ præ consortibus suis; ac de plenitudine eius nos *Ioan. 8*  
 omnes accepimus. Balsamum uero, cuius odoratus  
 iucundissimus est, quid aliud significat, quam fide-  
 les, cum sacramento confirmationis perficiuntur,  
 eam uirtutum omnium suauitatem effundere, ut il-  
 lud Apostoli queant dicere: Christi bonus odor su- *2. Cor. 2*  
 mus Deo? Habet præterea balsamum eam uim,  
 ut, quidquid eo circumlitum fuerit, putrescere non  
 sinat. quod quidem ad huius sacramenti uirtutem  
 significandam ualde accommodatum uidetur, cum  
 plane constet, fidelium animos cælesti gratia, quæ  
 in confirmatione tribuitur, præparatos, facile a sce-  
 lerum contagione defendi posse. Consecratur autē  
 chrisma sollemnibus cærimonijs ab Episcopo. Ita  
 enim saluatorem nostrum docuisse in extrema ce-  
 na, cum chrismatis conficiendi rationem apostolis  
 commendaret, Fabianus Pontifex, sanctitate, &  
 martyrij gloria clarissimus, tradidit. Quamquam *S. Fab. Pa-  
pa.*  
 cur ita fieri debuerit, ratione etiam ostendi potest.  
 etenim in plerisque alijs sacramentis Christus ita  
 eorum materiam instituit, ut sanctitatem quoque  
 illi tribuerit. non solum enim aquam elementū ba-  
 ptismi esse uoluit, cum inquit: Nisi quis renatus *Ioan. 3*  
 fuerit

fuerit ex aqua, & spiritu, non potest introire in regnum Dei: sed cum ipse baptizatus est, effecit ut ea deinceps ut sanctificandi prædita esset. quare dictum

- s. *Chrys.* a S. Chrysostomo: Aqua baptismi purgare peccata credentium non posset, nisi tactu Domini corporis sanctificata fuisset. Quoniam igitur Dominus hanc Cōfirmationis materiam usu ipso, & tractatione non sacrauit, necessarium est, ut sanctis, & religiosis precationibus consecratur: neque ad alium ea cōfectio, nisi ad Episcopum, pertinere potest; qui eiusdem sacramenti ordinarius minister institutus est. Sed explicanda erit præterea altera pars, ex qua sacramentum constituitur, forma scilicet, & uerba, quæ ad sacram unctionem adhibentur: monendique fideles, ut in hoc sacramento suscipiendo, tunc maxime, cum ea pronunciarī animaduertunt, ad pietatem, fidem, & religionem animos excitent, ne quid cælesti gratiæ impedimenti esse possit. His igitur uerbis Confirmationis forma absoluitur: **SIGNO TE SIGNO CRVCIS, ET CONFIRMO TE CHRISMATE SALVTIS, IN NOMINE PATRIS, ET FILII, ET SPIRITVS SANCTI.** Sed tamen, si ad ueritatem rationem quoque reuocemus, idem facile probari potest. etenim sacramenti forma ea omnia continere debet, quæ ipsius sacramenti naturam, & substantiam explicant. Atqui maxime hæc tria in Confirmatione obseruanda sunt, diuina potestas, quæ ut principalis causa in sacramento operatur; tum robar animi, & spiritus, quod per sacram unctionem fidelibus ad salutem tribuitur; deinde signum, quo notatur is, qui in certamen Christianæ



stianæ militiæ descensurus est. Ac primum quidem uerba illa; In nomine patris, & filij, & spiritus sancti; quæ extremo loco posita sunt: alterum ea, Confirmo te chrismate salutis; quæ in medio sunt: tertium, quæ in principio formæ locantur; Signo te signo crucis: satis declarant. Quamquam, si etiam ratione aliqua probari non possit, hanc esse huius sacramenti ueram, & absolutam formam, Ecclesiæ catholicæ auctoritas, cuius magisterio ita semper edocti fuimus, non patitur nos ea de re quidquam dubitare.

Docere etiam Pastores debent, quibus potissimum huius sacramenti administratio cõmissa sit. Nam cum multi sint, ut est apud Prophetam, qui currant, neque tamen mittantur; necesse est, qui ueri, & legitimi eius ministri sint, tradere, ut fidelis populus Confirmationis sacramentum, & gratiam consequi possit. Solum itaque Episcopum huius sacramenti conficiendi ordinariam potestatem habere, sacrę litteræ ostendunt. nam in Actis apostolorum legimus; cum Samaria uerbum Dei accepisset, Petrum, & Ioannem ad eos missos esse, qui orauerunt pro ipsis, ut acciperent spiritum sanctum. nondum enim in quemquam illorum uenerat, sed baptizati tantum erant. Quo in loco licet uidere, eum, qui baptizauerat, quod tantum esset Diaconus, confirmandi potestatem nullam habuisse, sed munus illud perfectioribus ministris, hoc est apostolis, reservatum esse. Quin etiã, ubicumque sacrę scripturę huius sacramenti mentionem faciunt, idem obseruari potest. neque ad eam rem demonstrandam desunt sanctorum Patrum

*Quis prius sacramenti Confirmationis minister: & de patrinis.*

*Act. 8*

atque

*Vrb. papa.* atque Pontificum, Urbani, Eusebij, Damasi, In-  
*Eusebius.* nocentij, Leonis, clarissima testimonia; quemad-  
*Damasus.* modum ex eorū decretis perspicuū est. Diuus quo-  
*Inno. et us.* que Augustinus grauitur queritur de corrupta Ae-  
*Leo.* gyptiorum, & Alexandrinorum cōsuetudine, quo-  
*D. August.* rum sacerdotes audebant Confirmationis sacra-  
 mentum administrare. Ac iure quidem hoc fa-  
 ctum esse, ut eiusmodi munus ad Episcopos defer-  
 retur, hac similitudine possunt Pastores declarare.  
 Ut enim in extruendis ædificijs, etsi fabri, qui infe-  
 riores ministri sunt, cementa, calcem, ligna, &  
 reliquam materiam parant, atque cōponunt, ab-  
 solutio tamē operis ad architectum spectat: ita etiā  
 hoc sacramentum, quo ueluti spirituale ædificium  
 perficitur, a nullo alio, nisi a summo sacerdote,  
 administrari opus erat. Additur uero etiam pa-  
 trinus, quemadmodū in baptismo fieri demonstra-  
 tum est. Nam si, qui gladiatoriam dimicationem  
 subeunt, alicuius indigent, cuius arte, & consi-  
 lio doceantur, quibus ictibus, ac petitionibus, sal-  
 uis ipsis, conficere aduersarium possint: quanto  
 magis fideles, cum sacramento Confirmationis  
 quasi firmis armis tecti, ac muniti, in spiritua-  
 le certamen, cui æterna salus proposita est, descen-  
 dunt, ducis, ac monitoris indigebūt? Recte igitur  
 ad huius quoque sacramenti administrationem pa-  
 trini aduocandi sunt, quibuscum eadem spiritua-  
 lis affinitas coniungitur, quæ legitima nuptiarum  
 foedera impedit, ut antea docuimus, cum de patri-  
 nis ageretur, qui ad baptismum adhibendi sunt.  
 Sed quoniam sepe euenit, ut fideles in hoc sacramē-  
 to suscipiendo aut præpropera festinatione, aut dis-  
 soluta

soluta quadam negligentia, & cūctatione utantur; (nam de ijs, qui ad eum impietatis gradū uenerūt, ut illud contemnere, & aspernari audeant, nihil est quod dicamus) aperiendum est etiam Pastoribus, qui, qua ætate, quo pietatis studio præditi esse debeant, quibus Confirmationē dare oportet. Atque illud in primis docendum est, hoc sacramentū eius modi necessitatē non habere, ut sine eo saluus quis esse non possit. quamquam uero necessariū non est, a nemine tamen prætermitti debet: sed potius maxime cauendum est, ne in re sanctitatis plena, per quam nobis diuina munera tam large impertiuntur, aliqua negligentia committatur: quod enim omnibus cōmuniter ad sanctificationē Deus proposuit, ab omnibus etiam summo studio expetendum est. Ac sanctus quidem Lucas, cū admirabile illā spiritus sancti effusionē describeret, ita inquit: Et factus est repente de cēlo sonus tamquam aduenientis spiritus uehementis, & repleuit totam domum. Deinde, paucis interiectis: Et repleti sunt omnes spiritu sancto. Ex quibus uerbis licet intelligere, quoniam domus illa sanctę Ecclesię figurā, & imaginem gerebat, ad omnes fideles Confirmationis sacramentum, cuius initium ab eo die ductum est, pertinere. Atque id etiam ex ipsius sacramenti ratione facile colligitur. illi enim sacro chrismate confirmari debent, quibus spirituali incremento opus est, & qui ad perfectum christianę religionis habitum perducendi sunt. at nulli id nō maxime conuenit. ut enim hoc spectat natura, ut, qui in lucem eduntur, adolescant, atque ad perfectam ætatem perueniant, etiam si interdum, quod uult,

uult, minus assequatur : ita communis omnium mater catholica Ecclesia uehementer optat, ut in eis, quos per baptismum regenerauit, christiani hominis forma perfecte absoluantur. id autem quoniam mystice unctionis sacramento efficitur, perspicuum est, eam ad uniuersos fideles eque pertinere. in quo illud obseruandum est, omnibus quidem post baptismum Confirmationis sacramentū posse administrari; sed minus tamen expedire hoc fieri, ante quam pueri rationis usum habuerint. quare si duodecimus annus non expectandus uideatur; usq; ad septimum certe hoc sacramentum differre, maxime conuenit. neque enim Cōfirmatio ad salutis necessitatem instituta est, sed ut eius uirtute optime instructi, & parati inueniremur, cum nobis pro Christi fide pugnandum esset : ad quod sane pugne genus pueros, qui adhuc usu rationis carent, nemo aptos esse iudicabit. Ex his igitur efficitur, ut, qui adulta iam etate confirmandi sunt, siquidem huius sacramenti gratiam, & dona consequi cupiant, eos non solum fidem, & pietatem afferre, sed grauiora etiam peccata, quę admiserunt, ex animo dolere oporteat. Quia in re elaborandum est, ut peccata etiam prius confiteantur, & Pastorum cohortatione ad ieiunia, & alia pietatis opera suscipienda incitentur, admoneanturque, laudabilem illam antiquę Ecclesię consuetudinem renouandam esse, ut non nisi ieiuni hoc sacramentum susceperēt. quod quidem fidelibus facile persuaderi posse, existimandum est, si huius sacramenti dona, admirabilesque effectus intellexerint.

*Conc. Ant.*

Itaque Pastores docebunt, Confirmationem hoc  
cum



cum ceteris sacramentis commune habere, ut, nisi impedimentum aliquod inferatur, nouam gratiam tribuat. etenim hæc sacra, & mystica signa eiusmodi esse, demonstratum est, quæ gratiam declarant, atque efficiunt. Sed præter hæc, quæ cum alijs communia censenda sunt, primum quidem illud proprie Confirmationi tribuitur, quod baptismi gratiam perficit. qui enim per baptismum Christiani effecti sunt, quasi infantes modo geniti teneritatem adhuc & mollitiem quandam habent: ac deinde chrismatis sacramento aduersus omnes carnis, mundi, & diaboli impetus robustiores fiunt; & eorum animus in fide omnino confirmatur ad confitendum, & glorificandum nomen domini nostri Iesu Christi; ex quo etiam nomen ipsum inuentum esse nemo dubitarit. Neque enim, ut quidam non minus imperite, quam impie finxerunt, Confirmationis uocabulum ab eo deducitur, quod olim, qui infantes baptizati erant, cum iam adulti essent, ad Episcopum adducebantur, ut fidem Christianam, quam in baptismo susceperant, confirmarent: ita ut Confirmatio nihil a catechesi differre uideatur. cuius consuetudinis nullum probatum testimonium afferri potest; sed ab eo nomen rei impositum est, quod huius sacramenti uirtute Deus in nobis id confirmat, quod baptismo operari cœpit, nosque ad Christianæ soliditatis perfectionem adducit: nec uero confirmat solum, sed auget etiam; de quo Melchiades ita testatur *S. Melch. papa.* Spiritus sanctus, qui super aquas baptismi salutifero descendit illapsu, in fonte plenitudinem tribuit ad innocentiam; in Cōfirmatione augmentum præstat

O

stat

stat ad gratiam; deinde non auget modo, sed admirabili quadam ratione auget. Hoc autem pulcherrime indumenti translatione scriptura significauit, atque expressit: ait enim Dominus saluator, cum de hoc sacramento loqueretur: Sedete in ciuitate, quoad usque induamini uirtute ex alto. Quod si pastores uoluerint diuinā huius sacramenti efficientiam ostendere; ( hoc uero ad commouendos fidelium animos maximam uim habiturū esse, dubitari non potest ) satis erit, quod ipsis apostolis euenerit, explicare. Illi enim ante passionem, uel sub ipsam passionis horam adeo infirmi, & remissi fuerunt, ut, cum Dominus comprehensus est, statim se in fugam coniecerint; Petrus uero, qui Ecclesiae petra, & fundamentum designatus erat, & summam constantiam excelsique animi magnitudinē præsetulerat, unius mulierculę uoce perterritus, se Iesu Christi discipulum esse, non semel aut iterum, sed tertio negauerit; ac post resurrectionem omnes propter metum Iudeorum inclusi domi se continuerint. At uero in die Pentecostes tanta spiritus sancti uirtute omnes repleti sunt, ut, dum euangelium, quod eis commissum erat, non solum in Iudeorum regione, sed uniuerso orbe audacter, & libere dispergerent, nihil sibi felicius accidere posse existima-uerint, quam quod digni haberentur, qui pro Christi nomine contumeliam, uincula, tormenta, crucis perferrent. Habet præterea Confirmatio eam uim, ut characterem imprimat: quo fit, ut nullumquam ratione iterari possit: quod etiam in baptismo supra obseruatum est: ac de sacramento ordinis quoque suo loco planius exponetur. Hęc igitur

Leu. 24

Act. 2

Act. 5

tur si a Pastoribus sæpe, & accurate explicata erunt; uix fieri poterit, quin fideles, cognita huius sacramenti dignitate, atque utilitate, illud summa cum diligentia sancte, & religiose suscipere studeant. Restat nunc, ut aliqua etiam de ritibus & cærimonijs, quibus in hoc sacramento administrando catholica Ecclesia utitur, breuiter perstringantur: quæ explicatio quanto usui futura sit, Pastores intelligent, si quæ antea dicta sunt, cum hic locus tractaretur, repetere uoluerint. Qui igitur confirmantur sacro chrismate, in fronte unguntur. nam hoc sacramento spiritus sanctus in animos fidelium sese infundit, in eisque robur, & fortitudinem auget, ut in spirituali certamine uiriliter pugnare, & nequissimis hostibus resistere queât. Quo circa declaratur, eos nullo metu, aut uerecundia, quarum affectionum signa maxime in fronte solent apparere, a libera Christiani nominis confessione absterrendos esse. Præterea nota illa, qua Christianus a ceteris ueluti miles insignibus quibusdam ab alijs distinguitur, in illustriori corporis parte imprimenda erat. Sed illud quoque sollemni religione in Ecclesia Dei seruatum est, ut in Pentecoste Act. 2 præcipue hoc sacramentum administraretur; quod hoc maxime die apostoli, spiritus sancti uirtute roborati, & confirmati sint; cuius diuini facti recodatione fideles admonerentur, quæ, quantaq. mysteria in sacra unctione cogitanda essent. Deinde uero, qui unctus, & confirmatus est, ut meminerit se tamquam fortem athletam paratum esse oportere ad omnia aduersa inuicto animo pro Christi nomine ferenda, manu leuiter in maxilla ab

Episcopo cæditur. Postremo autem pax ei datur, ut intelligat se gratiæ cælestis plenitudinem, & pacem, quæ exuperat omnem sensum, consecutū esse.

*Phil. 4*

Atque hæc summa eorum sit, quæ de chrismatis sacramento a Pastoribus non tam quidem nudis uerbis, & oratione, quam inflammato quodā pietatis studio explicanda sunt, ut ea in animis, intimisque fidelium cogitationibus inferere uideantur.

## D E E U C H A R I S T I A E S A C R A M E N T O .



*1. Cor. 11*

**Q**UÆ ADMODUM ex omnibus sacris mysterijs, quæ nobis tamquam diuinæ gratiæ certissima instrumenta Dominus saluator noster commendauit, nullum est, quod cum sanctissimo Eucharistiæ sacramento comparari queat: ita etiam nulla grauior alicuius sceleris animaduersio a Deo metuenda est, quam si res omnis sanctitatis plena, uel potius quæ ipsum sanctitatis auctorem, & fontem continet, neque sancte, neque religiose a fidelibus tractetur. id uero Apostolus & sapienter uidit, & de eo nos aperte admonuit. nam cum declarasset, quāto illi scelere obstricti essent, qui corpus Domini nō diiudicarent, statim subiecit: Ideo inter uos multi infirmi & imbecilles, & dormiūt multi. Ut igitur fidelis populus, cū cælesti huic sacramēto diuinos honores tribuēdos esse intellexerit, & gratiæ uberes fructus capiat, & iustissimam Dei iram efugiat, illa omnia a Pastoribus diligentissime exponēda erunt, quæ eius maiestatem magis illustra-

re -



te posse uideantur . Qua in re opus erit , ut Pauli apostoli rationem secuti , qui se , quod a Domino acceperat , Corinthijs tradidisse professus est , in primis huius sacramenti institutionem fidelibus explicent . ita uero gestam rem esse , ex Euangelista *Ioan. 13* perspicue colligitur . Cū enim Dominus dilexisset suos , in finem dilexit eos . cuius quidem amoris ut diuinum aliquod , atque admirabile pignus daret , sciens horam iam aduenisse , ut transiret ex hoc mūdo ad Patrem ; ne ullo umquā tempore a suis abesset , inexplicabili consilio , quod omnem naturę ordinem , & condicionem superat , perfecit . Etenim celebrata cum discipulis agni paschalis cena , ut figura ueritati , umbra corpori cederet , panem accepit , Deoque gratias agens benedixit , ac fregit , deditque discipulis suis , & dixit : Accipite , & manducate : Hoc est corpus meum , quod pro uobis tradetur : hoc facite in meā commemorationem . Similiter & calicem accepit postquam cenauit , dicens : Hic calix nouum testamētum est in meo sanguine ; hoc facite , quotiescumque bibetis , in meā cōmemorationem . Huius ergo admirabilis sacramenti dignitatem , atque excellentiam , cum sacri scriptores fieri nullo modo posse intelligerent , ut uno uocabulo demonstrarent , pluribus eam nominibus exprimere conati sunt . interdum enim Eucharistiam appellant : quod uerbum uel bonam gratiam , uel gratiarum actionem latine reddere possumus . Ac recte quidem , bona gratia , dicendum est ; tum quia uitam eternā , de qua scriptum est , Gratia Dei uita æterna , præsignificat ; tum *Rom. 6* quia Christum dominum , qui uera gratia , atque

O ; omnium

*Matth. 26**Marc. 14**Luc. 22**1. Cor. 11**Psal. 110**1. Cor. 10**Damasce-  
nus .*

omnium charismatum fons est, in se continet. Nec uero minus apte gratiarum actionem interpreta-  
mur : siquidem cum hanc purissimam hostiam im-  
molamus, immensas quotidie gratias pro uniuersis  
in nos beneficijs Deo agimus, atque in primis pro  
eius gratiæ tam excellēti bono, quam nobis hoc sa-  
cramento tribuit. Sed id ipsum etiam nomen cū  
ijs, quæ a Christo domino gesta esse in hoc mysterio  
instituendo legimus, optime conuenit. Etenim pa-  
nem accipiens fregit, ac gratias egit. Dauid quoque  
cum huius mysterij magnitudinem contemplaretur,  
ante quam carmen illud pronunciaret; Memo-  
riam fecit mirabilium suorum misericors & mise-  
rator. Dominus, escam dedit timentibus se; gratia-  
rum actionem præponendam existimauit, cum in-  
quit: Confessio, & magnificentia opus eius. Fre-  
quenter etiam nomine sacrificij declaratur: de quo  
mysterio paulo post latius dicendum erit. Vocatur  
præterea communio: quod uerbū ex illo Apostoli  
loco sumptū esse liquet, ubi ait: Calix benedictio-  
nis, cui benedicimus, nōne cōmunicatio sanguinis  
Christi est? & panis, quē frangimus, nōne participa-  
tio corporis Domini est? Nam, ut Damascenus ex-  
planauit, hoc sacramentū Christo nos copulat, atq.  
eius carnis, & deitatis participes efficit, nosq. inter  
nos in eodem Christo conciliat, ac coniungit, & ne-  
luti unum corpus coagmentat. Ex quo factum est,  
ut sacramentum etiam pacis, & charitatis dicere-  
tur; ut intelligeremus, quam indigni sint Christia-  
no nomine, qui inimicitias exercent, odiaque, dis-  
sidia, & discordias, ut teterrimas fidelium pestes,  
omnino exterminandas esse: cū præsertim quoti-  
diano

diano religionis nostræ sacrificio, nihil nos studio-  
 sius seruare quam pacem, & charitatem, profitea-  
 mur. Sed uiaticum etiam frequenter a sacris scri-  
 ptoribus appellatur; tū quia spiritualis cibus est,  
 quo in huius uitæ peregrinatione sustentamur; tū  
 quia uiam nobis ad æternam gloriam, & felicita-  
 tem munit. Quare ex ueteri Ecclesiæ catholicæ in-  
 stituto seruari uidemus, ut nemo fidelium sine hoc  
 sacramento e uita excedat. Ac uetustissimi quidē 1. Cor. 11  
 Patres, Apostoli auctoritatem secuti, cenæ etiam  
 nomine sacram Eucharistiam interdum uocarunt,  
 quod in illo nouissimæ cenæ salutari mysterio a  
 Christo domino sit instituta. Neque uero propterea  
 a cibo, aut potione Eucharistiā conficere, aut sume-  
 re licet; quod ab apostolis salutariter introducta  
 consuetudo, quemadmodū ueteres scriptores me. D. August.  
 moriæ prodiderunt, perpetuo retenta, ac seruata  
 est, ut a ieiunis tantum perciperetur. Sed, expli-  
 cata nominis ratione, docendum erit, hoc uerū es-  
 se sacramentum, atque unum ex septem illis, quæ  
 sancta Ecclesia semper religiose coluit, ac uenerata  
 est. nam cum calicis consecratio fit, mysterium fi-  
 dei appellatur. Præterea, ut infinita pene sacrorū  
 scriptorum testimonia omittamus, qui hoc inter  
 uera sacramenta numerandum esse, perpetuo sen-  
 serunt; ex ipsa ratione, & natura sacramenti idem  
 conuincitur. etenim in eo signa sunt externa, &  
 sensibus subiecta. habet deinde gratiæ significatio-  
 nem, & efficientiam. præterea de Christi institu-  
 tione neque euangelistæ, neque Apostolus dubi-  
 tandi locum relinquunt. Quæ omnia cum in unum  
 conueniant ad sacramenti ueritatem confirman-  
 dam;

dam ; nullis alijs argumentis opus esse perspicitur . Sed illud diligenter Pastoribus obseruandum est , multa in hoc mysterio esse , quibus aliquādo sacramenti nomen sacri scriptores tribuerunt . interdū enim & consecratio , & perceptio , frequenter uero & ipsum Domini corpus , & sanguis , qui in Eucharistia continetur , sacramentum uocari consue-

*D. August.* uit . ait enim D. Augustinus , sacramentum hoc duobus constare , uisibili scilicet elementorum specie , & inuisibili carne , & sanguine ipsius domini nostri Iesu Christi . Atque ad eundem modum hoc sacramentum adorandum esse , nimirum corpus & sanguinem Domini intelligentes , affirmamus . Verum hæc omnia minus proprie sacramenta dici perspicuum est . Ipsæ autem panis & uini species ueram & absolutam huius nominis rationem habent . Sed quantum hoc sacramentum a reliquis omnibus differat , facile colligitur . nam cetera sacramenta materiæ usu perficiuntur , dum scilicet alicui administrari ea contingit . Baptismus enim sacramenti naturā tunc adipiscitur , cū re ipsa homo aqua abluatur : at uero ad Eucharistiæ perfectionem satis est ipsius materiæ consecratio : utrumque enim sacramentum esse non desinit , quamuis in pyxide asseruetur . Deinde in conficiendis alijs sacramentis nulla fit materiæ , atque elementi in aliā naturam mutatio . Etenim baptismi aqua , aut chrismatis oleum , cum illa sacramenta administrantur , priorem aquæ , & olei naturam non amittunt : in Eucharistia uero , quod panis , & uinum ante consecrationem erat , confecta consecratione uere est corporis & sanguinis Domini substantia . Licet



cet autem duo sint elementa, panis scilicet, & uinum, ex quibus integrum Eucharistię sacramentum conficitur: non tamen plura sacramenta, sed unum tantum esse, Ecclesię auctoritate docti confitemur. aliter enim septenarius sacramentorũ numerus, quemadmodum semper traditum, atque a Concilijs, Lateranensi, Florentino, & Tridentino, decretum est, constare non poterit. nam cum huius sacramenti gratia unũ corpus mysticum efficiatur, ut sacramentum ipsum rei, quam efficit, conueniat; unũ esse oportet, atque unũ quidẽ, non quia indiuiduum sit, sed quia unius rei significationem habet. Nam quemadmodũ cibus, & potio, quę duę diuersę res sunt, ad unã tantum rem adhibetur, ut scilicet uires corporis reficiantur: ita etiam duas illis diuersas sacramenti species respondere, consentaneum fuit, quę cibum spirituales significarent, quo mentes sustinentur, & recreantur. Quare a Domino saluatore dictum est: Caro mea uere est ci- *Ioan. 6*  
 bus, & sanguis meus uere est potus. Sed diligenter explicandum est, quid Eucharistię sacramentum significet; ut fideles sacra mysteria oculis intuentes, simul etiam diuinarum rerum contemplatione animum pascant. Tria uero sunt, quę nobis hoc sacramento indicantur. Primum est Christi domini passio, quę iã preterijt: ipse enim docuit; Hoc facite in meam commemorationem: & A postolo- *Luc. 22*  
 lus testatus est; Quotiescumque manducabitis pa- *1. Cor. 11*  
 nem hunc, & calicem bibetis, mortem Domini annuntiabitis, donec ueniat. Alterum est diuina, & cælestis gratia, quę presens ad animam alendam & conseruandam hoc sacramento tribuitur. Quẽ-  
 admo-

admodum enim baptismo in nouam uitam gignimur, Cōfirmatione roboramur, ut Satanę repugnare, & palam Christi nomen profiteri possimus; ita Eucharistię sacramento alimur, ac sustentamur. Tertium est, quod futurum prænunciat, æternæ iucunditatis, & gloriæ fructus, quem in cælesti patria ex Dei promissione capiemus. Hæc igitur tria quæ instantis, præteriti, & consequentis temporis uarietate distingui perspicuum est, sacris mysterijs ita significantur, ut totum sacramentum, quamuis ex diuersis speciebus constet, ad singula horum declaranda, tamquam ad unius rei significationem, referatur. Sed in primis cognoscenda est a Pastoribus huius sacramenti materia; tum ut ipsi rite illud possint conficere; tum etiam ut fideles admoneantur, cuius rei symbolum sit, atque eius rei, quam significat, studio, & desiderio exardescant. Duplex itaque est huius sacramenti materia, altera panis ex tritico confectus, de qua primo agitur: de altera postea dicendum erit. Nam, ut docent

*Matth. 26* euangelistæ Matthæus, Marcus, & Lucas, Christus dominus panem in manus accepit, benedixit,

*Mar. 14* & fregit, dicens; Hoc est corpus meum. Apud Io-

*Luc. 22* annem quoque idem Saluator noster se ipsum panē appellauit, cum inquit: Ego sum panis uiuus, qui de cælo descendi. Cum autem uaria sint panis genera, uel quia materia differunt, ut cum alius ex tritico, alius ex ordeo, aut ex leguminibus, ceterisque terre fructibus confectus est; uel quia diuersis qualitatibus præditi sunt: (uni enim fermentum additur, alter uero fermenti omnino expers esse potest) quod ad primum attinet, Saluatoris uerba ostendunt,

panem

panem ex tritico confici oportere. communi enim loquendi cōsuetudine, cum panis absolute dicitur, panem ex tritico intelligi satis constat. Id etiam ueteris testamenti figura declaratur. præceptum enim a Domino fuerat, ut panes propositionis, qui hoc sacramentum significabant, ex simila conficerentur. Sed quemadmodum nullus panis, nisi triticeus, apta ad sacramentum materia putandus est; ( hoc enim apostolica traditio nos docuit, & Ecclesiæ catholicæ auctoritas firmavit ) ita etiam ex ijs, quæ Christus dominus gessit, azymum esse debere, facile intelligitur. ipse enim primo azymorum die, quo nihil fermentati domi habere Iudæis licebat, hoc sacramentum confecit, atque instituit. Quod si quis Ioannis euangelistæ auctoritatem opponat, qui hæc omnia ante festum diem Paschæ acta esse commemorat, ea ratio facile dissolui potest. Etenim quem primum azymorum diem ceteri euangelistæ appellarunt, quod feria quinta uesperis dies festi azymorum inciperent, quo tempore Saluator noster Pascha celebrauit; eum ipsum diem Ioannes primæ die Paschæ fuisse describit; ut qui diei naturalis spatium, quod ab oriente Sole inchoatur, in primis notandum existimarit. Quapropter diuus etiam Chrysostomus primum azymorum diem interpretatur eum diem, quo ad uesperam azyma comedenda essent. Sed azymi panis consecratio quantum conueniat integritati, & mentis munditiæ, quam fideles ad hoc sacramentum afferre debent, ab Apostolo docemur, cum inquit: Expurgate uetus fermentum, ut sitis noua conspersio, sicut estis azymi: etenim Pascha nostrum immolatus est Christus: itaque epulemur.

Leuit. 24

Math. 26

Marc. 14

Luc. 22

Ioan. 13

D. Chrys.

1. Cor. 5

lemur

lemur non in fermento ueteri, neque in fermento malitiæ, & nequitia, sed in azymis sinceritatis, & ueritatis. Neque tamen ea qualitas adeo necessaria existimanda est, ut, si illa pani desit, sacramentum confici non possit; utrumque enim panis genus ueram & propriam panis rationem, & nomen habet. Quamquam nemini licet priuata auctoritate, uel potius temeritate laudabilem ecclesiæ suæ ritum immutare: atque eo minus id facere Latinis sacerdotibus permisum est, quibus præterea Pontifices Max. præceperunt, ut ex azymo tantum sacra mysteria conficerent. Atque hæc de altera huius sacramenti materia exposuisse satis sit: in quo tamen illud animaduertendum est, quam multa materia ad sacramentum conficiendum uti oporteat, definitum non esse; cum illorum etiam certus numerus definiri nequeat, qui aut possint, aut debeant sacra mysteria percipere. Superest, ut de altera huius sacramenti materia, & clemento dicatur. est autem uinum ex uitis fructu expressum, cui modicum aquæ permixtum sit. nam Dominum saluatorem uino in huius sacramenti institutione usum esse, catholica Ecclesia semper docuit, cum ipse dixerit; Non bibam a modo de hoc genimine uitis usque in diem illum. Quo in loco Chrysostomus, De genimine, inquit, uitis, quæ certe uinum, non aquam, produxit. Ut tanto ante illorum hæresim, qui aquam solam in hisce mysterijs adhibendam senserunt, conuellere uideretur. Aquam uero, Dei Ecclesia uino semper admiscuit; primum, quod id a Christo domino factum esse, & Conciliorum auctoritate, & san-

cti

*Math. 26*

*Marc. 14*

*S. Chrys.*



Ati Cypriani testimonio comprobatur : deinde , 5. *Cypria.*  
 quod sanguinis , & aquæ , quæ ex eius latere ex-  
 ierunt , hac permissione memoria renouatur .  
 Tum uero aquæ , ut in Apocalypsi legimus , po- *Apoc. 17*  
 pulum designat : quare aqua uino admista fidelis  
 populi cum Christo capite coniunctionem signi-  
 ficat . atque hoc ex apostolica traditione perpetuo  
 sancta Ecclesia seruauit . Sed quamuis aquæ ad-  
 miscendæ ita graues rationes sint , ut eam sine morta-  
 li peccato prætermittere non liceat ; ea tamen si de-  
 sit , sacramentum constare potest . Illud autem  
 Sacerdotibus animaduertendum est , quemadmo-  
 dum in sacris mysterijs aquam uino adhibere oportet,  
 sic etiam modicam infundendam esse . nam ec-  
 clesiasticorum scriptorum sententia , & iudicio ,  
 aqua illa in uinum conuertitur . quare de eo Hono- *Honorius*  
 rius Pontifex ita scribit : Perniciosus in tuis parti- *papa .*  
 bus inoleuit abusus , uidelicet , quod maior quanti-  
 tas aquæ in sacrificio , quam uini , adhibetur ; cum ,  
 secundum consuetudinem rationabilem Ecclesiæ  
 generalis , longe plus uini , quam aquæ , adhibendum  
 sit . Huius igitur sacramenti hæc duo tantum ele-  
 menta sunt : ac merito pluribus decretis sancitum  
 est , ne quid aliud præter panem , & uinum , quod  
 nonnulli facere non uerebantur , offerre liceat . Sed  
 iam uidendum est , hæc duo panis , & uini symbola  
 quam apta sint ad eas res declarandas , quarum sa-  
 cramenta esse credimus , & confitemur . Primum  
 enim Christum nobis significant , ut uera est homi-  
 num uita . ipse enim Dominus ait : Caro mea uere est  
 cibus , & sanguis meus uere est potus . Cum igitur *Iean 6*  
 corpus Christi domini uitæ æternæ alimentum illis  
 præleat ,

præbeat, qui eius sacramentum pure, & sancte suscipiunt, recte ijs potissimum rebus conficitur, quibus hæc uita continetur: ut fideles facile possint intelligere, pretiosi corporis, & sanguinis Christi communione mentem, animumque saturari. Non nihil etiam hæc ipsa elementa ad id ualent, ut eam cognitionem accipiant homines, esse in sacramento corporis, & sanguinis Domini ueritatem. nam cum panem, & uinum in humanam carnem & sanguinem ui naturæ quotidie immutari animaduertamus, facilius adduci possumus hac similitudine, ut credamus, panis, & uini substantiam in ueram Christi carnem, uerumque eius sanguinem cælesti benedictione conuerti. Affert etiam aliquid adiumenti hæc admirabilis elementorum mutatio ad adumbrandum, quod fit in anima. Vt enim, etsi nulla extrinsecus panis, & uini mutatio apparet, tamen eorum substantia in carnem, & sanguinem Christi uere transit: ita etiam, tametsi in nobis nihil immutatum uidetur, interius tamen ad uitam renouamur, dum ueram uitam Eucharistiæ sacramento accipimus. Accedit ad hæc, quod, cum unum Ecclesiæ corpus ex multis membris compositum sit, nulla re magis elucet ea coniunctio, quàm panis uiniq. elementis. panis enim ex multis granis conficitur, & uinū ex multitudine racemorum existit. atque ita nos, cum multi simus, huius diuini mysterij uinculo arctissime coligari, & tamquàm unū corpus effici declarant.

*Eucharistia  
conficienda  
forma, & il-  
lius effectus  
admirandi.*

Sequitur nunc, ut de forma, qua ad consecrandum panem uti oporteat, agatur, non quidem eius rei causa, ut hæc mysteria fidei populo, nisi necessitas cogat, tradantur: (eos enim, qui sacris ini-

tianti

tiati non sunt, de his erudiri necessarium non est) sed ne, formæ ignoratione, in sacramento conficiendo a sacerdotibus turpissime peccetur. itaque a sanctis euangelistis, Matthæo, & Luca, itemque ab Apostolo docemur, illam esse formam, **HOC EST CORPUS MEUM**. scriptum est enim: Cenanti-  
bus illis accepit Iesus panem, & benedixit, ac fregit, deditque discipulis suis, & dixit: Accipite, & manducate: Hoc est corpus meum. Quæ quidem consecrationis forma cum a Christo domino seruata sit, ea perpetuo catholica Ecclesia usa est. Præmittenda sunt hoc loco sanctorum Patrum testimonia, quæ infinitum esset enumerare, & concilij Florentini decretum, quod omnibus patet, atque in promptu est; cum præsertim ex illis Saluatoris uerbis, Hoc facite in meam commemorationem; idem liceat cognoscere. nam quod Dominus facien-  
dum præcepit, non solum ad id, quod egerat, sed etiam ad ea, quæ dixerat, referri debet, atque ad uerba maxime pertinere intelligendum est, quæ non minus efficiendi, quam significandi causa prolata erant. Sed ratione etiam id facile persuaderi potest. nā forma ea est, qua illud significatur, quod in hoc sacramento efficitur. cum autem hæc uerba id, quod fit, significant, ac declarent, hoc est panis conuer-  
sionem in uerū Domini nostri corpus; sequitur, formam in illis ipsis uerbis cōstituendam esse. in quā sententiam, quod ab Euangelista dictum est, Bene-  
dixit, licet accipere. perinde enim uidetur intelligendum, ac si dixisset; accipiens panem benedixit, dicens; Hoc est corpus meum. Quamuis enim Euāgelista uerba illa, Accipite, & comedite, præpo-  
suerit:

Math. 26

Marc. 14

Luc 22

1. Cor. 10

Math. 26

fuerit: illis tamen non materię consecrationem, sed  
 usum tantũmodo significari, perspicuum est. quare  
 a sacerdote quidem omnino proferri debent, sed ad  
 sacramentum conficiendum necessaria non sunt:  
 quemadmodum etiam profertur coniunctio illa,  
 ENIM, in corporis, & sanguinis consecratio-  
 ne: alter enim fiet, ut, si hoc sacramentum nemini  
 administrandum sit, confici non oporteat, aut non  
 possit quidem; cũ tamen dubitare non liceat, quin  
 sacerdos, prolatis ex more, atque instituto sanctę  
 Ecclesię uerbis Domini, aptam panis materiam ue-  
 re cõsecret; quamuis deinde contingat, ut nulli um-  
 quam sacra Eucharistia administretur. Iam uero,  
 quod ad uini, quę est altera huius sacramenti ma-  
 teria, consecrationem attinet, ob eandem causam,  
 quam supra commemorauimus, opus est, ut sacer-  
 dos eius formam cognitam, & perspectam habeat.  
 Eam igitur his uerbis comprehendı, certo creden-  
 dum est; Hic est calix sanguinis mei, noui, &  
 æterni testamenti, mysterium fidei, qui pro uo-  
 bis, & pro multis effundetur in remissionem pec-  
 catorum. Ex quibus uerbis plura quidem a sacris  
 scripturis colliguntur: quędam uero in Ecclesię ex  
 apostolica traditione cõseruata sunt. nam quod di-  
 citur; Hic est calix: a D. Luca, & ab Apostolo  
 scriptum est. Quod uero sequitur: Sanguinis mei,  
 uel sanguis meus noui testamenti, qui pro uobis &  
 pro multis effundetur in remissionem peccatorum  
 partim a D. Luca, partim a D. Matthęo dictum  
 est. Verba autem illa, Aeterni, & Mysterium fi-  
 dei, sancta traditio, catholice ueritatis interpres  
 & custos, nos docuit. Verum de hac forma nemo  
 dubi-

Luc. 22

1. Cor. 11

Luc. 22

Matth. 26



dubitare poterit, si, quod antea dictum est de forma consecrationis, quæ ad panis elementum adhibetur, hoc etiam loco attendatur. constat enim, ijs uerbis, quæ uini substantiam in sanguinem Domini conuertere significant, huius elementi formam contineri. Quare cum uerba illa hoc aperte declarent, perspicuum est, aliam formam constituendam non esse. Exprimunt autem præterea quosdam effusi sanguinis in passione Domini admirabiles fructus, qui ad hoc sacramentum maxime pertinent. Unus est, aditus ad æternam hereditatem, quæ noui, atque æterni testamenti iure ad nos uenit. Alter est, aditus ad iustitiam per mysterium fidei: Iesum enim per fidem in sanguinem eius propitiatorem Deus proposuit, ut ipse sit iustus, & iustificans eum, qui ex fide est Iesu Christi. Tertius est, remissio peccatorum. Quoniam uero hæc ipsa consecrationis uerba plena mysteriorum sunt, aptissimeque ad rem conueniunt, diligentius perpendere ea oportet. Quod uero dicitur; Hic est calix sanguinis mei; sic intelligendum est: Hic est sanguis meus, qui hoc calice continetur. Recte autem, & apposite, dum sanguis hic, ut est fidelium potus, consecratur, calicis mentio facienda est. neque enim sanguis huiusmodi portionem satis significare uideretur, nisi uase aliquo exceptus esset. Sequitur deinde; Noui testamenti: quod quidem ob eam rem additum est, ut intelligeremus Christi domini sanguinem non figura, quemadmodum in ueteri testamento fiebat, (de eo enim apud Apostolum ad Hebræos legimus, Si *Hebr.* ne sanguine testamentum dedicatum non esse) sed uere, & re ipsa hominibus tradi; quod ad nouum

P      testa-

testamentum pertinet: quare Apostolus inquit: Ideo noui testamenti mediator est Christus, ut, morte intercedente, re promissionem accipiant, qui uocati sunt, eterne hereditatis. Verbum uero, Aeterni, ad hereditatem eternam, quæ Christi domini, æterni testatoris, morte ad nos iure peruenit, referendum est. Quod subiungitur, Mysterium fidei, non rei ueritatem excludit, sed, quod occulte latet, atque ab oculorum sensu remotissimum est, certa fide credendum esse significat. Diuersa uero hisce uerbis sententia hoc loco subiecta est ab ea, quam habent, cum baptismo etiam tribuuntur. nam quod sanguinem Christi, sub uini specie latentem, fide cernimus, mysterium fidei dicitur. at baptisimus, quoniam uniuersam Christianæ fidei professionem complectitur, a nobis fidei sacramentum, a Græcis mysterium iure appellatur. Quamquam alia etiam ratione sanguinem Domini, fidei mysterium dicimus, quod scilicet in eo maxime plurimū difficultatis, & negotij humana ratio experiatur, cum nobis fides credendum proponit, Christum dominum uerum Dei filium, simulque Deum, & hominem mortem pro nobis pertulisse; quæ quidem mors sanguinis sacramento designatur. Quapropter apposite hoc loco potius, quam in consecratione corporis, passio Dominica commemoratur, his uerbis; Qui effundetur in remissionem peccatorum. Sanguis enim, separatim consecratus, ad passionē Domini, & mortem, & passionis genus ante omnium oculos ponendum, maiorem uim & momentū habet. Sed uerba illa, quæ adduntur; Pro uobis, & pro multis; a Mattheo, & Luca, singula a singulis

**Math. 26**

**Luc. 22**



lis sumpta sunt; quæ tamen sancta Ecclesia, spiritu  
 Dei instructa, simul coniunxit: pertinent autem ad  
 passionis fructum, atque utilitatem declarandam.  
 nam si eius uirtutem inspiciamus; pro omnium sa-  
 lute sanguinem a Salvatore effusum esse fatendum  
 erit: si uero fructum, quem ex eo homines percepe-  
 rint, cogitemus, non ad omnes, sed ad multos tan-  
 tum eam utilitatem peruenire, facile intelligemus.  
 Cum igitur, Pro uobis, dixit; uel eos, qui ade-  
 rant, uel delectos ex Iudæorum populo, quales  
 erant discipuli, excepto Iudâ, quibus eum loqueba-  
 tur, significauit. Cum autem addidit; Pro mul-  
 tis; reliquos electos ex Iudæis, aut gentibus in-  
 telligi uoluit. Recte ergo factum est, ut, pro uni-  
 uersis, non diceretur; cum hoc loco tantummodo  
 de fructib<sup>9</sup> passionis sermo esset, quæ salutis fructû  
 delectis solû attulit. Atque huc spectant uerba il-  
 la Apostoli; Christus semel oblatus est ad multo- Hebr. 9  
 rum exhaurienda peccata. Et quod Dominus apud  
 Ioaninem inquit; Ego pro eis rogo, nō pro mundo: Ioan. 17  
 rogo, sed pro his, quos dedisti mihi, quia tui sunt.  
 Plurima alia in huius consecrationis uerbis latent  
 mysteria; quæ Pastores assidua rerum diuinarum  
 meditatione, & studio ipsi per se, iuuante Domi-  
 no, facile assequuntur.

Sed iam ad earum rerû explicationem oratio re-  
 uertatur; quæ ut a fidelibus ignorentur, nullo modo  
 comitendum est. Ac quoniam Apostolus admonet, 1. Cor. 11  
 grauissimū scelus admitti ab ijs, qui non dijudicât  
 corpus Domini; hoc in primis doceât Pastores, ani-  
 mum atq. rationē a sensibus omni studio audcan-  
 dam esse. si enim fideles ea tantum in hoc sacramē



to contineri sibi persuaferint, quæ sensibus percipiunt; in summam impietatem adducantur, necesse est; cum nihil aliud, præter panis, ac uini speciem, oculis, tactu, odoratu, gustu sentientes, panem tantummodo, ac uinū in sacramento esse iudicauerint. Curandum igitur est, ut fidelium mentes, quam maxime fieri potest, a sensuum iudicio abstrahantur, atq; ad immensam Dei uirtutem, & potentiam cōtemplandam excitentur. Tria enim sunt maxime admiranda, atque suspicienda, quæ in hoc sacramento uerbis consecrationis effici, fides catholica sine ulla dubitatione credit, ac confitetur. Primum est, uerum Christi domini corpus, illud idem, quod natum ex uirgine, in cælis sedet ad dextram Patris, hoc sacramento contineri. Alterum est, nullam in eo elementorum substantiam remanere; quamuis nihil magis a sensibus alienum, & remotum uideri possit. Tertium est, quod ex utroque facile colligitur, & si uerba consecrationis id maxime exprimunt, accidentia, quæ aut oculis cernuntur, aut alijs sensibus percipiuntur, sine ulla re subiecta esse, mira quadam, atq; inexplicabili ratione. Ac panis quidē, & uini accidentia omnia licet uidere: quæ tamen nulli substantiæ inherēt, sed per ipsa cōstant: cum panis, & uini substantia in ipsum Domini corpus & sanguinem ita mutetur, ut panis, & uini substantia omnino esse desinat. Verum, ut prius de primo agatur, conentur Pastores explicare, quam perspicua, & clara sint Saluatoris nostri uerba, quæ corporis eius ueritatē in sacramento demonstrant. nam cum inquit: Hoc est corpus meum: Hic est sanguis meus: nemo, qui n. odo sane mentis sit, igno-  
rare

Math. 26

Marc. 14

Luc. 22

sanguis &amp;c.



rare potest, quid nobis intelligendum sit, præfertim cum de humana natura sermo habeatur: quam in Christo uere fuisse, catholica fides dubitare neminem patitur: ut uir sanctissimus, atque doctissimus Hilarius præclare scripserit, de ueritate carnis & sanguinis Christi, cum ex ipsius Domini professione, & fide nostra, caro eius uere sit cibus relictum non esse ambigendi locum. Verum alter præterea locus a Pastoribus enucleandus est; ex quo aperte licet cognoscere, uerum Domini corpus, & sanguinem in Eucharistia contineri. nã Apostolus posteaquã commemorauit, panem, & uinum a Domino consecratum, & sacra mysteria apostolis suis administrata esse, subiungit: Probet autem se ipsum homo ac sic de pane illo edat, & de calice bibat: qui enim manducat, & bibit, indigne, iudicium sibi manducat, & bibit, non dijudicãs corpus Domini. Quod si, ut heretici dictitant, nihil aliud in sacramento uenerandum esset præter memoriam & signum passionis Christi; quid opus erat tam grauibz uerbis fideles hortari, ut se ipsos probarent? Graui enim illa, **IUDICI**, uoce declarauit Apostolus, nefarium aliquod scelus ab eo admitti, qui impure sumens corpus Domini, quod in Eucharistia occulte latet, ab alio ciborũ genere non distinguit. quod etiam supra in eadem epistola uberius explicauit Apostolus his uerbis: Calix benedictionis, cui benedicimus, non ne communicatio sanguinis Christi est? & panis, quem frangimus, non ne participatio corporis Domini est? Quæ quidem uerba ueram corporis & sanguinis Christi domini substantiam demonstrant.

S. Hilary.

1. Cor. xi

1. Cor. 10

Hæc igitur scripturæ loca a Pastoribus explicanda erunt, atque in primis docendum, nihil in eis dubij, aut incerti relictum esse; præsertim cum hæc Ecclesiæ Dei sacrosancta auctoritas interpretata sit: ad cuius sententiæ cognitionem duplici uia & ratione possumus peruenire. Prima est, cum patres, qui ab initio Ecclesiæ atque omni deinceps ætate floruerunt, & ecclesiasticæ doctrinæ optimi testes sunt, consulimus. hi uero summo cōsensu omnes huius dogmatis ueritatem apertissime tradiderunt. quorum singula testimonia afferre, quoniam operosi laboris esset, satis erit pauca notare, uel indicare potius, ex quibus iudicium de ceteris facile fieri poterit.

**D. Ambr.** Primus igitur D. Ambrosius fidem suam proferat, qui in libro de ijs, qui initiantur mysterijs, testatus est, uerum Christi corpus in hoc sacramento sumi, sicut uerum ex uirgine sumptum est, idque certissima fide tenendum esse, & alio loco docet, ante consecrationem panem ibi esse, post consecrationem autem carnem Christi.

**S. Chrys.** Accedat alter testis D. Chrysostomus, non minoris fidei, & grauitatis; qui quidem cum multis alijs locis hanc ipsam ueritatem profitetur, & docet, tum uero præcipue homilia 60. de ijs, qui sacra mysteria impure sumunt, itemque homilia 44. & 45. in sanctum Ioannem. ait enim: Pareamus Deo, neque contradicamus; licet uel cogitationibus, uel oculis nostris uideatur aduersari, quod dicitur: ipsius enim sermo infallibilis est: sensus noster facile seducitur. His uero omni ex par-

**S. August.** te consentiunt, quæ D. Augustinus, acerrimus catholicæ fidei propugnator, semper docuit, atque

que in primis titulum psalmi 33. explanans. scribit enim: Portare se in manibus suis, homini impossibile est, soli que Christo conuenire potest. se rebatur enim ille in manibus suis, quando cōmendās ipsum corpus suum ait, Hoc est corpus meum. Ac Cyrillus præterea, Iustinus, & Irenæus adeo aperte lib. 4. in Ioannem ueram Domini carnē in hoc sacramento esse affirmat, ut eius uerba nullis possint fallacibus, & captiosis interpretationibus obscurari. Quod si Pastores alia etiam Patrum testimonia requirerent, facile erit sanctos Dionysium Hilarium, Hieronymum, Damascenum addere, innumerabilesque alios, quorum de hac re grauissimas sententias, doctorum, & piorum hominum industria, & labore in unum congestas, passim legimus. Altera restat uia, qua sanctæ Ecclesiæ iudicium in ijs, quæ ad fidem pertinent, inuestigare liceat, contrarie scilicet doctrine, & opinionis damnatio. At uero constat, semper corporis Christi ueritatem in sancto Eucharistiæ sacramento, ita per uniuersam Ecclesiam diffusam, & disseminatam esse, & consentienti uoluntate ab omnibus fidelibus receptam, ut, cum ante quingentos annos Berengarius id negare ausus esset, ibique signum tantummodo esse assereret, statim in Vercelenſi Concilio, quod Leonis IX. auctoritate conuocatum fuerat, omnium sententijs cōdemnatus, ipse heresim suam anathemati addixerit. qui postea cum ad eandem impietatis insaniam rediſſet tribus alijs Concilijs, Turonensi, & duobus Romanis, quorum alterū Nicolaus II. alterum Gregorius VII. Pontifices Max. conuocarunt, damnatus est. Eam postea sententiā

S. Cyrillus,  
Iustinus, &  
Irenæus.

10. 11. 2



**Conc. Lat.** Innocentius III. in Concilio Lateranensi magno  
**Flor. Trid.** confirmavit: ac deinceps a Florentina & Tridentina  
 Synodis eiusdem ueritatis fides apertius declarata,  
 ac stabilita est. Hæc igitur si pastores diligenter ex-  
 posuerint, ( ut nihil dicamus de ijs, qui erroribus  
 obcæcati, nihil magis, quam ueritatis lucem ode-  
 runt ) & infirmos confirmare, & piorum mentes  
 summa quadam lætitia, & uoluptate afficere po-  
 terunt; cū præsertim fidelibus dubitare non liceat,  
 quin inter ceteros fidei articulos huius etiā dogma-  
 tis fides comprehendatur. nam cum Dei summam  
 omnium rerum potestatem credunt, & cōfitentur;  
 credant etiam necesse est, potestatem ei non defuisse  
 se maximi huius operis efficiendi, quod in Eucharis-  
 tiæ sacramento admiramur, & colimus. Deinde  
 cum credunt sanctam Ecclesiam catholicam; ne-  
 cessario sequitur, ut simul credant eam esse, quā ex-  
 plicauimus, huius sacramenti ueritatem. Sed ni-  
 hil est profecto, quod ad piorum iucunditatem, &  
 fructum addi possit, cum huius altissimi sacramen-  
 ti dignitatem contemplantur. Primum enim in-  
 telligunt, quanta sit euangelicæ legis perfectio, cui  
 datum est, id re ipsa habere; quod signis tantum  
 & figuris Mosaicæ legis tempore adumbratum  
 fuerat. Quare diuinitus dictum est a Dionysio,  
**S. Dionys.** Ecclesiam nostram mediam esse inter synagogam,  
 & supremam Hierusalem, ac propterea utrius-  
 que participem. Ac profecto satis mirari fideles  
 numquam poterunt sanctæ Ecclesiæ perfectio-  
 nem, eiusque gloriæ altitudinem; cum inter eam  
 & celestem beatitudinem unus tantum gradus in-  
 teresse uideatur. Hoc enim nobis cum cælitibus cō-  
 mune



nunc est, ut utrique Christum Deum, & hominem præsentem habeamus: sed quo uno gradu ab eis distamus, illi præsentem beatam uisionem perfruuntur; nos præsentem, & tamen ab oculorum sensu remotum, sacrorum mysteriorum admirabili integumento se occultantem, firma, & constanti fide ueneramur. Præterea, fideles hoc sacramento Christi Saluatoris nostri perfectissimam charitatem experiuntur. eius enim bonitatem maxime decuit, naturam, quam a nobis sumpserat, a nobis numquam subtrahere, sed, quantum fieri posset, esse, uersarique nobiscum uelle: ut illud omni tempore uere, & proprie dictum uideretur: *Deliciæ meæ*, esse *Prover. 8* cum filiis hominum.

Iam uero hoc loco a Pastoribus explicandum est, non solum uerum Christi corpus, & quidquid ad ueram corporis rationem pertinet, ueluti ossa, & nervos, sed etiam totum Christum in hoc sacramento contineri. Docere autem oportet, Christum nomē esse Dei & hominis, unius scilicet personæ, in quo diuina, & humana natura coniuncta sit. quare utramque substantiam, & quæ utriusque substantiæ consequentia sunt, diuinitatem, & totam humanam naturam, quæ ex anima, & omnibus corporis partibus, & sanguine etiam constat, complectitur: quæ omnia in sacramento esse credendum est. nam cum in celo tota humanitas diuinitati in una persona & hypostasi coniuncta sit, nefas est suspicari, corpus, quod in sacramento inest, ab eadem diuinitate seiunctum esse. In quo tamen Pastores animaduertant, necesse est, non omnia eadem ratione, aut uirtute in hoc sacramento contineri,

*De concomitantia partium corporis Christi in hoc sacramento.*

tineri. Quædam enim sunt, quæ ex ui, & effici-  
 cientia consecrationis in sacramento esse dicimus.  
 nam cum uerba illa efficiant, quidquid significant,  
 id esse in sacramento ex ui sacramenti, diuinarum  
 rerum scriptores appellarunt, quod uerborum for-  
 ma exprimitur. ita si contingeret, ut aliquid ab alijs  
 rebus omnino seiunctum esset, id solum, quod for-  
 ma significaret, in sacramento esse, cetera non item  
 esse docuerunt. quædam uero in sacramento conti-  
 nentur, quod illis rebus coniuncta sint, quæ forma  
 exprimuntur. nam cum forma, quæ ad panem con-  
 secrandum adhibetur, corpus Domini significet,  
 cum dicitur; Hoc est corpus meum: ipsum Christi  
 domini corpus ex ui sacramenti in Eucharistia erit.  
 At quia corpori sanguis, anima, & diuinitas con-  
 iungitur, hæc quoque in sacramento erunt omnia,  
 non quidem ex consecrationis uirtute, sed ut ea, quæ  
 corpori coniuncta sunt. Atque hæc ex concomitan-  
 tia in sacramento esse dicuntur: qua ratione totum  
 Christum in sacramento esse perspicuum est. si enim  
 duo aliqua inter se re ipsa coniungantur; ubi unum  
 sit, ibi alterum etiã esse necesse est. Sequitur itaque,  
 totum Christum usque adeo tam in panis, quam in  
 uini specie contineri, ut, quemadmodum in panis  
 specie non corpus modo, sed etiam sanguis, & to-  
 tus Christus uere inest, sic contra in uini specie non  
 solum sanguis, sed corpus, & totus Christus uere  
 inest. Sed quamquam hæc ita se habere, omnibus  
 fidelibus certum & persuasissimum esse debet: opti-  
 mo tamen iure institutum est, ut separatim due co-  
 secrationes fierent. Primo enim, ut passio Domi-  
 ni, in qua sanguis a corpore diuisus est, magis refe-  
 ratur:

ratur: cuius rei causa in consecratione sanguinem effusum esse meminimus. Deinde maxime consentaneum fuit, ut quoniam sacramento ad alendam animam utendum nobis erat, tamquam cibus & potus institueretur, ex quibus perfectum corporis alimentum constare perspicuum est. Neque uero illud pretermittendum, non solum in utraque specie, sed in quavis utriusque speciei particula totum Christum contineri. sic enim Augustinus scriptum reliquit: Singuli accipiunt Christum dominum, & in singulis portionibus totus est, nec per singulos minuitur, sed integrum se præbet in singulis. Atque id præterea ex euangelistis facile colligi potest. neque enim credendum est, singula panis frustra propria uerborum forma a Domino consecrata esse, sed eadem simul omnem panem, qui ad sacra mysteria conficienda, atque apostolis distribuenda satis futurus esset. id quod de calice factum esse apparet, cum ipse dixit: Accipite, & diuidite inter uos. Hæc

Luc. 22

nus quæ explicata sunt, eo pertinent, ut ostendant Pastores, uerum Christi corpus, & sanguinem in Eucharistiæ sacramento contineri. Nunc, quod alterum erat propositum, docebunt, etiam panis & uini substantiam in sacramento post consecrationem non remanere. Hoc uero quamuis maximam admirationem merito habere possit, tamen cum eo, quod prius demonstratum est, necessario coniungitur. Etenim si est uerum Christi corpus sub panis, & uini specie post consecrationem; omnino necesse est, cum ibi antea non esset, hoc uel loci mutatione, uel creatione, uel alterius rei in ipsum conuersione factum esse. At uero fieri non posse constat, ut cor-

pus



pus Christi in sacramento sit, quod ex uno in alium locum uenerit. ita enim fieret, ut a cæli sedibus abesset: quoniam nihil mouetur, nisi locum deserat, a quo mouetur. Creari autem corpus Christi minus credibile est, ac ne in cogitationem quidem cadere hoc potest. relinquitur ergo, ut in sacramento sit corpus Domini, quod panis in ipsum conuertatur, quare nulla panis substantia remaneat, necesse est.

*Lat. Conc. Eugen. 4 Decr Conc. Trid.* Hac ratione adducti Patres, & maiores nostri, in Concilijs, Lateranensi magno, & Florentino, huius articuli ueritatem apertis decretis confirmarunt: a Tridentina uero Synodo explicatius ita definitum est: Si quis dixerit in sacrosancto Eucharistiæ sacramento remanere substantiam panis, &

uini, una cum corpore, & sanguine domini nostri Iesu Christi, anathema sit. Hæc uero ex testimonijs scripturarum facile fuit colligere; primum, quod in eius sacramenti institutione ipse Dominus dixit;

*Matth. 26*

*Marc. 14*

*Luc 22*

*1. Cor. 11*

*Ioan. 6*

Hoc est corpus meum. uocis enim, hoc, ea uis est, ut omnem rei præsentis substantiã demonstret. quod si panis substantia remaneret, nullo modo uere dici uideretur; Hoc est corpus meum. Deinde Christus dominus apud Ioannem, Panis, inquit, quem ego dabo, caro mea est pro mundi uita; panem uidelicet carnem suam uocans. Ac paulo post subiecit. Nisi manducaueritis carnem filij hominis, & biberitis eius sanguinem, non habebitis uitam in uobis. & rursus: Caro mea uere est cibus, & sanguis meus uere est potus. Cum ergo tam clavis, & perspicuis uerbis carnem suam panem, & cibum uerum, sanguinem item uerum potum nominauerit; satis uidetur declarasse, nullam in sacra-

men-



mento substantiam panis, & uini remanere. Atque hanc perpetuo sanctorum Patrum consentientem fuisse doctrinam, qui eos euoluerit, facile intelliget. D. quidem Ambrosius ita scribit: Tu forte dicis: meus panis est usitatus: sed panis iste, panis est ante uerba sacramentorum: ubi accesserit consecratio, de pane fit caro Christi. Quod quidem ut facilius probare posset, uaria deinde affert exempla & similitudines. Alibi uero, cum uerba illa interpretaretur; Omnia, quæcumque Dominus uoluit, fecit in cælo, & in terra; Licet, inquit, figura panis, & uini uideatur, nihil tamen aliud, quam caro Christi, & sanguis, post consecrationem credendum est. Atque eisdem fere uerbis eandem sententiam sanctus Hilarius exponens, docuit: quamuis extrinsecus panis, & uinum uideatur, uere tamen corpus, & sanguinem Domini esse. Sed moneât Pastores hoc loco, mirandum non esse, si post consecrationem panis etiam uocetur, hoc enim nomine Eucharistia appellari consuevit; tum quia panis speciem habeat; tum quia naturalem alendi, & nutriendi corporis uim, quæ panis propria est, adhuc retineat. Eam autem esse sacrarum litterarum consuetudinem, ut res ita appellet, cuiusmodi esse uideantur, satis ostendit, quod in Genesi dictum est, tres uiros Abrahamæ apparuisse, qui tamen tres angeli erant. Et duo illi, qui apostolis, ascendente in cælum Christo domino apparuerunt, cum essent angeli, uiri dicuntur. Difficillima est omnino huius mysterij explicatio; sed tamen conabuntur Pastores, ijs, qui magis in diuinarum rerum cognitione profecerunt, (nam qui adhuc imbecilliores sunt, ueren-

s. Ambr.

s. Hilar.

Gen 18

Act. 1



uerendum esset, ne rei magnitudine opprimerentur) conabuntur, inquam, tradere huius admirabilis conuersionis modum: quæ ita fit, ut tota panis substantia diuina uirtute in tota corporis Christi substantiam, totaque uini substantia in totam sanguinis Christi substantiam, sine ulla Domini nostri mutatione, cōuertatur: neque enim Christus aut generatur, aut mutatur, aut augebit, sed in sua substantia totus permanet. quod mysterium

*D. Ambr.*

cum D. Ambrosius declararet: Vides, inquit, quam operatorius sit sermo Christi. Si ergo tanta uis est in sermone domini Iesu, ut inciperent esse, quæ non erant, mundus scilicet: quāto magis operatorius est, ut sint, quæ erant, & in aliud cōmutentur. In quam sententiā alij etiam ueteres, & grauissimi Patres scriptum reliquerunt: D. quidem Augustinus: Fide-

*D. August.*

ter fatemur ante consecrationē panem esse, & uinū, quod natura formauit, post consecrationē uero carnem Christi, & sanguinē, quod benedictio cōsecra-

*Damasce-  
nus.*

uiti Damascenus: Corpus secundum ueritatem cōiunctum est diuinitati, corpus ex sancta uirgine: non quod ipsum corpus assumptum de celo descēdat: sed quod ipse panis, & uinum in corpus & sanguinem Christi transmutentur. Huius itaque admirabilis cōuersio cōuenienter & proprie a sancta catholica Ecclesia transubstantiatio est appella-

*Conc. Trid.*

ta, quemadmodum sacra Tridentina Synodus docuit. Vt enim generatio naturalis, quod forma in ea mutatur, recte, & proprie transformatio dici potest: ita etiam, quod in sacramento Eucharistiæ tota unius rei substantia in totam alterius rei substantiam transeat, uerbum transubstantiationis re-

etc,

totā  
stantia.

te; & sapienter a maioribus nostris inuentum est.

Sed illud sepiſſime a ſanctis Patribus repetitum, *Sacramen-*  
fideles admonendi ſunt, ne curioſius inquirent, *Etum Eu-*  
quo pacto ea mutatio fieri poſſit, nec enim perci- *chariſſia,*  
pi a nobis poteſt, nec in naturalibus mutationi- *sacramentū*  
bus, aut in ipſa rerum creatione eius rei exem- *pie creden-*  
plum aliquod habemus. Verum, quid hoc ſit, fide *dum, non cu-*  
cognoſcendum eſt; quo modo fiat, curioſius nō in- *riose ſcrutā-*  
quirendum. Non minorem uero cautionem Paſto- *dum.*  
res adhibeāt, oportet, in eo etiam myſterio expli-  
cādo: quo modo Chriſti domini corpus uel in mini-  
ma panis particula totum contineatur: uix enim  
umquā huiusmodi diſputationes inſtituendę erunt,  
ſed tamen, quando Chriſtiana charitas hoc poſtula-  
uerit, primum quidē meminerint, fidelium animos  
illa uoce pręmunire; Non erit impoſſibile apud *Inc. 2*  
Deum omne uerbum. Deinde uero doceant, Chri-  
ſtum dominū in hoc ſacramento, ut in loco, non eſ-  
ſe: etenim locus res ipſas conſequitur, ut magnitu-  
dine aliqua prædite ſunt: Chriſtum uero dominum  
ea ratione in ſacramento eſſe non dicimus, ut ma-  
gnus, aut paruus eſt, quod ad quantitatem perti-  
net; ſed ut ſubſtantia eſt. ſubſtantia enim panis in  
Chriſti ſubſtantiam, non in magnitudinem, aut  
quantitatem, conuertitur. nemo uero dubitat, ſub-  
ſtantiam æquę in paruo atque in magno ſpatio cō-  
tineri. nam & aeris ſubſtantia, totaque eius natu-  
ra, ſic in parua, ut in magna aeris parte, itemque  
tota aquę natura non minus in urnula, quam in  
flumine inſit, neceſſe eſt. Cum igitur panis ſub-  
ſtantię, corpus Domini noſtri ſuccedat; fateri  
oportet, ad eundem plane modum in ſacramen-

to esse, quo modo panis substantia ante consecrationem. ea uero utrum sub magna, an sub parua quantitate esset, nihil ad rem omnino pertinebat. Tertium restat, quod in hoc sacramento maximum atque admirabile uideatur; quod quidem, iam duobus alijs explicatis, facilius a Pastoribus tractari posse, existimandum est; panis uidelicet & uini species in hoc sacramento sine aliqua re subiecta constare. Nam cum antea demonstratum sit, corpus Domini & sanguinem uere in sacramento esse, ita ut nulla amplius subsit panis, & uini substantia; quoniam ea accidentia Christi corpori, & sanguini inhærere non possunt; relinquitur, ut supra omnem naturæ ordinem ipsa se, nulla alia re nisa, sustentent. hæc perpetua, & constans fuit catholicæ Ecclesiæ doctrina; quæ etiam facile eorum testimoniorum auctoritate confirmari poterit, quibus antea planum factum est, nullam residere in Eucharistia panis, aut uini substantiam. Sed nihil magis fidelium pietati conuenit, quam, omisis subtilioribus questionibus, huius admirabilis sacramenti maiestatem uenerari, & colere; ac deinde in eo summam Dei prouidentiam suspicere, quod sacrosancta mysteria sub panis, & uini specie administranda instituerit. nam cum a cōmuni hominum natura maxime abhorreat, humanæ carnis esca, aut sanguinis portione uesci; sapientissime fecit ut sanctissimum corpus & sanguis sub earum rerum specie, panis, inquam, & uini, nobis ministraretur, quorum quotidiano, & communi alimento maxime delectamur. Adiunctæ uero etiam sunt duæ illæ utilitates: quarum prima est, quod

ab



ab infidelium calumnia liberati sumus, quas facile effugere non possemus, si Dominum sub propria specie comedere uideremur: altera est, quod, dum corpus, & sanguinem Domini ita sumimus, ut tamen, quod uere fit, sensibus percipi nō possit, hoc ad fidem in animis nostris augendam plurimum ualeat; quæ quidem, ut sancti Gregorij sententia per-  
 uulgatum est, ibi non habet meritum, ubi humana ratio præbet experimentum. Hæc autem, quæ ha-  
 ctenus exposita sunt, non nisi magna adhibita cau-  
 tione, pro audientium captu, & temporum neces-  
 sitate explicanda erunt.

Verum, quæ de huius admirabili sacramento uir-  
 tute, & fructibus dici possunt, nullum esse genus  
 fidelium existimandum est, ad quos earum rerum  
 cognitio non pertineat, quibus maxime necessaria  
 uideri non debeat. Ut enim Eucharistiæ utilitatem  
 fideles intelligat, ob eam potissimum causam, quæ  
 de hoc sacramento tam multis uerbis disseruntur,  
 cognoscenda sunt. Sed quoniam immense eius utili-  
 tates, & fructus nulla oratione explicari possunt,  
 unus, aut alter locus a Pastoribus tractandus erit,  
 ut ostendant, quanta in sacrosanctis illis mysterijs  
 bonorum omnium copia, & affluentia inclusa sit.  
 hoc uero aliqua ex parte ita assequuntur, si, omniū  
 sacramentorum ui, atque natura patefacta, Eu-  
 charistiam fonti, cetera riuulis comparauerint. ue-  
 re enim ac necessario fons omnium gratiarum di-  
 cenda est, cum fontem ipsum caelestium charisma-  
 tum, & donorum, omniumque sacramentorum  
 auctorem Christum dominū admirabili modo in  
 se contineat: a quo tamquam a fonte ad alia sacra-

S. Grego-  
 rius. Pont.

De multi-  
 plici & ad-  
 mirabili fru-  
 ctu tanti sa-  
 cramenti.

De mul.

De mul.

De mul.

Q uenta,



menta, quidquid boni, & perfectionis habent, deriuatur. Ex hoc igitur diuinæ gratiæ amplissima munera, quæ nobis hoc sacramento impertiuntur, facile colligi poterunt. Commode etiam fieri uidebitur, si panis, & uini natura, quæ huius sacramenti symbola sunt, perpendatur, nam quos usus corpori panis, & uinum affert, eos omnes animæ salutis, & iucunditatis, ac meliori quidem ac perfectiori ratione, Eucharistiæ sacramentum præbet. Neque enim hoc sacramentum in substantiam nostram, ut panis, & uinum, mutatur; sed nos quodam modo in eius naturam conuertimur: ut recte

*D. August.* illud D. Augustini ad hunc locum transferri possit: Cibus sum grandium: cresce, & manducabis me: nec tu me mutabis in te, sicut cibum carnis

*Ioan. I* tuæ: sed tu mutaberis in me. Quod si gratia, & ueritas per Iesum Christum facta est; in animā quoque influat est necesse, cum eum pure, & sancte

*Ioan. 6* accipit, qui de se ipso dixit: Qui manducat meam carnem, & bibit meum sanguinem, in me manet, & ego in illo. Nam qui pietatis, & religionis studio affecti hoc sacramentum sumunt, nemini dubium esse debet, quin ita filium Dei in se admit-

*Ioan. 6* tant, ut eius corpori tamquam uiua membra inserantur: siquidem scriptum est: Qui manducat me, & ipse uiuet propter me. Item: Panis, quem ego dabo, caro mea est pro mundi uita. Quem lo-

*Cyrillus.* cum Cyrillus dum interpretaretur, ait: Dei uerbum uniens se ipsum propriæ carni, fecit ipsam uiuificatiuam. Eum ergo decebat miro quodam modo uniri corporibus per sacram eius carnem, & pretiosum sanguinem, quæ accipimus in benedi-

ctione



Etione uiuificatiua in pane & uino. Verum, quod dicitur Eucharistia gratiam tribui, Pastores admo-  
neant oportet, ita intelligendum non esse, perin-  
de ac necesse non sit, ut, qui re ipsa hoc sacramen-  
tum utiliter percepturus est, gratiam antea ade-  
ptus fuerit. Constat enim quemadmodum mor-  
tuis corporibus naturale alimentum nihil prodest,  
ita etiam animas, quæ spiritu non uiuit, sacramy-  
steria non prodesse: ac propterea panis, & uini  
speciem habent, ut significetur, non quidem re-  
nouandæ ad uitam animæ, sed in uita conseruan-  
dæ causa instituta esse.

Verum hoc ideo dictum est, quoniam prima etiã  
gratia (quæ omnes præditos esse oportet, ante quã  
sacram Eucharistiam ore contingere audeant, ne  
iudicium sibi manducant, & bibant) nemini tri-  
buitur, nisi hoc ipsum sacramentum desiderio, &  
uoto percipiant. Est enim omnium sacramentorũ  
fins, & ecclesiasticæ unitatis, ac coniunctionis sym-  
bolum: neque extra Ecclesiam consequi gratiam  
ullus potest. Deinde, quoniam, ut corpus cibo na-  
turali non conseruatur modo, sed etiam augetur,  
gustusque nouam quotidie ex eo uoluptatem, &  
suauitatem percipit; ita etiam sacræ Eucharistiæ  
cibus non solum animam sustentat, sed uires illi  
addit, efficitque ut spiritus diuinarum rerum de-  
lectatione magis ac magis commoueatur: ob eam  
causam fit, ut, gratiam hoc sacramento tribui,  
recte, & uerissime dicatur: iure enim manne com-  
parari potest, ex quo omnis saporis suauitas per-  
cipiebatur. Remitti uero Eucharistia, & condo-  
nari leuiora peccata, quæ uenialia dici solent,

Q 2 non



non est quod dubitari debeat. Quisquid enim cupiditatis ardore anima amisit, dum leui aliqua in re parum offendit, totum id Eucharistia, eas ipsas minores culpas abstergens, restituit: quemadmodum etiam (neque enim a propria similitudine discedendum uidetur) quod innati caloris ui quotidie detrahatur, ac deperit, paulatim addi, & refici naturali alimento sentimus.

**D. Ambr.** Quare merito a D. Ambrosio de hoc caelesti sacramento dictum est: Iste panis quotidianus sumitur in remedium quotidiane infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysterijs uis est, ut nos a criminibus puros, & integros, atque a tentationum impetu incolumes seruet, ac tamquam caelesti medicamento animam præparet, ne alicuius mortiferæ perturbationis ueneno facile infici, ac corrumpi queat. Atque ob eam etiã causam, ut testatur diuus Cyprianus, cum olim a tyrannis fideles ad tormenta, & eadem propter Christiani nominis confessionem uulgo raperentur; ne illi forte dolorum acerbitate uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta præberentur. Sed carnis etiã libidinem cohibet, ac reprimat. dum enim charitatis igne animos magis incendit, concupiscentiæ ardorem restinguat, necesse est.

**S. Cypri.**

**di. q. 2** Postremo, ut uno uerbo omnes huius sacramenti utilitates, & beneficia comprehendantur, dicendū est, sacra Eucharistia summam uim esse ad æternam gloriam comparandam. scriptum est enim;

Qui

nam gloriæ

non



Qui manducat meam carnem, & bibit meum sanguinem, habet uitam æternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa cōscientiæ pace, & tranquillitate perfruuntur; deinde eius uirtute recreati, non secus atque Elias, qui sub cinericijs panis fortitudine ambulauit usque ad montem Dei Horeb, cum ex uita emigrandi tempus aduenit, ad eternam gloriam, & beatitudinem ascendant. Hæc omnia a Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumpserint; uel admiranda Christi domini facta percurrentes, ostenderint, cum eos iure ac merito beatissimos fuisse existimamus, in quorum recta mortalis receptus est, uel qui illius uestis, aut fimbriæ tactu sanitatem recuperarunt, multo nos beatiores, & feliciores esse, in quorum animam immortali gloria præditus ingredi non grauetur, ut eius uulnera sanet omnia, eaque amplissimis muneribus ornatam, sibi coniungat.

Verum docendum est, a quibus ingentes illi sacrae Eucharistiæ fructus, qui modo commemorati sunt, percipi possint, neque unam tantum esse communificandi rationem, ut fidelis populus discat meliora charismata emulari. Recte igitur, & sapienter maiores nostri, ut in Tridentina Synodo legimus, tres huius sacramenti sumendi rationes distinxerunt. Alij enim sacramentum tantum accipiunt, ut peccatores, qui sacra mysteria impuro ore, & corde accipere non uerentur; quos Apostolus ait indigne manducare, & bibere corpus Domini. De

*De usu & modo sumendi sacramenti: deque preparatione animi, tum etiam corporis.*

*1. Cor. 11*

Q 3 his

non est quod dubitari debeat. Quicquid enim cupiditatis ardore anima amisit, dum leui aliqua in re parum offendit, totum id Eucharistia, eas ipsas minores culpas abstergens, restituit: quemadmodum etiam (neque enim a propofita similitudine discedendum uidetur) quod innati caloris ui quotidie detrahatur, ac deperit, paulatim addi, & refici naturali alimento sentimus.

**D. Ambr.** Quare merito a D. Ambrosio de hoc cælesti sacramento dictum est: Iste panis quotidianus sumitur in remedium quotidiane infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysterijs uis est, ut nos a criminibus puros, & integros, atque a tentationum impetu incolumes seruet, ac tamquam cælesti medicamento animam præparet, ne alicuius mortiferæ perturbationis ueneno facile infici, ac corrumpi queat. Atque ob eam etiã causam, ut testatur diuus Cyprianus, cum olim a tyrannis fideles ad tormenta, & eadem propter Christiani nominis confessionem uulgo raperentur; ne illi forte dolorum acerbitate uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta præberentur. Sed carnis etiam libidinem cohibet, ac reprimat, dum enim charitatis igne animos magis incendit, concupiscentie ardorem retinguat, necesse est.

**di. q. 2** Postremo, ut uno uerbo omnes huius sacramenti utilitates, & beneficia comprehendantur, dicendū est, sacre Eucharistiae summam uim esse ad æternam gloriam comparandam. scriptum est enim;

RO. 8.

1. 9

Qui

Qui manducat meam carnem, & bibit meum sanguinem, habet uitam æternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa cōscientiæ pace, & tranquillitate perfruuntur; deinde eius uirtute recreati, non secus atque Elias, 3. Reg. 19 qui sub cinericij panis fortitudine ambulauit usque ad montem Dei Horeb, cum ex uita emigrandi tempus aduenit, ad æternam gloriam, & beatitudinem ascendant. Hæc omnia a Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumpserint; uel admiranda Christi domini facta percurrentes, ostenderint, cum eos iure ac merito beatissimos fuisse existimamus, in quorum tecta mortalis receptus est, uel qui illius uestis, aut simbriæ tactu sanitatem recuperarunt, multo nos beatiores, & feliciores esse, in quorum animam immortali gloria præditus ingredi non grauetur, ut eius uulnera sanet omnia, eaque, amplissimis muneribus ornatam, sibi coniungat.

Verum docendum est, a quibus ingentes illi sacrae Eucharistiæ fructus, qui modo commemorati sunt, percipi possint, neque unam tantum esse communificandi rationem, ut fidelis populus discat meliora charismata emulari. Recte igitur, & sapienter maiores nostri, ut in Tridentina Synodo legimus, tres huius sacramenti sumendi rationes distinxerunt. Alij enim sacramentum tantum accipiunt, ut peccatores, qui sacra mysteria impuro ore, & corde accipere non uerentur; quos Apostolus ait indigne manducare, & bibere corpus Domini. De

De usu & modo sumendi sacramenti: deque preparatione animi, tum etiam corporis.

1. Cor. 11

Q ; his

*D. August.* his *D. Augustinus* ita scribit; Qui non manet in Christo, & in quo non manet Christus, procul dubio non manducat spiritualiter eius carnem. licet carnaliter, & uisibiliter premat dentibus sacramenta corporis, & sanguinis. Qui itaque hoc modo affecti sacra mysteria accipiunt, nō solum ex his nullum capiunt fructum, sed, ipso Apostolo teste, iudiciū sibi manducant, & bibunt. Alij uero spiritu tantummodo Eucharistiā sumere dicuntur: ij sunt, qui desiderio, & uoto propositum celestem illum panē comedunt, fide uiua incensi, quę per dilectionem operatur, ex quo si non omnes, maximos certe utilitatis fructus consequuntur. Alij denique sunt, qui sacramento, & spiritu sacram Eucharistiam percipiunt; qui cum ex Apostoli doctrina prius se probauerint, ac ueste nuptiali ornati ad diuinam hanc mensam accesserint, ex Eucharistia capiunt uberrimos illos, quos antea diximus, fructus. Quare perspicuum est, eos se maximis, & celestibus bonis priuare, qui cum ad corporis Domini sacramentum etiam sumēdum parati esse possint, satis habent spiritu tantum sacram communionē accipere. Sed iam docendum est, qua ratione preparatos fidelium animos esse oporteat, ante quam ad sacramentalem Eucharistię perceptionem ueniāt. Ac primum quidem ut pateat, eam præparationē maxime necessariam esse, Saluatoris nostri exemplum proponendum est. Nam ante quam apostolis pretiosi corporis, & sanguinis sui sacramenta daret, quamuis iam mundi essent, pedes eorum lauit; ut declararet omnem diligentiam adhibendam esse, ne quid nobis ad summam animi integritatē,

& in-



& innocentiam desit, cum sacra mysteria perceptu-  
 rumus. Deinde uero fideles intelligant, quemad-  
 modum, si optime affecto, & præparato animo  
 Eucharistiam aliquis sumat, amplissimis celestis  
 gratiæ muneribus ornatur; ita contra, si impara-  
 tus accipiat, non solū nihil commodi, sed maxima  
 etiam incommoda, & detrimenta eum accipere.  
 Optimis enim rebus, & maxime salutaribus hoc  
 proprium est, ut, si in tempore ijs utamur, uehemē-  
 ter profint; sin alieno tempore adhibeantur, per-  
 niciem, & exitium afferant. Quare mirandum  
 non est, ingentia quoque, & præclarissima Dei  
 dona, cum bene constituto animo accipiuntur, ad  
 celestem gloriam cōsequendam maximo nobis ad-  
 iumento esse; at uero, cum ijs nos ipsos indignos  
 præbemus, sempiternam mortem afferre. Id uero  
 arcę Domini exemplo cōprobatur. arca enim fœ-  
 deris, qua nihil præstantius Israeliticus populus ha-  
 buit, cui etiam per illam maxima, & innumera-  
 bilia beneficia Dominus tribuerat, a Philistheis  
 ablata summam illis pestem, & calamitatem cum  
 æterno dedecore coniunctam importauit. sic etiā  
 cibi, qui ore accepti in stomachum bene affectū il-  
 labuntur, corpora alunt, & sustentant, qui uero in  
 stomachum uitiosis humoribus plenum infundi so-  
 lent, graues morbos efficiunt. Primam itaque illā  
 præparationem fideles adhibeant, ut discernant  
 mensam a mēsa, hanc sacram ab alijs profanis, ce-  
 lestem hunc panem a communi. atque hoc fit, cū  
 certo credimus præsens esse uerum corpus, & san-  
 guinem Domini, quem in cēlo angeli adorant, ad  
 cuius nutum columnę cēli contremiscunt, & pa-  
 uent,

- uent, cuius gloria plenum est celum, & terra.
- 1. Cor. 11.** Hoc nimirū est dijudicare corpus Domini, ut nos Apostolus admonuit: cuius tamen mysterij magnitudinē uenerari potius oportet, quam in disputationibus eius ueritatem curiosius perquirere. Altera uero illa præparatio maxime necessaria est, ut unusquisq; a se ipso quærat, num pacem cum alijs habeat, num proximos uere atque ex animo diligat. Si ergo offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum. Deinde conscientia nostram scrutari diligenter debemus, ne forte exitiali aliquo peccato contaminati simus, cuius penitere necesse sit; ut prius contritionis & confessionis medicamento illud eluatur. definitum est enim a sancta Tridentina Synodo, nemini licere, quem mortalis peccati cōscientia stimulet, si sacerdotis facultas data sit, ante quam se sacramentali confessione purgarit, quantumuis sibi contritus esse uideatur, sacram Eucharistiam accipere. Præterea, taciti cum animis nostris cogitemus, quam indigni simus quibus diuinum hoc beneficium a Domino tribuatur: quare illud Ceterionis, de quo idem ipse Saluator testatus est, se non inuenisse tantam fidem in Israel, ex animo dicendum est: Domine, nō sum dignus, ut intres sub tectum meum. Exquiramus etiam a nobis ipsis, an illud Petri usurpare nobis liceat: Domine tu scis, quia amo te. Meminisse enim oportet eum, qui sine ueste nuptiali in Domini cōuiuio ac cubuerat, in tenebrosū carcerem coniec-

ctum

Etum, sempiternis poenis addictum fuisse. Neque vero animi solum, sed etiā corporis preparatione opus est. nam ieiuni ad sacram mensam accedere debemus, ita ut saltem a dimidia antecedentis diei nocte usque ad illud temporis punctum, quo Eucharistiam accipimus, nihil omnino comederimus, aut biberimus. Postulat etiam tanti sacramenti dignitas, ut, qui matrimonio iuncti sunt, aliquot dies a concubitu uxorum abstineant, Davidis exemplo admoniti, qui cum panes propositionis a sacerdote accepturus esset, purum se, & pueros suos ab uxorum consuetudine tres ipsos dies esse professus est. Hæc fere sunt, quæ maxime observari a fidelibus oportet, ut se ad sacra mysteria utiliter accipienda antea parent. reliqua enim, quæ hac in re providenda esse uideantur, ad hæc ipsa capita facile redigi poterunt.

I. Reg. 21

Sed ne forte aliqui segniores ad hoc sacramentū percipiendum reddantur, quod tantam preparationem adhibere graue admodum, & difficile ducant; fideles sepe admonendi sunt, omnibus eam legem propositam esse, ut sacram Eucharistiam accipiant. Præterea constitutum est ab Ecclesia, ut, qui semel saltem singulis annis in Pascha non communicaue- rit, ab Ecclesia arceatur. Neque tamen fideles hoc satis habeant, se, huius decreti auctoritati obtemperantes, semel tantummodo corpus Domini quotannis accipere; uerum sæpius iterandam Eucharistiæ communionē existiment. Vtrum autem singulis mensibus, uel hebdomadis, uel diebus id magis expediat: certa omnibus regula præscribi non potest. uerum tamen illa est sancti Augustini norma certis-  
 sumā;

*Eucharistia  
 sacramentū  
 quādo, quo-  
 ues, & a  
 quibus su-  
 mendum.  
 Conc. Lat.*

D.

sumā;

simā, Sic uiue, ut quotidie possis fumere. Quare Parochi partes erunt, fideles crebro adhortari, ut, quemadmodum corpori in singulos dies alimentū subministrare necessarium putant: ita etiā quotidie hoc sacramento alende, & nutriendę anime curam non abijciant. neque enim minus spiritali cibo animam, quam naturali corpus, indigere perspicuū est. Vehementer autē proderit hoc loco reperire maxima illa, & diuina beneficia, quę, ut antea demonstratum est, ex Eucharistię sacramentali cōmunionē consequimur. Illa etiā figura erit addenda, cum singulis diebus corporis uires manna reficere oportebat; itemq. sanctorum Patrum auctoritates, quę frequentem huius sacramenti perceptionem magnopere commendant. neque enim unius sancti patris Augustini ea fuit sententia: Quotidie peccas, quotidie sume: sed, si quis diligenter attenderit, eundem omnium Patrum, qui de hac re scripserunt, sensum fuisse, facile compertiet. Ac tempus quidem olim fuisse, cum fideles quotidie Eucharistiam acciperent, ex apostolorum Actis intelligemus. omnes enim, qui tunc Christianam fidem profitebantur, uera & sincera charitate ita ardebant, ut, cū sine intermissione orationibus, & alijs pietatis officijs operā darent, quotidie ad sacra Domini corporis mysteria sumenda parati inuenirentur. Eam postea consuetudinem, quę intermitteri uidebatur, Anacletus, sanctissimus martyr, & Pontifex, aliqua ex parte renouauit: præcepit enim, ut ministri, qui Missę sacrificio interessent, communicarent; quod ab apostolis constitutum esse affirmaret. Diu etiā in ecclesia ille

mos

Exod. 16

S. August.

Act. 2

Matth.

anacle-

pa.

Joan. 2



mos fuit, ut sacerdos, peracto sacrificio, cū Eucharistiam sumpsisset, ad populum, qui aderat, conuersus, his uerbis ad sacram mēsam fideles inuitaret; Venite fratres ad communionem. Tunc qui parati erant, summa cum religione sacrosancta mysteria sumebant. Sed cum deinde charitas, & pietatis studium adeo refrixisset, ut raro admodum ad cōmunionem fideles accederent; sancitum est a Fabiano *S Fab papa.* Pontifice, ut ter quotannis, Natali Domini, & Resurrectione, & Pentecoste omnes Eucharistiam sumerent; id quod postea a multis Concilijs, præsertim uero ab Agathēsi primo confirmatum est. Ad *Agathensē 1. Conc.* extremum, cum eo res adducta esset, ut non modo sancta illa, & salutaris præceptio nō seruaretur, sed in plures etiam annos sacræ Eucharistiæ communio differretur: decretum est in Lateranensi Cōcilio, ut semel ad minus singulis annis in Pascha fideles omnes sacrum Domini corpus acciperent: qui uero id facere neglexissent, Ecclesiæ aditu prohiberentur. Verum quamuis hæc lex Dei, & Ecclesiæ auctoritate sancita, ad omnes fideles pertineat: docendum est tamen eos excipi, qui nondum rationis usum propter ætatis imbecillitatem habent. hi enim neque sacram Eucharistiam a profano, & communi pane sciunt discernere, neque ad eam accipiendam pietatem animi, & religionem afferre possunt. atque id etiam a Christi domini institutione alienissimum uidetur. ait enim: Accipite, *Matth. 26* & comedite. Infantes autem idoneos non esse, qui accipiant, & comedant, satis cōstat. Vetus quidem illa fuit in quibusdam locis consuetudo, ut infantibus etiam sacram Eucharistiam præberent: sed ta-  
 men

men tū ob eas causas, quæ ante dictæ sunt, tum ob alias, Christianæ pietati maxime consentaneas, iamdiu eiusdem Ecclesiæ auctoritate id fieri desijt.

Qua uero ætate pueris sacra mysteria danda sint, nemo melius constituere poterit, quam pater, & sacerdos, cui illi confitentur peccata. ad illos enim pertinet explorare, & a pueris percunctari, an huius admirabilis sacramenti cognitionem aliquam acceperint, & gustum habeant. Amentibus præterea, qui tunc a pietatis sensu alieni sunt, sacramenta dare minime oportet; quamuis, si, antequam in insaniam inciderint, piam, & religiosam animi uoluntatem præferulerunt, licebit eis in fine uitæ, ex

*Conc. Car.* Concilij Carthaginensis decreto, Eucharistiam administrare, modo uocationis, uel alterius indignitatis, & incommodi periculum nullum timendū sit.

Quod uero ad cōmunicandi ritum pertinet, doceant Parochi, sanctæ Ecclesiæ lege interdictum esse, ne quis sine ipsius Ecclesiæ auctoritate, præter sacerdotes, corpus domini in sacrificio cōficiētes, sub utraq. specie sacram Eucharistiam sumat. nam ut a Tridentina Synodo explicatum est, quamuis Christus dominus in ultima cena altissimū hoc sacramentum in panis, & uini speciebus instituerit, & apostolis tradiderit: ex eo tamen non efficitur, hanc legem a Domino saluatore constitutam esse, ut omnibus fidelibus sacra mysteria sub utraq. specie administranda sint. Etenim idem Dominus noster cum de hoc sacramento loqueretur, alterius tantum speciei sepius meminit, ut cum inquit. Si quis manducauerit ex hoc pane, uiuet in æternum: & Panis quem ego dabo, caro mea est pro mūdi uita:

& Qui

& Qui manducat hunc panem, uiuet in eternum. Multis uero, & ijs quidem grauissimis rationibus adductam esse Ecclesiam patet, ut hanc potissimum sub altera specie cōmunicandi consuetudinem nō solum approbaret, sed etiam decreti auctoritate firmaret. Primum enim maxime cauendum erat, ne sanguis Domini in terram funderetur: quod quidē facile uitari posse non uidebatur, si in magna populi multitudine eum ministrare oportuisset. Preterea, cum sacra Eucharistia ægrotis præsto esse debeat, magnopere timendum erat, ne, si diutius uini species asseruaretur, coaceresceret. Permulti præterea sunt, qui uini saporem, ac ne odorem quidem perferre ullo modo possint. Quare ne, quod spiritualis salutis causa dandum est, corporis ualitudini noceret, prudentissime sancitum est ab Ecclesia, ut panis tantummodo speciem fideles acciperent. Accedit ad alias rationes, quod in pluribus, prouincijs summa uini penuria laboratur: neque id aliunde, sine maximis impensis, ac non nisi longissimis, & difficillimis itineribus, conuehi potest. Deinde, quod maxime omnium ad rem pertinet, conuellenda erat eorum hæresis, qui negabant sub utraque specie totū Christum esse sed corpus tantum ex angue sub panis: sanguinem autem sub uini specie contineri asseriebant. Vt igitur fidei catholicę ueritas magis ante omnium oculos poneretur, sapientissimo consilio alterius speciei, hoc est panis communio inducta est. Sunt & alię rationes ab ijs collectę, qui de hoc argumento disserunt; quæ, si opus esse uidebitur, a Parochis afferri poterunt. Iam de ministro, quamuis id a nemi-

ne



*Conc. Trid.**Matth. 16**Marc. 14*

ne fere ignorari possit, agendum est; ne quid præ-  
 terminissum sit, quod ad huius sacramenti doctrinam  
 pertinere uideatur. itaque tradendum est, solis sa-  
 cerdotibus potestatem datam esse, ut sacram Eucha-  
 ristiam conficiant, ac fidelibus distribuant. Eum  
 autem morem in Ecclesia semper seruatum esse,  
 ut fidelis populus a sacerdotibus sacramenta acci-  
 peret; sacerdotes autem sacra facientes ipsi se cõmu-  
 nicarent, sancta Tridentina Synodus explicauit;  
 ostenditque hanc consuetudinem, tamquam ab apo-  
 stolica traditione profectam, religiose retinendam  
 esse; cum præsertim huius rei illustre nobis exem-  
 plum Christus dominus reliquerit, qui & sanctissi-  
 mum corpus suum consecrauit, & apostolis suis  
 manibus porrexit. Verum, ut quacunque ratio-  
 ne tanti sacramenti dignitati consuleretur, non mo-  
 do eius administrandi potestas solis sacerdotibus da-  
 ta est, sed lege etiã Ecclesia uetuit, ne quis, nisi cõse-  
 cratus esset, sacra uasa, lintea, & alia instrumenta,  
 quæ ad illius cõsecutionem necessaria sunt, tractare,  
 aut tangere auderet; modo grauis aliqua necessitas  
 non incideret. Ex quo tum sacerdotes ipsi, tum re-  
 liqui fideles intelligere possunt, quanta religione,  
 & sanctitate præditos esse oporteat, qui ad Eucha-  
 ristiam uel consecrandam, uel administrandam,  
 uel sumendam accedunt. Quamquam, quod antea  
 de ceteris sacramentis dictum est, ea non minus  
 per improbos administrari, si, quæ ad illorum  
 perfectam rationem attinent, rite seruentur; idem  
 ualet in Eucharistiæ sacramento. neque enim hæc  
 omnia ministrorum merito niti, sed Christi do-  
 mini uirtute, & potestate geri credendum est. Hæc  
 sunt,



sunt, quę de Eucharistia, ut sacramentum est, explicanda erunt.

Nunc, quod restat dicendum, ut sacrificium est, explanare oportet; ut intelligant Parochi, quę potissimum de hoc mysterio, quemadmodum sancta Synodus decreuit, Dominicis & festis diebus fide- *Trid. Syn.* li populo tradere debeant. Etenim hoc sacramentum non solum thesaurus est celestium diuitiarũ, quo si bene utamur, Dei gratiam nobis conciliamus, & amorem: sed in eo precipua quedam ratio inest, qua ei pro immensis in nos collatis beneficijs aliquam gratiam referre possimus. At uero hec uictima si rite, & legitime immoletur, quam grata, & accepta Deo sit, ex hoc colligitur. Si enim ueteris legis sacrificia, de quibus scriptum est; Sacri- *Psal 9* fici- *Psal. 50* um, & oblationem noluisti. & iterum; Si uoluisses, sacrificium dedissem; utique holocaustis nõ delectaberis; ita placuerunt Domino, ut scriptura Deum odoratum esse odorem suauitatis, id est grata ei & accepta fuisse, testetur: quid nobis sperandũ de eo sacrificio, in quo ille ipse immolatur, atque offertur, de quo celestis uox bis audita est; Hic est filius meus dilectus, in quo mihi bene complacui? *Matt. 3. 17* Hoc igitur mysterium Parochi diligenter exponet; ut, cum fideles ad rem diuinam conuenerint, attente, & religiose sacra illa, in quibus interiunt, meditari discant. In primis autem docebunt, Eucharistiam duabus de causis a Christo domino institutam esse, altera est, ut celeste animę nostrę alimentum esset, quo uitam spiritualem tueri, & conseruare possemus; altera, ut Ecclesia perpetuum sacrificium haberet, quo peccata nostra expiarentur, & cele-



caelestis pater, sceleribus nostris sæpe grauitè offensus, ab ira ad misericordiã, a iustè animaduersionis seueritate ad clementiam traduceretur. Huius rei figuram, & similitudinem in agno Paschali licet animaduvertere, qui ut sacrificium & sacramentum a filiis Israel offerri, & comedi consueuerat. Nec uero, cum Saluator noster Deo patri se ipsum in ara crucis oblaturus esset, ullam suæ erga nos immensæ charitatis illustriorem significationem dare potuit, quam cum nobis uisibile sacrificiũ reliquit, quo cruentũ illud, semel in cruce paulo post immolandum, instauraretur, eiusque memoria usque in finem sæculi quotidie summa cū utilitate ab Ecclesia per uniuersum orbem diffusa coleretur. Differunt autem plurimum inter se hæ duæ rationes. sacramentum enim consecratione perficitur: omnis uero sacrificij uis in eo est, ut offeratur. Quare sacra Eucharistia, dum in pyxide continetur, uel ad ægrotum defertur, sacramenti, non sacrificij rationem habet: deinde etiam, ut sacramentum est, ijs, qui diuinam hostiam sumunt, meriti causam affert, & omnes illas utilitates, quæ supra commemoratæ sunt: ut autem sacrificium est, non merendi solum sed satisfaciendi quoque efficientiam continet. nam ut Christus dominus in passione sua pro nobis meruit, ac satisfecit: sic qui hoc sacrificium offerunt, quo nobiscum communicant, Dominicæ passionis fructus merentur, ac satisfaciunt. Iam, de huius sacrificij institutione nullum ambigendi locum sancta Tridentina Synodus reliquit: declarauit enim, in extrema cena a Christo domino institutum esse, simulque anathemate eos damnauit, qui allerant, uerum

*Trid. Syn.*

uerum & proprium sacrificium Deo non offerri, aut, offerre, nihil aliud esse, quam Christum ad manducandum dari. Nec uero illud prætermisit, quin diligenter explicaret, uni Deo sacrificium fieri. nam etsi Ecclesia interdum Missas in memoriam, & honorem sanctorum celebrare consuevit, non tamen illis sacrificium, sed uni Deo, qui sanctos immortalis gloria coronauit, offerri docuit. Quare nec sacerdos umquam dicere solet; Offero tibi sacrificium, Petre, uel Paule; sed, dū uni soli Deo immolat, gratias illi agit pro beatissimorum martyrum insigni uictoria; eorumque patrocinium ita implorat, ut ipsi pro nobis intercedere dignentur in celis, quorum memoriam facimus in terris. Hæc autem, quæ de huius sacrificij ueritate à catholica Ecclesia tradita sunt, ex Domini uerbis accepit; cum extrema illa nocte hæc ipsa sacra mysteria apostolis commendans, Hoc facite, inquit, in meam cōmemorationem. Eos enim quemadmodū a sancta Synodo definitum est, tunc sacerdotes instituit, præcepitque, ut ipsi, & qui eis in sacerdotali munere successuri essent, corpus eius immolarent, & offerrent. atque id etiam Apostoli uerba ad Corinthios scripta satis demonstrant, cum ait: Non potestis calicem Domini bibere, & calicem dæmoniorum: non potestis mensæ Domini participes esse, & mensæ dæmoniorum. Vt enim pro dæmoniorum mensa altare, in quo eis immolabatur, intelligendum est: ita etiam (ut, quod Apostolus proponit, probabili argumentatione concludatur) mensa Domini nihil aliud, nisi altare, in quo sacrificium Domino fiebat, significare potest.

R Quod

Luc. 26

1. Cor. 11

Conc. Trid.

1. Cor. 10

*Eucharistia  
sacrificium  
figuris &  
prophetijs  
ueteris testa-  
menti præ-  
dictum.  
Malach. 1*

*Hebr. 7*

*1. Cor. 11*

*Luc. 22*

*1. Cor. 11*

Quod si ex ueteri testamento huius sacrificij figuras, & oracula requiramus: primum quidem de eo Malachias aperuissime uaticinatus est; his uerbis: Ab ortu solis usque ab occasum magnum est nomen meum in gentibus; & in omni loco sacrificatur; & offertur nomini meo oblatio munda: quia magnum est nomen meum in gentibus; dicit Dominus exercituum. Præterea, hæc hostia tam ante, quam post latam legem, uarijs sacrificiorum generibus prænuntiata est. Etenim bona omnia, quæ ijs sacrificijs significabantur, hæc una uictima, tamquam omnium perfectio, & absolutio, complexa est. Verum tamen nulla in re eius imaginem magis expressam licet uidere, quam in Melchisedec sacrificio. ipse enim Saluator sacerdotem secundum ordinem Melchisedec se in æternum constitutum declarans, corpus & sanguinem suum in extrema cena sub speciebus panis, & uini Deo patri obtulit. Vnum itaque & idem sacrificium esse fatemur, & haberi debet, quod in Missa peragitur, & quod in cruce oblatum est: quemadmodum una est & eadem hostia Christus, uidelicet dominus noster, qui se ipsum in ara crucis semel tantummodo cruentum immolauit. neque enim cruenta, & incruenta hostia, duæ sunt hostiæ, sed una tantum, cuius sacrificium, postquam Dominus ita præcepit; Hoc facite in meam commemorationem; in

Eucharistia quotidie instauratur. Sed unus etiam, atque idem sacerdos est Christus dominus. nam ministri, qui sacrificium faciunt, non suam, sed Christi personam suspiciunt, cum eius corpus & sanguinem conficiunt. id quod & ipsius consecrationis uerbis ostenditur. neque enim sacerdos inquit; Hoc est corpus



corpus Christi, sed, Hoc est corpus meū: personam uidelicet Christi domini gerens, panis, & uini substantiam, in ueram eius corporis, & sanguinis substantiam conuertit. Quæ cum ita sint; sine ulla dubitatione docendum est, id quod etiam sancta Synodus explicauit, sacrosanctum Missæ sacrificij *Trid. Syn.* um esse non solum laudis, & gratiarum actionis, aut nudam commemorationem sacrificij, quod in cruce factum est, sed uere etiam propitiatorium sacrificium, quo Deus nobis placatus, & propitius redditur. Quare si puro corde, & accensa fide, & intimo nostrorum scelerum dolore affecti hanc sanctissimam hostiam immolemus, & offeramus; dubitandum non est, quin misericordiam a Domino consecuturi simus, & gratiam in auxilio opportuno. huius enim uictimæ odore ita delectatur Dominus, ut gratiæ, & penitentiae donum nobis impertiens peccata condonet. Quamobrem & sollemnis est illa Ecclesiæ precatio; Quoties huius hostiæ cōmemoratio celebratur, toties opus nostre salutis exercetur: nimirum uberrimi illi cruentæ hostiæ fructus per hoc incruentum sacrificium ad nos manant. Deinde uero huius sacrificij eam uim esse, *Trid. Syn.* Parochi docebunt, ut non solum immolanti, & sumentis pro sit, sed omnibus etiam fidelibus, siue illi nobiscum in terris uiuant, siue, iam in Domino mortui, nondum plane expiati sint. Neque enim minus ex apostolorum certissima traditione pro his utiliter offertur, quam pro uiuorum peccatis, poenitentis, satisfactionibus, ac quibusuis calamitatibus, & angustiis. Ex quo facile perspicitur, omnes Missas communes censendas esse, ut quæ ad cōmunne om-

R 2 nium

nium fidelium utilitatem, & salutem pertineat. Ha-  
 bet autem hoc sacrificiū multos, eosq. maxime in-  
 signes, ac sollemnes ritus, quorū nullus superuaca-  
 neus, aut inanis existimandus est; uerum omnes eo  
 spectant, ut & tāti sacrificij maiestas magis eluceat,  
 & salutaribus mysterijs intuendis ad rerum diuina-  
 rum, quæ in eo sacrificio occulte sunt, contempla-  
 tionem fideles excitentur. Sed de his nihil est ut plu-  
 ra dicamus, tum quia hoc argumentum longiorē  
 explicationem postulare uidetur, quam propositę  
 institutioni conueniat; tum quia innumerabiles pe-  
 ne libellos, & commentarios, qui de hac re a pijs  
 & doctissimis uiris conscripti sunt, sacerdotes in-  
 promptu habebunt. Haftenus igitur satis fuerit,  
 earum rerum, quę ad Eucharistiam, tum quia sacra-  
 mentum, tum quia sacrificium sit, pertinent, po-  
 tiora capita, iuuante Domino, exposuisse.

## DE SACRAMENTO

### PAENITENTIAE.



Quemadmodum humanæ naturæ fragili-  
 tas, & imbecillitas omnibus nota est,  
 eamq. in se ipso quisq. facile experitur:  
 ita, quantam habeat necessitatem pe-  
 nitentię sacramentū, ignorare nemo potest. Quod  
 si diligentiam, quę a Parochis in unoquoque argu-  
 mento adhibenda est, ex rei, quam tractant, ma-  
 gnitudine, & pondere metiri oportet; omnino fa-  
 rebimur, eos numquam in huius loci explicatione  
 adeo diligentes futuros esse, ut satis uideri possit:  
 quin etiā de hoc sacramento, quā de baptismo, co-  
 accu-

accuratius agendum est, quod baptismus semel tantum administratur, nec iterari potest; penitentię uero toties locus datur, eiusque repetendę toties necessitas imposita est, quoties post baptismum peccare contingat. ita enim a Tridentina Synodo dictum *Trid. Syn.* est, sacramentum penitentię non secus lapsis post baptismū, ac baptismum nondum regeneratis, ad salutē necessarium esse: uulgataque illa sancti Hieronymi sententia ab omnibus, qui deinceps res sacras tradiderunt, magnopere comprobatur, penitentiam esse secundam tabulam. Vt enim, confRACTA nauī, unū uite seruandę perfugiū reliquum est, si forte tabulam aliquam de naufragio liceat arripere: ita, post amissam baptismi innocentiam, nisi quis ad penitentię tabulam confugiat, sine dubio de eius salute desperandum est. Hęc autem non ad Pastores solum, sed ad reliquos etiam fideles excitandos dicta sint; ne forte in eis rei maxime necessarię incuria reprehendatur. Primum enim communis fragilitatis memores omni studio optare debent, ut diuina ope adiuti, sine casu, aut prolapsione aliqua in uia Domini progredi possint. quod si nonnumquā offenderint, tum uero summam Dei benignitatē intuentes, qui tamquam bonus pastor ouīū suarū uulnera obligare, eisque mederi solet, hoc saluberrimū pænitię medicamentū numquam in aliud tempus differendum esse cogitabūt.

Vt autem rem ipsam aggrediamur, prius explicanda est uaria huius nominis potestas, & notio: *De propria* ne aliquis ambiguitate uocis in errorē inducatur. *penitentię* *significatio-* Nonnulli enim penitentiam pro satisfactione accipiunt. Alij, a catholicę fidei doctrina longissimē re

R ; moti,



moti, cum arbitrentur penitentiā nullam temporis  
 præteriti rationem habere, nihil aliud, quā nouam  
 uitam, esse definiunt. Docendū est igitur, multipli-  
 cem esse huius nominis significationem. Primum  
 enim pænitentia de ijs dicitur, quibus aliquid displicet,  
 quod ante placuerit, nulla habita ratione huius  
 cogitationis, bonum ne an malū fuerit. Sic omnes  
 pænitet, quorum tristitia secundum sæculum est,  
 non secundum Deum; cuiusmodi pænitentia non  
 salutem affert, sed mortem. Altera est penitentia,  
 cum quis ex scelere admissio, quod quidē antea pla-  
 cebat, dolorem non Dei, sed sui ipsius causa concipit.  
 Tertia est, cum nō solum admissi sceleris causa  
 intimo animi sensu dolemus, uel eius doloris exter-  
 num etiam aliquod signum damus, uerum unius  
 Dei causa in eo merore sumus. Ac singulis quidem  
 penitentię generibus, quę commemorata sunt, pę-  
 nitentię uox proprie conuenit. nam cum in sacris  
 litteris Deum pęnitere legimus, id per translatio-  
 nem dici perspicuum est. eo enim loquendi genere,  
 quod ad hominum mores accommodatum est, sacrę  
 litterę utuntur, cum Deum mutare aliquid consti-  
 tuisse declarant: quod non aliter facere uideatur,  
 quam homines: quos si alicuius rei pęniteat, eam  
 commutare omni studio laborant. Sic ergo scriptū  
 est, pęnituisse eum, quod hominem fecisset: &  
 alio loco, quod Saul regem cōstituisset. Verum in-  
 ter has pęnitentię significationes magnum discri-  
 men obseruare oportet. Prima enim in uirio ponē-  
 da est: altera est quędam commoti, & perturbati  
 animi affectio: tertiam tum ad uirtutem pertinere,  
 tum sacramentum esse dicimus. quę significatio hu-

2. Cor. 7

Gen. 6

1. Reg. 15

Psal. 105

Hier. 26

Gen. 6

1. Reg. 15

ius



Jus loci propria est. ac primum quidem de ipsa, ut  
 uirtutis parte, agendum est, non solum, quia fide-  
 lis populus ad omne uirtutis genus institui a Pasto-  
 ribus debet; sed etiam, quia huius uirtutis actio-  
 nes tamquam materiam præbent, in qua peniten-  
 tiæ sacramentum uersatur; ac nisi prius, quæ sit  
 penitentiae uirtus, recte intelligitur, sacramenti  
 etiã uim ignorari necesse est. Quare in primis mo-  
 nendi, hortandiq. sunt fideles, ut omni contentio-  
 ne, & studio in intima animi penitentia, quam uir-  
 tutem dicimus, elaborent; sine qua ea, quæ extrin-  
 secus adhibetur, parum admodum profutura est.  
 Intima autem penitentia est illa, cum ad Deum nos  
 ex animo conuertimus, & commissa a nobis scele-  
 ra detestamur, & odio habemus: simulque illud no-  
 bis certum, & deliberatum est, malam uitæ con-  
 suetudinem, corruptosque mores emendare, nõ si-  
 ne spe ueniæ a Dei misericordia consequendæ. Hæc  
 uero dolor, & tristitia, quæ perturbatio, & affe-  
 ctio est, & passio a multis uocatur, consequitur,  
 ueluti comes peccatorum, detestationi adiuncta:  
 quam obrem apud complures ex sanctis Patribus  
 penitentię definitio huiusmodi animi cruciatu de-  
 claratur. Verum in eo, quem penitet, fides peni-  
 tentiam antecedit, necesse est. neque enim potest  
 quisquam se ad Deum conuertere, qui fide careat.  
 ex quo fit, ut nullo modo penitentię pars recte dici  
 possit. Quod autem intima hæc penitentia, ut an-  
 tea diximus, ad uirtutem pertineat, aperte osten-  
 dunt multa, quæ de penitentia tradita sunt, præ-  
 cepta. Lex enim de ijs tantum actionibus, quæ sus-  
 ciipiuntur cum uirtute, præcipit. Negare præce-

rea nemo potest, quin dolere, quādo, quo modo, & quatenus oportet, uirtutis sit. hoc autem ut recte fiat, pænitentiae uirtus praestat. Interdum enim euenit, ut ex admissis sceleribus minorem, quam par est, dolorem homines capiant: quin etiam, ut a Salomone scriptum est, nonnulli sunt, qui, cum male fecerint, letantur. rursus uero alij ita se memoriori animi, & egritudini dedunt, ut de salute etiam prorsus desperent: qualis fortasse Cain uideri potest, qui ait; Maior est iniquitas mea, quam ut ueniam merear: & qualis certe Iudas fuit, qui pænitentia ductus, suspendio uitam, & animam amisit. Vt igitur modum in dolore tenere possimus, pænitentiae uirtute adiuuamur. Sed idem etiam ex ijs rebus colligi potest, quas sibi tamquam finem proponit is, quem uere peccati pœnitet. Primum autem hoc ei propositum est, ut peccatum aboleat, omnemque animae culpam, & maculam abstergat. Alterum est, ut pro sceleribus admissis Deo satisfaciatur: quod quidem ad iustitiā referri perspicuum est. nam etsi inter Deū & homines propria iustitiae ratio intercedere non potest, cū tam longo interuallo inter se distent: aliquam tamen esse iustitiam constat, cuius modi est inter patrem & filios, inter dominum & seruos. Tertium est, ut homo in Dei gratiam redeat, in cuius offensionem, & odium propter peccati sceditatem incurrit. Hæc uero omnia satis declarant, pænitentiam ad uirtutem spectare.

Quibus uis ad uirtutem pænitentia perueniatur.

Sed docendum est etiam, quibus gradibus ad hanc diuinam uirtutem liceat ascendere. Primum itaque Dei misericordia nos preuenit, cordaque nostra ad se conuertit. Quod cum precaretur Propheta,

pheta,

pheta; Conuerte, inquit, nos Domine ad te, & conuertemur. Deinde hoc lumine illustrati, per fidem ad Deum animo tendimus. Credere enim oportet accedentem ad Deum, ut Apostolus testatur, *Hebr. 11* quia est, & inquirentibus se remunerator sit. Præterea motus timoris consequitur; & suppliciorum acerbitate proposita, animus a peccatis reuocatur. atque huc uidentur spectare illa Isaiaë uerba; Sicut *Isa. 26* quæ concipit, cum appropinquauerit ad partum, dolens clamat in doloribus suis; sic facti sumus. Huc deinde accedit spes impretrandæ a Deo misericordiæ, qua erecti uitam & mores emendare constitui-  
mus. Postremo charitate corda nostra acceduntur, ex qua liberalis ille timor, probis, & ingenuis filiis dignus, oritur; atque ita unum illud ueriti, ne qua in re Dei maiestatem lædamus, peccandi consuetudinem omnino deserimus. Hisce igitur quasi gradibus ad hanc præstantissimam penitentiaë uirtutem peruenitur: quæ prorsus diuina & cælestis uirtus existimanda est; cui scilicet regnum cælorum sacræ litteræ pollicentur. nam apud sanctum Mattheum *Matth. 4* scriptum est: Penitentiam agite; appropinquabit enim regnum cælorum. Et apud Ezechielem: Si im- *Ezech. 18* pius egerit penitentiam ab omnibus peccatis suis, quæ operatus est; & custodierit omnia præcepta mea, & fecerit iudicium, & iustitiam; uita uiuet. Tum alio loco: Nolo mortem impij, sed ut cōuerta *Ezech. 33* tur impius a uia sua, & uiuat. Quod quidē de æterna, & beata uita intelligendum esse, plane constat. De externa uero penitentia docendum est, eam esse, in qua sacramenti ratio consistit, habereque externas quasdam res sensibus subiectas, quibus declarantur

rantur ea, quæ interius in anima fiunt. In primis autem explanandum fidelibus uidetur, quare factum sit, ut Christus dominus penitentiam in numerum sacramentorum referri uoluerit. Huius autem rei illa omnino causa fuit, ut nobis de remissione peccatorum, quam Deus pollicitus est, cum ait, Si impius egerit penitentiam, &c. minus dubitare nobis liceret. uehementer enim perdere animo de intima penitentia opus esset, cum de suo cuique iudicio in ijs, quæ agit, merito timendum sit. Ut igitur Dominus huic nostre sollicitudini subueniret, penitentię sacramentum instituit, quo per sacerdotis absolutionem peccata nobis remissa esse consideremus, conscientięq. nostre ob fidem, quę sacramentorum uirtuti merito habenda est, pacatiores redderentur. Neq. enim aliter accipienda est uox sacerdotis, peccata nobis legitime condonantis, quam Christi domini, qui ait paralytico; Confide fili: remittuntur tibi peccata tua. Deinde uero, cum nemo salutē, nisi per Christū, eiusque passionis beneficio, cōsequi possit; cōsentaneum, nobisq. utilissimū fuit, eiusmodi sacramentum institui, cuius ui, & efficiētia Christi sanguis ad nos defluens, peccata post baptismū admissa elueret, atq. ita recōciliationis beneficiū illi uni Saluatori nostro acceptū referre profiteremur.

*Penitentia esse sacra-  
mentū,  
& iterari  
posse.*

Quod uero pænitentia sacramentum sit, Pastores ita facile ostendent. ut enim baptismus sacramentum est, quia peccata omnia, ac præsertim quod origine contractum fuit, delet: eadem ratione pænitentia, quæ peccata omnia, post baptismum uoluntate, uel actione suscepta, tollit, uere, & proprie sacramentum dicendum est. Deinde,



Inde, quod caput est, cum illa, quæ extrinsecus tum a  
 pœnitente, tum a sacerdote fiunt, declarent ea, quæ  
 interiorius efficiuntur in anima; quis neget, pœniten-  
 tiam uera, & propria sacramenti ratione præditam  
 esse? siquidem sacramentū sacre rei signum est: pec-  
 cator autem, quem pœnitet, rerum, & uerborum  
 notis planè exprimit, se animum a peccati turpitu-  
 dine abduxisse; itemq. ex ijs, quæ a sacerdote ge-  
 runtur, & dicuntur, misericordiam Dei, peccata  
 ipsa remittentis, facile cognoscimus. quamquam  
 hoc aperte indicât illa Saluatoris uerba: Tibi dabo **Matth. 16**  
 clauēs regni cælorum; & quodcumque solueris  
 super terrā, erit solutum & in cælis. Absolutio enim  
 sacerdotis uerbis enunciata, remissionem illam  
 peccatorū signat, quam in anima efficit. Neq. uero  
 solum fideles docendi sunt, pœnitentiā in numero  
 sacramentorum habendam esse, sed corū etiam, quæ  
 iterari possunt. Quærenti enim Petro, num septies  
 uenia peccati danda esset, Dominus respōdit: Non **Matth. 18**  
 dico tibi usque septies, sed usque septuagies septies.  
 Quare si cū eiusmodi hominibus agendum sit, qui  
 summæ Dei bonitati, & clementiæ diffidere uideā-  
 tur, confirmandus erit illorū animus, atque ad spē  
 diuinæ gratiæ erigendus. quod quidem facile con-  
 sequentur tum huius loci, & aliorū tractatione, qui  
 in sacris litteris permulti occurrent; tum uero ijs ra-  
 tionibus, & argumentis, quæ ex sanctorum Chry- **S. Chrys.**  
 sostomi libro de lapsis, Ambrosij libris de pœnite- **D. Ambros.**  
 tia petere licebit. Iam, quoniam nihil fideli populo  
 notius esse debet, quam huius sacramenti materia;  
 docendum est, in eo maxime hoc sacramentum ab  
 alijs differre, quod aliorum sacramentorum mate-

ria est res aliqua naturalis, uel arte effecta; sacramenti uero pœnitentiæ quasi materia sunt actus penitentis, nempe contritio, confessio, & satisfactio, ut a Tridentina Synodo declaratum est: qui quatenus in pœnitente, ad integritatem sacramenti, & plenam, ac perfectam peccatorum remissionem ex Dei institutione requiruntur, hac ratione partes pœnitentiæ dicuntur. Neque uero hi actus, quasi materia a sancta Synodo appellantur, quia ueræ materiæ rationem non habeant, sed quia eius generis materia non sint, quæ extrinsecus adhibeantur, ut aqua in baptismo, & chrisma in confirmatione. Quod autem ab alijs dictum est, peccata ipsa huius sacramenti materiam esse; nihil plane diuersum dici uidebitur, si diligenter attendamus. Ut enim ignis materiam ligna esse dicimus, quæ ui ignis consumuntur: ita peccata, quæ pœnitentia delentur, recte huius sacramenti materia uocari possunt. Sed formæ etiam explicatio Pastoribus prætermittenda non est, quod eius rei cognitio excitet fidelium animos ad percipiendam summa cū religione huius sacramenti gratiam. Est autem forma. Ego te absoluo: quam non solum ex illis uerbis licet colligere, Quæcumque solueritis super terram, erunt soluta & in cælis; sed ex eadem Christi domini doctrina ab apostolis traditam, accepimus. At quoniam sacramenta id significant, quod efficiunt; illa, Ego te absoluo, ostendunt peccatorum remissionem huius sacramenti administratione effici; planum est, hanc esse pœnitentiæ perfectâ formam. sunt enim peccata tamquam uincula, quibus constrictæ animæ tenentur, & ex quibus pœniten-

nitentię sacramento laxantur, quod quidem non minus uere de illo etiam homine sacerdos pronunciat, qui prius ardentissime contritionis ui, accedente tamen confessionis uoto, peccatorum ueniam a Deo consecutus sit. Adduntur preterea complures preces, non quidem ad formam necessarię, sed ut ea remoueantur, quę sacramenti uim, & efficientiam illius culpa, cui administratur, impedire possent. Quamobrem peccatores Deo ingentes gratias agant, qui tam amplam potestatem in Ecclesia sacerdotibus tribuerit. Neque enim Leu. 13. 24. ut olim in ueteri lege, sacerdotes testimonio suo aliquem a lepra liberatum esse, dumtaxat renunciabant, ita nunc in Ecclesia ea tantum potestas sacerdotibus facta est, ut aliquem peccatis absolutum esse declarent: sed uere tamquam Dei ministri absoluunt; id quod Deus ipse, gratię, & iustitię auctor, ac parens, efficit. Diligenter uero ritus etiam, qui ad hoc sacramentum adhibentur, fideles obseruabunt. ita enim fiet, ut animo magis hereant, quę hoc sacramento consecuti sunt, nimirum se tamquã seruos clementissimo domino, uel filios potius optimo parenti reconciliatos esse: & simul facilius intelligant, quid eos facere oporteat, qui uelint (uelle autem omnes debent) se tanti beneficij gratos, & memores probare. nam quem peccatorum penitet, is se humili ac demisso animo ad pedes sacerdotis deijcit; ut, cum se tam humiliter gerat, facile possit agnoscere superbię radices euellendas esse, a qua omnia scelera, quę deflet, ortum habuerint, & enata sint. In sacerdote autem, qui in eum legitimus iudex sedet, Christi domini personam



sonam & potestatem ueneratur. Sacerdos enim, quemadmodū in alijs, ita in pænitentiae sacramento administrādo Christi munus exequitur. Deinde peccata sua pænitens ita enumerat, ut se maxima, & acerbissima animaduersione dignum esse fateatur: supplexque delictorum ueniam petit. quæ sane omnia uetustatis suæ certissima testimonia a sancto Dionysio habent.

**S** Diony.

*Quā saluam  
res fructus  
ex Pæniten  
tiae sacrame  
to percipian  
tur.*

Sed nihil profecto tā proderit fidelibus, nihilque maiorem illis alacritatem pænitentiae suscipiendæ afferet, quam si a Parochis saepe explicatum fuerit, quantam ex ea utilitatem capiamus. uere enim de pænitentia illud dici posse intelligent, eius quidem radices amaras, fructus uero suauissimos esse. Pænitentiae itaque omnis in eo uis est, ut nos in Dei gratiam restituat, cum eoque summa amicitia coniungat. Hanc uero reconciliationem interdum in hominibus pijs, qui hoc sacramentum sancte, & religiose percipiunt, maxima conscientiae pax, & tranquillitas, cum summa spiritus iucunditate consequi solet. nullum est enim tam graue, & nefarium scelus, quod pænitentiae sacramento non quidem semel, sed iterum, & saepius non deleatur. Qua de re ita Dominus per Prophetam inquit: Si impius egerit pænitentiam ab omnibus peccatis suis, quæ operatus est, & custodierit praecepta mea, & fecerit iudicium, & iustitiam; uita uiuet, & non morietur; omnium iniquitatum eius, quas operatus est, non recordabor. Et sanctus Ioannes: Si confiteamur peccata nostra, fidelis est, & iustus, ut remittat nobis peccata nostra. Et paulo post, Si quis peccauerit,

**Exech. 18**

**I Ioan. 1**

**I. Ioan. 2**

rit,



rit, inquit, nullum uidelicet peccati genus excipiēs, aduocatum habemus apud patrem Iesum Christū iustum, & ipse est propitiatio pro peccatis nostris, non pro nostris autem tātum, sed etiam pro totius mundi. Quod autem in scripturis legimus; quosdā a Domino misericordiam non esse consecutos, quā uis eam uehementer implorauerint; id uero idcirco factum esse intelligimus, quod eos uere, atque ex animo delictorum non penitebat. Quare cum huiusmodi sentētię in sacris litteris, uel apud sanctos Patres occurrunt, quibus uidentur affirmare aliqua peccata remitti non posse; ita eas interpretari oportet, ut difficilem admodum esse uenię impetrationem intelligamus. Vt enim morbus aliquis ea re insanabilis dicitur, quod ægrotus ita affectus sit, ut salutaris medicinę uim oderit: sic quoddam est peccati genus, quod non remittitur, nec condonatur; propterea quod proprium salutis remedium, Dei gratiam repellit. In hanc sententiam a diuo Augustino dictum est: Tanta labes est il-

D. August.

lius peccati, cum post agnitionem Dei per gratiam Christi oppugnat aliquis fraternitatem, & aduersus ipsam gratiam inuidiæ facibus agitur, ut deprecandi humilitatem subire non possit, etiā si peccatum mala conscientia agnoscere, & annunciare cogatur. Sed, ut ad pænitentiam reuertamur, hæc adeo propria eius uis est, ut peccata deleat, ut sine pænitentia remissionem peccatorum impetrare, aut ne sperare quidem ullo modo liceat. scriptum est enim: Nisi pænitentiam

Luc. 13

habueritis, omnes similiter peribitis. Quod quidē de grauioribus, & mortiferis peccatis dictum a Do-

Do-

Domino est: etsi aliquo etiam penitentie genere indigent leuiora peccata, quę uenialia uocantur, san-

**D. August.** ctus enim Augustinus inquit: cum quędam sit penitentia, quę quotidie in Ecclesia pro peccatis uenialibus agitur, illa sane frustra esset, si peccata uenialia absque penitentia dimitti possent.

*De parti-  
bus integris  
penitentia.*

Sed quoniam de ijs rebus, quę aliquo modo in actionem cadunt, non satis est uniuersę loqui; curabunt Pastores singillatim ea tradere, ex quibus uerę & salutaris penitentie ratio a fidelibus percipi queat. Est autem huius sacramenti proprium, ut pręter materiam, & formam, quę omnibus sacramentis communia sunt, partes etiam, ut antea diximus, illas habeat, quę tamquam totam integramque penitentiam constituent, contritionem scilicet, confessionem, & satisfactionem: de quibus

**s. Chrys.**

D. Chrysostomus his uerbis loquitur: Penitentia cogit peccatorem omnia libenter sufferre, in corde eius contritio, in ore confessio, in opere tota humilitas, uel fructifera satisfactio. Hę autem partes ex earum partiũ genere esse dicuntur, quę ad aliquod totum constituendum necessarie sunt: quoniam, quemadmodum hominis corpus ex pluribus membris constat, manibus, pedibus, oculis, & alijs huiusmodi partibus, quarum aliqua si desit, merito imperfectum uideatur; perfectum uero, si nulla desideretur: eodem etiam modo penitentia ex hisce tribus partibus ita constituitur, ut, quamuis, quod ad eius naturam attinet, contritio, & confessio, quibus homo iustus efficitur, satis sit: tamen, nisi tertia etiam pars, idest satisfactio, accedat, aliquid ei omnino ad perfectionem desit, necesse sit. Quare  
adco

adeo inter se he partes connexe sunt, ut contritio confitendi, & satisfaciendi consilium & propositū inclusum habeat: confessionem contritio, & satisfaciendi uoluntas; satisfactionem uero duæ reliquæ antecedant. Harum autem trium patrium eam rationem afferre possumus, quod animo, uerbis, & re ipsa peccata in Deum committantur. Quare cōsentaneum fuit, ut nos ipsos Ecclesiæ clauibus subijcientes, quibus rebus Dei sanctissimū numen a nobis uiolatum esset, iisdem etiam eius iram placare, & peccatorū ueniam ab eo impetrare conaremur. Sed idem etiam alio argumento confirmari potest. Etenim penitentia est ueluti quædam delictorum compensatio, ab eius uoluntate profecta, qui deliquit, ac Dei arbitrio, in quem peccatum commissum est, constituta. Quare & uoluntas compensandi requiritur, in quo maxime cōtritio uersatur, & penitens sacerdotis iudicio, qui Dei personam gerit, se subijciat, necesse est; ut pro scelerum magnitudine pœnā constituere in eum possit, ex quo tum confessionis, tum satisfactionis ratio, & necessitas perspicitur. Quoniā uero harum partium uim, & naturam tradere fidelibus oportet; prius incipiendum est a contritione, eaque diligenter explicanda. neque enim ad ullum tēporis punctū, cum in memoriam præterita peccata redeunt, uel cum aliquid offendimus, contritione animus debet uacare. Hanc patres in Concilio Tridētino ita definiunt: Contritio est animi dolor, ac detestatio de peccato commisso, cum proposito nō peccandi de cetero. Et paulo post, de contritionis motu subijcitur: Ita demū præparat ad remissionem peccato-

Conc. Flor.

Conc. Trid.

S. rum,



rum, si cum fiducia diuinæ misericordiæ, & uoto præstandi reliqua coniunctus sit: quæ ad rite suscipiendum hoc sacramentum requiruntur. Ex hac itaq. definitione intelliget fideles, contritionis uim in eo tantum positam non esse, ut quis peccare desinat; aut propositum ei sit, nouum uitæ genus instituere, aut ipsum iam instituat; sed in primis male actæ uitæ odium, & expiationem suscipiendam esse. Id uero maxime confirmant illi sanctorum Patrum clamores, quos in sacris litteris frequenter profusos esse legimus. Laborauit, inquit David, in gemitu meo: lauabo per singulas noctes lectum meum. Et: Exaudiuit Dominus uocem fletus mei. Et rursus alius: Recogitabo tibi omnes annos meos in amaritudine animæ meæ. Quas certe, & alias huiusmodi uoces uehemens quoddam antea actæ uitæ odium, & peccatorum detestatio expressit.

Psal. 6

Isa. 38

Contritio-  
nis propria  
nis & effi-  
cacia.

Psal. 12

Quod autem contritio dolore definita est, monendi sunt fideles, ne arbitrentur eum dolorem corporis sensu percipi. Contritio enim est, uoluntatis actio. Et sanctus Augustinus testatur, dolorem penitentiae comitem esse, non penitentiam. Verum peccati detestationem & odium, doloris uocabulo Patres significarunt; tum quia sacræ litteræ ita ueruntur: ait enim David; Quamdiu penam consilia in anima mea, dolorem in corde meo per diem? tum quia dolor in inferiori animæ parte, quæ uim concupiscendi habet, ex ipsa contritione oritur, ut non incommode contritio dolore definita fuerit, quod dolorem efficiat, ad eumque declarandum penitentes uestem etiam mutare soliti sint: de quo Dominus apud sanctum Matthæum inquit:



inquit: Væ tibi Corozaim, uæ tibi Bathsaida: *Math. 11*  
quia si in Tyro, & Sidone factæ essent uirtutes,  
quæ factæ sunt in uobis, olim in cilicio, & cinere  
pænitentiam egissent. Recte autem cōtritionis no-  
mē peccati detestationi, de qua loquimur, ad signi-  
ficandam uim doloris impositum est, ducta simili-  
tudine a rebus corporeis, quæ minutatim saxo, aut  
duriorē aliqua materia cōfringūtur: ut eo uocabu-  
lo declararetur, corda nostra: quæ superbia obdu-  
ruerunt, pēnitentiæ uī contundi, atque conteri.  
Quare nullus alius dolor uel ex parentum & filio-  
rum obitu, uel cuiusuis alterius calamitatis causa  
susceptus, hoc nomine appellatur; sed illius tantum  
doloris propriū est nomen, quo ex amissa Dei gra-  
tia, atque innocentia afficimur. Verū alijs quoque  
uocabilis eadē res declarari solet. nam & cōtritio  
cordis dicitur: quia cordis nomē frequenter sacrę  
litterę pro uoluntate usurpāt. ut enim a corde mo-  
tionum corporis principium sumitur: ita uoluntas  
reliquas omnes animę uires moderatur, ac regit. Vo-  
catur etiam a sanctis Patribus cordis compunctio; s. *Chrys.*  
qui libros de cōtritione conscriptos, de compun-  
ctione cordis inscribere maluerunt. Etenim quem-  
admodū ferro tumida ulcera secantur, ut inclusum  
uirus possit erumpere; ita corda, quasi scalpello cō-  
tritionis adhibito, inciduntur, ut peccati mortisc-  
rum uirus queant eijcere. quare & scissio cordis a  
ioele propheta appellata est; Conuertimini, inquit *ioel 2*  
ad me in toto corde uestro, in ieiunio, & in fletu,  
& in planctu, & scindite corda uestra. Summum  
uero & maximum dolorem ex peccatis, quæ com-  
missa sunt, suscipiendū esse, ita ut nullus maior exco-

S a gitari

1. *Ioan.* 3. gitari possit, facile erit hisce rationibus demonstra-  
 re. nam cum perfecta contritio sit charitatis actio,  
 quę ab eo timore, qui filiorum est, proficiscitur;  
 patet eundem charitatis, & contritionis modum  
 statuendum esse: at quoniam charitas, qua Deum  
 diligimus, perfectissimus est amor, hinc fit, ut con-  
 tritio uehementissimū animi dolorem cōiunctum  
 habeat. ut enim maxime diligendus est Deus: ita,  
 quę nos a Deo alienāt, maxime detestari debemus.  
 In quo etiam illud obseruandum est, eodem loquē-  
 di genere, charitatis, & contritionis magnitudi-  
 nem in sacris litteris significari. De charitate di-  
 ctum est: Diliges dominū Deum tuum ex toto cor-  
 de tuo. Rursus, quod ad contritionem pertinet, cla-  
 mat Dominus per Prophetam: Conuertimini in  
 toto corde uestro. Pręterea, si, uti Deus summum  
 bonum est inter omnia, quę diligenda sunt, ita etiā  
 peccatum summum est malum inter omnia, quę  
 odisse homines debent: illud sequitur, ut, quam ob  
 causam Deum summe diligēdum esse confitemur,  
 ob eandem rursus peccati summum odium nos ca-  
 piat, necesse sit. Omnibus uero rebus Dei amorem  
 anteponendum esse, ita ut ne uite quidem conser-  
 uandę causa peccare liceat, aperte nos docent illa  
 Domini uerba; Qui amat patrem, aut matrem  
 plus quam me, non est me dignus: & qui uoluerit  
 animam suam saluam facere, perdet eam. Sed il-  
 lud etiam animaduertendum est, ut, quēmadmo-  
 dum, sancto Bernardo teste, nullus finis, & mo-  
 dus charitati pręscribitur, (Modus enim, inquit  
 ille, diligēdi Deum, est, ipsum diligere sine modo)  
 ita peccati detestationi nullus modus definiatur. Sit  
 prę-

*Denter.* 6  
*Ioel* 2

*Matth.* 10

*Matth.* 16

*Marc.* 8

*S. Bernar.*



præterea non solum maxima, sed uehementissima, atque adeo perfecta, omnemque ignauiam, & sordidiam excludat. Etenim in Deuteronomio scriptum est: Cum quæsieris dominum Deum tuum, inuenies eum, si tamen toto corde quæsieris, & tota tribulatione animæ tuæ. & apud Hieremiam: *Hiere. 29* Quæretis me, & inuenietis, cum quæsieritis me in toto corde uestro, & inueniar a uobis; ait Dominus. Quamquam si id minus cōsequi nobis liceat, ut perfecta sit, uera tamen & efficax contritio esse potest. sepe enim usu uenit, ut, quæ sensibus subiecta sunt, magis, quam spiritualia, nos afficiant. quare nonnulli interdū maiorem ex filiorum obitu, quam ex peccati turpitudine, doloris sensum capiunt. Idem etiam iudicium faciendum est, si lacrymæ doloris acerbiter non cōsequantur, quæ tamen in penitentia summopere optandæ, & commendandæ sunt. præclara est enim ea de re sancti Augustini sententia: Non sunt, inquit, in te Christianæ charitatis uiscera, si luges corpus, a quo recessit anima; animam uero, a qua recessit Deus, nō luges. Atque huc spectant illa Saluatoris nostri uerba, quæ supra allata sunt: Væ tibi Corozaim, uæ tibi Bethsaida: quia si in Tyro & Sidone factæ essent uirtutes, quæ factæ sunt in uobis, olim in cinere, & cilicio penitentiam egissent. Tamen ad eam rem cōprobandā satis esse debent clarissima Niniuitarū, Dauidis, peccatricis, apostolorū Principis exempla; qui oēs plurimis lacrymis Dei misericordiam implorantes, peccatorum ueniā impetrarūt.

Maxime autem hortandi, & monendi sunt fideles, ut ad singula mortalia crimina proprium con-

S 3 tritionis

*Singula peccata mortalia in contritione*



tritione ex-  
primenda  
& detestan-  
da.

Ezech. 18

D. August.

Ezech. 33

Iacob. 2

tritionis dolorem adhibere studeant: ita enim Ezechias contritionem describit, cum ait: Recogitabo tibi oēs annos meos in amaritudine animæ meæ. etenim, recogitare omnes annos, est, singillarim peccata excutere, ut ea ex animo doleamus. Sed apud Ezechielem quoque scriptum legimus: Si impius egerit penitentiam ab omnibus peccatis suis, uita uiuet. Atque in hanc sententiam sanctus Augustinus inquit: Consideret peccator qualitatem criminis in loco, in tempore, in uarietate, in persona. Neque tamen hac in re desperent fideles de summa Dei bonitate, & clementia; is enim, cum nostræ salutis cupidissimus sit, nullam moram ad tribuendam nobis ueniam interponit, sed peccatorem paterna charitate complectitur, simul atque ille se collegerit, & uniuerse peccata sua detestatus, quæ deinde alio tempore, si facultas erit, singula in memoriam reducere, ac detestari in animo habeat, ad Dominum se conuerterit. ita enim nos per Prophetam iubet sperare, cum inquit: Impietas impij non nocebit ei, in quacunque die conuersus fuerit ab impietate sua. Ex his igitur colligi poterunt, quæ ad ueram contritionem maxime sunt necessaria; de quibus fidelē populū accurate oportebit docere; ut quisque intelligat, qua ratione comparare eam possit; regulamque habeat, qua diiudicet, quantum absit ab eius uirtutis perfectione. Primū enim necesse est peccata omnia, quæ commissus, odisse, & dolere; ne, si quedam tantum doleamus, ficta, & simulata, neque salutaris penitentia a nobis suscipiatur. nam, ut a sancto Iacobo apostolo dictum est; Quicumque totam legem

ser-



seruauerit, offendit autem in uno, factus est omniū reus. Alterum est, ut ipsa contritio, confitendi, & satisfaciendi uolūtatem coniunctā habeat; de quibus postea suo loco agetur. Tertium est, ut penitēs uite emendandę certam, & stabilem cogitationem suscipiat. hoc uero Propheta his uerbis aperte nos *Ezech. 18* docuit: Si impius egerit penitentiam ab omnibus peccatis suis, quę operatus est, & custodierit omnia pręcepta mea, & fecerit iudicium, & iustitiam; uita uiuet, & non morietur; omnium iniquitatum eius, quas operatus est, non recordabor. & paulo post: Cum auerterit se impius ab impietate sua, quā operatus est, & fecerit iudicium, & iustitiam; ipse animam suam uiuificabit. Ac paucis interiectis; Conuertimini, inquit, & agite penitentiam ab omnibus iniquitatibus uestris; & non erit uobis in ruinā iniquitas; proijcite a uobis omnes prauaricationes uestras, in quibus prauaricati estis; & facite uobis cor nouum, & spiritum nouum. Idem etiam Christus dominus mulieri, quę in adulterio deprehensa est, pręscripsit: Vade, inquit, & iam *Ioan. 8* amplius noli peccare. Item paralytico illi, quem ad probaticam piscinam curauerat; Ecce, ait, *Ioan. 5* sanus factus es, iam noli peccare. Sed natura quoque ipsa, & ratio plene ostendunt, duo illa ad contritionem esse in primis necessaria; dolorē scilicet peccati admissi, & propositū cautionemque ne quid huiusmodi in posterum cōmittatur. Nam qui amico reconciliari uelit, quem iniuria aliqua affecerit, & doleat oportet, quod in eū iniuriosus & cōtumeliosus fuerit; & diligenter reliquo tempore prouideat, ne qua in re amicitia lęssisse uideatur: quę duo obe-

dientia adiunctam habeant, necesse est. hominem enim legi, siue naturali & diuinæ, siue humanæ, quibus subiectus est, parere conuenit. Quare si quid pœnitens alteri per uim, aut per fraudē abstulit, restituat, oportet: iteq. alicuius aut cōmodi, aut officij compensatione illi satisfaciat, cuius dignitatem, aut uitam dicto, factoue uiolauit. tritū

**D. August.** enim est omnium sermone, quod apud sanctum

Augustinum legimus; Non remittitur peccatum, nisi restituatur ablatum. Neque uero inter cetera, quæ ad contritionem maxime pertinent, minus diligenter, & necessario curandum est, ut, quidquid iniuriarum ab altero acceperis, id totum remittatur, ac condonetur. ita enim Dominus & Saluator noster monet, atque denunciatur: Si dimiseritis hominibus peccata eorum, dimittet & uobis pater uester cœlestis delicta uestra; si autem non dimiseritis hominibus, nec pater uester dimittet uobis peccata uestra. Hæc sunt, quæ fidelibus in contritione obseruanda sunt: cetera, quæ ad hanc rem colligi a Pastoribus facile poterunt, efficient quidem, ut in suo genere contritio sit magis perfecta, & absoluta; uerum adeo necessaria existimanda non sunt, ut sine his ueræ, & salutaris pœnitentiæ ratio constare non possit.

**Fructus & utilitates contritionis.**

Sed quoniam non satis esse Pastoribus debet, si ea doceant, quæ ad salutem uidentur pertinere, nisi etiam omni cura & industria laborent, ut fideles ad eam ipsam rationem, quæ illis præscripta est, uitam, actionesque suas dirigant, uehementer proderit, contritionis uim, & utilitatem sæpius proponere. Nam cum pleraq. alia pietatis studia ueluti bene-



beneficientia in pauperes, ieiunia, preces, & alia id genus sancta, & honesta opera, hominum culpa, a quibus proficiuntur, a Deo interdum repudiuntur; ipsa certe contritio nunquam illi grata & accepta esse non potest. nam inquit Propheta: Cor *Psal. 50* contritum & humiliatum Deus non despicias. Quin etiam statim, ut eam mentibus nostris concepimus, peccatorum remissionem nobis a Deo tribui, alio loco eiusdem Prophetæ uerba illa declarant: Dixi, *Psal. 31* confitebor aduersum me iniustitiâ meâ Domino, & tu remisisti impietatem peccati mei. Atque eius *Luc. 17* rei figuram in decem leprosis animaduertimus, qui a Salvatore nostro ad sacerdotes missi, antequam ad illos peruenirent, a lepra liberati sunt. Ex quo licet cognoscere, ueræ contritionis, de qua supra dictum est, eam uim esse, ut illius beneficio omnium delictorum ueniâ statim a Domino impetremus. Plurimum etiam ualebit ad fidelium mentes excitandas, si Pastores rationem aliquam tradiderint, qua se quisque ad contritionem exercere possit. Monere autem oportet, ut omnes conscientiam suam frequenter excutientes, uideant, num quæ a Deo, siue ecclesiasticis sanctionibus præcepta sunt, seruauerint: quod si quis alicuius sceleris reum se esse cognouerit, statim se ipsum accuset, supplexque a Domino ueniâ exposcat, & spatium tum confitendi, tum satisfaciendi sibi dari postulet: in primisque diuinæ gratiæ præsidio se adiuuari petat, ne in posterum eadem illa peccata admittat, quæ admisisse uehementer pœnitet. Curandum erit præterea Pastoribus, ut in peccatum summum fidelium odium concitetur; tum quia summa est illius foeditas, & turpitudine, tum quia grauissi-

ma

ma damna, & calamitates nobis affert. nam Deū beneuolentiam, a quo maxima bona accepimus, lōgeque maiora expectare & consequi licebat, a nobis abalienat, & summorum dolorum cruciatibus perpetuo afficiēdos sempiternæ morti nos addicit.

*De confes-  
sione, sacra-  
menti Pæ-  
nitentiæ al-  
tera parte;  
& illius ne-  
cessitate.*

Haftenus de contritione: nunc ad confessionē, quæ est altera pænitentiæ pars, ueniamus. Quantum uero curæ & diligentia in ea explicanda ponere Pastores debeant, ex eo facile intelligent, quod omnibus fere pijs persuasum est, quidquid hoc tempore sanctitatis, pietatis, & religionis in Ecclesia, summo Dei beneficio, conseruatū est, id magna ex parte confessioni tribuendum esse; ut nulli mirandum sit, humani generis hostem, cū fidem catholicam funditus euertere cogitat, per ministros impietatis suæ, & satellites hanc ueluti Christianæ uirtutis arcem totis uiribus oppugnare conatum esse. Primum itaq. docendū est, cōfessionis institutionē nobis sūm opere utilē, atque adeo necessariā fuisse: ut enim hoc cōcedamus, cōtritione peccata deleri; quis ignorat illā adeo uehementem, acrem, incensā esse oportere, ut doloris acerbitas cū scelerum magnitudine equari, conferrique possit? at quoniam pauci admodum ad hunc gradum peruenirent, fiebat etiam ut a paucissimis hac uia peccatorū uenia speranda esset: quare necesse fuit, ut clemētissimus Dominus faciliori ratione communi hominū salutis consuleret. quod quidē admirabili consilio effecit, cum clauēs regni cēlestis Ecclesię tradidit. Etenim ex fidei catholicæ doctrina omnibus credēdū, & constanter affirmandū est, si quis ita animo affectus sit, ut peccata admissa doleat, simulque in posterum



sterum non peccare cōstituatur; etsi eiusmodi dolore non afficiatur, qui ad impetrandam ueniam satis esse possit; ei tamen, cum peccata sacerdoti rite confessus fuerit, ut clauium scelera omnia remitti, ac condonari: ut merito a sanctissimis uiris Patribus nostris celebratum sit, Ecclesiæ clauibus aditum in cælum aperiri, de quo nemini dubitare fas est, cum a Florentino Concilio decretum legamus, pænitentia effectum, esse absolutionem a peccatis. Verum ex eo præterea licet cognoscere, quantam afferat cōfessio utilitatem, quod ijs, quorum est corrupta uitæ consuetudo, nihil tam prodesse ad mores emendandos experimur, quam si interdum occultas animi sui cogitationes, facta, dictaque omnia, prudenti, & fideli amico patefaciant, qui eum opera, & consilio iuuare possit. Quare ad eandem rationem maxime salutare existimandū est ijs, qui scelerum conscientia agitantur, ut sacerdoti, tamquam Christi domini uicario, cui perpetui silentij seuerissima lex proposita est, animæ suæ morbos, & uulnera aperiant: statim enim parata sibi medicamenta inuenient; quæ non solum presentis egritudinis sanande, uerū ita preparande anime celestem quamdam uim habeant, ut deinceps facile futurum non sit, in eiusdem morbi & uitij genus recidere. Neque uero illa confessionis utilitas prætermittenda, quæ ad uitæ societatem & coniunctionem magnopere pertinet. constat enim, si sacramentalem confessionem e Christiana disciplina eximeris, plena omnia occultis, & nefandis sceleribus futura esset quæ postea, & alia etiam multo grauiora, homines, peccati consuetudine deprauati, palam committere

Flor. Conc.  
in Decreto  
Eugenij. 4.

mittere non uerebuntur. etenim cōfitendi uerecundia, delinquendi cupiditati, & licentię tamquam frenos iniicit, & improbitatem coercet.

*Confessio-  
nis sacramē  
tis descri  
ptio & na-  
tura, &  
quid sit eius au-  
thor.  
Prout. 2*

Sed iam confessionis utilitate exposita, quæ sit eius natura, & uis, Pastoribus tradendum erit.

Eam igitur definiunt esse peccatorum accusationē, quæ ad sacramenti genus pertinet, eo susceptam, ut ueniam uirtute clauium impetremus. Recte autem accusatio dicitur, quod peccata ita cōmemorāda non sunt, quasi scelera nostra ostentemus, ut if

*D. Chrys.*

faciunt, qui letantur cum male fecerint; aut omnino enarranda, ut si rem aliquam gestam otiosis auditoribus delectandi causa exponamus. uerum accusatoris animo ita enumeranda sunt, ut etiam in nobis uindicare cupiamus. Veniæ autem impe-

*D. August.*

trande causa, peccata confitemur: quoniam hoc iudiciū longe dissimile est forensibus capitalium rerum quaestionibus, in quibus confessioni pœna & supplicium, non culpæ liberatio, & errati uenia constituta est. In eandem fere sententiam, quamuis alijs uerbis, sanctissimi Patres uidentur confessionem definisse, ueluti cum sanctus Augustinus in-

*S. Greg.*

quit, Confessio est, per quam morbus latens spe uenię aperitur: & sanctus Gregorius; Confessio est peccatorum deestatio: quarum utraque, quod in superiori definitione cōtinetur, facile ad eam referri poterit. Sed iam, quod omnium maximi faciendū est, docebūt Parochi, ac sine ulla dubitatione fidelibus tradent, hoc sacramentum a Christo domino, qui bene omnia, & unius salutis nostrę causa fecit, ob eius summam bonitatem, & misericordiam institutum esse: apostolis enim, post resurrectionem

unum

unum in locum congregatis, insufflauit, dicens:

Accipite Spiritum sanctum: quorum remiseritis *Ioan. 19*

peccata, remittuntur eis; & quorum retinueritis,

retenta sunt. Cum igitur Dominus potestatem reti-

nendi, & remittendi peccata sacerdotibus tribue-

rit; perspicuum est, ipsos etiam ea de re iudices cō-

stitutos fuisse. Atque idem significare uisus est Do-

minus, cum apostolis id negotij dedit, ut Lazarum

a mortuis excitatum, a uinculis soluerent, quibus

constrictus erat. nam sanctus Augustinus eum lo-

cum ita explanat: Ipsi, inquit, sacerdotes plus

iam possunt proficere, plus confitentibus parcere,

quibus crimen remittunt: Dominus scilicet per ip-

sos apostolos Lazarum, quem iam suscitauerat,

obtulit discipulis soluendum, ostendens potestatem

soluendi esse concessam sacerdotibus. Quo etiam

pertinet, quod ijs, qui a lepra in itinere curati sunt,

præceperat, ut sacerdotibus se ostenderet, illorūq.

iudicium subirent. Cum igitur Dominus potestatem

remittendi, & retinendi peccata sacerdotibus tri-

buerit; perspicuum est, ipsos etiam ea de re iudices

constitutos fuisse. at, quoniam, ut sancta Triden-

tina Synodus sapiēter admonuit, de qualibet re ue-

rum iudicium fieri, atque in repetendis criminum

pœnis iustitiæ modus teneri non potest, nisi plane

cognita, & perspecta causa fuerit; ex eo sequitur,

ut pœnitentiū cōfessione singillatim peccata omnia

sacerdotibus patefacienda sint. Hæc igitur Pasto-

res docebunt, quæ a sancta Tridentina Synodo de-

creta, ac perpetuo a catholica Ecclesia tradita sunt.

si enim sanctissimos Patres attente legimus, nul-

quam nō apertissima testimonia occurrent, quibus

confir-

*Ioan. 11*

*D. August.*

*Conc. Trid.*



confirmetur, hoc sacramentum a Christo domino institutum esse, & confessionis sacramentalis legē, quam illi exomologēsin, & exagoreusin græco uocabulo appellant, tamquam euangelicā accipendam esse. Quod si etiam ueteris testamenti figuras exquirimus, sine dubio ad peccatorum confessionem uidentur pertinere uaria illa sacrificiorum genera, quæ ad expianda diuersi generis peccata a sacerdotibus fiebant.

*De ritibus  
& ceremoniis ad confessionē adhibendis.*

Sed quemadmodū confessionem a Domino saluatore institutam esse fideles docendi sunt; ita etiā monere eos oportet, quosdam ritus, & sollemnes ceremonias Ecclesiæ auctoritate additas esse; quæ etsi ad sacramenti rationem non spectant, eius tamen dignitatem magis ante oculos ponunt, & confitentium animos, pietate accensos, ad Dei gratiam facilius consequendam preparant. Cum enim aperto capite ad pedes sacerdotis abiecti, demisso in terram uultu, supplices manus tēdentes, aliaque huiusmodi Christianæ humilitatis signa dātes, quæ ad sacramenti rationem necessaria non sunt, peccata confitemur, ex his perspicue intelligimus, tum in sacramento celestem uim agnoscendam, tum a nobis diuinam misericordiā summo studio requirendam, atque efflagitandam esse. Iam uero, nemo existimet confessionem a Domino quidem institutam, sed ita tamen, ut eius usum necessarium esse non edixerit. Etenim sic statuunt fideles, oportere eum, qui mortali scelere premitur, cōfessionis sacramento ad spiritualem uitam reuocandū esse: quod quidem pulcherrima translatione a Domino aperte significatum uidemus; cum huius sacramen-  
ti ad-

*Matth. 16*



si administrandi potestatem, clauē regni celorum appellauit. Vt enim locum aliquem ingredi nemo potest, sine eius opera, cui clauēs commisse sunt: sic intelligimus, neminem in cælum admitti, nisi fores a sacerdotibus, quorum fidei clauēs Dominus tradidit, aperiantur. Aliter enim nullus plane clauium usus in Ecclesia esse uidebitur: ac frustra is, cui clauium potestas data est, quempiam cæli aditu prohibebit, si tamen alia uia introitus patere queat. Hoc uero præclare a sancto Augustino cognitum est, cum inquit: Nemo D. Auguſt. sibi dicat: occulte ago apud Dominum pænitentiam: nouit Deus, qui mihi ignoscat, quid in corde ago. Ergo sine causa dictum: Quæ solueritis in terra, soluta erunt in cælo? ergo sine causa clauēs datæ sunt Ecclesiæ Dei? Atque in eandem sententiā sanctus Ambrosius in libro de pænitentia scriptū D. Ambr. reliquit, cum Nouatianorum hæresim conuelleret, qui soli Domino potestatem peccata remittendi reſeruandam aſſerebant; Ecquis Deum, inquit, magis ueneratur; qui ne mandatis illius obtemperat, an qui resistit? Deus nobis iussit eius ministris obtemperare: quibus cum pareamus, honorem soli Deo deferimus. Sed cum minime dubitari posſit, confessionis legem ab ipſo Domino latā & constitutam eſſe: ſequitur, ut uidendum ſit, quinam, quo ætatis, & anni tempore ei parere debeant. Primum itaque ex Lateranenſis Concilij canone, cuius Lat. Conc. initium eſt, Omnis utriusque ſexus, perſpici-  
tur, neminem confessionis lege adſtrictum eſſe ante eam ætatem, qua rationis uſum habere poteſt. neque tamen ea ætas certo aliquo annorum nume-

ro definita est: sed illud uniuerse statuendum uide-  
tur, ab eo tempore confessionem puero indicta es-  
se, cum inter bonum, & malum discernendi uim  
habet, in eiusque mentem dolus cadere potest. nam  
cum ad id uitæ tempus quisque peruenerit, in quo  
de salute æterna deliberandum est, tum primum sa-  
cerdoti peccata confiteri debet: cum aliter salutem  
sperare nemini liceat, qui scelerum conscientia præ-  
*Conc. Late.* mitur. Quo uero potissimū tēpore confiteri oport-  
teat, eo canone, de quo antea diximus, sancta Ec-  
clesia decreuit: iubet enim semel saltem quotannis  
fideles omnes peccata sua confiteri. Verum si, quid  
salutis nostrę ratio postulet, consideremus; profe-  
cto, quoties uel mortis periculum imminet, uel ali-  
quam rem tractare aggredimur, cuius tractatio  
homini peccatis contaminato non cōueniat: uelut  
cum sacramenta administramus, aut percipimus,  
toties cōfessio prætermittenda nō est. Atque idem  
omnino seruare oportet; cum ueremur, ne nos ali-  
cuius culpæ, quam admiserimus, obliuio capiat.  
neque enim peccata confiteri possumus, quę non  
meminimus: neque peccatorum ueniam a Domi-  
no impetramus, nisi ea penitentię sacramentum  
per confessionem deleat.

*De conditio-  
nibus, &  
circumstan-  
tijs ad con-  
fessionem re-  
quisitis.*

Sed quoniam multa in confessione obseruanda  
sunt, quorum alia ad sacramenti naturā pertinent,  
alia non ita necessaria sunt; de his accurate agendū  
erit. neque enim desunt libelli, & commentarij, ex  
quibus facile est horum omnium explicationem  
depromere. Illud autem in primis doceant Paro-  
chi, in confessione curandum esse, ut integra & ab-  
soluta sit. etenim omnia mortalia peccata sacerdoti  
aperire

aperire oportet . nam uenialia , quę nos a Dei gratia non diuellunt , & in quę frequentius labimur , tametsi recte , atque utiliter , quod piorum usus demonstrat , cōfitemur , tamen sine culpa prætermitti , multisque alijs rationibus expiari possunt . at mortifera peccata , ut iam diximus ; singula enumerāda sunt , quamuis etiam occultissime lateant , ut eius generis sint , quę duobus tantum extremis Decalogi capitibus interdiciuntur . sepe enim euenit , ut ea grauius animam uulnerent , quam illa , quę aperte , ac palam peccare homines solent . ita uero a sancta Tridentina Synodo definitum , atque *Trid. Syn.* a catholica Ecclesia semper traditum est , quemadmodum sanctorū Patrum testimonia delcarant . est enim apud sanctum Ambrosium in hunc mo- *S. Amb.* dū : Non potest quis iustificari a peccato , nisi confesus fuerit peccatum . Sanctus etiam Hieronymus in *S. Hieron.* Ecclesiaste idem plane cōfirmat . ait enim : Si quem serpens Diabolus occulte momorderit , & , nullo cōscio , eum peccati ueneno infecerit , si tacuerit , & pænitentiam non egerit , nec uulnus suum fratri , aut magistro uoluerit confiteri , magister , qui linguam habet ad curandum , prodesse non poterit . Præterea sãctus Cyprianus in sermone de lapsis apertis *S. Cypria.* sime hoc docet , his uerbis : Quãuis nullo sacrificij , aut libelli facinore constricti sint , quoniam tamen de eo cogitauerunt , id ipsum apud sacerdotes Dei dolenter confiteantur . Denique hæc omniū Ecclesię doctorum cōmunis uox est , atque sententia . Sed in confessione summa illa cura , & diligentia adhibēda est , quā in rebus grauisimis ponere solemus , omneq. studiū ita eo conferendum , ut sanemus ani-

ma uulnera, & peccati radices euellamus. Neq. uero solū peccata graua narrādo explicare oportet, uerum etiā illa, quæ unumquodque peccatum circumstant, & prauitatem ualde augent, uel minuunt. Quædam enim circumstantiæ adeo graues sunt, ut peccati mortiferi ratio ex illis tantum constet: quare hæc omnia semper confiteri oportet. Si quis enim hominē interemerit, explicandum est, utrum ille sacris initiatus, an profanus fuerit. Itemque si cum muliere concubuit, matrimonij ne lege libera, aut alterius uxore, aut propinqua, aut alicuius uoti sponsione Deo consecrata, aperiat, necesse est. hæc enim diuersa peccatorū genera constituūt, ita ut primum quidem simplex fornicatio, alterum adulteriū, tertium incestus, quartum sacrilegium a diuinarum rerum doctoribus appelletur. Furtum etiam in peccatis numerandum est: uerum si quis aureum nummum furetur, leuius omnino peccat, quam is, qui centum, uel ducentos, uel ingentem aliquam auri uim, præsertim uero qui sacram pecuniam abstulit. Quæ etiam ratio ad locum, & ad tempus pertinet: quorum exempla notiora sunt ex multorum libris, quam ut a nobis cōmemorentur. Hæc igitur, ut diximus, enumeranda sunt: quæ uero prauitatem rei magnopere non augent, sine crimine omitti possunt. Sed ad confessionē adeo necessarium est, ut, quod antea diximus, integra, & absoluta sit, ut, si quis dedita opera, alia quidem ex ijs, quæ explicari debent, prætermittat, alia uero tantummodo confiteatur, non solum ex ea confessione is commodum nullū consequatur, sed etiam nouo scelere se obstringat: neq. eiusmodi peccatorum



catorum enumeratio cōfessionis nomine, in qua sacramenti ratio insit, appellanda est: quin potius penitenti confessionē repetere est necesse, seque ipsū illius peccati reum facere, quod sacramenti sanctitatem simulatione cōfessionis uiolauerit. At uero, si alia de causa cōfessionī aliquid defuisse uideatur, uel quia penitens nonnulla crimina oblitus fuerit, uel quia conscientia suā latebras non ita accurate perquisiuerit, cum tamen illud in animo haberet, ut integre peccata omnia confiteretur; nihil ei opus erit confessionem iterare; satis autem habebit, si quando peccata, quę oblitus erat, in memoriam reduxerit, ea sacerdoti alio tempore confiteri. In quo tamen animaduertendū est, ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidē uoluissē merito uideri possimus. id enim si factum fuerit, confessionem iterare omnino oportebit. Præterea curandum est, ut confessio nuda, simplex, & aperta sit, non artificiose composita, ut a nonnullis fit, qui potius uitæ suæ rationem exponere, quā peccata cōfiteri uidentur, ea enim confessio esse debet, quę nos tales sacerdoti aperiat, quales nos ipsos nouimus, certa quæ pro certis, ac dubia pro dubijs demonstret. Quod si uel peccata non recensentur, uel alieni a re, quam tractamus, sermones inferuntur; perspicuum est, confessionē hac uirtute carere. Vehementer etiam commēdandi sunt, qui prudentiam, & uerecundiam in explicandis rebus adhibent. neque enim nimis multis uerbis agendū est, sed, quæ ad cuiusque peccati naturam, & rationē.

pertinent, breui oratione, quæ modestiam coniunctam habeat, aperienda sunt. Illud uero tum confitenti, tum sacerdoti maxime laborandū est, ut eorum sermo in confessione secreto habeatur. quare fit, ut nemini omnino neque per nuncium, neque per litteras, quoniam ea ratione nihil iam occulte agi potest, peccata confiteri liceat. Sed nulla res fidelibus adeo curæ esse debet, quam ut frequenti peccatorum confessione animam studeant expiare: etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quam statim peccata sua cōfiteri. Nam, ut sibi quisque diuturnum uitæ spatium polliceri queat, turpe profecto est; cum in eluendis corporis, aut uestium sordibus tam diligentes simus, non eadem saltem diligentia curare, ne animæ splendor turpissimis peccati maculis obsolescat.

De legiti-  
mo & ido-  
neo Confes-  
sionis sacra-  
mentalismi-  
nistro.

Iacobi 20

Sed iam de ministro huius sacramenti dicendum est. Eum autem sacerdotem esse, qui ordinariam, aut delegatam absoluendi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium præbent illa Domini uerba apud sanctū Iohannem: Quorum remiseritis peccata, remittuntur eis; & quorum retinueritis; retenta sunt. neque enim omnibus, sed apostolis tantum hæc dicta fuisse constat; quibus in hac functione sacerdotes succedunt: idque etiam maxime consentaneum est. nam cum omne gratiæ genus, quæ hoc sacramento tri-

tribuitur, a Christo capite ad membra deriuetur; merito debent corpori Christi mystico, idest fidelibus illud administrare, qui soli uerū eiusdem corpus conficiendi potestatem habent; cum præsertim fideles hoc ipso pænitię sacramento ad sacram Eucharistiam sumendam apti, idoneiq. redantur. Verum quanta olim religione in antiquissima Ecclesia ius ordinarij sacerdotis conseruatum fuerit, ex ueteribus Patrum decretis facile intelligitur, quibus cautum est, ne quis Episcopus, aut sacerdos in alterius parochia aliquid gerere auderet, sine eius auctoritate, qui illi præesset, aut nisi magna necessitas cogere uideretur. Ita uero ab Apostolo sancitum est, cum Tito præcepit, *Ad Tit. i* ut in singulis ciuitatibus sacerdotes constitueret; qui scilicet doctrinæ, & sacramentorum cælesti pabulo fideles alerent, & educarent. Quamquam, si mortis periculum imminet, & proprij sacerdotis facultas non datur; ne hac occasione aliquis pereat, in Ecclesia Dei custoditum fuisse, Concilium Tridentinum docet, ut unicuique sacerdoti liceret, non solum omni peccatorum genere, cuiuscumque potestatis sit, illa cōdonare, sed etiam ab excommunicationis uinculo soluere. *Con. Trid.* Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, qua & peccata inuestigare, & ex uarijs peccatorum generibus, quæ graua, quæ leuia sint, pro-

T 3

cuius-

**Ex S. Basilio.**

cuiusque hominis ordine & genere iudicare possit. ut autem medicus est, summa quoque prudentia indiget. etenim diligenter providendum est, ut ea remedia egroto adhibeantur, quæ ad illius animam sanandam, & in posterum cōtra morbi uim muniendam aptiora esse uideantur. Ex quo poterūt fideles intelligere, cuius maximo studio curandum esse, ut eum sibi sacerdotem deligat, quæ uite integritas, doctrina, prudens iudicium cōmendet; qui, & quantum in eo officio, cui præest, ponderis ac momenti sit, & quæ cuique sceleri pœna cōueniat, & qui uel soluendi, uel ligandi sint, optime noverit. Sed quoniā nemo est, qui non uehementer cupiat, scelera, & turpitudinem suam occultari; monendi sunt fideles, nihil esse, quod timeant, ne ea, quæ ipsi cōfessione patefecerint, a sacerdote ulli umquam indicētur, neue aliquod ex ea periculi genus sibi ullo tēpore creari possit. sacrę enim sanctiones grauisime in eos sacerdotes animaduerti uoluerūt, qui peccata omnia, quæ aliquis eis confessus fuerit, perpetuo, & religioso silentio compressa nō tenuerint. Quare in Cōcilio Lateranensi magno ita legimus: Caueat oīno sacerdos, ne uerbo, uel signo, uel alio quouis modo prodat aliquatenus peccatorē.

**Ex Leone Papa.**

**Conc. Late.**

**De conditionibus ad cōfessionē uere penitentis necessarijs.**

Sed iam ordo rerum postulat, cum de ministro dictum sit, ut quedā præcipua capita explicentur, quæ ad confessionis usum, & tractationem non parum sunt accommodata. Magna enim fideiū pars, quibus uulgo nihil longius uideri solet, quam, ut, dies illi, qui ecclesiastica lege confessioni præfiniti sunt, effluant: tantum absunt a Christiana perfectione, ut uix peccatorum suorū meminerint, quæ

sacer-



sacerdoti patefacienda essent, nedum cetera diligenter curent, quæ ad diuinam gratiam conciliandam uim habere maximam perspicuum est. Quare cum illorum saluti omni studio succurrendum sit; hoc primum sacerdotes in penitente diligenter obseruabunt, si ueram peccatorum suorum contritionem habeat, certumque illi sit, ac deliberatum, in posterum a peccatis abstinere. Quod si ita animo affectum esse animaduernerint, moneant, & uehementer hortentur, ut pro tanto, & tam singulari beneficio maximas gratias Deo agat; ab eoque celestis gratiæ præsidium petere numquam desinat; quo munitus, ac tectus, facile poterit prauis cupiditatibus resistere, ac repugnare. Docendus est etiam, ut nullum patiatur esse diem, quin aliquid de passionis Domini nostri mysterijs meditetur, ad eumque imitandum, & summa charitate amandum ipse se excitet, atque inflammet. hac enim meditatione assequetur, ut ab omnibus dæmonis tentationibus in dies se tutiorem esse sentiat. Neque enim ulla alia est causa, cur tam cito, uel leuiter ab hoste impugnati, animo, & uiribus succumbamus, quam quod ex celestium rerum meditatione diuini amoris ignem concipere non studemus, quo mens recreari, atque erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno cōtritionis desiderio eum afficere; ut deinde huius præclari doni cupiditate incensus, illud a Dei misericordia petere, & efflagitare in animum inducat. In primis autem reprimenda est quorundam superbia, qui scelera sua excusatione

T 4 aliqua

aliqua uel defendere, uel minora facere nituntur. Nam exempli causa, cum aliquis fateatur, se ira uehementius commotum fuisse; statim huius perturbationis causam in alium confert, a quo prius sibi iniuriam factam esse queritur. Monēdus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi excusationis genus, ad augendum potius, quam minuendum peccatum pertinere. nam qui ita factum suum probare contendit, hoc uidetur profiteri, se tunc patientia usurum esse, cum a nemine iniuria ledetur. quo quidem nihil homine Christiano indignius esse potest. Etenim cum illius uicem dolere maxime debuerit, qui iniuriam fecit; tamen non peccati prauitate commouetur, sed fratri irascitur, ac, cum ei præclara occasio oblata fuerit, ut Deum patientia colere, & fratrem mansuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui stultitia quadam uerecundia impediti, peccata confiteri non audent. Iis igitur hortando animos addere oportet: monēdique sunt, nihil esse, quod ultia sua aperire uereantur; nulliq. mirum uideri debere, si intelligat homines peccare; qui quidē communis est omnium morbus, & in humanam imbecillitatem proprie cadit. Alij sunt, qui, uel quod raro peccata confiteri solent, uel quod nullam curam, & cogitationem in peruestigandis suis sceleribus posuerunt, nec commissa confessione expedire, nec, unde eius officij initium ducendum sit, satis sciunt: quos certe acrius obiurgare opus est, atque in primis

primis docere, prius quam ad sacerdotem aliquis  
adeat, omni studio curandum esse, ut peccatorum  
suorum contritione commoueatur; id uero præ-  
stari nullo modo posse, nisi ea reminiscendo singilla-  
tim recognoscere studeat. Quare, si sacerdos hu-  
iusmodi homines prorsus imparatos esse cognoue-  
rit, humanissimis uerbis a se dimittet, hortabi-  
turque, ut ad cogitanda peccata aliquod spatium  
sumant, ac deinde reuertantur, quod si forte af-  
firmauerint, se in eam rem omne studium, &  
diligentiam suam contulisse; (quoniam sacerdoti  
maxime uerendum est, ne, semel dimissi, amplius  
non redeant) audiendi erunt, præsertim uero si  
emendandæ uitæ studium aliquod præferant, ad-  
ducique possint, ut negligentiam suam accusent,  
quam se alio tempore diligenti & accurata medi-  
tatione compensaturos promittant. in quo tamen  
magna cautio adhibenda est. si enim, audita con-  
fessione, iudicauerit, neque in enumerandis pecca-  
tis diligentiam, neque in detestandis dolorem pe-  
nitenti omnino defuisse, absolui poterit. sin autem  
utrumque in eo desiderari animaduernerit; auctor  
illi, & suasor erit, ut maiorem curam, quod antea  
dictum est, in excutienda conscientia adhibeat, ho-  
minemque, ut blandissime poterit, tractatum di-  
mittet. Sed quoniam interdum contingit, ut mu-  
lieres, alicuius sceleris in priori confessione oblitæ,  
iterum ad sacerdotem non audeant redire; quod ue-  
reantur, ne uel in suspicionem magne improbita-  
tis populo ueniant, uel singularis religionis laudē  
quærere existimentur: sepe tum publice, tum pri-  
uatim docendum est, neminem tāta memoria esse-  
qui

qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotē reuertantur, si in memoriā alicuius criminis redierint, quod antea fuerit prætermisū. Hæc igitur, atque alia huius generis multa in cōfessione a sacerdotibus obseruanda erunt.

*De satisfactio-  
ne pæn-  
itentiae par-  
te, eiusque  
exequen-  
tiae necessitate.*

Nunc ad tertiam pænitentiae partem, quæ satisfactio appellatur, ueniendū est. Primum itaque satisfactionis nomē, & uis exponenda est. hinc enim catholice Ecclesie hostes amplā occasionē dissidij, & discordiæ, cum maxima Christiani populi perniciē, arripuerunt. Est autem satisfactio, rei debitæ integra solutio: nam quod satis est, ei nihil uidetur deesse. quare cum de gratiæ reconciliatione loquimur, idem satisfacere significat, quod alteri tantū præstare, quantū irato animo ad ulciscendā iniuriā satis esse possit. atque ita satisfactio nihil aliud est, quam iniuriæ alteri illatæ compensatio. Quod autem ad hunc locum pertinet, satisfactionis nomen diuinarum rerum doctores ad declarandam eā cōpensationem usurparunt, cum homo pro peccatis commissis Deo aliquid persoluit. Quo in genere quoniam multi gradus esse possunt, hinc fit, ut satisfactio uarie accipiatur. Ac prima quidem, & præstantissima illa est, qua pro scelerum nostrorū ratione, etiam si Deus summo iure nobiscum uelit agere, quidquid a nobis debeat, cumulate persolutum est. Hæc uero eiusmodi esse dicitur, quæ nobis Deum propitium, & placatum reddidit, eamque uni Christo domino acceptam ferimus, qui in cruce, pretio pro peccatis nostris soluto, plenissime Deo satisfecit. neque enim ulla res creata tanti esse potuit,



potuit, quæ nos tam graui debito liberaret : atque ,  
ut sanctus Ioannes testatur, ipse est propitiatio pro Ioan. 2  
peccatis nostris, non pro nostris autem tantum, sed  
etiam pro totius mundi . Hæc igitur plena, &  
cumulata est satisfactio, scelerum omniū rationi,  
quæ in hoc sæculo commissa sunt, pariter, æquali-  
terque respondens; cuius pōdere hominum actio-  
nes apud Deum plurimum ualent, ac sine eo nulla  
prorsus æstimatione dignæ haberentur. Atque huc  
Dauidis uerba uidetur spectare: qui postquam, se- Psal. 115  
cum ipse reputans, illud protulisset; Quid retri-  
buam Domino pro omnibus, quæ retribuit mihi?  
nihil præter hanc satisfactionem, quam calicis no-  
mine expresit, dignum tot, tantisque beneficijs  
inuenire potuit: quare subiecit: Calicem salutaris  
accipiam, & nomen Domini inuocabo . Alterum  
satisfactionis genus, quæ & canonica appellatur,  
& certo temporis spatio definita perficitur . qua-  
re antiquissimæ Ecclesiæ usu receptum est, ut, cum  
pænitentes a peccatis soluuntur, pœna aliqua eis  
irrogetur; cuius pœnæ solutio, satisfactio uocari  
consuevit . Eodem uero nomine quodlibet etiam  
pœnæ genus significatur, quam pro peccatis non  
quidem a sacerdote constitutam, sed sponte nostra  
susceptam, atque a nobis ipsis repetitam, sustine-  
mus . Verum hæc ad pænitentiam, ut sacramen-  
tum est, minime pertinet; sed illa tantum sacra-  
menti pars censenda est, quam diximus ex præce-  
pto sacerdotis Deo pro peccatis dependi; hoc adiū-  
cto, ut statutum cum animo, & deliberatum habea-  
mus; peccata in posterum omni studio uitare .  
ita enim nonnulli definierunt: satisfacere, est Deo  
debitum

debitum honorem impendere. quod autem nemo debitum honorē Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum excidere, & eorum suggestioni aditum non indulgere. In quam sententiam alij senserunt, satisfactionem esse purificationem, qua eluitur, quidquid sordium propter peccati maculam in anima resedit, atque a pœnis tempore definitis, quibus tenebamur, absolui-  
 mur. Quæ cum ita sint; facile erit fidelibus persuadere, quam necessarium sit, ut pœnitentes in hoc satisfactionis studio se exerceant. Docendi enim sunt, duo esse, quæ peccatum consequuntur, maculam, & pœnam: ac quamuis semper, culpa dimissa, simul etiam mortis æternæ supplicium, apud inferos constitutum, condonetur; tamen non semper contingit, quemadmodum a  
 Trid. Syn. Tridentina Synodo declaratum est, ut Dominus peccatorum reliquias, & pœnam, certo tempore definitam, quæ peccatis debetur, remittat. Cuius rei perspicua sunt exempla in sacris litteris, Genesis tertio capite, Num. xij. & xxij. & alijs permultis locis: sed illud Dauidis clarissimum & maxime illustre intuemur: cui etsi Nathan dixerat; Dominus quoque transtulit peccatum tuum, non morieris; is tamen grauissimas pœnas ultro subiit, Dei misericordiam his uerbis dies noctesque implorans: Amplius laua me ab iniquitate mea, & a peccato meo munda me: quoniam iniquitatem meam ego cognosco, & peccatum meum contra me est semper. Quibus uerbis illud petatum est a Domino, ut nō solum crimen, sed pœnam

Trid. Syn.

Gen. 3

Num. 12

2. Reg. 12

Psal. 50

nam

nam etiam crimini debitam condonaret, atque a peccati reliquijs purgatum, in pristinum decoris, & integritatis statum restitueret. Atque hæc cum summis precibus peteret, eum tamen Dominus, tum filij ex adulterio suscepti, tum Absalonis, quem unice diligebat, defectione, & morte multavit, alijsque pœnis, & calamitatibus affecit, quas illi antea intentarat. In Exodo etiam, etsi Dominus, Moſis precibus exoratus, populo idololatrę pepercerat, tamen minatus est, se tanti flagitij graves pœnas repetituros esse: ipseque Moſes testatus est fore, ut illud Dominus seuerissime in tertiam, & quartam usque generationem ulcisceretur. Hæc uero a sanctis Patribus in Ecclesia catholica sæper tradita esse, ipsorum auctoritate apertissime comprobatur. Verum qua de causa factum sit, ut pœna omnis pœnitentię sacramento, æque ac baptismo, nō cōdonetur, præclare a sancta Tridētina Synodo explicatum est his uerbis. Diuinæ iustitię ratio exigere uidetur, ut aliter ab eo in gratiam recipiantur, qui ante baptismum per ignorantiam deliquerint; aliter uero qui semel a peccati, & demōnis seruitute liberati, & accepto spiritus sancti dono, scientes templum Dei uiolare, & spiritum sanctum contristare non formidauerint. Et diuinā clementiā decet, ne ita nobis absque ulla satisfactione peccata dimittantur, ut, occasione accepta, peccata leuiora putātes, uelut iniurij, & contumeliosi spiritui sancto in grauiora labamur, thesaurizantes nobis irā in die iræ. Proculdubio enim magnopere a peccato reuocant, & quasi freno quodā coercent hæc satisfactoriæ pœnæ, cautioresque & uigilantiores

in po-

Exod. 32

Trid. Syn.

in posterum penitentes efficiunt. Accedit, ut tamquam testificationes quedam sint doloris, quem ex peccatis commissis capimus: qua ratione Ecclesiæ fit satis, quæ nostris sceleribus grauitèr offensa est.

*S. August.*

nam, ut sanctus Augustinus ait; Cor contritum, & humiliatum Deus non spernit. Verum quia plerumq. dolor alterius cordis occultus est alteri, neq. in aliorum nouitiam per uerba, uel alia quęcunque signa procedit; recte ab ijs, qui Ecclesiæ præsumt, tempora penitentię constituuntur, ut Ecclesiæ, in qua ipsa peccata remittuntur, satisfiat. Præterea, penitentiæ nostræ exempla alios docent, quo modo ipsi uitam instituere, & pietatem sequi debeant. Cum enim pœnas nobis pro peccatis irrogatas ceteri homines intuentur; & summam cautionem sibi in omni uita adhibendam, & mores pristinos corrigendos esse intelligunt. Quare sapientissime illud ab Ecclesia obseruatum est, ut, cum ab aliquo publice flagitium cõmissum esset, publica etiã penitentia ei indiceretur: ut ceteri, timore perterriti, deinceps peccata diligentius uitarent: quod etiam in occultis criminibus, quę grauiora essent, interdum fieri solitum erat. Sed, ut diximus, in publicis hoc perpetuum fuit, ut, quicquid ea commiserant, ante quam publicam penitentiam suscepissent, nõ absoluerentur. interim uero Pastores pro illorum salute Deum rogabant, atque, ut ipsi etiam penitentes idem facerent, eos hortari non desinebant.

*S. Ambro.*

Quo in genere summa fuit sancti Ambrosij cura, & sollicitudo: cuius lacrymis fertur quāplurimos, qui duro animo ad penitentię sacramētum accesserant, ita mollitos esse, ut ueræ contritionis dolorē

con-



conceperint . Verum postea tantum de ueteris disciplinæ seueritate remissum est, atque ita charitas refrixit, ut iam plerique ex fidelibus ad peccatorum ueniam impetrandam nullum intimum animi dolorem, atque gemitum cordis necessariū putent; sed illud satis esse arbitrentur, si speciem tantum dolentis habeant. Deinde uero huiusmodi poenarum perpesione consequimur, ut capitis nostri Iesu Christi, in quo passus est ipse, & tentatus, *Ad Heb. 2* similitudinem, & imaginem geramus. nihil enim tam deforme uideri potest, ut a sancto Bernardo *D. Bernar.* dictum est, quam, sub spinoso capite delicatum esse membrum . nam, teste Apostolo, coheredes sumus Christi; si tamen compatimur, &, quod alio *Rom. 8* loco scripsit, si commortui sumus, & conuiuemus; *2. Tim. 2* si sustinebimus, & conregnabimus. D. etiam Bernardus duo affirmat in peccato reperiri, maculam *S. Bernar.* animæ, & plagam: ac turpitudinem quidem ipsam Dei misericordia tolli, uerum sanandis peccatorum plagis ualde necessariam esse eam curam, quæ in remedio penitentia adhibetur. quemadmodum enim, sanato uulnere, cicatrices quædam remanent, quæ & ipsæ curandæ sunt: ita in anima, culpa condonata, supersunt reliquæ peccatorum purgandæ. Idē plane D. Chrysostomi sententia confirmat, cum ait: Non satis est sagittam e corpore extrahi, sed plaga quoque, a sagitta inflicta, sananda est, sic etiam in anima post acceptam peccati ueniam pænitentia curanda est, plaga relicta. Frequētissime enim a sancto Augustino docemur, *D. August.* duo hæc in penitentia animaduertenda esse, Dei misericordiam, & iustitiam; misericordiam, qua peccata,

1. Cor. 11

Math. 10

cata, & pœnas æternas illi debitas condonat; iustitiam, qua pœnis tēpore definitis hominem punit. Postremo, pœnitentiæ pœna a nobis suscepta Dei animaduersionem, suppliciaque in nos constituta anteuertit. ita enim docet Apostolus, cum ait: Si nosmetipsos dijudicaremus, non utique iudicaremur: dum iudicamur autem, a Domino corripi-mur, ut non cum hoc mundo damnemur. Quæ cum fidelibus explicata fuerint, uix fieri poterit, quo minus ad pœnitentiæ opera maxime excitetur. Eius autem quanta uis sit, ex eo colligitur, quod tota a Christi domini passionis merito pendet. A quo etiam honestis actionibus duo illa maxima bona consequimur. alterum est, ut immortalis gloriæ præmia mereamur; ita ut calix etiam aquæ frigidæ, quam in eius nomine dederimus, mercede non careat: alterum, ut pro peccatis nostris satisfaciamus. Neque uero id perfectissimam, & cumulatisimam Christi domini satisfactionem obscurat; sed illud potius contra euenit, ut multo clariorem, & illustriorem reddat. Eo enim copiosior Christi gratia uidetur esse, quod non solum ea nobiscum communicatur, quæ ipse solus, sed illa etiam, quæ tamquam caput in membra suis sanctis, & iustis hominibus promeruit, ac persoluit; qua ratione fieri perspicuum est, ut iustæ, & honestæ piorum actiones tantum ponderis, & dignitatis habeant. Christus enim dominus, tamquam caput in membra, & uitis in palmites, gratiam suam in eos, qui sibi per charitatem coniuncti sunt, continenter diffundit. Quæ quidē gratia bona opera nostra semper antecedit, comitatur, & consequitur, & sine

sine qua mereri, & satisfacere Deo nullo modo possumus. Atque ita fit, ut iustis nihil deesse uideatur, cum operibus, quæ Dei uirtute efficiunt, & diuine legi pro humana mortaliq[ue] condicione satisfacere, & uitam æternam, quam scilicet, si Dei gratia ornati e uita decesserint, consequentur, mereri possint. nota est enim illa Saluatoris uox; Qui autem biberit ex hac aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in uitam æternam.

Ioan. 4

Sed duo præcipue in satisfactione requiruntur. primū est, ut is, qui satisfacit, iustus sit, ac Dei amicus. opera enim, quæ sine fide, & charitate fiunt, nullo modo Deo grata esse possunt. alterum, ut eius modi opera suscipiantur, quæ natura sua dolorem, & molestiam afferant; cum enim præteritorum scelerum compensationes sint, atque, ut sanctus martyr Cyprianus ait, redemptrices peccatorum; omnino necesse est, ut aliquid acerbitalis habeant: quamquam non semper illud consequitur, ut qui se in illis molestis actionibus exercent, doloris sensum habeant. Sæpe enim uel patiendi consuetudo, uel accensa in Deum charitas efficit, ut quæ per pressu grauissima sunt, ne sentiantur quidem. Neque tamen idcirco fit, quo minus ea ipsa opera satisfaciendi uim habeant: siquidem hoc proprium est filiorum Dei, ita eius amore, & pietate inflammari, ut acerbissimis laborib[us] cruciati, aut nihil fere incommodi sentiant, aut omnia letissimo animo perferant. Verum omne satisfactionis genus Pastores docebunt ad hæc tria præcipue conferendum esse, orationem, ieiunium, eleemosynam: quæ quidem

*Quæ ad ueram satisfactionem requirantur.*

S. Cypria.

V tribus

1. Ioh. 2

tribus bonis, animę, corporis, & ijs, quę externa commoda dicuntur, quę omnia a Deo accepimus, respondent. nihil uero aptius & conuenientius ad extirpandas omnium peccatorum radices esse potest. Nam cū omne, quod est in mundo, concupiscentia carnis sit, aut concupiscentia oculorū, aut superbia uitę: nemo nō uidet, hisce tribus morbi causis totidē medicinas, priori scilicet ieiuniū, alteri eleemosynā, tertię orationem rectissime opponi. Præterea, si eos etiam, qui peccatis nostris offenduntur, spectemus; facile erit intelligere, cur ad hæc tria potissimum omnis satisfactio referatur. Hi uero sunt Deus; proximus, nos ipsi. Quare Deum oratione placamus: proximo eleemosyna satisfacimus: nos ipsos uero ieiunio castigamus. Sed quoniam multę uarięque erumne, & calamitates, dum in hac uita sumus, nos premūt; illud maxime fideles docendi sunt, eos, qui patienti animo, quidquid laboriosi, & incommodi Deus immiserit, ferant, amplam satisfaciendi, & merendi materiam nactos esse; qui autem inuiti, & repugnantes poenam huiusmodi sustineant, omni satisfactionis fructu priuari; sed Dei tantum, peccata iusto iudicio ulciscantis, animaduersionem, & supplicium perferre. In eo uero summa Dei bonitas, & clementia maximis laudibus, & gratiarum actionibus prædicanda est, qui humanę imbecillitati hoc cōdonauit, ut unus posset pro altero satisfacere. quod quidem huius partis pænitentię maxime proprium est. ut enim, quod ad contritionē, & confessionem attinet, nemo pro altero dolere, aut confiteri potest, ita, qui diuina gratia præditi sunt, alterius nomine pos-



possunt, quod Deo debetur, persolvere. quare fit, ut quodā pacto alter alterius onera portare uideatur. Nec uero de hoc cuiquam fidelium dubitandi locus relictus est, qui in apostolorum symbolo, sanctorum cōmunionem cōfitemur. nam cum omnes *Gal. 6* eodē baptismo abluti Christo renascamur, eorūdem sacramentorū participes simus, in primis uero eiusdē corporis, & sanguinis Christi domini cibo, & potu recreemur, hoc apertissime demōstrat, nos omnes eiusdem esse corporis membra. Quem admodum igitur neque pes suæ tantum; sed etiam oculorum utilitatis causa munere suo fungitur; neque rursus, quod oculi uideant, ad illorum propriam, sed ad communem omnium membrorum utilitatem referendum est: ita communia inter nos satisfactionis officia existimari debent. Neque tamen id sine ulla exceptione uerum est, si commoda omnia, quæ ex ea capiuntur, spectemus. nam satisfactionis opera, medicinæ etiam & curationes quedam sunt, quæ pænitenti ad sanandos prauos animi affectus præscribuntur: quo quidem utilitatis fructu eos, qui per se non satisfaciunt, prorsus carere perspicuum est. Hæc igitur de tribus pænitiæ partibus, contritione, confessione, & satisfactione, copiose, & dilucide explicanda erunt.

Sed illud in primis a sacerdotibus obseruari oportet, ut, audita peccatorum confessione, ante quam pænitentem a peccatis absoluant, diligenter curēt, ut, si quid ille forte de re, aut de existimatione proximi detraxerit, cuius peccati damnandus merito esse uideatur, cumulata satisfactione compenset. nemo enim absolendus est, nisi prius, quæ

V 2 cuius-

cuiusque fuerint, restituere polliceatur. At quoniam multi sunt, quibus, & si prolixè pollicentur, se officio satis esse facturos, tamen certum est, ac deliberatum, numquam promissa exoluere; omnino incogendi sunt, ut restituant: sæpeque illud Apostoli eis inculcandum est, ut, qui furabatur, iam non furetur; magis autem laboret, operando manibus suis quod bonum est, ut habeat unde tribuat necessitatem patienti. In irroganda autem satisfactionis pœna, sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt. Atque, ut hac regula peccata metiri uideantur, & pœnitentes scelerum suorum grauitatem magis agnoscant; operæ pretium erit, interdum eis significare, quæ pœnæ quibusdam delictis ex ueterum canonum præscripto, qui pœnitentiales uocantur, constitutæ sint. Igitur uniuersæ satisfactionis modum, culpæ ratio temperabit. Sed ex omni satisfactionum genere maxime conuenit pœnitentibus præcipere, ut certis aliquot, & definitis diebus orationi uacent, ac pro omnibus, & præsertim pro ijs, qui ex hac uita in Domino decesserunt, preces Deo faciant. Hortari uero etiam eos oportet, ut sæpe eadē satisfactionis opera, a sacerdote indicta, ultro suscipiant, ac repetant, atque ita mores suos componant; ut, ijs omnibus, quæ ad pœnitentiæ sacramentum pertinent, diligenter absolutis, tamen uirtutis pœnitentiæ studia numquam intermittant. quod si interdum, etiam ob publicā offensionem, publica pœnitentia præscribenda fuerit, quamuis eam pœnitens refugiat, ac deprecetur, non erit facile audiendus: uerum

rum

rum persuadere ei oportebit, ut, quæ tum sibi, tum alijs salutaria futura sunt, libenti, & alacri animo excipiat. Hæc de pænitentiae sacramento, singulisque eius partibus ita docenda erunt, ut non solum ea fideles perfecte intelligant, sed etiam, iuuantem Domino, re ipsa pie, & religiose præstare animum inducant.

## DE EXTREMAE VNCTIONIS SACRAMENTO.



**C**UM sancta scripturarum oracula ita doceant; In omnibus operibus tuis *Eccle. 7* memorare nouissima tua, & in æternum nō peccabis; tacite Parochi admonentur, nullum tempus prætermittendum esse fidelem populum cohortandi, ut in assidua mortis meditatione uersetur. Quoniam autem extremæ unctionis sacramentum non potest supremi illius diei memoriam coniunctam non habere: facile intelligitur, de eo sæpe agendum esse, non solum ob eam causam quod illarum rerum mysteria, quæ ad salutem pertinent, aperire, & explicare maxime conuenit; sed etiam, quia fideles, moriendi necessitatem omnibus propositam esse, animo repetentes, prauas cupiditates coercebūt: quare fiet, ut in ipsa mortis expectatione minus se perturbari sentiant, sed immortales Deo gratias agant, qui, ut baptismi sacramento aditum nobis ad ueram uitam patefecit; ita etiam, ut ex hac mortali uita decedentes, expeditiorem ad cælum uiam haberemus, extreme un-

V 3 ctionis

ctionis sacramentum instituit. Vt igitur, quæ ad eam explicationem magis necessaria sunt, eodẽ ferre ordine, qui in alijs sacramentis seruatus est, exponantur; primum illud tradendum erit, hoc sacramentum idcirco extremam unctionem appellatum esse, quod hæc omnium sacrarum unctionũ, quas dominus Saluator noster Ecclesię suę commendauit, ultima administranda sit. Quare hæc ipsa unctio a maioribus nostris sacramentum etiã unctionis infirmorum, & sacramentum exeun-  
tium dicta est: quibus uocabulis fideles in memoriam nouissimi illius tẽporis facile redire possunt.

Quod autem extremæ unctioni propria sacramenti ratio conueniat, in primis explanandum est. id uero perspicuum fiet, si uerba, quibus sanctus Iacobus Apostolus huius sacramenti legem promulgauit, attendamus. Infirmatur quis in uobis? inquit: inducat presbyteros ecclesię, & orent super eum, ungentes eũ oleo in nomine Dñi: & oratio fidei saluabit infirmum: & alleuiabit eum Dominus: & si in peccatis sit, remittentur ei. Nam quod peccata condonari Apostolus affirmat, in eo declarat sacramenti uim, & naturam. Hanc uero catholicę Ecclesię de extrema unctione perpetuam doctrinam fuisse, cum alia plura Concilia testantur, tum a Tridentina Synodo hoc ita declaratum est, ut in eos omnes anathematis poenam constituerit, qui aliter docere aut sentire audeant. Ac

*Iacobi 5*

*Trid. Syn.*

*Innocentius  
primus.*

Innocentius quoque primus hoc sacramentum fidelibus maxime commendat. Constanter itaque docendum est a Pastoribus, uerum sacramentum esse, nec plura, sed unum, quamuis per plures un-

ctiones



Uctiones administretur ; quarum singulis propriæ preces , ac peculiaris forma adhibenda est . Vnum uero est non partium continuatione , quæ diuidi non possint , sed perfectione , cuiusmodi sunt cetera omnia , quæ ex pluribus rebus constant . Nam quemadmodum domus , quæ ex multis , & diuersis rebus composita est , una tantum forma perficitur ; ita hoc sacramentum , & si ex pluribus rebus , & uerbis constituitur , unum tamen signum est , & unius rei , quam significat , efficientiam habet . Docebunt præterea Parochi , quæ sint huius sacramenti partes , elementum , inquam , & uerbum . hæc enim a sancto Iacobo prætermissa non sunt : in quibus singulis sua mysteria licet animaduertere . Eius igitur elementum , siue materia , quemadmodum Concilia , ac præcipue Tridentinum decreuit , est oleum ab Episcopo consecratum , liquor scilicet , non ex quauis pingui , & crassa natura , sed ex olearum baccis tantummodo expressus . Aptissime autem hæc materia illud significat , quod ui sacramenti interius in anima efficitur . nã ut oleum ad mitigandos corporis dolores magnopere proficit : ita sacramenti uirtus anime tristitiam , ac dolorem minuit . Oleum præterea sanitatem restituit , hilaritatem affert , & lumini tamquam pabulum præbet ; tum uero ad recreandas defatigati corporis uires maxime accommodatum est . Quæ omnia , quid in egroto diuina uirtute per huius sacramenti administrationem efficiatur , declarant . Hæc de materia satis sint . Forma uero sacramenti est uerbum , & sollemnis illa precatio , quã sacerdos ad singulas unctiones adhibet , cum inquit : Per

Iacobi 5

Trid. Syn.

Iacobi 5

istam sanctam unctionē indulgeat tibi Deus, quid-  
 quid oculorū; siue nariū, siue tactus vitio deliquisti.  
 Quod autem hæc uera sit, & propria huius sacra-  
 menti forma, sanctus Iacobus apostolus significat,  
 cum ait: Et orent super eum, & oratio fidei salua-  
 bit infirmum. Ex quo licet cognoscere, formam  
 precationis modo proferendam esse; tametsi, qui-  
 bus potissimum uerbis concipiendā sit, Apostolus  
 nō expresserit. Verum hoc ad nos fidei Patrū tradi-  
 tione permanauit, ita ut omnes Ecclesiæ eam for-  
 mæ rationem retineant, qua omnium mater, &  
 magistra sancta Ecclesia Romana utitur. nam etsi  
 aliqui nonnulla uerba immutant, cum pro; Indul-  
 geat tibi Deus; ponunt, Remittat, uel Parcat, in-  
 terdum etiam Sanet, quidquid commisisti: tamen,  
 quoniam nulla fit sententię immutatio, constat ean-  
 dem ab omnibus formam religiose seruari. Nec ue-  
 ro quisquam miretur, cur factum sit, ut aliorum  
 sacramentorū forma uel absolute significet quod  
 efficit, ut cum dicimus; Ego te baptizo; aut; Si-  
 gno te signo crucis: uel tamquam ab imperantibus  
 pronuncietur, ut cum in sacramento ordinis admi-  
 nistrando dicitur; Accipe potestatem; hæc una ue-  
 ro extremæ unctionis forma precatione quadā ab-  
 soluatur: id enim optimo iure constitutum est. nam  
 cum hoc sacramentum propterea adhibeatur, ut,  
 præter spiritualem gratiam, quam tribuit, sanita-  
 tem etiam restituat ægrotis: tamen, quia non sem-  
 per sequitur, ut egri a morbis conualescant, ob  
 eam causam precatione forma conficitur, ut a  
 Dei benignitate id impetremus, quod sacramenti-  
 uis constanti & perpetuo ordine efficere non solet.

Adhi-

Adhibentur autē ritus proprii in huius quoque sacramenti administratione: sed eorum maxima pars preces continet, quibus sacerdos ad egroti salutem impetrandam utitur. nullum enim est aliud sacramentum, quod pluribus precibus conficiatur; ac recte quidem: quoniam eo potissimum tempore fideles pijs obsecrationibus adiuuandi sunt. quare & alij omnes, quos tum adesse contigerit, & precipue Parochi debent orare Deum ex animo, & eius misericordiæ, laborantis uitam & salutem omni studio commendare.

Verum cū demonstratum sit, extremā unctionē uere, & proprie in sacramentorum numero habendam esse; illud etiam sequitur, eius institutionem a Christo domino profectā esse: quæ postea a sancto Iacobo apostolo fidelibus proposita, & promulgata est. Quamquam idem Saluator huius unctionis specimen quoddā dedisse uisus est, cum discipulos suos binos, & binos ante faciem suam misit. de illis enim apud Euangelistam ita scriptum est: Exeuntes prædicabant, ut penitentiam agerent, & dæmonia multa eiiciebant, & ungebant oleo multos ægros, & sanabant. quam quidem unctionem nō ab apostolis inuentam, sed a Domino præceptam; non naturali aliqua uirtute præditam, sed mysticam, potius ad sanandos animos, quam ad corpora curanda institutam fuisse, credendum est: quam rem sancti Dionysius, Ambrosius, Chrysostomus, & Gregorius magnus asserunt: ut nullo modo dubitandum sit, quin hoc unum ex septē catholicæ Ecclesiæ sacramentis summa cū religione accipere oporteat. Sed docendi sunt fideles, quam-

*Unctionis  
extrema sa-  
cramentum  
a Christo in-  
stitutum, et  
quibus con-  
ferendum.*

*Marc. 6*

*S. Diony.  
Ambrosius,  
Chrys. Gre.*

Iacobi 5

quamuis hoc sacramentum ad omnes pertineat, quædam tamen hominum genera excipi, quibus administrandum non sit. Ac primum excipiuntur, qui sano, & firmo corpore sunt: ijs enim extremam unctionem tribuendam non esse, & Apostolus docet, cum inquit; Infirmatur quis in uobis? & ratio ostendit; si quidem ob eam rem instituta est, nō modo ut anime, sed etiam ut corpori medicinam afferat. Cum igitur illi tantum, qui morbo laborant, curatione indigeant; idcirco ijs etiam, qui adeo periculose egrotare uidentur, ut, ne supremus illis uitæ dies instet, metuendum sit, hoc sacramentum præberi debet. In quo tamen gravissime peccant, qui illud tempus ægroti ungendi observare solent, cum, iam omni salutis spe amissa, uita, & sensibus carere incipiat. constat enim, ad uberiores sacramenti gratiam percipiendam plurimum ualere, si egrotus, cum in eo adhuc integra mens & ratio uiget, fidemque, & religiosam animi uoluntatem afferre potest, sacro oleo liniatur. Quare Parochis animaduertendum est, ut eo potissimum tempore cælestem medicinā adhibeant, illam quidem semper ui sua admodum salutarem, cum eorum etiam pietate, & religione, qui curandi sunt, magis profuturam intellexerint. Nemi igitur, qui graui morbo affectus non sit, sacramentum unctionis dare licet, tamen si uitæ periculum adeat, uel quia periculosam nauigationem parer, uel quia prælium initurus sit, a quo certa mors illi impendeat; uel etiam, si capitis damnatus ad supplicium raperetur. Omnes præterea, qui rationis usu carent, ad hoc sacramentum suscipiendū

apud



apti non sunt: & pueri, qui nulla peccata admittunt, quorum reliquias sanare huius sacramenti remedio opus sit; amentes item, & furiosi, nisi interdum rationis usum haberent, & eo potissimum tempore pij animi significationē darent, peterentque ut sacro oleo ungerentur. nam qui ab ipso ortu nunquam mentis & rationis cōpos fuit, ungendus non est: secus uero si egrotus, cum mente adhuc integra huius sacramenti particeps fieri uoluisset, postea in insaniam & furore incidit. Non sunt autem omnes corporis partes ungendæ, sed eæ tantum, quas ueluti sensuum instrumēta natura homini attribuit, oculi propter uisionem, aures propter auditum, nares propter odoratum, os propter gustum, uel sermonem, manus propter tactum; qui tamen si toto corpore æquabiliter fusus est, in ea tamen parte maxime uiget. Hunc autem ungendi ritum uniuersalis Ecclesia retinet, atque etiam huius sacramenti nature optime conuenit: medicamenti enim est instar. Ac quoniam in corporis morbis; quamuis uniuersum corpus male affectum sit, tamen illi tantum parui curatio adhibetur, a qua, tamquam a fonte, & origine, morbus manat; idcirco non totum corpus, sed ea membra, in quibus potissimum sentiendi uis eminet, renes etiam, ueluti uoluptatis, & libidinis sedes, unguntur; tum pedes, qui nobis ingressus, & ad locum mouendi principium sunt. In quibus illud obseruare oportet, in una, eadēque ægrotatione, cum eger in eodem uite periculo positus est, semel tantum ungendum esse. Quod si post susceptam hanc unctionem eger cōualuerit; quoties postea in id uite discrimen inciderit, toties eiusdem

Iacobi 5

quamuis hoc sacramentum ad omnes pertineat, quædam tamen hominum genera excipi, quibus administrandum non sit. Ac primum excipiuntur, qui sano, & firmo corpore sunt: ijs enim extremam unctionem tribuendam non esse, & Apostolus docet, cum inquit; Infirmatur quis in uobis? & ratio ostendit; si quidem ob eam rem instituta est, nō modo ut anime, sed etiam ut corpori medicinam afferat. Cum igitur illi tantum, qui morbo laborant, curatione indigeant; idcirco ijs etiam, qui adeo periculose egrotare uidentur, ut, ne supremus illis uitæ dies instet, metuendum sit, hoc sacramentum præberi debet. In quo tamen gravissime peccant, qui illud tempus ægroti ungendi observare solent, cum, iam omni salutis spe amissa, uita, & sensibus carere incipiat. constat enim, ad uberiores sacramenti gratiam percipiendam plurimum ualere, si egrotus, cum in eo adhuc integra mens & ratio uiget, fidemque, & religiosam animi uoluntatem afferre potest, sacro oleo liniatur. Quare Parochis animaduertendum est, ut eo potissimum tempore celestem medicinā adhibeant, illam quidem semper ui sua admodum salutarem, cum eorum etiam pietate, & religione, qui curandi sunt, magis profuturam intellexerint. Nemini igitur, qui graui morbo affectus non sit, sacramentum unctionis dare licet, tamen si uitæ periculum adeat, uel quia periculosam nauigationem parer, uel quia prælium initurus sit, a quo certa mors illi impendeat; uel etiam, si capitis damnatus ad supplicium raperetur. Omnes præterea, qui rationis usu carent, ad hoc sacramentum suscipiendū

apti

apti non sunt : & pueri , qui nulla peccata admittunt , quorum reliquias sanare huius sacramēti remedio opus sit ; amentes item , & furiosi , nisi interdum rationis usum haberent , & eo potissimum tempore pij animi significationē darent , peterentque ut sacro oleo ungerentur . nam qui ab ipso ortu nunquam mentis & rationis cōpos fuit , ungendus non est : secus uero si egrotus , cum mente adhuc integra huius sacramenti particeps fieri uoluisset , postea in insaniam & furorē incidit . Non sunt autem omnes corporis partes ungendæ , sed eæ tantum , quas ueluti sensuum instrumēta natura homini attribuit , oculi propter uisionem , aures propter auditum , nares propter odoratum , os propter gustum , uel sermonem , manus propter tactum ; qui tamen si toto corpore æquabiliter fusus est , in ea tamen parte maxime uiget . Hunc autem ungendi ritum uniuersalis Ecclesia retinet , atque etiam huius sacramenti naturę optime conuenit : medicamenti enim est instar . Ac quoniam in corporis morbis ; quamuis uniuersum corpus male affectum sit , tamen illi tantum parui curatio adhibetur , a qua , tamquam a fonte , & origine , morbus manat ; idcirco non totum corpus , sed ea membra , in quibus potissimū sentiendi uis eminet , renes etiam , ueluti uoluptatis , & libidinis sedes , unguntur ; tum pedes , qui nobis ingressus , & ad locum mouendi principium sunt . In quibus illud obseruare oportet , in una , eadēque ægrotatione , cum eger in eodem uitę periculo positus est , semel tantum ungendum esse . Quod si post susceptam hanc unctionem eger cōualuerit ; quoties postea in id uitę discrimen inciderit , toties eiusdem

dem sacramenti subsidium ei poterit adhiberi. ex quo patet, in eorum sacramentorum numero, quę iterari solent, reponendam esse.

*Extrema  
unctio qua  
preparatio  
ne suscipien-  
da, quis mi-  
nister, et fru-  
ctus illius.*

Quoniam uero omni studio curare oportet, ne quid sacramenti gratiā impediat; ei uero nihil magis aduersatur, quam alicuius peccati mortiferi conscientia; seruanda est catholicę Ecclesię perpetua consuetudo, ut, ante extremam unctionem, pœnitentię, & Eucharistię sacramentum administretur. Ac deinde egroto persuadere Parochi studeāt, ut ea fide se ungendū sacerdoti prębeat, qua olim, qui ab apostolis sanandi erant, se ipsos offerre cōsueuerant. In primis autem animę salus, deinde corporis ualetudo cum illa adiunctione, si ea ad eternam gloriam profutura sit, expetenda est. Nec uero dubitare fideles debent, quin sanctę illę, & sollemnes preces a Deo audiantur, quibus sacerdos non suam, sed Ecclesię, & domini nostri Iesu Christi personam gerens utitur. Qua una maxime re cohortandi sunt, ut huius saluberrimi olei sacramentum sancte, & religiose sibi administrandū curent, cum & acrior pugna instare, & uires cum animi, tū corporis deficere uideantur. Iam uero, quis extreme unctionis minister sit, ab eodem Apostolo, qui Domini legem promulgauit, didicimus. ait enim:

*Iacobi 5*

*Conc. Trid.*

Inducat presbyteros. quo nomine non eos significat, qui ætate prouectiores sunt, quemadmodū sapienter Tridēтина Synodus exposuit, aut qui in populo principem locum obtinent, sed sacerdotes, qui ab ipsis Episcopis per manuum impositionem rite ordinati sunt. Sacerdoti igitur huius sacramenti administratio commissa est. Neque tamen ex san-



Et Ecclesiæ decreto cuius sacerdoti, sed proprio Pastori, qui iurisdictionem habeat, siue alteri, cui ille eius muneris fungendi potestatem fecerit, hoc sacramentum administrare licet. Illud uero maxime animaduertendum est, sacerdotē in ea administratione, quemadmodum etiam in alijs sacramentis fit, Christi domini nostri, & sanctę Ecclesię, eius sponse, personam sustinere. Explicandę etiam sunt accuratius utilitates, quas ex hoc sacramento capimus: ut, si nihil aliud fideles ad eius usum possit allicere, ipsa saltem utilitate ducantur: cum ita comparatum sit, ut omnia fere nostris commodis metiamur. Docebunt igitur Pastores, hoc sacramēto gratiam tribui, quę peccata, & in primis quidem leuiora, & ut communi nomine appellantur, uenialia, remittit: exitiales enim culpę, pænitię sacramento tolluntur. neque enim hoc sacramentū primario loco ad grauiorum criminum remissionem institutū est: sed baptismus tantum, & pænitentia ui sua hoc efficiunt. Altera est sacrę unctionis utilitas, quod animam a langore, & infirmitate, quam ex peccatis contraxit, & a ceteris omnibus peccati reliquijs liberat. Tempus autem huic curationi opportunissimum existimandum est, cū graui morbo afflictamur, ac uitę periculum impēdet. Etenim homini natura insitum est, ut nihil in rebus humanis eque, ac mortem, pertimescat. auget autem magnopere hunc timorem præteritorum scelerum memoria; cum præsertim grauissima cōscientię nostrę accusatio nos urgeat. ut enim scriptum est: Venient in cogitationem peccatorū suorum timidi, & traduent illos ex aduerso iniquitates

tes ipsorum. Deinde illa cura, & cogitatio uehementer angit, quod paulo post stare oporteat ante tribunal Dei, a quo de nobis iustissima pro eo, ac meriti fuerimus, sententia ferenda sit. Sæpe autem euenit, ut fideles hoc terrore perculsi, se miris modis exagitari sentiant. Nihil autem ad mortis tranquillitatem magis conducit, quam si tristitiam abijciamus, & læto animo Domini aduentum expectemus; paratique simus, depositum nostrum, quandoque illud a nobis repetere uoluerit, libenter reddere. Vt igitur hac sollicitudine fidelium mentes liberentur, animusque pio, & sancto gaudio repleatur, extremæ unctionis sacramentum efficit. Præterea, aliud etiam, quod merito omnium maximum uideri potest, ex eo consequimur. nam etsi humani generis hostis, quoad uiuimus, numquam desinit de interitu, & exitio nostro cogitare; nullo tamen tempore, ut nos omnino perdat, ac, si fieri possit, spem nobis diuinæ misericordiæ eripiat, uehementius omnes neruos contendit, quam cum supremum uitæ diem appropinquare animaduertit. Quamobrem fidelibus arma, & uires hoc sacramento subministrantur, quibus aduersarij uim, & impetum frangere, & illi fortiter repugnare possint. alleuatur enim & erigitur ægri animus diuinæ bonitatis spe; eaque confirmatus morbi incommoda omnia fert leuius, ac ipsius Demonis, calca-  
neo insidiantis, artificium, & calliditatem facilius eludit. Accedit postremo, siquidem profutura sit, etiam corporis sanitas. Quod si ægroti hoc tempore eam minus consequuntur, id quidem non sacramenti uitio, sed ob eam potius causam euenire creden-

credendum est: quod eorum magna pars: uel qui sacro oleo perunguntur, uel a quibus administratur, fides infirmior est. testatur enim Euangelista, *Math. 13* Dominum apud suos multas uirtutes non fecisse propter incredulitatem illorum. Quamquam etiam recte dici potest, Christianam religionem, ex quo altius tamquam radices egit in animis hominum, minus iam huiusmodi miraculorum adminiculis indigere, quam olim nascentis Ecclesiae initio necessaria esse uiderentur. Sed tamen hoc loco fides magnopere excitanda erit. utcumque enim, quod ad corporis ualeitudinem attinet, Dei consilio & uoluntate ceciderit, certa spe niti fideles debent, se huius sacri olei uirtute spiritualem sanitatem consecuturos esse; futurumque, ut, si eos uita decedere contingat, praeclare illius uocis fructum percipiant, qua scriptum est; Beati mortui, qui in Domino moriuntur. *Apoec. 14* Haec de extremae unctionis sacramento breuiter quidem dicta sunt: uerum, si haec ipsa rerum capita a Pastoribus latius, & ea, qua decet, diligentia explanata erunt; dubitandum non est, quin fideles ex hac doctrina maximum pietatis fructum percipiant.

## DE ORDINIS SACRAMENTO.

**S**iquis aliorum sacramentorum naturam, & rationem diligenter considerarit, facile perspiciet, ea omnia ab ordinis sacramento ita pendere, ut sine illo partim confici, & administrari nullo modo queant; partim sollemni cerimonia, & religioso quodam ritu, ac cultu, carere uideantur. Quare

Quare necesse est, ut Pastores institutam sacramen-  
torum doctrinam persequentes; eo diligentius de  
ordinis etiam sacramento sibi agendum arbitren-  
tur. Proderit autem maxime hæc explicatio pri-  
mum quidem illis ipsis, deinde alijs, qui ecclesia-  
sticæ uitæ rationem ingressi sunt, postremo etiam  
fidei populo; ipsis, quod, dum in huius argumen-  
ti tractatione versantur, ad eam gratiam excitan-  
dam, quam hoc sacramento adepti sunt, magis  
commouentur; alijs, qui in sortem Domini uo-  
cati sunt, partim ut eodem pietatis studio affician-  
tur; partim uero, ut earum rerum cognitionem  
percipiant, quibus instructi uiam sibi ad ulteriores  
gradus facilius munire possint. Reliquis autem fi-  
delibus, primum quidem ut intelligant, quo ho-  
nore digni sint Ecclesiæ ministri; deinde, quoniam  
sæpe contingit, ut multi adsint, uel qui spe liberos  
suos adhuc infâtes Ecclesiæ ministerio destinarent;  
uel qui sua sponte & uoluntate illud uitæ genus se-  
qui uelint; quos certe ignorare minime æquum est,  
quæ præcipue ad hanc rationem pertinent. Pri-  
mum itaque fidelibus tradendum est, quanta sit  
huius instituti, si summum eius gradum, hoc est sa-  
cerdotium spectemus, nobilitas, & excellentia.  
Nam cum Episcopi, & sacerdotes tamquam Dei  
interpretes, & internuncij quidam sint, qui eius  
nomine diuinam legem, & uitæ præcepta homi-  
nes edocent, & ipsius Dei personam in terris ge-  
runt; perspicuum est, eam esse illorum functionem,  
qua nulla maior excogitari possit. quare merito nõ  
solum angeli, sed Di; etiam, quod Dei immortalis  
uim, & numen apud nos teneant, appellantur.  
Quam-



Quamuis autem omni tempore summam dignitatem obtinuerint, tamen noui testamenti sacerdotes ceteris omnibus honore longe antecellunt. Potestas enim tum corpus, & sanguinem Domini nostri conficiendi, & offerendi, tum peccata remittendi, quæ illis collata est, humanam quoque rationem, atque intelligentiam superat; nedum ei aliquid par, & simile in terris inueniri queat. Deinde uero, quemadmodum Saluator noster a patre, apostoli autem, ac discipuli in uniuersum mundum a Christo domino missi sunt; ita quotidie sacerdotes, eadem, qua illi, potestate præditi, ad consummationem sanctorum in opus ministerij in ædificationem corporis Christi mittuntur. Huius igitur tanti officij onus nemini temere imponendum est, sed ijs tantum, qui illud uitæ sanctitate, doctrina, fide, prudentia sustinere possint. Nec uero quisquam sumat sibi honorem, sed qui uocatur a Deo tamquam Aaron. Vocari autem a Deo dicuntur, qui a legitimis Ecclesiæ ministris uocantur. nam qui in hoc ministerium se ipsos arroganter inferunt, atque intrudunt, de his Dominum intellexisse docendum est, cum inquit: Non mittebam Prophetas, & ipsi currebant. quo quidem hominum genere nihil infelicius, ac miserius, nihil Ecclesiæ Dei calamitosius esse potest.

Ad Ephe. 4

Ad Hebr. 5

Hier. 23

Sed quoniam in omni actione suscipienda magno opere refert, quem sibi quisque finem constituat; (optimo enim fine posito, recte omnia consequuntur) de hoc in primis, qui sacris initiari uolunt, admoneudi sunt, ut nihil sibi tanto munere indignum proponant. qui quidem locus eo diligen-

Quanta circumspectione ad sacros ordines accedendum.

1. Cor. 9

Ioan. 10

Ezech. 34

tius tractandus erit, quo grauius hoc tempore ea in re peccare fideles solent. Alij enim eo consilio ad hanc uiuendi rationem se conuertunt, ut, quæ ad uictum, uestitumque necessaria sunt, parent, ita ut, præter quæstum, nihil aliud in sacerdotio, quemadmodum uulgo ceteri omnes in quouis sordidi artificij genere, spectare uideantur. Quamuis enim, ex Apostoli sententiâ, natura, & diuina lex iubeat, ut qui altari seruit, ex altari uiuat: tamen, quæstus, & lucri causa ad altare accedere, maximum sacrilegium est. Alios honorum cupiditas, & ambitio ad sacerdotalem ordinem ducit. Alij uero, ut diuitijs affluant, initiari uolunt. cuius quidem rei illud argumento est, quod, nisi opulentum aliquod ecclesiasticum beneficium ijs deferatur, nullam sacri ordinis cogitationem habent. hi uero sunt, quos Saluator noster mercenarios appellat; & quos Ezechiel dicebat, semet ipsos, & non oues pascere. quorum turpitudine, & improbitas non solum sacerdotali ordini magnas tenebras offudit, ita ut iam nihil fere a fideli populo haberi possit contemptius, & abiectius; uerum etiam efficit, ut ipsi nihil amplius ex sacerdotio consequantur, quam Iudas ex apostolatus munere; quod illi sempiternum exitium attulit. Illi autem ostio in Ecclesia introire merito dicuntur, qui a Deo legitime uocati ecclesiastica munera eius unius rei causa suscipiunt, ut Dei honori inseruiant. Neque tamen hoc ita accipiendum est, quasi eadē lex æque omnibus nō sit imposita. Homines enim ob eam rem conditi sunt, ut Deum colant. quod præcipue fideles, qui baptismi gratiam consecuti sunt,

sunt, ex toto corde, ex tota anima, & ex totis uiribus præstare debent. Verum qui ordinis sacramento initiari uolunt, hoc sibi proponant opus est, ut non solum Dei gloriam in omnibus rebus querant; quod quidem cum omnibus, tum maxime fidelibus commune esse constat: sed etiam ut alicui certo ecclesiæ ministerio addicti, in sanctitate, & iustitia illi seruiant. Nam ut in exercitu omnes quidem milites imperatoris legibus parent, sed inter eos tamen alius centurio, alius præfectus est, alij alia munera obeunt: ita, quamuis omnes fideles pietatem, & innocentiam sectari omni studio debeant, quibus rebus maxime Deus colitur; eos tamen, qui ordinis sacramento sunt initiati, præcipua quædam munera, & functiones in ecclesia exequi oportet. nam & sacra pro se ipsis, & pro omni populo faciunt; & diuinæ legis uim tradunt, ad eamque prompto, & alacri animo seruandam fideles hortantur, & instituunt: & Christi domini sacramenta, quibus omnis gratia imperitur, & augetur, administrant; &, ut uno uerbo complectamur, a reliquo populo segregati, in omnium longe maximo, & præstantissimo ministerio se exercent.

His igitur explicatis, accedent Parochi ad ea tradenda, quæ propria huius sacramenti sunt, ut intelligant fideles, qui in ecclesiasticum ordinem cooptari uolunt, ad quodnam officij genus uocentur, quantaque ipsi Ecclesiæ, eiusque ministris potestas diuinitus tributa sit. Ea autem duplex est, ordinis, & iurisdictionis. Ordinis potestas ad uerum Christi domini corpus in sacrosancta Eucharisti

*De duplici potestate ecclesiastica, ordinis & iurisdictionis.*

stia refertur. Iurisdictionis uero potestas tota in Christi corpore mystico uersatur. ad eam enim spectat, Christianum populum gubernare, & moderari, & ad æternam, cælestemque beatitudinem dirigere. Verum ordinis potestas non solum consecrandæ Eucharistiæ uim, & potestatem continet, sed ad eam accipiendâ hominû animos preparat, & idoneos reddit, ceteraque omnia complectitur, quæ ad Eucharistiam quouis modo referri possunt; eius uero plura ex sacris litteris testimonia afferri possunt; sed illa præclara, & grauisima sunt, quæ apud sanctos Ioannem, & Matthæum leguntur.

*Ioan. 20*

ait enim Dominus: Sicut misit me Pater, & ego mitto uos: accipite spiritum sanctum: quorum remiseritis peccata, remittuntur eis; & quorum

*Matth. 18*

retinueritis, retenta sunt. Et: Amen dico uobis, quæcumque alligaueritis super terram, erunt ligata & in cælo: & quæcumque solueritis super terrâ, erunt soluta & in cælo. Quæ quidem loca a Pastoribus ex sanctorum Patrum doctrina, & auctoritate explanata, maximum ueritati lumen afferre poterunt. Hæc autem potestas plurimum illi præstat, quæ in naturæ lege certis hominibus, qui res sacras curarent, tributa est. Nam & illa ætas, quæ scriptam legem antecessit, suum sacerdotium, suamque potestatem spiritualem habuerit, necesse est, cum legem habuisse satis constet. hæc duo enim

*Ad Hebr. 7*

ita coniuncta esse testatur Apostolus, ut eorum altero translato, simul etiam alterum transferri necesse sit. Cum igitur naturali instinctu homines agnoscerent, Deum colendû esse; consequens erat, ut in quauis republica aliqui sacrorum, & diuini cultus



cultus procurationi præficeretur: quorum potestas aliquo modo spiritualis diceretur. Eadem etiam potestate populus Israeliticus non caruit; quæ tamen si dignitate superior fuit, quam illa, qua in lege naturæ sacerdotes præditi erant, longe tamen inferior, quam legis euangelicæ spiritualis potestas, existimanda est. hæc enim cælestis est, omnemque angelorum etiam uirtutem superat, neque a sacerdotio Mosaico, sed a Christo domino, qui non secundum *Hebr. 7* Aaron sacerdos fuit, sed secundum ordinem Melchisedec ortum habet. is enim, qui summa potestate gratiam tribuendi, & peccata remittendi præditus fuit, hanc potestatem, quauis uirtute definitam, & sacramentis adstrictam, Ecclesiæ suæ reliquit. quare ad eam exercendam certi ministri instituti sunt, & sollemni religione consecrati; quæ quidem cōsecratio ordinis sacramentum, uel sacra ordinatio uocatur. Placuit autem sanctis Patribus hoc uocabulo uti, quod latissimam significationem habet, ut dignitatem & excellentiam ministrorum Dei indicarent. Est enim ordo, si propriam eius uim, & notionem accipiamus, dispositio superiorum, & inferiorum rerum, quæ inter se ita aptæ sunt, ut una ad alteram referatur. Cum itaque in hoc ministerio multi sint gradus, & uariæ functiones; omnia uero certa ratione distributa sint, & collocata; recte, & commode ordinis nomen ei impositum uidetur. Quod autem inter cetera Ecclesiæ sacramenta sacra ordinatio numeranda sit; sancta Tridentina Synodus ratione illa, quæ sæpius repe- *Trid. Syn.* tita est, comprobauit. nam cum sacramentum sit rei sacræ signum; id uero, quod hac consecratione

extrinsecus fit, gratiam & potestatem significet, quæ illi tribuitur, qui consecratur; omnino sequi perspicuum est, ordinem uere ac proprie sacramentum dicendum esse. quare Episcopus ei calicem cū uino, & aqua, & patenam cum pane porrigens, qui sacerdos ordinatur, inquit: Accipe potestatem offerendi sacrificium, &c. Quibus uerbis semper docuit Ecclesia, dum materia exhibetur, potestatem cōsecrādę Eucharistię, caractere animo impresso, tradi, cui gratia adiūcta sit, ad illud munus rite, & legitime obeundū: quod Apostolus his uerbis declarat: Admoneo te, ut resuscites gratiam Dei, quę est in te, per impositionem manuum mearum; non enim dedit nobis Deus spiritum timoris, sed uirtutis, & dilectionis, & sobrietatis.

1. Tim. 1

*Sacramentum ordinis uarios habet sui exercendi ministros.*

Iam uero, ut sacrę Synodi uerbis utamur, cum diuina res sit tanti sacerdotij administratio; consentaneum fuit, quo dignius, & maiori cū ueneratione exerceri posset, ut in ecclesię ordinatissima dispositione plures essent, & diuersi ministrorū ordines, qui sacerdotio ex officio deseruirent, atque hi quidem ita distributi, ut, qui iam clericali tonsura insigniti essent, per minores ad maiores ascēderēt. Docendum igitur erit, hosce omnes ordines septenario numero contineri, sēperq. ita a catholica Ecclesia traditū esse: quorum nomina hec sunt, Ostiarius, Lector, Exorcista, Acolytus, Subdiaconus, Diaconus, Sacerdos. Hunc autem ministrorum numerum recte ita definitum esse, probari potest propter ea ministeria, quę ad sacrosanctum Missę sacrificium, & Eucharistiā uel conficiendam, uel administrandam, cuius causa præcipue sunt instituta,

tuta, necessaria uidentur. Ex his alij maiores, qui etiam sacri dicuntur, alij minores sunt. Maiores, uel sacri, sunt, Ordo Sacerdotalis, Diaconatus, & Subdiaconatus: ad minores referuntur Acolyti, Exorcistæ, Lectores, Ostiarij, de quorum singulis pauca dicenda sunt, ut habeant Parochi, unde eos potissimum instituât, quos nouerint aliquo ordine initiandos esse. Incipiendum est autem a prima tonsura: quam quidem, docere oportet, quandam præparationem esse ad ordines accipiēdos. Vt enim homines ad baptismum exorcismis, ad matrimonium sponsalibus preparari solent: ita, cum tonso capillo, Deo dedicantur; tamquam aditus ad ordinis sacramentum illis aperitur. declaratur enim, qualis esse debeat, qui sacris imbui cupit. Nam clerici nomē, quod ei tunc primum imponitur; ab eo deductum est, quod Dominum sortem, & hereditatē suam habere incipiat; ueluti qui in Hebræorum populo, diuino cultui mancipati erant: quibus uetuit Dominus aliquam agrorum partem in terra promissionis distribui, cum inquit; Ego pars, & hereditas tua. Ac quamuis id omnibus fidelibus commune sit, præcipua tamen ratione ijs cōueniat necesse est, qui se Dei ministerio cōsecrarunt. Tondentur uero capilli ad coronę speciem, & similitudinē, quam perpetuo conseruare oportet: & ut quisque in altiori deinceps ordinis gradu collocatur; sic eius orbis forma latior circumscribi debet. quod quidē ex apostolorum traditione acceptum esse, docet Ecclesia; cū de huiusmodi tondendi more sancti Dionysius Arcopagita, Augustinus, Hieronymus, uetustissimi, & grauisissimi Patres, meminerint. Pri-

Num. 18

S. Dionys.

1. Pet. 2

mum autem omnium, ferunt, apostolorum Principem eam consuetudinem induxisse ad memoriam coronæ, quæ ex spinis contexta Saluatoris nostri capiti fuit imposita, ut, quod impij ad Christi ignominiam, & cruciatum excogitarunt: eo apostoli ad decus, & gloriam uterentur; simulque significarent curandum esse a ministris Ecclesiæ, ut omnibus in rebus Christi domini nostri speciem, & figuram gerant. Quamquam nonnulli asserant, hac nota regiam dignitatem declarari, quæ ijs maxime, qui in sortem Domini uocati sunt, uidetur conuenire. Quod enim Petrus apostolus fideli populo tribuit; Vos genus electum, regale sacerdotium, gens sancta; peculiari quadam, & magis propria ratione ad ecclesiasticos ministros pertinere facile intelligimus. etsi non desunt, qui uel perfectioris uitæ professionem a Clericis susceptam circuli figura, quæ omnium perfectissima est, significari existiment, uel externarum rerû contemptionem, animiq. ab omnibus humanis curis uacuitatem declarari putent; quod capilli, superuacaneum quiddam in corpore, tondeantur. Post primam Tonsuram ad Ostiarij ordinem primus gradus fieri consuevit. Eius munus est, templi clauēs, & ianuam custodire, & aditu templi arcere eos, quibus ingredi interdictum erat. Ad sanctum etiam Missæ sacrificium assisitebat, curaturus ne quis propius, quam par esset, ad sacram aram accederet, & sacerdotem rem diuinam facientem interpellaret. Alia etiam ministeria illi commissæ erant: ut ex ritibus, quæ ad eius consecrationem adhibentur, perspicere potest. nam Episcopus clauēs ex altari acceptas ei tradens, quem



quem Ostiarium uult instituere, Sic age, inquit, quasi redditurus Deo rationem pro ijs rebus, quæ his clauibus recluduntur. Magnam autem in antiqua Ecclesia huius ordinis dignitatem fuisse, ex eo intelligitur, quod his temporibus in Ecclesia seruari animaduertimus. nam Thesaurarij officium, qui erat idem sacrarij custos, quod ad Ostiarios pertinebat, inter honestiores ecclesiæ functiones etiam nunc habetur. Secundus ordinis gradus est Lectoris munus. Ad eum pertinet, in Ecclesia ueteris, & noui testamenti libros clara uoce & distincte recitare, præsertim uero eos, qui inter nocturnam psalmodiam legi solent. Eius quoque partes erant, prima religionis Christianæ rudimenta fidelibus tradere. Episcopus itaque, præsentem populo, in eius ordinatione librum, quo descripta sunt, quæ ad hanc functionem attinent, illi tradens, inquit: Accipe, & esto uerbi Dei relator, habiturus, si fideliter, & utiliter impleueris officium tuum, partem cum ijs, qui uerbum Dei bene ministrarunt ab initio. Tertius est ordo Exorcistarum, quibus potestas data est nomē Domini inuocandi in eos, qui ab immundis spiritibus obsidentur. quare Episcopus, cum eos instituit, librum, in quo exorcismi continentur, eis porrigit, usus ea formula uerborum: Accipe, & commenda memoriæ, & habes potestatem imponēdi manus super energumēnos, siue baptizatos, siue catechumenos. Acolytorum quartus est gradus, & ultimus eorum omnium, qui minores, & non sacri appellantur. eorum munus est, ministros maiores Subdiaconos, & Diaconos in altaris ministerio affectari, eiusque operam

operam dare . Præterea lumina deferunt, & asseruant, cum Missæ sacrificium celebratur, præcipue uero cum euangelium legitur; ex quo & ceroferarij alio nomine uocati sunt. Cum itaque ordinantur, hic ritus ab Episcopo seruari consuevit. Primum quidē, postquam eos officij sui diligenter admonuit, lumina eorū singulis tradit in hunc modum: Accipe ceroferarium cum cereo, & scias te ad accēdēda ecclesiæ luminaria mācipari, in nomine Domini. Deinde item urceolos uacuos, quibus aqua & uinum in sacrificio ministratur: Accipe urceolos ad suggerendum uinum, & aquā in Eucharistiam sanguinis Christi in nomine Domini. A minoribus ordinibus, ijsdemque non sacris, de quibus hætenus dictum est, ad maiores, & sacros legitimus aditus, & ascensus patet. In eorum primo gradu Subdiaconus collocatur: cuius munus est, ut nomen ipsum declarat, Diacono ad altare inferuire. sacra enim lintea, uasa, panem, & uinum, ad sacrificij usum necessaria, parare debet. nunc Episcopo, & sacerdoti aquam præbet, cum manus in Missæ sacrificio abluunt. Epistolam etiā, quæ olim a Diacono in Missa recitabatur, Subdiaconus legit, ac tamquam testis ad sacrum assistit, prohibetq. ne sacerdos sacra faciens a quopiā perturbari possit. Hæc autē, quæ ad Subdiaconi ministerium spectant, ex sollemnibus cærimonijs, quæ in illius consecratione adhibentur, licet cognoscere. Primū enim Episcopus legē perpetuę continentę huic ordini impositam esse admonet: edicitque neminem in Subdiaconorū ordinem cooptandū esse, cui ultro hanc legem accipere non sit propositū: dein-

deinde, post sollemnem litaniarum precationem, quæ Subdiaconi munera, & functiones sint, enumerat, atque exponit. His peractis, eorum singuli, qui ordinantur, ab Episcopo quidem calicem, & sacram patenam accipiunt; ab Archidiacono uero, ut intelligatur Subdiaconum Diaconi officio subseruire, urceolos, uino & aqua plenos, una cum lebere, & linteolo, quo manus absterguntur, dicente Episcopo: Videte, cuiusmodi ministerium uobis traditur; ideo uos admoneo, ut ita uos exhibeatis, ut Deo placere possitis. Adduntur præterea aliæ preces. Ad extremum, cum Episcopus sacris uestibus Subdiaconum ornauit, ad quatuor singulas propria uerba, & cærimoniarum adhibentur, tradit ei epistolarum librum, ac dicit: Accipe librum epistolarum, & habe potestatem legendi eas in ecclesia sancta Dei tam pro uiuis, quam pro defunctis. Secundum autem sacrorum ordinum gradum Diaconus obtinet: cuius ministerium latius patet, sanctiusque semper habitum est. ad eum enim pertinet, Episcopum perpetuo sequi, concionantem custodire, eique, & sacerdoti sacra facienti, uel alia sacramenta administranti præsto esse, & in Missæ sacrificio euangelium legere. olim uero fidelium animos sæpius excitabat, ut sacra attenderent: sanguinem etiam Domini ministrabat; in quibus ecclesijs ea consuetudo erat, ut fideles Eucharistiam sub utraque specie sumerent. Diacono præterea ecclesiasticorum bonorum dispensatio commissa erat, ut unicuique necessaria ad uictum subministraret. Ad Diaconum etiam attinet, tamquam Episcopi oculum, peruestigare, quoniam in urbe pie, & religiose, qui uel se

cus

cus uitam traducant; qui ad sacrificium, & concionem statis temporibus conueniant, qui rursus non conueniant: ut, cum de omnibus Episcopum certiore fecerit, ille uel priuatim unumquemque hortari, admonere, uel palam corrigere, & obiurgare possit, uti se magis profecturum esse intellexerit. Catechumenorum etiam nomina recitare debet, & eos, qui ordinis sacramento initiandi sunt, ante Episcopum statuere. Licet ei præterea, si absit Episcopus, & sacerdos, euangelium explanare, non tamē e superiori loco; ut intelligatur hoc eius proprium munus non esse. Quanta uero diligentia adhibenda sit, ne quis eo munere indignus ad hunc ordinis gradum ascendat, Apostolus ostendit, cum ad Timotheum Diaconi mores, uirtutem, & integritatem exposuit. Hoc idem satis etiam declarant ritus, & sollemnes cærimonix, quibus ab Episcopo consecratur. pluribus enim & sanctioribus precibus ad Diaconi, quam ad Subdiaconi ordinationem utitur Episcopus, & alia addit sacrarum uestium ornamenta. Præterea, manus ei imponit: quod quidem ab apostolis factitatum esse legimus, cum primos Diaconos instituerunt. Denique euangeliorum librum ei tradit his uerbis: Accipe potestatem legendi euangelium in Ecclesia Dei tam pro uiuis, quam pro defunctis, in nomine Domini. Tertius, omniumque sacrorum ordinum summus gradus est sacerdotiū; qui uero illo præditi sunt, eos ueteres Patres duobus nominibus uocare solent. interdum enim Presbyteros appellant, quod græce seniores significat, non solum propter ætatis maturitatem, quæ huic ordini maxime

1. Tim. 3

Act. 6

xime



xime necessaria est, sed multo magis propter mo-  
 rum grauitatem, doctrinam, & prudentiam. ut  
 enim scriptum est; Senectus uenerabilis est, non *Sap. 4*  
 diuturna, neque annorum numero computata. ca-  
 ni autem sunt sensus hominis, & ætas senectutis  
 uita immaculata. interdum uero Sacerdotes uo-  
 cant, tum quia Deo consecrati sunt, tum quia ad  
 eos pertinet sacramenta administrare, sacrasque  
 res, & diuinas tractare. Sed quoniam duplex sa-  
 cerdotium in sacris litteris describitur, alterū in-  
 terius, alterum externum, utrumque distinguen-  
 dum est; ut, de quo hoc loco intelligatur, a Pasto-  
 ribus explicari possit. Quod igitur ad interius sa-  
 cerdotium attinet, omnes fideles, postquam saluta-  
 ri aqua abluti sunt, sacerdotes dicuntur, præcipue  
 uero iusti, qui spiritum Dei habent, & diuinæ gra-  
 tiæ beneficio Iesu Christi, summi sacerdotis, uiua  
 membra effecti sunt. hi enim fide, quæ charitate in-  
 flāmatur, in altari mentis suæ spirituales Deo ho-  
 stias immolant: quo in genere bonæ oēs, & honestæ  
 actiones, quas ad Dei gloriam referunt, numeran-  
 dæ sunt. Quare in Apocalypsi ita legimus: Chri- *Apoc. 1*  
 stus lauit nos a peccatis nostris in sanguine suo, &  
 fecit nos regnum, & sacerdotes Deo, & patri suo.  
 In quam sententiam ab apostolorum Principe di-  
 ctum est: Ipsi tamquam lapides uiui superædifica- *1. Pet. 2*  
 mini domus spirituales, sacerdotium sanctum, offe-  
 rentes spirituales hostias, acceptabiles Deo per Ie-  
 sum Christum. Et Apostolus nos hortatur, ut exhi *Rom. 12*  
 beamus corpora nostra hostiam uiuentē, sanctam,  
 Deo placentem, rationabile obsequiū nostrum. Da-  
 uid item multo ante dixerat: Sacrificiū Deo spiri- *Psal. 50*  
 tus

tus contribulatus : cor contritum , & humiliatum Deus non despicias . Quę omnia ad interius sacerdotium spectare , facile intelligitur . Externum uero sacerdotium , non omniũ fidelium multitudini , sed certis hominibus cõuenit , qui legitima manuũ impositione , sollemnibusque sanctę Ecclesię cęrimonijs instituti , & Deo consecrati , ad aliquod proprium , sacrumque ministerium adscribuntur . Hoc sacerdotij discrimen in ueteri etiam lege obseruari potest . nam de interiori Dauidem locutũ esse , paulo ante demonstratum est . externi uero , nemo ignorare potest , quam multa Dominus Moyfi , & Aaroni pręcepta dederit . Pręterea , uniuersam leuiticam tribum ministerio templi adscripsit , ac legecauit , ne quis ex alia tribu in eam functionẽ se inferre auderet : quare Ozias rex lepra a Domino percussus , quod sacerdotale munus usurpasset , arrogantię , & sacrilegij sui grauissimas pœnas dedit . Quia igitur eandem sacerdotij distinctionem in lege euangelica licet animaduvertere ; docendi erunt fideles , nunc de sacerdotio externo agi , quod certis hominibus attributum est . hoc enim tãtummodo ad ordinis sacramentum pertinet . Sacerdotis igitur munus est , Deo sacrificium facere , ecclesiastica sacramenta administrare , quemadmodum ex consecrationis ritibus perspicitur . Nam Episcopus cum aliquem sacerdotem instituit , primum quidem manus ei , una cum omnibus sacerdotibus , qui adsunt , imponit : deinde stolam humeris aptans , eam ante pectus in crucis formam componit : quo quidem declaratur , sacerdotem uirtute indui ex alto , qua possit crucem Christi domini , & iugum  
suauc

suaue diuinæ legis perferre, eamque non uerbis so-  
 lum, sed uitæ sanctissime, & honestissime actû exē-  
 plo tradere. Postea manus sacro oleo inungit: tum  
 uero calicem cum uino, & patenam cum hostia tra-  
 dit, dicens: Accipe potestatem offerendi sacrifici-  
 um Deo, Missasque celebrandi tam pro uiuis,  
 quam pro defunctis. Quibus cærimonijs, & uer-  
 bis interpres, ac mediator Dei, & hominum con-  
 stituitur: quæ præcipua sacerdotis functio existimā-  
 da est. Ad extremum uero, manibus iterum eius  
 capiti impositus, Accipe, inquit, spiritum sanctum;  
 quorum remiseris peccata, remittuntur eis: &  
 quorum retinueris, retenta sunt. eique cælestem  
 illam, quam Dominus discipulis suis dedit, peccata Ioan. 10  
 retinendi, ac remittendi potestatem tribuit. Hæc  
 uero sunt sacerdotalis ordinis propria, & præci-  
 pua munera: qui tametsi unus est, uarios tamen  
 dignitatis, & potestatis gradus habet. Primus  
 est eorum, qui sacerdotes simpliciter uocantur: quo-  
 rum functiones hætenus declaratæ sunt. Secundus  
 est Episcoporum, qui singulis episcopatibus præpo-  
 siti sunt: ut non solum ceteros ecclesiæ ministros,  
 sed fidelem populū regant, & eorum saluti summa  
 cum uigilantia, & cura prospiciant. quare in sa-  
 cris litteris Pastores ouium sæpe appellantur: quo-  
 rum munus, & officium Paulus descripsit, ut in  
 apostolorum Actis legimus, in ea concione, quam Act. 20  
 ad Ephesios habuit. Itemque a Petro, apostolorum 1. Petr. 5  
 Principe, diuina quædam Episcopalis ministerij re-  
 gula tradita est: ad quam si Episcopi actiones suas  
 dirigere studeant, dubitandum non erit, quin Pa-  
 stores boni & sint, & habeantur. Sed iidem Epi-  
 scopi

copi & Pontifices dicuntur, accepto ab ethnicis nomine, qui Principes sacerdotum Pontifices appellare consueuerunt. Tertius gradus est Archiepiscoporum, qui pluribus Episcopis præsent; qui Metropolitani etiam uocantur, quod illarum urbium antistites sint, quæ tamquam matres habeantur illius prouinciæ. quare superiorem, quam Episcopi, locum, & ampliorem potestatem habent, tãtetsi ab Episcopis ordinatione nihil differunt. In quarto gradu Patriarche collocantur, idest primi supremique Patres, Olim in uniuersa Ecclesia, præter summum Romanum Pont. quattuor tantum Patriarchæ numerabantur, neque omnes tamen dignitate pares, nam Constantinopolitanus, etsi ad eum post omnes alios hic honos delatus est, tamen ob imperij maiestatem altiore locum obtinuit. Proximus est Alexandrinus, cuius ecclesiam Marcus euangelista iussu Principis apostolorum fundauit. Tertius Antiochenus, ubi Petrus sedem primo locauit. Extremum gradum habet Hierosolymitanus; quam ecclesiam Iacobus, frater Domini, rexit. Præter hos omnes, catholica Ecclesia Romanum Pont. Max. quem in Ephesina Synodo Cyrillus Alexandrinus Archiepiscopum, totius orbis terrarum patrem, & Patriarcham appellat, semper uenerata est. cum enim in Petri, apostolorum Principis, cathedra sedeat, in qua usque ad uitæ finem sedisse constat, summum in eo dignitatis gradum, & iurisdictionis amplitudinem non quidem ullis Synodis, aut alijs humanis constitutionibus, sed diuinitus datam agnoscit. quamobrem omnium fidei, & Episcoporum, ceterorumq. antistitum, quocumq. illi munere.



nere, & potestate præditi sint, pater, ac moderator uniuersali Ecclesiæ, ut Petri successor, Christique domini uerus, & legitimus Vicarius præsidet. Ex his itaque Pastores docebunt, & quæ sint ecclesiasticorum ordinum, ac graduum præcipua munera, & functiones, & quis huius sacramenti minister sit. constat enim ad Episcopum eam administrationem pertinere: quod etiam sanctarum litterarum auctoritate, certissima traditione, omnium Patrum testimonio, Conciliorum decretis, sanctæ Ecclesiæ usu, & consuetudine facile erit comprobare. Quamuis autem nonnullis Abbatibus permissum sit, ut minores, & non sacros ordines interdum administrent: tamen hoc proprium Episcopi munus esse nemo dubitat; cui uni ex omnibus, præterea nemini, licet reliquis ordinibus, qui maiores, & sacri dicuntur, initiare. nam Subdiaconos, Diaconos, & Sacerdotes unus tantum Episcopus ordinat: Episcopi ex apostolorum traditione, quæ perpetuo in Ecclesia custodita est, a tribus Episcopis cōsecrantur.

Sequitur nunc, ut explicetur; quinam ad hoc sacramentum, in primisque ad sacerdotalem ordinem apti sunt, & quæ in eis potissimum requirantur. ex hoc enim difficile non erit statuere, quid in alijs ordinibus dandis, pro cuiusque officio, & dignitate, obseruare oporteat. Maximam autem in hoc sacramento cautionē adhibendam esse, ita colligitur, quod cetera gratiam ad illorum sanctificationem, & usum tribuunt, a quibus percipiuntur: at uero qui sacris initiantur, ob eam rem cælestis gratiæ participes fiunt, ut eorum ministerio, Ecclesiæ, atque adeo omnium hominum saluti consula-

*Quinam debeant ad dignitatem sacerdotij admitti.*

Y tur.

Ad Tit. 1  
1. Tim. 3

tur. ex quo factum esse intelligimus, ut statis tantummodo diebus, quibus etiam sollemnia ieiunia ex uetustissimo catholice Ecclesie more indicuntur, ordinationes fiant: ut scilicet fidelis populus eiusmodi sacrarum rerum ministros pijs, & sanctis precationibus a Deo impetret, qui ad tanti ministerij potestatem, recte, & cum Ecclesie utilitate gerendam aptiores esse uideantur. Primum itaque in eo, qui Sacerdos creandus est, uitæ, & morum integritas commendetur magnopere oportet, non solum quia, si alicuius mortiferi peccati conscius se initiari curret, uel etiam patiatur, nouo se, & maximo scelere obstringit; sed etiam, quia uirtutis, & innocentie lumen alijs præferre debet, ea de re quid Apostolus Tito, & Timotheo præcipiat, Pastoribus declarandum erit: & simul illud docendum, ea corporis uitia, quæ in ueteri lege ex Domini præscriptione aliquem ab altaris ministerio excludebant; in euangelica lege ad animæ uitia præcipue transferenda esse. Quare sanctam illam consuetudinē in Ecclesia seruari animaduertimus, ut qui sacris initiandi sunt, prius penitentię sacramento conscientiam purgare diligenter studeant. Præterea in Sacerdote non solum ea cognitio requirenda est, quæ ad sacramentorum usum, & tractationem pertinet; sed etiam sacrarum litterarum scientia ita instructum esse oportet, ut populo Christiane fidei mysteria, & diuinę legis præcepta tradere, ad uirtutem, & pietatem incitare, a uitijs reuocare fideles possit. Sacerdotis enim duo sunt munera: quorum alterum est, ut sacramenta rite conficiat, & administret: alterum, ut populum, fidei sue commissum, ijs re-

his rebus, & institutis, quæ ad salutem necessaria sunt, erudiat. Malachias enim ita testatur: Labia *Malach. 2* sacerdotis custodient scientiam, & legem requirent ex ore eius: quia angelus Domini exercituum est. Ut igitur in horum altero, si mediocri cognitione sit ornatus, præstare, quod debet, possit; alterum certe non uulgarem, sed exquisitam potius doctrinam desiderat: quamuis æque ab omnibus sacerdotibus summa reconditarum rerum scientia nõ exigatur, sed quæ ad suscepti officij, & ministerij functionem unicuique satis esse possit. Pueris autem, & furiosis, uel amentibus, quod usu rationis carent, hoc sacramentum dandum non est: quamuis, si ijs quoque administraretur, sacramenti characterem in eorum animam imprimi, certo credendum sit. Qui uero ætatis annus in singulis ordinibus sit expectandus, ex sacri Tridentini Concilij *Trid. Syn.* decretis facile erit cognoscere. Excipiuntur etiam serui: neque enim diuino cultui dedicari debet, qui non sui iuris, sed in alterius potestate est: uiri præterea sanguinum, & homicidæ, quia ecclesiastica lege repelluntur, atque irregulares sunt: spurij quoque, & ij omnes, qui ex legitimis nuptijs non sunt procreati. decet enim, ut, qui sacris addicuntur, nihil in se habeant, quo ab alijs merito contemni, ac despici posse uideantur. Ad extremum etiam admitti non debent, qui aliquo insigni corporis uicio deformes, aut manci sunt, ea enim foeditas, & debilitatio tum offensionē habet, tum uero sacramentorum administrationem impediat, necesse est.

Sed iam his rebus expositis, superest, ut Pastores *De præla- ris sacram- ti ordinis seclibus. cf* doceant, qui sint huius sacramenti effectus.

Constat uero, quamuis ordinis sacramentum, ut antea dictum est, maxime ad Ecclesiæ utilitatem, & pulchritudinem spectet, tamen in eius quoque anima, qui sacris initiatur, sanctificationis gratiam efficere; qua idoneus, habilisque ad recte munus suum fungendum, sacramentaque administranda reddatur: quemadmodum etiam baptismi gratia quilibet ad alia sacramenta percipienda aptus efficitur. Aliam quoque gratiam hoc sacramento tribui perspicuum est, præcipuam uidelicet potestatem, quæ ad sanctissimum Eucharistiæ sacramentum refertur, in sacerdote quidem plenam, & perfectam, ut qui Domini nostri corpus & sanguinem unus potest conficere, in alijs uero inferiorum ordinum ministris maiorem, minoremue, quo quisque ministerio suo magis, minusue ad altaris sacramenta accedit. Atque hæc etiam character spiritualis dicitur: quod qui sacris imbuti sunt, interiori quadam nota, animæ impressa, ab alijs fidelibus distinguantur, ac diuino cultui mancipentur: ad quam Apostolus uidetur spectasse, cum ad Timotheum ait: Noli negligere gratiam, quæ in te est, quæ data est tibi per prophetiam, cum impositione manuum presbyterij. Et alibi: Admoneo te, ut resuscites gratiam Dei, quæ est in te, per impositionem manuum mearum. Hæc de ordinis sacramento satis dicta sint. potiora enim tantum rerum capita Pastoribus tradere professi sumus, ut illis fidelis populi docendi, & in Christiana pietate erudiendi argumenta suppeditarent.

1. Tim. 4

1. Tim. 1

D E



AD PAROCHOS. 341  
DE MATRIMONIO.  
SACRAMENTO.



**Q**VONIAM Pastoribus beata & perfe-  
 cta Christiani populi uita proposita  
 esse debet, ijs quidem maxime optan-  
 dum esset, quod Apostolus se cupere  
 ad Corinthios scribebat his uerbis: Volo omnes 1. Cor. 7  
 homines esse sicut me ipsum, nimirum, ut omnes  
 continentiae uirtutem sectarentur: nihil enim bea-  
 tius in hac uita fidelibus potest contingere, quam  
 ut animus, nulla mundi cura distractus, sedataq.  
 & reſtinēta omni carnis libidine, in uno pietatis  
 studio, & cælestium rerum cogitatione conquie-  
 scat. sed quoniam, ut idem Apostolus testatur, 1. Cor. 7  
 unusquisque proprium donum habet ex Deo, alius  
 quidem sic, alius uero sic; & matrimonium ma-  
 gnis, & diuinis bonis ornatum est, ita ut inter alia  
 catholicæ Ecclesiæ sacramenta uere, & proprie nu-  
 meretur; ac Dominus nuptiarum celebritatem Ioan. 2  
 præsentia sua honestarit: satis apparet, eius doctri-  
 nam tradendam esse; cum præsertim liceat ani-  
 maduertere, tum sanctum Paulum, tum aposto-  
 lorum Principem, quæ non solum ad dignitatem,  
 sed etiam ad officia matrimonij pertinebant, plu-  
 ribus locis accurate scripta reliquisse. Diuino enim  
 spiritu afflati optime intelligebant, quanta & quā  
 multa commoda ad Christianam societatem per-  
 uenire possent, si fideles matrimonij sanctitatem  
 cognitam haberent, & inuiolatam seruarent: con-  
 tra uero, ea ignorata, uel neglecta, plurimas,  
 maximasque calamitates, & detrimenta in Eccle-

fiam importari. Primum itaque matrimonij natura, & uis explicanda est. nam cum uitia sæpe honesti similitudinem gerant, cauere oportet, ne fideles, falsa matrimonij specie decepti, turpitudine & nefarijs libidinibus animam cōmaculent: cuius rei declarandæ causa a nominis significatione ordiendum est.

*Matrimonij  
descriptio,  
nis, & natura.*

*S. Ambr.*

Matrimonium ab eo dicitur, quod femina idcirco maxime nubere debet, ut mater fiat; uel quia prolem concipere, parere, educare, matris munus est. Coniugium quoque a coniungendo appellatur; quod legitima mulier cum uiro quasi uno iugo adstringatur. Præterea nuptiæ, quia, ut inquit sanctus Ambrosius, pudoris gratia puellæ se obnubarent: quo etiam declarari uidebatur, uiris obediētes, subiectasque esse oportere. Ita uero ex communi theologorum sententia definitur: Matrimonium est uiri, & mulieris maritalis coniunctio inter legitimas personas, indiuiduam uitæ consuetudinē retinens. cuius definitionis partes ut planius intelligatur, docendum est, quamuis hæc omnia in perfecto matrimonio insint, consensus uidelicet interior, pactio externa uerbis expressa, obligatio, & uinculum, quod ex ea pactione efficitur, & coniugum copulatio, qua matrimoniū consummatur; nihil horum tamen matrimonij uim & rationem proprie habere, nisi obligationem illam, & nexum, qui coniunctionis uocabulo significatus est. Additur uero, Maritalis, quoniam alia pactioſum genera, quibus uiri, & mulieres obligantur, ut sibi mutuam operam præstent, uel pretij, uel alterius rei causa, prorsus aliena sunt a matrimonij ratione.

Sequi-

Sequitur deinde, Inter legitimas personas: quoniā qui a nuptiarum coniunctione legibus omnino exclusi sunt, ij matrimoniū inire non possunt; neque, si ineant, ratum est. exempli enim gratia: qui intra quartum gradum propinquitate coniuncti sunt, puerque ante decimum quartum annum, aut puella ante duodecimum, quæ ætas legibus constituta est, ad matrimonij iusta fœdera ineunda apti esse non possunt. Quod uero extremo loco positū est, Individuam uitę cōsuetudinem retinens; indissolubilis uinculi naturam declarat, quō uir, & uxor colligantur. Ex ijs igitur patet, matrimonij naturam, & rationem in uinculo illo consistere. Nam quod alię clarissimorum uirorum definitiones hoc uidentur consensui tribuere, ut, cum dicunt, coniugium esse consensum maris, & femine; hoc ita accipiendū est, consensum ipsum matrimonij causam effectricem esse: quod Patres in Concilio Florentino docuerunt. Etenim obligatio, & nexus oriri non potest, nisi ex consensu, & pactione.

*Conc. Flor.*

Sed illud maxime necessarium est, ut consensus uerbis, quæ præsens tempus significant, exprimatur. neque enim matrimonium est simplex donatio, sed mutua pactio: atque ita fit, ut consensus alterius tantum, ad matrimonium coniungendum satis esse non possit, sed duorum inter se mutuum esse oporteat. atqui, ad declarandum mutuum animi consensum uerbis opus esse, perspicuum est. Si enim ex interiori tantum consensu, sine aliqua externa significatione, matrimonium constare posset, illud etiam sequi uideretur, ut, cum duo, qui disiunctissimis & maxime diuer-

sis in locis essent , ad nuptias consentirent , antequam alter alteri uoluntatem suam uel litteris , uel nuncijs declarasset , ueri , & stabilis matrimonij lege coniungerentur ; quod tamen a ratione , & sanctæ Ecclesiæ consuetudine , & decretis alienum est . Recte autem dicitur oportere , ut consensus uerbis exprimatur , quæ præsentis temporis significationem habeant. nam, quæ futurum tempus indicant, matrimonium non coniungunt, sed spondent. deinde , quæ futura sunt, nondum esse perspicuum est : quæ uero non sunt , parum , uel nihil firmi , aut stabilis habere existimandum est . Quare nondum connubij ius in eam mulierem quisquam habet, quam se in matrimonium ducturum esse pollicetur; neque statim ab eo impletum est , quod se facturum promisit , tamen si fidem præstare debet : quod si non faciat , uiolatæ fidei reus esse conuincitur . At uero qui matrimonij foedere alteri iungitur , quâuis postea pæniteat , tamen , quod factum est , mutare , irritumue , & infectum reddere nō potest . Cum itaque coniugij obligatio nuda promissio nō sit, sed eiusmodi abalienatio ; qua re ipsa uir mulieri , & uicissim mulier uiro corporis sui potestatem tradit; idcirco necesse est , uerbis , quæ præsens tempus designant , matrimonium contrahi : quorum uerborum uis , postquam etiā enunciata sunt, permanet , uirumq. & uxorem indissolubili uinculo constrictos tenet . Sed uerborum loco tum nutus , & signa, quæ intimum cōsensum aperte indicent, satis ad matrimonium esse possunt; tum ipsa etiam taciturnitas , cum puella propter uerecundiam non respondet, sed



sed pro ea parentes loquuntur. Ex ijs igitur Pa-  
 rochi fidelibus tradent, matrimonij naturam, &  
 uim in uinculo & obligatione sitam esse; ac præ-  
 ter consensum, eo, quo dictum est, modo expressum,  
 ut uerum matrimonium existat, cōcubitum neces-  
 sario non requiri. nam & primos parentes ante  
 peccatum, quo tempore nulla inter eos carnis co-  
 pula intercesserat, ut Patres testantur, uero ma- Gen. 2  
 trimonio iunctos fuisse plane constat. quare a san-  
 ctis Patribus dictum est, matrimonium non concu-  
 bitum, sed consensu existere: quod etiam a sancto  
 Ambrosio in libro de Virginibus repetitum legimus. S. Ambro.

Iam uero hisce explicatis, illud docendum erit, Duplex ma-  
 trimonium duplicem rationem habere. Nam trimonij ra-  
 uel ut naturalis coniunctio, (coniugium enim non tio, ut est in-  
 ab hominibus inuentum, sed a natura) uel ut sa- efficiunt na-  
 cramentum, cuius uis naturalium rerum condi- tura & ut  
 tionem superat, considerandum est. ac quoniam sacramen-  
tum.

gratia naturam perficit, (neque prius quod spiri-  
 tuale est, sed quod animale, deinde quod spirituale)  
 rei ordo postulat, ut de matrimonio, ut natura con 1. Cor. 15  
 stat, & ad naturæ officium pertinet, prius agendum  
 sit: tum uero, quæ illi, ut sacramentum est, conue-  
 niunt, explananda erunt. In primis itaque docen-  
 di sunt fideles, matrimonium a Deo institutum esse:  
 scriptum est enim in Genesi; Masculum, & femi-  
 nam creauit eos, benedixitque illis Deus, & ait: Gen. 1  
 Crescite, & multiplicamini. &, Non est bonum Gen. 2  
 hominem esse solum: faciamus ei adiutorium simi-  
 le sibi. Ac paulo post: Adæ uero non inueniebatur  
 adiutor similis eius. Immisit ergo dominus Deus  
 soporem in Adam, cumque obdormisset, tulit unam  
 de co-

de costis eius , & repleuit carnem pro ea , & ædificauit dominus Deus costā , quam tulerat de Adā , in mulierem , & adduxit eam ad Adam ; dixitque Adam : Hoc nunc os ex osibus meis , & caro de carne mea : hæc uocabitur uirago , quoniam de uiro sumpta est . quamobrem relinquet homo patrē suum , & matrem , & adhærebit uxori suæ , & erunt duo in carne una. Quæ, ipso Domino auctore apud sanctum Matthæum , ostendunt matrimonium diuinitus institutum esse . Neque uero Deus matrimonium tantummodo instituit , uerum , ut sancta Tridentina Synodus declarat , perpetuum etiam , & indissolubilem nodum ei addidit: siquidem Saluator ait : Quod Deus coniūxit, homo nō separaret . Quamuis enim matrimonio, quatenus naturæ est officium, conueniat, ut dissolui non possit, tamen id maxime fit , quatenus est sacramentum . qua ex re etiam in omnibus , quæ naturæ lege eius propria sunt, summam perfectionem consequitur. tamen & prolis educandæ studio , & alijs matrimonij bonis repugnat , ut eius uinculū dissolubile sit . Quod uero a Domino dictum est ; Crescite, & multiplicamini ; id eo spectat , ut , cuius rei causa matrimonium institutum erat, declaret, non ut singulis hominibus necessitatē imponat. nunc enim , aucto iam humano genere, non solum ulla lex uxorem ducere aliquem non cogit, sed potius uirginitas summopere commendatur , & unicuique in sacris litteris suadetur , ut quæ matrimonij statu præstantior sit, maioremque in se perfectionem, & sanctitatem contineat . Dominus enim Saluator noster ita docuit : Qui potest capere, capiat : & Apostolus

solus ait; de Virginibus præceptum Domini non habeo; consilium autem do, tamquam misericordiam consecutus, ut sim fidelis. 1. Cor. 7

Sed quibus de causis uir, & mulier coniungi debeant, explicandum est. Prima igitur est, hæc ipsa diuersi sexus naturæ instinctu expetita societas, mutui auxiliij spe conciliata; ut alter alterius ope adiutus, uitæ incōmoda facilius ferre, & senectutis imbecillitatem sustentare queat. Altera est procreationis appetitus, non tam quidem ob eam rem, ut bonorum, & diuitiarum heredes relinquuntur, quam ut ueræ fidei, & religionis cultores educantur: quod quidem maxime sanctis illis Patriarchis, cum uxores ducerent, propositum fuisse, ex sacris litteris satis apparet. quare Angelus, cū Tobiam admoneret, quo pacto mali dæmonis uim posset repellere; Ostendam, inquit, tibi, qui sunt, quibus præualere potest dæmonium. ij namque, qui coniugium ita suscipiunt, ut Deū a se, & a sua mente excludant, & suæ libidini ita uacēt, sicut equus, & mulus, quibus non est intellectus, habet potestatem dæmoniū super eos. Tob. 6

Deinde subiicit; Accipies uirginem cum timore Domini; amore filiorum magis, quam libidine ductus: ut in semine Abrahæ benedictionem in filiis consequaris. Atque una etiam hæc causa fuit, cur Deus ab initio matrimonium instituerit. quare fit, ut illorum sit scelus grauissimum, qui matrimonio iuncti, medicamentis uel conceptum impediunt, uel partum abigunt. hæc enim homicidarum impia cōspiratio existimanda est. Tertia est, quæ post primi parentis lapsum ad alias causas accessit, cum propter iustitias,

Matrimonio-  
niū quibus  
causis inueni-  
dum.

1. Cor. 7

Gen. 29

stitiæ, in qua homo conditus erat, amissionem, appetitus rectæ rationi repugnare cœpit; ut scilicet, qui sibi imbecillitatis suæ conscius est, nec carnis pugnam uult ferre, matrimonij remedio ad uitanda libidinis peccata utatur. de quo ita Apostolus scribit: Propter fornicationem unusquisque suam uxorem habeat, & unaquæque suum uirum habeat. Ac paulo post, cum docuisset, interdum orationis causa a matrimonij debito abstinendum esse, subiecit: Et iterum reuertimini in idipsum, ne tentet uos Satanas propter incontinentiam uestram. Hæ igitur sunt causæ, quarum aliquam sibi proponere quisque debet, qui pie, & religiose, ut sanctorum filios decet, nuptias uelit contrahere. Quod si ad eas causas alia etiam accedant, quibus homines inducti matrimonium ineant, atque in habendo uxoris delectu, hanc illi præponant, ut heredis relinquendi desiderium, diuitiæ, forma, generis splendor, morum similitudo, huiusmodi sane rationes damnandæ non sunt, cū matrimonij sanctitati non repugnent. neque enim in sacris litteris Iacob Patriarcha reprehenditur, quod Rachelem, eius pulchritudine illectus, Liæ prætulit. Hæc de matrimonio, ut naturalis coniunctio est, docenda erunt; ut autem sacramentum est, explicare oportebit: eius naturam multo præstantiorem esse, & omnino ad altiorem finem referri. Quemadmodum enim matrimonium, ut naturalis coniunctio, ad propagandum humanum genus ab initio institutum est, ita deinde, ut populus ad ueri Dei, & saluatoris nostri Christi cultum & religionem procrearetur, atque educaretur, sacramenti dignitas illi tributa est.



est. Cum enim Christus dominus uellet arctissime illius necessitudinis, quæ ei cum Ecclesia intercedit, suæque erga nos immensæ charitatis certū aliquod signum dare, tanti mysterij diuinitatem hac potissimum maris, & femine sancta coniunctione declarauit. quod quidem aptissime factum esse, intelligi ex eo potest, quod ex omnibus humanis necessitatibus nulla inter se homines magis, quam matrimonij uinculum constringit; maximaque inter se uir & uxor charitate & beneuolentia deuincti sunt. atque idcirco fit, ut frequenter sacræ litteræ nuptiarum similitudine diuinam hanc Christi, & Ecclesiæ copulationem nobis ante oculos proponant.

Iam uero matrimonium sacramentum esse, Ecclesia, Apostoli auctoritate confirmata, certum, & exploratum semper habuit: ita enim ad Ephesios scribit; Viri debent diligere uxores suas, ut corpora sua. Qui suam uxorem diligit, se ipsum diligit. nemo enim umquam carnem suam odio habuit, sed nutrit, & fouet eam, sicut & Christus Ecclesiam: quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adhærebit uxori suæ: & erunt duo in carne una. Sacramentum hoc magnum est: ego autem dico in Christo, & in Ecclesia. Nam quod inquit, Sacramentum hoc magnum est; nemini dubiū esse debet, ad matrimonium referendum esse: quod scilicet uiri, & mulieris coniunctio, cuius Deus auctor est, sanctissimi illius uinculi, quo Christus dominus cū Ecclesia coniungitur, sacramentum, idest sacrum signum sit. Atque hanc esse eorum uerborum propriam & ueram senten-

*Matrimonium sacramentum esse, & unum de septem legis euangelice.*

sententiam, ueteres sancti Patres, qui eum locum  
*Trid. Syn.* interpretati sunt, ostendunt: idemque sancta Tri-  
 dentina Synodus explicauit. Constat ergo, uirum  
 Christo, uxorem Ecclesiae ab Apostolo compara-  
 ri; uirum esse caput mulieris, ut est Christus Ec-  
 clesiae: eaque ratione fieri, ut uir uxorem diligere,  
 & uicissim uxor uirum amare, & colere debeat.  
 Christus enim dilexit Ecclesiam, & pro ea semet  
*Ad Ephe. 5* ipsum tradidit. Rursus uero, ut idem Apostolus  
 docet, Ecclesia subiecta est Christo. Sed gratiam  
 quoque hoc sacramento significari, & tribui, in  
 quo maxime ratio sacramenti inest, ea Synodi uer-  
*Trid. Syn.* ba declarant: Gratiam uero, quae naturalem il-  
 lum amorem perficeret, & indissolubilem unita-  
 tem confirmaret, coniugesque sanctificaret, ipse  
 Christus, uenerabilium sacramentorum institu-  
 tor, atque perfector, sua nobis passione prome-  
 ruit. Quare docendum est, huius sacramenti gra-  
 tia effici, ut uir, & uxor, mutuae charitatis uin-  
 culo coniuncti, alter in alterius beneuolentia con-  
 quiescat, alienosque, & illicitos amores, & con-  
 cubitus non quaerat, sed in omnibus sit honora-  
*Hebr. 13* bile connubium, & torus immaculatus. Sed  
 quantum matrimonij sacramentum ijs matrimo-  
 nijs praestet, quae ante, uel post legem iniri sole-  
 bant, ex eo licet cognoscere, quod etsi gentes ma-  
 trimonio diuini aliquid inesse arbitrabantur, at-  
 que ob eam rem uagos concubitus a naturae lege  
 alienos esse, itemque stupra, adulteria, & alia  
 libidinis genera uindicanda esse iudicabant, ta-  
 men eorum connubia nullam prorsus sacramenti  
 uim habuerunt. Apud Iudeos uero religiosius  
 omni-

omnino nuptiarum leges seruari consueuerant ;  
neque dubitandum , quin eorum matrimonia ma-  
iori sanctitate prædita essent . Cum enim promiss<sup>Gen. 22</sup>  
sionem accepissent , fore aliquando , ut omnes  
gentes in semine Abrahe benedicerentur , magnæ  
apud eos pietatis officium merito esse uidebatur ,  
filios procreare , electi populi sobolem , ex qua  
Christus dominus Saluator noster , quod ad hu-  
manam naturam attinet , ortum habiturus es-  
set , propagare : sed illæ quoque coniunctiones  
uera sacramenti ratione caruerunt . Huc accedit ,  
quod siue naturæ , post peccatum , siue Mosis le-  
gem spectemus , facile animaduertimus matrimo-  
nium a primi ortus sui decore , & honestate deci-  
disse . dum enim naturæ lex uigebat , multos ex  
antiquis Patribus fuisse comperimus , qui plures  
simul uxores ducerent . Deinde uero in lege Mosis  
permissum erat , dato repudij libello , si causa fuis-<sup>Deuter. 24</sup>  
set , diuortium cum uxore facere : quorum utrum-<sup>Matth. 19</sup>  
que ab euangelica lege sublatum , matrimo-  
niumque in pristinum statum restitutum est . Nam  
quod polygamia a matrimonij natura aliena es-  
set , ( & si aliqui ex priscis Patribus accusandi  
non sunt , quod non sine Dei indulgentia plures  
uxores ducerent ) Christus dominus ostendit illis uer-  
bis : Propter hoc dimittet homo patrem , & matrē ,<sup>Matth. 19</sup>  
& adherabit uxori suæ ; & erunt duo in carne una .  
Ac deinde subiungit : Itaque iam non sunt duo , sed  
una caro . Quibus uerbis planum fecit , matrimo-  
nium ita a Deo institutū esse , ut duorum tantum ,  
non plurium , coniunctione definiretur . Quod etiā  
alibi apertissime docuit . ait enim : Quicumque di-  
miserit

Marc. 10

Matth. 19

Marc. 10

Luc. 16

1. Cor. 7

miserit uxorem suam, & aliam duxerit, adulterium committit super eam; & si uxor dimiserit uirum suum, & alij nupserit, mœchatur. Nam si uiro liceret plures uxores ducere, nulla omnino causa esse uideretur, cur magis adulterij reus dicendus esset, quod præter eam uxorem, quam domi haberet, aliam duceret, quam quod priore dimissa, cum alia coniungeretur. Atque ob eam rem fieri intelligimus, ut, si infidelis quispiam, gentis suæ more, & consuetudine, plures uxores duxisset, cum ad ueram religionem conuersus fuerit, iubeat eum Ecclesia ceteras omnes relinquere, ac priorem tantum iustæ, & legitimæ uxoris loco habere. Verum eodem Christi domini testimonio facile comprobatur, nullo diuortio uinculum matrimonij dissolui posse. si enim post libellum repudij mulier a uiri lege soluta esset, liceret ei sine ullo adulterij crimine alteri uiro nubere. Atqui Dominus aperte denunciat: Omnis, qui dimittit uxorem suam, & alteram ducit, mœchatur. Quare coniugij uinculum nulla re nisi morte, dirumpi perispicuum est. quod quidem Apostolus etiam confirmat, cum inquit: Mulier alligata est legi, quanto tempore uir eius uiuit: quod si dormierit uir eius, liberata est a lege; cui uult, nubat, tantum in Domino. Et rursus: His, qui matrimonio iuncti sunt, præcipio, non ego, sed Dominus, uxorem a uiro non discedere; quod si discesserit, manere innuptam, aut uiro suo recõciliari. Eam uero optionem Apostolus mulieri, quæ iusta de causa uirum reliquisset, detulit, ut aut innupta maneat, aut uiro suo reconcilietur. neque enim sancta Ecclesia uiro, & uxori permittit, ut

sine



**S**ine grauioribus causis alter ab altero discedat.

Ac ne forte alicui uideatur durior matrimonij *Vxorū cur*  
lex, quod nulla umquam ratione dissolui possit; *pluralitas il*  
docendū est, quæ sint cum ea utilitates coniunctæ. *licita: tum*  
Primum enim homines in coniungendis matrimo- *de triplici*  
nijs uirtutem potius, & morum similitudinem, *bono matri*  
quam diuitias, & pulchritudinem spectandam es- *monij.*  
se intelligant: qua quidem re communi societati  
maxime consuli nemo dubitare potest. Preterea, si  
diuortio matrimonium dissolueretur; uix umquā  
dissidendi causæ hominibus, quæ eis ab antiquo pa-  
cis, & pudicitia hoste quotidie obijcerentur, dees-  
sent. Nunc uero cum fideles secum cogitant, quā-  
uis etiam coniugij conuictu, & cōsuetudine careāt,  
se tamen matrimonij uinculo constrictos teneri,  
omnemq. alterius uxoris ducendæ spem sibi præci-  
sam esse; ea re fit, ut ad iracundiam, & dissidia  
tardiores esse consueuerint. Quod si interdum  
etiam diuortium faciant, & diutius coniugis desi-  
derium ferre non possint; facile per amicos recon-  
ciliati ad eius conuictum redeunt. Sed hoc loco  
prætermittenda non erit Pastoribus sancti Augu- *S. Auguſt.*  
stini salutaris admonitio. is enim ut ostenderet  
fidelibus, haud grauate faciendum esse, ut cum  
uxoribus, quas adulterij causa dimisissent, si  
eas delicti pæniteret, in gratiam reducerentur;  
Cur, inquit, uir fidelis non recipiet uxorem,  
quam recipit Ecclesia? aut cur uxor uiro adulte-  
ro, sed pænitenti, non ignoscat, cui etiam igno-  
uit Christus? Nam quod scriptura stultum uo- *Prover. 18*  
cat; qui tenet adulteram; de ea sentit, quæ cum  
deliquerit, pænitere, & a cœpta turpitudine,  
Z def-

desistere recusat. Ex ijs itaque perspicuum est, fidelium coniugia perfectione, & nobilitate, tum gētilium, tum Iudæorum matrimonijs longe præstare. Docendi præterea sunt fideles, tria esse matrimonij bona, prolem, fidem, sacramentum: quorum compensatione illa incommoda leniuntur, quæ Apostolus indicat his uerbis; Tribulationem carnis habebunt huiusmodi. Efficiturque, ut coniunctiones corporum, quæ extra matrimonium merito damnandæ essent, cum honestate cōiunctæ sint. Primum igitur bonum est proles, hoc est liberi, qui ex iusta, & legitima suscipiuntur uxore: id enim tanti fecit Apostolus, ut diceret, Saluabitur mulier per filiorum generationem. Nec uero hoc de procreatione solum, sed de educatione etiam, & disciplina, qua filij ad pietatem erudiuntur, intelligendum est. sic statim subdit Apostolus; Si in fide permanserint. Monet enim scriptura; Filij tibi sunt? erudi illos, & cura illos a pueritia illorum. Idem etiam Apostolus docet; eiusque institutionis pulcherrima exempla Tobias, Iob, & alij sanctissimi Patres in sacris litteris præbent. Quæ uero sint parentum, & filiorum officia, in quarto præcepto latius explicabitur. Sequitur fides: quod est alterum matrimonij bonum, non ille uirtutis habitus, quo imbuimur, cum baptismum percipimus: sed fidelitas quedam, qua mutuo uir uxori, & uxor uiro ita se obstringit, ut alter alteri sui corporis potestatem tradat; sanctumque illud coniugij fœdus numquam se uiolaturum pollicetur. id facile colligitur ex illis uerbis, quæ a primo parçe enunciata sunt,

1. Cor. 7

1. Tim. 2

Eccle. 7

sunt, cum Euam uxorem suam accepit: quæ deinde *Gen. 2*  
 Christus dominus in euangelio comprobauit.  
 Quare relinquet homo patrem, & matrem, & ad- *Matth. 19*  
 hærebit uxori suæ, & erunt duo in carne una. item  
 ex eo Apostoli loco: Mulier sui corporis potestatem *1. Cor. 7*  
 non habet, sed uir: similiter autem & uir sui cor-  
 poris potestatem non habet, sed mulier. Quare op-  
 timo iure grauisimæ animaduersiones a Domino  
 in adulteros, quod hanc maritalem fidem frangāt,  
 in ueteri lege constitutæ erant. Postulat præterea ma-  
 trimonij fides, ut uir, & uxor singulari quodā, san-  
 ctoque, & puro amore coniuncti sint: neque ut  
 adulteri inter se ament, sed ut Christus dilexit Ec-  
 clesiā. hanc enim Apostolus regulam præscripsit,  
 cum ait; Viri diligite uxores uestras, sicut & Chri- *Ad Eph. 5*  
 stus dilexit Ecclesiā: quam certe immensa illa cha-  
 ritate, non sui cōmodi gratia, sed sponsæ tantū uti-  
 litatem sibi proponens, complexus est. Tertium  
 bonum, Sacramentum appellatur, uinculum sci-  
 licet matrimonij, quod numquam dissolui potest.  
 nā, ut est apud Apostolum, Dominus præcepit uxore- *1. Cor. 7*  
 rem a uiro non discedere; quod si discesserit, mā-  
 nere innuptam, aut uiro suo reconciliari; & uir  
 uxorem non dimittat. Si enim matrimonium, ut  
 sacramentum est, Christi coniunctionem cum  
 Ecclesia signat; necesse est, ut Christus se ab Ec-  
 clesia numquam disiungit, ita uxorem a uiro,  
 quod ad matrimonij uinculum attinet, separari  
 non posse. Verum ut hæc sancta societas sine que-  
 rela facilius conseruetur, uiri, & uxoris officia,  
 quæ a Sancto Paulo, & a Principe apostolorum  
 Petro descripta sunt, tradenda erunt.

Munus uiri  
 & uxoris  
 officia.

1. Pet. 3

Ergo uiri munus est, uxorem liberaliter, & honorifice tractare. qua in re meminisse oportet, Euā ab Adamo sociam appellatā esse, cum inquit: Mulier, quam dedisti mihi sociam. Cuius rei causa aliqui Patres factum esse docuerunt, ut ea non ex pedibus, sed ex latere uiri formaretur: quemadmodū etiam ex capite condita non est, ut se uiri dominā non esse intelligeret, sed uiro potius subiectam. Debet præterea uirū in alicuius honeste rei studio semper occupatum esse; tum ut ea suppeditet, quæ ad familiam sustentandam necessaria sunt; tū ne inerti otio languescat; a quo uitia fere omnia fluxerunt; deinde uero familiam recte constituere, omnium mores corrigere, singulos in officio continere. Rursum autem uxoris partes sunt, quas apostolorum Princeps enumerat, cum inquit; Mulieres subditæ sint uiris suis: ut &, si qui non credunt uerbo, per mulierum conuersationē sine uerbo lucrifiant, considerantes in timore sanctam conuersationem uestram, quarum non sit extrinsecus capillatura, aut circundatio auri, aut indumenti uestimentorū cultus; sed qui absconditus est cordis, homo in incorruptibilitate quieti, & modesti spiritus, qui est in cōspectu Dei locuples. sic enim aliquando & sanctæ mulieres sperantes in Deo ornabant se subiectæ proprijs uiris, sicut Sara obediebat Abrahæ, dominum eū uocans. Earum quoque præcipuum studiū sit, filios in religionis cultu educare, domesticas res diligenter curare. Domi uero libēter se contineāt, nisi necessitas exire cogat: idque sine uiri permissu facere numquam audeant. Deinde, in quo maxime maritalis coniunctio sita est, meminerint semper;



per, secundum Deum, magis quam uirum, neminem diligendum, eoue pluris faciendū esse neminem; cui etiam omnibus in rebus, quę Christianę pietati non aduersantur, morem gerere, & obtemperare summa cum alacritate animi oporteat. Harum rerum explicationi consequens erit, ut Pastores ritus etiam doceant, qui in matrimonio cōtrahendo seruari debent: de quibus, non est expectandum, ut hoc loco pręcepta tradantur, cum a sancta Tridentina Synodo, quę hac in re maxime ob- *Conc. Trid.* seruanda sint, copiose, & accurate constituta fuerint; neque illud decretum a Pastoribus ignorari possit. satis igitur est eos admonere, ut, quę ad hęc partem attinēt, e sacri Concilij doctrina cognoscere studeant, eaque fidelibus diligenter exponāt. In primis autem, ne adolescentes, & puellę, cui ætati inest maxima imbecillitas cōsiliij, falso nuptiarum nomine decepti, turpium amorum fœdera incaute ineant, sæpissime docebunt, ea neque uera, neque rata matrimonia habenda esse, quę pręsente Parocho, uel alio sacerdote de ipsius Parochi uel ordinarij licentia, certoq. testiū numero non contrahantur. Sed quę matrimoniū etiam impediunt, explicanda erunt. in quo argumento pleriq. graues, & doctissimi uiri, qui de uitij, & uirtutibus conscripserunt, adeo diligenter uersati sunt, ut facile omnibus futurum sit, quę illi scriptis suis tradiderūt, in hunc locum transferre; cum pręsertim necesse habeant Pastores, eos ipsos libros numquam fere e manibus deponere. itaque cū illas pręceptiones, tum quę a sancta Synodo sancita sunt de impedimēto, quod uel a cognatione spiritali, uel a iustitia

Z 3

publice

publicæ honestatis , uel fornicatione oritur , at-  
tente legēt, & tradenda fidelibus curabunt. Ex qui-  
bus perspici potest , quo animo affectos esse oport-  
teat fideles, cum matrimonium contrahunt. neque  
enim se humanam aliquam rem aggredi, sed diui-  
nam putare debent; in qua singularem mentis inte-  
gritatem , & pietatem adhibendam esse , Patrum  
ueteris legis exempla satis ostendunt ; quorum ma-  
trimonia tametsi sacramenti dignitate prædita non  
erant, ea tamen maxima semper cum religione , &  
sanctimonia colenda esse existimarunt .

*Matrimo-  
nium clan-  
destine mi-  
nime cōtra-  
hendum .*

*1. Cor. 7*

*Psal. 11*

Inter cetera autem maxime hortandi sunt filij  
familias, ut parentibus ; & ijs, in quorū fide, & po-  
testate sunt, eum honorem tribuant, ut ipsis inscien-  
tibus, nedum inuitis, & repugnātibus, matrimonia  
non incant. nam in ueteri testamento licet animad-  
uertere , filios a patribus semper in matrimonium  
collocatos esse . qua in re plurimum illorum uo-  
luntati deferendum esse , Apostolus etiam uidetur  
ijs uerbis indicare: Qui matrimonio iungit uirginē  
suam, bene facit; & qui non iungit, melius facit: Ex  
trema illa restat pars , quæ ad matrimonij usum  
pertinet. de quibus ita agendum est a Pastoribus ,  
ut nullum ex eorum ore uerbum excidat , quod fi-  
delium auribus indignum esse uideatur , aut pias  
mentes ledere, aut risū mouere queat. Ut enim elo-  
quia Domini, eloquia casta sunt: ita etiam maxime  
decet, Christiani populi doctorē eiusmodi oratio-  
nis genere uti, quod singularem quandam grauitatē,  
& mentis integritatē præferat. Quare duo illa ma-  
xime docendi sunt fideles, primū quidem nō uolu-  
ptatis, aut libidinis causa matrimonio operā dandā  
esse

esse: sed equitendū intra illos fines, qui, ut supra demonstrauimus, a Domino prescripti sunt. Meminisse enim cōuenit, quod Apostolus hortatur; Qui habent uxores, tamquam non habentes sint. tum uero a sancto Hieronymo dictum esse: Sapiens uir iudicio debet amare coniugē, non affectu: reget impetus uoluptatis, nec præceptum feretur ad coitum. Nihil est fœdus, quam uxorem amare quasi adulteram. Sed quoniam bona omnia sanctis precationibus a Deo impetranda sunt; alterum est, quod fideles docere oportet, ut, Deum orandi, & obsecrandi causa a matrimonij officio interdum abstineant: in primisque id sibi obseruandum sciant, tribus saltem diebus, ante quam sacram Eucharistiā percipiant, sæpius uero cum sollemnia Quadragesimæ ieiunia celebrantur, quemadmodum Patres nostri recte & sancte præceperunt. ita enim fiet, ut ipsa matrimonij bona maiori in dies diuinę gratię cumulo augeri sentiant; & pietatis studia sectantes, non modo hanc uitam tranquille, & placide traducant, sed æternę etiam Dei benignitate consequendę, uera, & stabili spe, quę non confundit, nitantur. 1. Cor. 7  
S. Hieron.  
Rom. 5

## DE DEI PRÆCEPTIS IN

## DECALOGO CONTENTIS.



DECALOGVM, legum omnium summam, & epitomen esse, S. Augustinus. D. August. litteris commendauit. Nam cū multa locutus sit Dominus, duæ tamen tantum tabulæ dantur Moyfi lapideæ, quæ dicuntur tabulæ testimonij futuri in arca: nimirum cetera omnia, quæ præcepit Deus, ex illis decem præceptis

ptis, quæ duabus tabulis conscripta sunt, pendere intelliguntur, si diligenter quærat, ut recte intelligantur: quo modo hæc ipsa rursus decem præcepta duobus illis nituntur, dilectionis scilicet Dei, & proximi, in quibus tota lex pendet, & Prophetæ. Itaque cum sit totius legis summa, Pastores

*Math. 22* oportet in eius contemplatione die, noctuque uersari; non ut uitam suam modo ad hanc normam componant; sed etiam, ut populum sibi creditum in lege Domini erudiant. Nam labia sacerdotis

*Malach. 2* custodiunt scientiam, & legem requirunt ex ore eius: quia angelus Domini exercituum est: quod ad Pastores nouæ legis maxime pertinet, qui Deo

*2. Cor. 3* propiores, a claritate in claritatem transformari debent, tamquam a Domini spiritu: & cum eos lucis nomine nuncupauit Christus dominus, propriæ sunt illorum partes, ut sint lumen eorum, qui in tenebris sunt, eruditores insipientium, magistri infantium; &, si quis præoccupatus fuerit in aliquo delicto, ipsi, qui spirituales sunt, huiusmodi instruant. In confessionibus etiam iudicis personam

*Gal. 6* sustinent, ac pro genere, & modo peccatorum sententiam ferunt. quare nisi suam sibi inscitiam, nisi alijs etiam esse fraudi uelint, in eo sint, necesse est, quam uigilantissimi, & in diuinorum præceptorum interpretatione exercitissimi, ut ad hanc diuinam regulam, de quacumque & actione, & officij prætermissione iudicium facere possint; &, ut est

*1 Tim. 4* apud Apostolum, sanam doctrinam tradant, id est quæ nullum contineat errorem, & animorum morbis, quæ sunt peccata, medeatur; ut

*Ad Tit. 2* sit populus Deo acceptus, sectator bonorum operum

rum



rum . Iam uero , in huiuscemodi tractationibus  
ea Pastor sibi, & alijs proponat; quibus legi pa-  
rendum esse persuadeat . Inter cetera autem , quæ  
animos hominum ad huius legis iussa seruanda pos-  
sunt impellere, illud maximam uim habet, De-  
um esse huius legis auctorem . quamuis enim per  
angelos data esse dicatur , nemo tamen dubitare Ad Gal. 3  
potest , ipsum Deum esse legis auctorem . cuius  
rei satis amplum testimonium præbent non so-  
lum ipsius legislatoris uerba , quæ paulo post ex-  
plicabuntur , sed infinita pene scripturarum loca ,  
quæ Pastoribus facile occurrent . Nemo enim est ,  
quin sibi a Deo legem in animo insitam esse sen-  
tiant , qua bonum a malo , honestum a turpi , iu-  
stum ab iniusto possit secernere . cuius uis , & ra-  
tio legis cum ab ea, quæ scripta est, diuersa non sit;  
quis est , qui ut intimæ , sic scriptæ legis auctorem  
Deum negare audeat ? Hanc igitur diuinam lu-  
cem , pene iam prauis moribus , & diuturna per-  
uersitate obscuratam, cum Deus Mosi legem dedit,  
eam potius illustriorem reddidisse , quam nouam  
tulisse, docendum est ; ne forte , cum populus au-  
dit legi Mosi derogatum esse , putet his legibus  
se non teneri . Certissimum enim est , non pro-  
pterea his præceptis parendum esse , quod per Mo-  
sem data sunt , sed quod omnium animis ingeni-  
ta, & per Christum dominum explicata sunt , &  
confirmata . Iuuabit tamen plurimum, & ad per-  
suadendum magnum habebit momentum illa co-  
gitatio , Deum esse , qui legem tulit : de cuius sa-  
pientia , & æquitate dubitare non possumus , nec  
eius infinitam uim, atque potentiâ effugere. Qua-  
re

Exod. 20  
Malach. 1

re cum per prophetas Deus iuberet seruari legem, dicebat, se dominum Deum esse. & in ipso Decalogi exordio: Ego sum dominus Deus tuus. & alibi: Si dominus ego sum, ubi est timor meus? Non solum autem excitabit fidelium animos ad seruanda Dei præcepta, sed ad gratiarum etiam actionem, quod suam Deus, quæ salutem nostram cōtineret, uoluntatem explicarit. Quare non uno loco scriptura maximum hoc beneficium declarans, populum commonefacit, ut suam dignitatem, ac Domini beneficentiam cognoscat, ueluti in Deuteronomio; Hæc est, inquit, uestra sapientia, & intellectus coram populis, ut audientes uniuersi præcepta hæc, dicant; En populus sapiens & intelligens, gens magna. & rursus in psalmo: Non fecit taliter omni nationi, & iudicia sua non manifestauit eis.

Deuter. 4

Psal. 147

Quanta maiestate lex  
Decalegi  
data.

Exod. 19

Verum si Parochus rationem præterea latæ legis ex scripture auctoritate demonstrarit, facile intelligent fideles, quam pie ac suppliciter acceptam Dei legem colere oporteat. triduo enim antequam ferretur lex, Dei iussu dictum est omnibus, ut uestimenta lauarent, uxores non attingerent, quo sanctiores, ac paratiores essent ad accipiendam legem; ut ad diem tertium adessent. deinde, cum ad montē essent adducti, unde Dominus illis per Moysen leges erat laturus, uni Moyfi dictum est, ut in montem ascenderet: quo Deus maxima cum maiestate uenit, & locum tonitruis, fulgoribus, igne, densisque nebulis circumfudit, ac loqui cum Mose coepit, eique leges dedit. quod diuina sapientia nullam aliā ob causam factum uoluit, nisi nos ut mone-

neret,

neret, casto, humilique animo legem Domini acci-  
piendam esse: quod si præcepta negligeremus, para-  
tas nobis a diuina iustitia pœnas imminere. Quin-  
etiã, legis iussa difficultatem non habere, ostendat.  
Parochus, quod uel una hac ratione ex S. Augu- D. August.  
stino docere poterit, cum dicit: Qui, quæso, di-  
citur impossibile esse homini, amare, amare, in-  
quam, creatorem beneficum, patrem amantis-  
simum, deinde etiam, & carnem suam in fratri-  
bus suis? at uero qui diligit, legem impleuit. Quare Rom. 13  
Ioannes apostolus, præcepta Dei grauiam non esse, 1. Ican. 5  
aperte testatur. nihil enim iustius, nihil cum maio-  
re dignitate, nihil maiore cum fructu ab homine,  
teste B. Bernardo, exigi potuisset. quam obrem sum-  
mam Dei benignitatẽ admiratus est Augustinus, D. Bernar.  
sic ipsum Deũ affatus: Quid est homo, quod amari D. August.  
te ab eo uis? &, si non faciat, ingentes minaris pœ-  
nas? an non satis magna hæc est, si non diligam te?  
Quod si quis eam afferat excusationem, impediri  
se, quo minus Deum amet, infirmitate nature; do-  
cendum est, Deum, qui amorem requisit, amo-  
ris uim inferere cordibus per spiritũ sanctum suũ:  
hic autem spiritus bonus petentibus a patre cælesti Luc. 11  
datur: ut merito sanctus Augustinus precatus sit; D. August.  
Da, quod iubes; & iube, quod uis. Quia igitur Dei  
auxilium præsto nobis est, maxime post Christi do-  
mini mortẽ, per quã princeps huius mundi eiectus  
est foras: nõ est quod quisquã rei difficultate deter-  
reatur: nihil enim est amati difficile. Preterea, ad  
eandẽ rem persuadendam plurimum ualebit, si ex-  
plicabitur, necessario legi obtemperandũ esse, præ-  
sertim cum nostris temporibus non defuerint, qui,  
suo

siue facilis, siue difficilis sit lex, ad salutem tamen nequaquam necessariam esse, impie, & magno ipsorum malo dicere non ueriti sunt. Quorum nefariam, impiamque sententiam sacrae scripturae testimonijs Parochus cōfutabit, eiusdem maxime Apostoli, cuius illi auctoritate impietatem suam tueri conantur. Quid igitur ait Apostolus? non preputium, non circumcisionem quidquam esse, sed observationem mandatorum Dei. Quod uero eandē sententiam alibi repetit, & nouam creaturam in Christo tantum dicit ualere, intelligimus plane eā nouam creaturam in Christo dicere, qui mandata Dei obseruat. Is enim, qui habet mandata Dei, ac seruat, diligit Deum, Domino ipso teste apud Ioan-

*1. Cor. 7* nem, Si quis diligit me, sermonem meum seruabit.

*Gal. 6* Nam & si iustificari potest homo, & ex impio fieri pius, ante quam singula legis praecepta externis actionibus impleat: tamen fieri non potest, ut, qui per aetatem ratione uti queat, ex impio fiat iustus, nisi animum habeat paratum ad omnia praecepta Dei seruanda. Ad extremum uero, ne quid pretermittat Parochus, quo fidelis populus adducatur, ut legem seruet, quam sint eius uberes, suaeque fructus, demonstrabit: quod facile poterit ex ijs, quae psalmo decimo octauo scripta sunt, probare. in eo enim legis Dei laudes celebrantur: quarum haec est uel maxima, quae Dei gloriam, & maiestatem multo amplius explicat, quam decore suo atque ordine faciāt ipsa caelestia corpora: quae ut omnes quamuis barbaras nationes in sui admirationem rapiunt, ita efficiunt, ut rerum omnium opificis, & conditoris gloriam, sapientiam, ac potentiā

agno-



agnoscant. Ac lex quidem Domini conuertit animas ad Deum. agnoscentes enim uias eius, & Dei sanctissimam uoluntatem per legem, conuertimus pedes nostros in uias Domini. At quia soli timentes Deum, uere sapientes sunt; hoc illi deinceps tribuit, ut sapientiam præstet paruulis. Hinc ueris gaudijs, & mysteriorum diuinorum cognitione, ingentibus præterea uoluptatibus, & præmijs, & in hac uita, & in futuro sæculo illi cumulantur, qui Dei legem obseruant. Nec uero tam nostræ utilitatis gratia, quam Dei causa, nobis est seruanda lex, qui suam hominum generi in lege uoluntatem aperuit: quam cum ceteræ creaturæ sequatur, hominem ipsum eandem sequi multo est æquius. Ne id quidem silentio prætereundum est, uel in hoc maxime suam in nos Deum clementiam, & summæ bonitatis diuitias ostēdisse, quod cum sine ullo premio nos potuisset, ut suæ gloriæ seruiremus, cogere; uoluit tamen suam gloriam cum utilitate nostra coniungere; ut, quod homini utile, idem esset Deo gloriosum. Quoniam igitur id maximum & præclarissimum est, docebit Parochus, ut a Propheta ultimo loco dictum est, in custodiēdis illis retributionem multam esse. Non enim tantum illæ nobis benedictiones promissæ sunt, quæ ad terrenam magis felicitatem spectare uidebantur, ut benedicti simus in ciuitate, benedicti in agro; sed copiosa merces in cælis, & mensura bona, conferata, coagitata, & superfluens proposita est, quam pijs & iustis actionibus meremur diuinæ misericordiæ adiumento.

Psal. 118

Psal. 118

Deuter. 28

Matth. 5

Luc. 6

Exod. 20

EGO SUM DOMINVS DEVS TVVS , QVI  
EDVXI TE DE TERRA AEGYPTI , DE  
DOMO SERVITVTIS . NON HABEBIS  
DEOS ALIENOS CORAM ME . NON FA-  
CIES TIBI SCVLPTILE &C.

Rom. 1

Psal. 104

Quamuis hæc lex Iudæis in monte a Domino data fuerit ; tamen , quoniam natura omnium mentibus multo ante impressa, & consignata erat; atque ob eam rem Deus uniuerſos homines illi perpetuo parere uoluit; plurimū proderit , uerba illa , quibus, Moyſe ministro, atque interprete, Hebreis promulgata est, & populi Iſraelitici historiam, quæ myſteriorum est plena, diligenter explicare . Principio narrabit Parochus , ex omnibus nationibus, quæ sub cælo erant, unā Deum delegiſſe, quæ ortū habuit ab Abraham, quem peregrinum eſſe uoluit in terra Chanaam: cuius poſſeſſionē cū ei pollicitus eſſet, tamen & ille , & poſteri eius amplius quadringentos annos uagi fuerunt , ante quam promiſſam terram incolerent ; in qua quidem peregrinatione numquam eorum curam dimiſit . trāſibant quidē illi de gente in gentem, & de regno ad populum alterum : ſed nullā umquam illis iniuriam fieri paſſus eſt; immo uēro in reges animaduertit. Priuſquā autē in Aegyptum deſcenderent, uirum præmiſit, cuius prudētia & illi, & Aegyptij fame liberarētur. In Aegypto uero ea illos benignitate cōplexus eſt, ut , repugnante, & incumbente ad illorum perniciem Pharaone, mirum in modum augerentur : & cum ualde affligerentur, ac tamquam ſerui duriffime tractarentur ; ducem Moſem excitauit, qui eos

eos in manu potenti educeret. huius præcipue liberationis, initio legis meminit Dominus his uerbis: Ego sum dominus Deus tuus, qui eduxi te de terra Aegypti, de domo seruitutis. Ex his uero illud maxime Parocho animaduertendum est, unam ex uni *Deuter. 9* uersis nationibus a Deo delectam esse, quam populum uocaret suum, & cui se cognoscendum, & colendū præberet; non quod ceteras iustitia, aut numero uinceret, quemadmodum Hebræos monet Deus; sed quod ipsi Deo sic placuit; potius ut gen *Deuter. 10* tem exigua, & inopem augeret, & locupletaret, quo eius potentia, & bonitas notior apud omnes esset, & illustrior. Cum igitur ea esset illorum hominum condicio, ijs conglutinatus est, & hos amauit; ita ut, cum esset Dominus celi, & terre, *Rom. 11* non confunderetur uocari Deus eorū, quo ceteras gentes ad æmulationem prouocaret; ut, perspecta Israelitarum felicitate, omnes homines ad ueri Dei cultum sese conferrent, quemadmodum etiam Paulus testatur, se, gentium felicitate proposita, & *Rom. 11* uera Dei cognitione, qua eas instruxerat, ad emulationem carnem suam prouocare. Deinde fideles docebit, Deum Hebræos patres diu peregrinari passum esse, posteros etiam durissima seruitute premi, diuexarique permisisse, ob eam rem, uti doceremur, amicos Dei fieri, nō nisi mundi inimicos, ac peregrinos in terris; itaque in Dei familiaritatem facilius recipi, si nihil omnino nobis sit commune cum mundo: tum uero, ut ad Dei cultum translati intelligeremus, quāto feliciores demum sint ij, qui Deo, quam qui mundo seruiunt: cuius rei nos scriptura commonet. ait enim: Veruntamen seruient *1. Par. 12* ei, ut

ci, ut sciant distantiam seruitutis meae, & seruitutis regni terrarum. Præterea, explicabit, post amplius quadringentis annis Deum promissa prestitisse, ut ille populus fide, ac spe aleretur. Alumnos enim suos Deus a se perpetuo pendere uult, atque in sua bonitate omnem spem suam collocare; ut in primi præcepti explanatione dicetur. Postremo, locum, ac tempus notabit, quibus hanc legem populus Israel a Deo accepit; nempe, postquam eductus ex Aegypto in desertum uenit, ut beneficii recentis memoria allectus, & loci asperitate, in quo uersabatur, deterritus, ad accipiendam legem aptior redderetur. homines enim ijs maxime diuinciuntur, quorum beneficentiam experti sunt, atque ad Dei præsidium cōfugiunt, cum se omni spe humana destitutos esse uident. Ex quo licet intelligere, fideles ad complectendam celestem doctrinam eo propensiores esse, quo se magis a mundi illecebris, & carnis uoluptatibus abstraxerint; sicut per Prophetam scriptum est; Quem docebit scientiam, & quem intelligere faciet auditum? ablactatos a lacte, auulsos ab uberibus. Enitatur itaque Parochus, &, quantum potest, efficiat, ut fidelis populus hæc uerba semper in animo habeat; Ego sum dominus Deus tuus: ex quibus intelligent, legislatorem se creatorem habere, a quo & conditi sunt, & conseruantur: iureque illud usurpent; Ipse est dominus Deus noster; & nos populus pascuæ eius, & oues manus eius: Quorum uerborum uehemens, & frequens admonitio eam uim habebit, ut ad legem colendam fideles promptiores reddantur, & a peccatis abstineant. Quod autem sequitur; Qui edu-

xi te

Isa. 28

Psal. 94



xi te de terra Aegypti, de domo seruitutis; & si ludæis tantum uidetur conuenire, Aegyptiorum dominatu liberatis; tamen, si interiorē salutis uniuersæ rationem spectemus, multo magis ad Christianos homines pertinet; qui nō ex Aegyptiaca seruitute, sed e peccati regione, & potestate tenebrarum a Deo erepti, atque in regnum filij dilectionis suæ translati sunt. cuius beneficij magnitudinem intuens Hieremias prædixit illud; Ecce dies ueniēt, dicit Dominus; & non dicetur ultra, Viuit Dominus, qui eduxit filios Israel de terra Aegypti; sed uiuit Dominus, qui eduxit filios Israel de terra Aquilonis, & de uniuersis terris, ad quas eieci eos, & reducam eos in terram suā, quam dedi Patribus eorum. ecce ego mittam piscatores multos, dicit Dominus, & piscabuntur eos: & quæ sequuntur. Pater enim indulgentissimus per filium suū filios, qui erant dispersi, congregauit in unum; ut iam nō ut serui peccato, sed iustitiæ, seruiamus illi in sanctitate, & iustitia coram ipso omnibus diebus nostris. Quare fideles omnibus tentationibus tamquam clypeum opponēt illud Apostoli; Qui mortui sumus peccato, quo modo adhuc uiuimus in illo? iam non sumus nostri, sed eius, qui pro nobis mortuus est, & resurrexit. Ipse est dominus Deus noster, qui nos suo sanguine sibi acquisiuit; quomodo peccare poterimus in dominum Deum nostrum, ipsumque iterum cruci affigere? Vt igitur uere liberi, & ea quidē libertate, qua nos Christus liberauit, sicut exhibueramus membra nostra seruire iniustitiæ, ita exhibeamus seruire iustitiæ in sanctificationem.

Ad Col. 1

Hier. 16

Luc. 1

Rom. 6

Priorem in Decalogo locum obtinere, quæ ad Deum pertinent, posteriorem uero, quæ ad proximum, docebit Parochus: quia eorum, quæ proximo præstamus, causa Deus est. tum enim ex Dei præcepto proximum diligimus, cum propter Deum diligimus: ea uero sunt in priori tabula descripta. Secundo loco, in uerbis ijs, quæ proposita sunt, duplex contineri præceptum ostendet: quorum alterum iubendi, alterum prohibendi uim habet. Nam quod dicitur; Non habebis Deos alienos coram me; eam habet sententiam coniunctam; me uerum Deum coles, alienis dijs cultum non adhibebis. In priori autem continetur præceptum fidei, spei, & charitatis. nam cum Deum dicimus, immobilem, incommutabilem, perpetuo eundem manentem, fidelem; recte sine ulla iniquitate confitemur; ex quo eius oraculis assentientes, omnem ipsi fidem, & auctoritatem tribuamus, necesse est. qui uero omnipotentiam, clementiam, & ad bene faciendum facilitatem, ac propensionem illius considerat, poterit ne spes omnes suas non in illo collocare? at si bonitatis, ac dilectionis ipsius effusas in nos diuitias contempletur, illum ne poterit non amare? Hinc est illud præmium, hinc illa conclusio, qua in præcipiendo, mandandoque in scriptura utitur Deus, Ego dominus. Altera autem præcepti pars illa est; Non habebis deos alienos coram me. qua loquendi formula legislator usus est, non quod satis explicata non esset hæc sententia affirmatione præcepti in hunc modum: Me  
unum

unum Deum coles : si enim Deus est , unus est : sed propter cæcitatem plurimorum ; qui olim Deum uerum se colere profitebantur , multitudinē tamen deorum uenerabantur : cuiusmodi inter Hebræos ipsos permulti fuerunt , qui , ut Elias eis obijciebat , in duas partes claudicabant : quod & Samaritę fecerunt , qui Deū Israël , & deos gentium colebant . 3. Reg. 18  
 His explicatis , addendum erit , hoc esse præceptum omnium primum , & maximum , non ordine tantum ipso , sed ratione , dignitate , præstantia . Debet enim obtinere Deus apud nos infinitis partibus maiorem , quam domini , quam regis , charitatem , & auctoritatem . Ipse nos creauit , idem gubernat : ab eo in utero matris nutriti , atque inde in hanc lucem eduçti sumus : ipse nobis ad uitam , uictumque res suppeditat necessarias . Peccant autem in hoc præceptum , qui fidem , spem , & charitatem non habent , quorum peccatum latissime patet . Sunt enim in hoc numero , qui in hæresim labuntur ; qui non credunt ea , quę sancta mater Ecclesia credenda proponit ; qui somnijs , augurijs , ceterisque uanisimis rebus fidem habent ; qui de sua salute spem abijciunt , nec diuinę bonitati cōfidunt ; qui diuitijs tantum , qui corporis ualitudine , ac uiribus nituntur . quę fusius ab ijs explicata sunt , qui de uitijs & peccatis conscripserunt .

Verum illud etiam in huius præcepti explicatio-  
 ne accurate docendum est , uenerationem , & inuo-  
 cationem sanctorum angelorum , ac beatarum ani-  
 marum , quę celesti gloria perfruuntur , aut etiam  
 corporum ipsorum , sanctorumque cinerum cul-  
 tum , quem semper catholica Ecclesia adhibuit ,

*De cultu, et  
 ueneratione  
 sanctorum*

Apoc. 19

Apoc. 22

1. Tim. 1

Exod. 19

Leuit. 19

Deuter. 5

Dan. 10

huic legi non repugnare. Quis enim adeo demens est, qui, edicente rege, ne se pro rege quisquam gerat, aut regio cultu, atque honore affici patiatur, continuo putet nolle regem, suis ut magistratibus honos deferatur? Etsi enim angelos Christiani adorare dicuntur exemplo sanctorum ueteris testamenti, non eam tamen illis uenerationem adhibent, quam Deo tribuunt. quod si legimus interdum angelos recusasse, ne se homines uenerarentur; eo fecisse intelligendum est, quod sibi eum honorem haberi nolebant, qui soli Deo deberetur. Spiritus enim sanctus, qui ait; Soli Deo honor, & gloria: idem præcepit, ut honore parentes, & seniores afficeremus. Sancti præterea uiri, qui Deum unum colebant, reges tamen, ut est in diuinis litteris, adorabant, idest supplices uenerabantur. Quod si reges, per quos Deus mundum gubernat, tanto honore afficiuntur: angelicis spiritibus, quos Deus ministros suos esse uoluit, & quorum opera non modo ad ecclesiæ suæ, sed etiam ad reliquarum rerum gubernationem utitur, quorumque ope maximis tum animæ, tum corporis periculis quotidie liberamur, etiam si se nobis in conspectum non dent, tanto maiorem honorem non habebimus, quanto beatæ illæ mentes dignitate regibus ipsis antecellant? Adde charitatem, qua nos diligunt, qua ducti pro ijs prouincijs, quibus præsunt, ut ex scriptura facile intelligitur, preces fundunt; quod etiam præstare ijs, quorum sunt ipsi custodes, ne dubitandum quidem est: nostras enim preces Deo offerunt, & lacrymas. Quamobrem in euangelio docuit Dominus, pueros scandalizandos non esse: quod angeli eorum



in cælis, semper uident faciem Patris, qui in cæ- *Matth. 18*  
lis est. Inuocandi itaque sunt; quod & perpetuo  
Deum intuentur, & patrocinium salutis nostræ,  
sibi delatum, libentissime suscipiunt. Extant di- *Gen. 32*  
uinæ scripturæ testimonia huius inuocationis. Ia-  
cob enim ab angelo, quicum luctatus fuerat, petit,  
ut sibi benedicat, immo etiam cogit: se enim non  
dimissurum illum profitetur, nisi benedictione ac-  
cepta: neque solum sibi ab eo tribui, quem intue-  
batur, sed ab eo etiam, quem minime uidebat,  
tum cum dixit: Angelus, qui eruit me de cunctis *Gen. 48*  
malis, benedicat pueris istis. Ex quibus etiam col-  
ligi poterit, tantum abesse, ut sanctis, qui in Do-  
mino dormierunt, honore afficiendis, atque in-  
uocandis, & sacris eorum reliquijs, cineribusque  
uenerandis, Dei gloria minuatur; ut eo maxi-  
me augeatur, quo magis hominum spem exci-  
tat, confirmat, & ad sanctorum imitationem  
cohortatur. quod officium Nicæno altero, & Gan-  
grensi, ac Tridentino concilijs, & sanctorum Pa-  
trum auctoritate comprobatur. Quo autem sit ad  
refutandos eos instructior Parochus, qui huic ue-  
ritati aduersantur, sanctos Hieronymum contra  
Vigilantium, & Damascenum potissimum legat.  
ad quorum rationem, quod caput, est accedit con-  
suetudo ab apostolis accepta, & in Ecclesia Dei  
perpetuo retenta, & conseruata, cuius rei quis fir-  
mius, aut clarius requirat argumentum diuinæ  
scripturæ testimonio, quæ sanctorum laudes cele-  
brat admirabiliter? extant enim quorundam san-  
ctorum diuina præconia, quorum laudes cū sacris  
litteris celebrentur; quid est, quod illis singula-

Luc. 15

S. August.

Gen. 20  
Iob. 41Matth. 8  
Luc. 7

Heb. 9

re honorem non habeant homines? Etsi ob eam causam magis etiam colendi, & inuocandi sunt, quod pro salute hominum preces assidue faciunt, multaque eorum merito, & gratia in nos Deus confert beneficia. Si enim gaudium est in caelo super uno peccatore paenitentiam agente; non ne etiam caelestes ciues, paenitentes adiuuabunt? non ne rogati peccatorum ueniam & impetrabunt, & conciliabunt nobis Dei gratiam? Quod si dicatur, ut a nonnullis dicitur, superuacaneum esse sanctorum patrocini-um, quod Deus sine interprete precibus nostris occurrat: has impiorum uoces illud sancti Augustini facile conuincit, multa Deum non concedere, nisi mediatoris ac deprecatoris opera, & officium accesserit. Quod illustribus Abimelec, & Iob amicorum confirmatur exemplis, quorum peccata non nisi Abraham, & Iob precibus condonauit. Si uero etiam afferatur, fieri inopia, & imbecillitate fidei, ut sanctos internuncios, & patronos adhibeamus: quid ad illud respondebunt Centurionis exemplum, qui uel in singulari illo fidei praconio, quod ei dominus Deus impertiuit, seniores tamen Iudeorum ad Saluatorem misit, ut laboranti puero salutem impetrarent? Quare si fatendum est, unum nobis mediatorem propositum Christum dominum; qui scilicet unus nos per sanguinem Patri caelesti reconciliauit, & qui, aeterna redemptione inuenta, semel in Saecula ingressus, pro nobis interpellare non cessat: ex eo tamen nullo modo sequi potest, quominus ad sanctorum gratiam confugere liceat. Nam si propterea subsidijs sanctorum uti non liceat, quod unum patronum habemus IESVM CHRISTVM; nunquam

quam id cōmisisset Apostolus, ut se Deo tanto studio fratrum uiuentium precibus adiuuari uellet. *Rom. 15*  
 neque enim minus uiuorum preces, quam eorum, qui in cēlis sunt, sanctorum deprecatio, Christi mediatoris gloriam, & dignitatem imminuerent. Sed cui fidem non faciant & honoris, qui sanctis debetur, & patrocinijs, quod nostri suscipiunt, mirabiles effectę res ad eorum sepulcra, & oculis, & manibus, membrisque omnibus captis, in pristinum statum restitutis, mortuis ad uitam reuocatis, ex corporibus hominum eiectis demonijs? quę non audisse, ut multi, nō legisse, ut plurimi grauissimi uiri, sed uidisse, testes locupletissimi sancti Ambrosius, & Augustinus litteris prodiderunt. *S. Ambro.*  
 Quid multa? si uestes, sudaria, si umbra sanctorū, *et August.*  
 prius quam e uita migrarēt, depulit morbos, uiresque restituit, quis tandē negare audeat, Deum per sacros cineres, ossa, ceterasque sanctorum reliquias eadem mirabiliter efficere? Declarauit id cadauer *4. Reg. 13*  
 illud, quod forte illatum in sepulcrum Elisei, eius *Exod. 20*  
 tacto corpore, subito reuixit. Quod uero sequitur: Non facies tibi sculptile, neque omnem similitudinem, quę est in cēlo, & quę in terra deorsum, nec eorum, quę sunt in aquis sub terra; Non adorabis ea, neque coles: quidam hoc alterum pręceptum existimantes, duo postrema ipsa unius pręcepti uideri contineri uoluerunt; ut sanctus Augustinus illa *D. August.*  
 extrema diuidens, hęc ipsa uerba ad primum pręceptum pertinere uoluit. quam sententiam, quia in Ecclesia celebris est, libenter sequimur. Etsi in promptu ratio est illa uerissima, cōsentaneum fuisse, pręmium, & pœnam cuiusque cum primo pręcepto

3. Reg. 6  
Num. 21

cepto coniungi . Nec uero quis existimet, omnino pingendi, fingendi, aut sculpendi artem hoc præcepto prohiberi . nam in scripturis, iussu Dei, simulacra, & imagines effectas legimus, Cherubim, serpentis ænei. superest igitur, ut imagines ob eam rem uetitas interpretemur, ne quid, simulacris; quasi dijs, colendis, de uero Dei cultu detraheretur. Duplici autem potissimum ratione, quod ad hoc præceptum attinet, Dei maiestatem uehementer lædi perspicuum est; altera, si idola, & imagines, tamquam Deus, colantur, aut credatur inesse aliqua in his diuinitas, uel uirtus, propter quam sint colendæ, uel quod ab eis sit aliquid petendum, uel quod fiducia in imaginibus sit figenda, ueluti olim fiebat a gentibus, quæ in idolis spem suam collocabant; quod passim sacræ litteræ reprehendunt: altera, si quis conetur diuinitatis formam aliquo artificio effingere, quasi corporeis oculis conspici, uel coloribus aut figuris exprimi possit . Quis enim Deum, ut inquit Damascenus, qui sub aspectum non cadit, qui corporis expers est, qui nullis terminis circumscribi, nec ulla figura describi queat, possit exprimere? quæ res in altera Nicæna Synodo uberior explicatur . Præclare igitur Apostolus, eos mutasse Dei incorruptibilis gloriam in similitudinem uolucrum, quadrupedum, ac serpentum, dixit. hæc enim omnia tamquam Deum uenerabantur, cum illi harum rerum imagines ponerent. quo circa Israelitæ, qui ante uituli simulacrum clamabant, Hi sunt Dij tui Israel, qui te eduxerunt de terra Aegypti; idololatræ sunt appellati; quia mutarunt gloriam suam in similitudinem uituli.

Rom. 1

Exod. 32

come-



comedentis fenum . Cum igitur Dominus deos *Psalm. 105*  
 alienos coli prohibuisset, ut penitus idololatriam  
 tolleretur, imaginem diuinitatis ex ære duci, aut  
 alia quauis materia fieri prohibuit: quod *Isaias*  
 declarans inquit: Cui similem fecistis Deum, *Isa. 40*  
 aut quam imaginem ponetis ei? Atque in hoc præ *Act. 7*  
 cepto hanc sententiam contineri, præter sancto-  
 rum Patrum scripta, qui eam, quemadmodum in  
 septima Synodo expositum est, sic interpretatur,  
 illa etiam Deuteronomij uerba satis declarant, ubi *Deuter. 4*  
 Moses, populum auertere ab idololatria cū uellet,  
 aiebat: Non uidistis aliquam similitudinem in die,  
 qua locutus est uobis Dominus in Horeb de medio  
 ignis. Quod sapientissimus legislator ideo dixit, ne  
 quo errore ducti, diuinitatis imaginem fingerent,  
 Deoque debitum honorem rei creatæ tribuerent.  
 Nemo tamen propterea contra religionem, Dei-  
 que legem, quidquam committi putet, cum sanctissime  
 Trinitatis aliqua persona quibusdam signis expri-  
 mitur, quæ tam in ueteri, quam in nouo testamen-  
 to apparuerunt. nemo enim tam rudis est, ut illa  
 imagine diuinitatem credat exprimi: sed illis decla-  
 rari doceat Pastor proprietates aliquas, aut actio-  
 nes, quæ Deo tribuuntur; ueluti cum ex Daniele *Dan. 7*  
 pingitur antiquus dierum in throno sedere, ante  
 quem libri aperti sunt; Dei æternitas, & infinita  
 sapientia significatur, qua omnes hominum & co-  
 gitationes, & actiones, ut de ijs iudicium ferat,  
 intuetur. Angelis etiam tum humana species,  
 tum alæ affinguntur; ut intelligant fideles, quam  
 propensi sint in humanum genus, & tamquam pa-  
 rati ad ministeria Domini exequenda: omnes enim *Hebr. 1*  
 admini-

*Math. 3**Marc. 1**Luc 3**Ioan. 1**Act. 2**Nic. Syn. 5**Conc. Trid.*

administratorij spiritus sunt propter eos, qui hereditatem capiunt salutis. Columbe uero species, & linguæ tamquam ignis in euangelio, & Actis apostolorum, quas spiritus sancti proprietates significant, multo notius est, quam ut oporteat pluribus uerbis explicari. At uero cum Christus dominus, eiusque sanctissima, & purissima mater, ceterique omnes sancti, humana præditi natura, humanam speciem gesserint, eorum imagines pingi, atque honorari, non modo hoc præcepto interdictum non fuit, sed etiam sanctum, & grati animi certissimum argumentum semper habitum est: quod & apostolicorum temporum monumenta, & œcumenicę Synodi, & tot sanctissimorum, doctissimorumque Patrum inter se consentientium scripta confirmant. Non solum autem licere in ecclesia imagines habere, & illis honorem, & cultum adhibere, ostendet Parochus, cum honos, qui eis exhibetur, referatur ad prototypa, uerum etiam maximo fidelium bono ad hanc usque diem factum declarabit; ut ex Damasceni libro, quem de imaginibus edidit, & septima Synodo, quæ est secunda Nicæna, intelligitur. Verum quia sanctissimum quodque institutum hostis humani generis suis fraudibus, & fallacijs deprauare contendit; si quid forte populo hac in re peccatum fuerit, Parochus, Tridentini Concilij decretum secutus, quoad eius fieri poterit, studebit corrigere. ac decretum quidem ipsum, cum res tulerit, populo interpretabitur; tum rudes, & qui imaginum ipsarum institutum ignorat, docebit, imagines factas ad utriusque testamenti cognoscendam historiã, atque eius memo-

memoriam identidem renouandam: qua rerum diuinarum memoria excitati, ad colendum, atque amandum ipsum Deum uehementius inflammemur: sanctorum quoque imagines in templis positas demonstrabit, ut & colantur, & exemplo moniti, ad eorum uitam, ac mores nos ipsos confirmemus.

EGO SUM DOMINVS DEVS TVVS, FORTIS ZELOTES, VISITANS INIQUITATEM PATRVM IN FILIOS IN TERTIAM, ET QVARTAM GENERATIONEM EORVM, QVI ODERVNT ME: ET FACIENS MISERICORDIAM IN MILLIA IIS, QVI DILIGVNT ME, ET CVSTODIVNT PRÆCEPTA MEA.

Duo sunt in extrema parte huius præcepti diligenter explicanda. Primum est, quod etsi ob summum scelus præuaricationis primi præcepti, atque hominum ad id cōmittendum propensionem, apte hoc loco pœna proponitur, cōmunis tamen est omnium appendix præceptorum. omnis enim lex ad præcepta seruanda homines pœna, & præmio inducit. hinc illæ tam frequentes in sacris litteris, & crebræ Dei promissiones. ut enim innumerabilia pene testamēti ueteris testimonia prætermittamus, in euangelio scriptum est; Si uis ad uitam ingredi, serua mandata. Et alibi: Qui facit uoluntatem patris mei, qui in celis est, ipse intrabit in regnum cælorum. Tum illud: Omnis arbor, quæ non facit fructum bonum, excidetur, & in ignem mittetur. Et: Omnis, qui irascitur fratri suo, reus erit iudicio.

Atque

Matth. 19

Matth. 7.3

5.6

Rom. 8

Atque alibi : Si non dimiseritis hominibus, nec pater uester dimittet uobis peccata uestra . Alterum est , quod longe alia ratione perfecti , alia carnales homines hanc appendicem docendi sunt. Perfectis enim , qui spiritu Dei aguntur , eique prompto & alacri animo parent, instar est cuiusdam lætissimi nuncij, & magnum argumentum propensæ in eos diuinæ uoluntatis . agnoscunt enim sui amantissimi Dei curam , qui nunc præmijs , nunc pœnis ad sui cultum, & uenerationem homines prope cōpellat : agnoscunt eius immensam in se beneuolentiā, qui sibi imperare, suaque opera ad diuini nominis gloriam uti uelit . neque solum agnoscunt, sed magna spe sunt, illum, cum, quod uult, iubeat, etiam daturum uires , quibus legi ipsius parere possint . At carnalibus , qui nondum spiritu seruitutis liberati sunt, magisque metu pœnarum, quam amore uirtutis abstinere a peccatis, eius appendicis sensus grauis, & acerbus est . quamobrem sunt pijs exhortationibus subleuandi, &, quo lex spectat, quasi manu deducendi . Parochus autem , quoties alicuius explicandi præcepti occasio inciderit, eadem hæc sibi habeat proposita . Carnalibus perinde tamen, ac spiritualibus, duo in primis quasi aculei sunt admouendi , qui ad legem obseruandam hac ipsa in appendice positi , homines maxime incitent . Nam quod Deus fortis dicitur, ideo diligentius est explicandum, quo caro sæpe, quæ terroribus diuinæ comminationis minus commouetur, uarias sibi ipsa rationes fingit, quibus iram Dei effugere, ac propositam pœnam uitare possit : cui autem certo persuasum est , Deum fortem esse, illud magni  
Dau-



Davidis usurpat. Quo ibo à spiritu tuo, & quo a *Psal. 131*  
facie tua fugiā? Eadem quoque, diuinis interdum  
diffusa promissis, tãtas hostium uires esse credit, ut  
ad sustinendum minime parem seise esse existimet.  
At firma, & stabilis fides nihil titubans, cum diui-  
na ui ac uirtute nitatur, homines contra recreat,  
atque confirmat. ait enim: Dominus illumina- *Psal. 26*  
tio mea, & salus mea, quem timebo? Alter uero  
aculeus, zelus ipse diuinus est. nonnumquam enim  
homines putant Deū humana non curare, ne illud  
quidem, legem ipsius seruemus, an negligamus:  
ex quo sequitur magna uite confusio. cum autem  
Deum zelotem credimus, eius rei meditatio facile  
nos in officio continet. Zelus uero, qui Deo tribui-  
tur, nullam animi significat perturbationem, sed  
diuinum illum amorem, & charitatem, qua Deus  
nullam a se animam patitur impune fornicari:  
quotquot autem ab eo fornicantur, perdit. Est  
itaque zelus Dei tranquillissima eius, sincerissi-  
maque iustitia, qua anima, falsis opinionibus,  
prauisque cupiditatibus corrupta, repudiatur, &  
a Dei coniugio tamquam adultera remouetur.  
At uero zelum hunc Dei suauissimum, ac dulcifi-  
simum experimur, cum summa eius, atque in-  
credibilis in nos uoluntas zelo ipso demonstratur.  
nec enim aut amor ardentior inter homines, aut  
maior, arctiorque coniunctio, quam eorum, qui  
coniugio copulati sunt, reperitur. Igitur, quam  
nos ualde diligit, ostendit Deus, cum crebro se,  
uel sponso, uel marito comparans, zelotem uocat.  
Quamobrem doceat Parochus, hoc loco sic diuini  
cultus, atque honoris cupidos homines esse debere,  
ut

- ut zelantes potius, quam amantes, iure dici possint, illius exemplo, qui de se ipse, Zelo, inquit, **3. Reg. 19** zelatus sum pro domino Deo exercituum. immo uero Christum ipsum imitentur, cuius illud est: **Psal. 68** Zelus domus tuæ comedit me. Est autem comminationis explicanda sententia, non inultos peccatores passurum Deum, sed eos uel tamquam parentem castigaturum, uel tamquam iudicem acriter, ac seuerè in eos animaduersurum. Quod **Deuter. 7** alio in loco significans Moses, Et scies, inquit, quia dominus Deus tuus ipse est Deus fortis, & fidelis, custodiens pactum, & misericordiam diligentibus se, & ijs, qui custodiunt præcepta eius, in mille generationes, & reddens odientibus se statim. & Iosue, Non poteritis, inquit, seruire Domino: Deus enim sanctus, & fortis æmulator est, nec ignoscet sceleribus uestris, atque peccatis: si dimiseritis Dominum, & serueritis dijs alienis, conuertet se, & affliget uos, atque subuertet. Docendus autem populus est, comminationis pœnam ad tertiam, quartamque impiorum, & facinorosorum generationem pertinere; nō quod posteriores maiorum scelerum pœnas semper luant; sed licet illi, liberique eorum impune tulerint, non omnis tamen eorum posteritas iram Dei, pœnamque uitabit; quod Iosif regi accidit. huic enim, propter singularem pietatem, cum pepercisset Deus, deditque, ut in pace in sepulcrum maiorum suorum inferretur, ne uideret consequentium temporum mala, quæ, propter Manassis aui impietatem Iudæ, & Hierusalem erant euentura; eo mortuo, posteros eius est ultio Dei consecuta, sic, ut ne filijs quidem
- Ios. 24**
- 2. Par. 34**  
**35**
- 4. Reg. 23**

quidem Iosifæ pepercerit. Qua autem ratione hæc legis uerba sententiæ illi, quæ est apud Prophetam, non aduersentur; Anima, quæ peccauerit, ipsa *Ezech. 18* morietur; sancti Gregorij auctoritas, cum reliquis omnibus antiquis Patribus cõsentiens, aperte ostendit. ait enim: Quisquis prauis parentis iniquitatem imitatur, etiam ex eius delicto constringitur: quisquis autem parentis iniquitatem nõ imitatur, nequaquam delicto illius grauatur. unde fit, ut iniquus filius iniqui patris non solum sua, quæ addidit, sed etiam patris peccata persoluat: cum uitijis patris, quibus iratum Dominum non ignorat, etiã suam adhuc malitiam adiungere non formidat: & iustum est, ut qui sub districto iudice uias parentis iniqui non timet imitari, cogatur in uita præsentis, etiam culpas parentis iniqui persolvere. Commemorabit deinde Parochus, quantum Dei iustitiam superet eiusdem bonitas, ac misericordia. irascitur tertiæ, quartæque generationi Deus, misericordiam uero in millia impertit. In eo autem, quod *Exod. 20* dictum est; Eorum, qui oderunt me; peccati magnitudo ostenditur. Quid enim flagitiosius, ac detestabilius, quam summam ipsam bonitatem, summam ueritatem odisse? Hoc uero ad omnes peccatores idcirco pertinet, quod quemadmodum, qui habet mandata Dei, & seruat ea, Deum diligit; *Iohan. 14* ita qui legem Domini contemnit, & mandata eius non seruat, Deum odisse merito dicendus est. Quod *Exod. 20* uero extremum est; Et ijs, qui diligunt me; seruandæ legis modum, ac rationem docet. necesse est enim, eos, qui legem Dei seruant, eadem charitate, atque amore, quo in Deum sunt, ad eius

obedien-

obedientiam adduci: quę deinceps in singulis pręceptis commemorabuntur.

NON ASSVMES NOMEN DOMINI DEI  
TVI IN VANVM.

*Malach. I*

Quamquam primo diuinę legis pręcepto, quo Deum pie, sanctęque colere iubemur, hoc, quod secundo loco sequitur, necessario continetur; (nam qui sibi honorem tribui uult, idem postulat, se ut summo uerborũ honore prosequamur, prohibetq. contraria; quod & illa Domini apud Malachiam uerba aperte indicant; Filius honorat patrem, & seruus dominum suum: si ergo pater ego sum, ubi est honor meus?) Deus tamē pro rei magnitudine, hanc de suo ipsius diuino, & sanctitatis plenissimo nomine honorando, legē separatim ferre, idque nobis disertis, & perspicuis uerbis prescribere uoluit. quod sane Parocho ipsi argumento in primis esse debet, nequaquam satis fore, si hac de re generatim loquatur; sed eiusmodi locum hunc esse, in quo ipse diutius cōmorari, & quęcumque ad hęc tractationem pertinent, distincte, dilucide, accurateque apud fideles explicare necesse sit. Neque uero nimia hęc diligentia cēsenda est; cum nō desint, qui adeo errorũ tenebris occęcati sint, ut quę angeli glorificant, ei maledicere nō uereantur. neque enim lege semel lata deterrentur, quo minus Dei maiestatem quotidie imminuere, immo singulis pene horis, ac momētis impudentissime audeāt. Quis enim non uideat, omnia iureiurādo affirmari? omnia imprecationibus, & execrationibus referta esse? usque adeo ut nemo fere uel uendat aliquid, uel emat, uel negotium aliquod gerat, qui  
non



non iurisiurandi religionem interponat, Deique sanctissimum nomē millies, uel in re leuissima, & inani, temere non usurpet? quo maior Parocho cura & diligentia adhibenda est, ut sepe fideles admoneat, quam graue hoc scelus sit, & detestabile. Iam uero, in huius præcepti explicatione id primū constet, cum eo, quod lex fieri prohibet, earum etiam rerum præceptionem coniunctam esse, quas præstare homines debent. utrumque autem separatim docendum est. primum quidem, ut ea, quæ tradenda sunt, facilius exponantur, quid iubeat lex, mox etiam quid uetet. nam quæ imperat, illa sunt, nomen Dei esse honorandum, ac per illud sancte iurandum. hæc rursus, quæ prohibet: Nemo diuinum nomen contemnat, nemo illud in uanum assumat, neue per ipsum aut falso, aut frustra, aut temere iuret. In ea itaque parte, qua iubemur diuino nomini honorē tribuere, Parochus fidelibus præcipiat, Dei nomen, ipsius inquam litteras, & syllabas, aut omnino per se nudum uerbū tantummodo attendēdum non esse; sed in eam cogitationem ueniendum, quid ualeat illa uox, quæ omnipotentem, ac sempiternam maiestatem unius & trini numinis significat. Ex his autē facile colligitur, inanem esse nonnullorum Iudeorum superstitionem, qui, quod scriberent Dei nomen, pronunciare non auderent; quasi in quattuor illis litteris, non in re, diuina uis esset. Sed quamuis singulari numero prolatum sit; Non assumes nomen Dei; id non de uno aliquo nomine, sed de omnibus, quæ Deo tribui solent, intelligendum est. multa enim Deo imposita sunt nomina, ut domini, omnipotē-

tis, domini exercituum, regis regum, fortis, & alia id genus, quæ in scripturis leguntur; quæ pariter, eandemque uenerationem habent omnia. Deinde docendum est, quo modo diuino nomini debitus honor adhibeatur. neque enim Christiano populo, cuius ore Dei laudes assidue celebrandæ sunt, rem utilissimam, & pernecessariam ad salutem, ignorare fas est.

*Deus quibus modis laudandus*

Quamuis autem multiplex sit ratio laudandi diuini nominis, tamē in ijs, de quibus deinceps hic dicetur, uis, & pondus omniū uidetur esse. Primum igitur laudatur Deus, cum in omnium conspectu Deum ac dominum nostrum fidenter confitemur, Christumque salutis nostræ auctorem quemadmodum agnoscimus, ita etiam prædicamus. Itemque cum uerbo Dei, quo uoluntas eius enunciat, sancte, & diligenter operam damus; in eius meditatione assidue uersamur; studiose illud addiscimus, aut legēdo, aut audiendo, perinde ut cuiusque personæ & muneri aptum, & consentaneum est. Deinde diuinum nomen ueneramur, & colimus, cum officij, & religionis causa, diuinas laudes celebramus, ac de omnibus rebus tum prosperis, tum aduersis illi singulares gratias agimus. ait enim Propheta: Benedic anima mea Domino, & noli obliuisci omnes retributiones eius. Extantque plurimi Dauid psalmi, quibus egregia quadam erga Deum pietate illius diuinas laudes suauissime decantat. Extat admirabile illud patientiæ exemplum Iob; qui cum in maximas illas, horribilesque calamitates incidisset, Deum tamen excelsis, & inuictis animo laudare nunquam intermisit. Nos itaque cum

*Psal. 102*

cum animi, corporisque doloribus cruciamur, cū  
 miserijs, & erumnis torquemur, statim ad Deum  
 laudandum omne studium, & animi nostri uires  
 conuertamus, illud Iob dicentes; Sit nomen Do- *Iob. 1*  
 mini benedictum. Neque uero minus Dei nomen  
 honoratur, si fidenter opem eius imploramus, quo  
 scilicet aut nos ab illis liberet, aut ad eadem forti-  
 ter perferenda constantiam, & robur largiatur,  
 hoc enim fieri uult Dominus; Inuoca, inquit, me *Psal. 49*  
 in die tribulationis, & erua me, & honorificabis  
 me. cuius implorationis cum multis alijs in locis,  
 tum præcipue in psalmis, 16. 43. & 118. illustra-  
 reperiuntur exempla. Præterea, Dei nomen hono-  
 re prosequimur, cum fidei faciendę causa testamur  
 Deum: qui modus a superioribus ualde differt.  
 Nam quæ supra enumerauimus, ita suapte natu-  
 ra bona sunt, atque expetenda, ut nihil beatius,  
 nihil homini optabilius possit esse, quam si in illis  
 sedulo exequendis se ipsum dies, noctesq. exerceat.  
 Benedicam, inquit Dauid, Dominum in omni tē- *Psal. 33*  
 pore: semper laus eius in ore meo. At, iusiurandū  
 licet bonum sit, eius tamen frequens usus minime  
 est laudabilis. Huius autem discriminis ratio in  
 eo posita est, quod iusiurandum ea tantum de cau-  
 sa institutū est, ut esset tamquam remedium quod-  
 dam humanæ imbecillitatis, & ad probandum,  
 quod dicimus, necessarium instrumentum. Vt enim  
 corpori medicamēta adhibere non expedit, nisi ne-  
 cesse sit; eorundē uero frequētatio perniciosa omni-  
 no est: ita etiam, nisi cum grauis & iusta causa  
 subest, iureiurando uti non est salutare: quod si  
 sepius adhibeatur, tantum abest, ut profit, ut ma-

D. Chrys.

gnum detrimentum afferat. quamobrem præclare docet S. Chrysostomus, nō nascēte, sed iā adulto mundo, cum mala longe lateque propagata uniuersum terrarum orbē occupassent, nihilque suo loco & ordine consisteret, sed perturbata & permixta omnia, fursum, deorsum, magna rerum confusione, ferrentur, &, quod malorum omnium grauissimum est, mortales fere omnes in fœdam idolorum seruitutem se ipsos abiecissent; tum denique longo sane interuallo iusiurandum in hominū consuetudinem irrepsisse. nam cum in tanta hominū perfidia, & iniquitate nemo facile ad credendum adduceretur, Deum testem inuocabant.

*Iurare: quid  
ualeat apud  
scripturas.*

Verum cum in hac præcepti parte præcipua sit illa ratio docendi fideles, quo modo iusiurandum pie, sancteque adhibere debeant, primum dicendum est, **IURARE** nihil aliud esse, nisi Deum testari, quacumque id uerborum forma, & conceptione fiat. nam &, Testis est mihi Deus, &, Per Deum, idem sunt. Est etiam illud iusiurandum, cum ad faciendam fidem per res creatas iuramus, ut, Per sacra Dei Euangelia. Per Crucem, Per sanctorum reliquias, & nomen, & cetera id genus. neque enim hæc ipsa per se iureiurando auctoritatem, aut robur aliquod afferunt, sed Deus ipse hoc præstat, cuius diuinæ maiestatis splendor illis in rebus elucescit. ex quo sequitur, ut per euangelium iurantes, per Deum ipsum iurent, cuius ueritas euangelio continetur, & declaratur. similiter & per sanctos, qui templa Dei sunt, quique euangelicæ ueritati crediderunt, eamque omni obseruantia coluerunt, & per gentes, & nationes latissime

me



me disseminarunt: Eadem ratio est illius iurifiurandi, quod per execrationem profertur: quale est illud sancti Pauli; Ego testem Deum inuoco in ani- 2. Cor. I

mam meam. Etenim hoc pacto aliquis Dei iudicio tamquam mendacij ultori subijcitur. Neque propterea negamus nonnullas ex hisce formulis ita accipi posse, quasi iurifiurandi uim non habeant: sed tamen utile est, quæ de iureiurando dicta sunt, in his etiam seruare, atque ad eandem prorsus normam & regulam dirigere. Duo autem sunt iurandi genera, primū quidem, quod assertorium appellatur, nimirum cum aliquid de re præsentī, aut præterita religiose affirmamus, ut Apostolus in epistola ad Galatas; Ecce corā Deo, quia non men- Ad Gal. I

tior. Alterum uero promissorium dicitur, ad quod etiam comminationes referuntur, futurum tempus spectans, cum aliquid ita fore pro certo pollicemur, & cōfirmamus: cuiusmodi est illud Dauidis, 3. Reg. I

qui Bersabeæ coniugi, iurans per dominum Deum suum, promisit Salomonem, eius filium, regni heredem fore, atque in ipsius locum successurum. Verum enim uero licet ad iusiurandum satis sit, Deum testem adhibere; tamen, ut rectum, sanctumque sit, multo plura requiruntur, quæ sunt diligenter explicanda. ea uero breuiter, teste Diuo Hieronymo, Hieremias enumerat, dum in-

*S. Hieron.  
Hiere. 4*

quit: Iurabis, uiuit Dominus in ueritate, & in iudicio, & in iustitia. Quibus sane uerbis illa breuiter summamque complexus est, quibus omnis iurifiurandi perfectio continetur, ueritatem, inquam, iudicium, & iustitiam. Primum itaque in iureiurando locum ueritas habet, nimi-

rum ut, quod asseritur, & ipsum uerum sit, & qui iurat, id ita esse arbitretur, non quidem temere, aut leui coniectura adductus, sed certissimis argumentis. Alterum uero iurisiurandi genus, quo aliquid promittimus, eodem plane modo ueritatem requirit. nam qui aliquid pollicetur, ita animatus esse debet, ut, cum tempus aduenerit, id re ipsa præstet, & promissum exoluat. neque enim uir probus id umquam se facturum recipiet, quod sanctissimis Dei præceptis, & uoluntati aduersari putet, sed, quidquid promittere, & iurare licuerit, id semel promissum numquam mutabit, nisi fortasse commutata rerum cōdicionē, tale esse inceperit, ut iam, si fidem seruare, & promissis stare uelit, Dei odium & offensionem subiret. Veritatem autē iureiurando necessariam esse, Dauid quoque indicat illis uerbis; Qui iurat proximo suo, & non decipit. Sequitur secundo loco iudicium: neque enim iusiurandum temere, & inconsiderate, sed consulto, & cogitato adhiberi debet. Itaque iuraturus, primum quidem consideret, utrū necessitate cogatur, necne; remque totam accurate expendat, an eiusmodi sit, ut iureiurando indigere uideatur. Tempus præterea spectet, locum attendat, aliaque permulta, quæ rebus adiuncta sunt, circumspiciat; non odio, non amore, aut animi perturbatione aliqua impellatur, sed ipsius rei ui, & necessitate. etenim, nisi hæc consideratio, & diligens animaduersio antecesserit, sane iusiurandum præceptis, & temerarium erit; cuiusmodi est illorum irreligiosa affirmatio, qui in re leuissima, & inani, nulla ratione, aut consilio, sed praua quadam consuetudine iurant.

*Psal. 14*

iurant. id uero passim quotidie a uenditoribus, & emptoribus fieri uidemus. nam illi, ut quamplurimo uendāt, hi rursus, ut quamminimo emāt, res uenales uel laudare, uel uituperare iureiurando nō dubitant. Cum itaque iudicio, & prudentia opus sit; pueri uero ita acute perspicere, ac distinguere nondum per ætatem possint: idcirco constitutum est a S. Cornelio Pont. ne a pueris ante pubertatē, hoc est, ante xiiii. annum iusiurandum exigatur. Reliqua est iustitia, quæ maxime in promissis requiritur. quare si quis iniustum aliquid & inhonestum promittit, & iurando peccat, & promissis faciendis scelus scelere cumulat. extat huius rei in euangelio exemplum Herodis regis; qui temerario iureiurando obstrictus, puellę saltatrici caput Ioannis Baptistę, tamquam saltationis premium, dedit. Tale etiam fuit Iudeorū iusiurandum, qui se ipsos, ut est in Actis Apostolorum, ea condicione deuouerūt, nihil gustaturos, donec Paulum occidissent. His ita explicatis, nulla plane dubitatio relinquitur, quin illi tuto iurare liceat, qui hæc omnia seruauerit, quiq. hisce, condicionibus, tamquam presidij quibusdam, iusiurandum munierit. sed & multis argumentis id probare facile est. nam lex Domini, quæ immaculata est, & sancta, hoc præcepit. Dominū, inquit, Deum tuum timebis, & illi soli seruiēs: ac per nomen illius iurabis. & a Dauid de scriptū est; Laudabuntur omnes, qui iurant in eo. Præterea sacrę litterę indicant, ipsa Ecclesię lumina, sanctissimos apostolos, iureiurando nonnūquam usos esse: idq. ex Apostoli epistolis apparet. Adde, quod & angeli ipsi interdū iurant. nā a sãcto,

Mat. 6

Act. 23

Psalm. 118

Deut. 6. 10

Psalm. 62

Aper. 10

Ad Heb. 6

Gen. 22

Exod. 33

Psal. 109

Ad Heb. 4

Ad Hebr. 6

Matth. 5

Ioanne euangelista in Apocalypsi scriptum est, angelum iurasse per uiuentem in sæcula. quin etiã & Deus ipse iurat, angelorum dominus: & in ueteri testamento multis in locis Deus promissiones suas iureiurando confirmat, ut Abraham, & Dauidi, qui illud de Dei iureiurando prodidit: Iurauit, inquit, Dominus, & non pænitebit eum: tu es sacerdos in æternũ secundum ordinem Melchisedec. Neque uero obscura est ratio ad explicandum, cur iusiurandum laudabile sit, si quis attentius totam rē consideret, & ipsius ortum, finemque intueatur. Etenim iusiurandum a fide originem ducit, qua homines credunt Deum totius ueritatis esse auctorem, qui nec decipi umquam possit, nec alios decipere; cuius oculis nuda sunt omnia, & aperta, qui denique uniuersis rebus humanis admirabili prouidentia consulit, mundumque administrat. Hac igitur fide homines imbuti, Deum ueritatis testem adhibent; cui fidem non habere, impium, ac nefarium erit. Quod uero ad finem attinet, eo tendit iusiurandum: atque id omnino spectat, ut hominis iustitiam, & innocentiam probet, finemque litibus, & controuersijs imponat, quod etiam Apostolus in epistola ad Hebręos docet. neque huic sententię uerba illa Saluatoris nostri apud sanctum Matthæum repugnant: Audistis, quia dictum est antiquis; Non periurabis; reddes autem Domino iuramenta tua. Ego autem dico uobis, non iurare omnino, neque per cælum, quia thronus Dei est; neque per terram, quia scabellum pedum eius; neque per Hierosolymam, quia ciuitas est magni regis: neque per caput tuum iuraueris; quia non po-  
tes



res unum capillum album facere , aut nigrum .  
 sit autem sermo uester ; est , est ; non , non : quod  
 autem his abundantius est , a malo est . His enim  
 uerbis iusiurandum generatim, uniuerseque dam-  
 nari, non est dicendum, cum iam supra uiderimus,  
 dominum ipsum, apostolosque frequenter iurasse:  
 sed peruersum Iudæorum iudiciū redarguere Do-  
 minus uoluit, quo sibi in animū induxerant, nihil  
 in iureiurando cauendum esse, præter mendacium.  
 itaque de rebus leuissimis, & nullius momenti, &  
 ipsi iurabant sæpissime, & ab alijs iusiurandum exi-  
 gebant. Hunc morem Saluator reprehendit, atque  
 improbat, docetq. omnino a iureiurando abstinен-  
 dum esse, nisi id flagitet necessitas. nam propter  
 humanam imbecillitatem iusiurandum institutū  
 est, & reuera a malo prouenit: quandoquidem aut  
 iurantis inconstantiam indicat, aut illius, cuius cau-  
 sa iuramus, contumaciam; qui, ut credat, aliter  
 adduci non potest. Sed tamen iurandi necessitas ex-  
 cusationem habet. Et quidem, dum inquit Salua-  
 tor: Sit sermo uester, est, est ; non, non : hac loquen-  
 di formula satis declarat, se iurandi consuetudinē  
 in colloquijs familiarium, & leuium rerum prohi-  
 bere. quamobrem illud præcipue a Domino admo-  
 nemur, ne faciles nimī & propensi ad iurandū si-  
 mus. idque sedulo docendum erit, & fideiū auri-  
 bus inculcādum: infinita enim fere mala ex nimia  
 iurandi consuetudine emanare, & sacrarum litte-  
 rarum auctoritate, & sanctissimorum Patrum te-  
 stimonijs comprobatur. In Ecclesiastico scriptū est:  
 Iurationi nō assuescat os tuū : multi enim casus in  
 illa. Item : Vir multum iurans, implebitur iniqui-  
 tate,

Matth. 5

Eccle. 23

tate, & non discedet a domo illius plaga. Plura hac de re legi possunt apud sanctos Basilium & Augustinum in libris contra mendacium. Et haecenus de iussis, nunc de uetitis dicatur.

*Quando, et  
sub quibus  
pœnis iura-  
re prohibi-  
tum.*

Vetantur diuinum nomen in uanum assumere; apparet enim, cū graui peccato se obstringere, qui non consilio, sed temeritate ad iurandum fertur. Grauisimum autem delictum hoc esse, illa etiam uerba declarant; Non assumes nomen Dei tui in uanum. quasi rationem afferret, cur hoc facinus scelestum adeo, ac nefarium sit, nimirum propterea quod eius maiestas minuitur, quem nos Deum & dominum nostrum esse profiteamur. Hoc igitur præcepto prohibetur, ne homines falsū iurent. nā qui a tanto scelere non refugit, ut Deum falso testetur, hic insignem Deo iniuriam facit, quippe qui aut illi infcitiae notam inurit, dū ipsum alicuius rei ueritatem latere arbitratur, aut certe improbitatis, & prauī affectus, qui mendacium testimonio uelit confirmare. Iurat autem falso non is solum, qui, quod falsum scit, uerum esse iurando affirmat; sed ille etiā, qui iureiurādo id asserit, quod cum uerum sit, tamen ipse falsum putat. nam cum mendacium ea re mendacium sit, quod contra mentem, & animi sententiam profertur; perspicuum est, hunc plane mentiri & periurum esse. Simili quoque ratione peierat, qui id iurat, quod uerum existimat, & tamen re uera falsum est: nisi, quantum potuit, curam, & diligentiam adhibuerit, ut totam rem compertam, atque exploratam haberet. quamuis enim ipsius oratio menti consentiat, tamen huius præcepti reus est. Eiusdem uero peccati

peccati reus censendus est, qui se aliquid iureiurando facturum promittit, cum tamen aut promissum implere in animo non fuerit, aut, si fuit, quod promissit, re ipsa non præstat: quod etiam ad eos pertinet, qui cum se uoti sponcione Deo obligarunt, non præstant. Præterea in hoc præceptum peccatur, si desit iustitia, quæ ex tribus iurisiurandi comitibus una est. Itaque si quis iuret se peccatum aliquod mortiferum commissurum, exempli causa, cædem hominis, huius præcepti reus est, licet ille serio, atque ex animo dicat, & iusiurandum ueritatem habeat, quam primo loco requiri declarauimus. His adiungi debent illa iurandi genera, quæ a contemptu quodam proficiscuntur, cum quis iurat se non obtemperaturum euangelicis consilijs: cuiusmodi sunt, quæ ad cælibatum, & paupertatem hortantur. quamuis enim nemo ea necessario sequi debeat: si quis tamen iuret, nolle se illis parere consilijs, is eo iure iurando diuina consilia contemnit, & uiolat. Præterea, hanc legem is uiolat, & iudicio peccat, qui, quod uerum est, iurat, idque ita se habere existimat, leuibus quibusdam coniecturis adductus, & longe petitis. nam etsi huiusmodi iusiurandum ueritas comitatur, subest tamen aliquo modo falsum: nã qui sic negliger iurat, in magno peierandi periculo uersatur. Falso præterea iurat, qui per falsos deos iurat. quid enim est a ueritate alienius, quam mendaces & fictitios deos, tamquam uerum Deum, testari? Verum quoniam scriptura, cum periurium interdixit, inquit: Nec pollues nomen Dei tui: neglectio prohibetur, quæ fugienda est in reliquis, quibus

Leuit. 19

bus

Iud. 3

2. Pet. 3

Trid. Syn  
Sess. 4Psalm. 13. 5<sup>2</sup>

bus ex huius præcepti auctoritate honor debetur: quale est uerbum Dei, cuius maiestatem non solū pij, sed interdum etiam impij reuerentur, ut in Iudicum historia de Eglon Moabitarū Rege memorie traditum est. Dei autem uerbum summa iniuria afficit, quicumque sacram scripturam a recta, & germana eius sententia ad impiorum dogmata, & hereses flectit. cuius sceleris admonet nos Princeps apostolorum uerbis illis: Sunt quedam difficilia intellectu, quę indocti, & instabiles deprauant, sicut & ceteras scripturas, ad suam ipsorum perditionem. Præterea scædis, & inhonestis maculis sacra scriptura contaminatur, cum eius uerba, & sententias, quę omni ueneratione colenda sunt, ad profana quæque nefarij homines torquent, ad scurrilia scilicet, fabulosa, uana, assentationes, detractiones, sortes, libellos famosos, & si qua sunt alia id genus: in quod peccatum sacra Tridentina Synodus animaduerti iubet. deinde ut ij Deū honorant, qui eius opem atque auxilium in suis calamitatibus implorant: ita debitum Deo honorem is negat, qui illius subsidium non inuocat: quos redarguit David, cum inquit: Deum non inuocauerunt; illic trepidauerunt timore, ubi non erat timor. At uero longe magis detestabili scelere se ipsos adstringunt, qui sacrosanctum Dei nomen, ab omnibus creaturis benedicendum, & summis laudibus extollendum, aut etiam sanctorum nomen, cum Deo regnantium, impuro, & contaminato ore blasphemare, atque execrari audent. quod quidem peccatum usque adeo atrox, atque immane est, ut interdum sacrę litterę, si de blas-



blasphemia sermo incidat, benedictionis nomine  
utantur. Quoniam uero pœnæ, & supplicij terror  
peccandi licentiã uehemēter coercere solet; idcirco  
Parochus, ut hominum animos magis permoueat,  
atque ad hoc præceptum seruandum facilius im-  
pellat, alteram illius partem, & quasi appendicem  
diligenter explicabit. Nec enim habebit infontem  
Dominus eum, qui assumpserit nomen domini  
Dei sui frustra. Ac primum quidē doceat: summa  
ratione factum esse, ut huic præcepto minę adiun-  
gerentur: quo quidem & peccati grauitas, & in  
nos Dei benignitas agnoscitur: qui cum homi-  
nū perditione non delectetur, ne ipsius iram,  
& offensionem subeamus, hisce salutaribus minis  
nos deterret, nimirum ut illum beneuolum po-  
tius, quam iratum experiamur. Vrgeat hunc lo-  
cum Pastor, instetque summo studio, ut populus  
sceleris grauitatem agnoscat, & illud detestetur  
uehementius, & in eo euitando maiorem diligen-  
tiam, & cautionem adhibeat. Ostendat præterea  
quanta sit hominum procliuitas ad hoc peccatum  
committendum; ut non satis fuerit legem ferre,  
nisi etiam minę adderentur. Incredibile enim  
est, quātum hæc cogitatio utilitatis habeat. nam ut  
nihil eque nocet, atque incauta quēdā animi secu-  
ritas: ita proprię imbecillitatis cognitio plurimū  
prodest. Tum illud etiam declaret, nullum a Deo  
certum supplicium constitutum fuisse, sed tantum  
uniuerse minari, quicumque se hoc scelere adstrin-  
xerit, non impune laturum. quapropter diuersa  
supplicia, quibus quotidie affligimur, huius pec-  
cati admonere nos debent. hinc enim facile licet  
conijcere,

3. Reg. 21

Iob 1.2

Exod. 20

Matth 12

conijcere, homines ea re in maximas calamitates incidere, quod huic præcepto non obtemperent. quibus sibi propositis, cautiores eos in posterum fore uerisimile est. Fideles itaque, sancto timore perterriti, omni studio peccatum hoc fugiant. nam si omnis uerbi otiosi in extremo iudicio reddenda ratio est; quid de grauissimis sceleribus dicendum, quæ magnam diuini nominis despicientiam præ se ferunt?

**MEMENTO, VT DIEM SABBATHI SANCTIFICES.**

**SEX DIEBUS OPERABERIS, ET FACIES OMNIA OPERA TUA.**

**SEPTIMA AUTEM DIE SABBATHVM DOMINI DEI TVI EST.**

**NON FACIES OMNE OPVS IN EO TV, ET FILIVS TVVS, ET FILIA TUA, ET SERVVS TVVS, ET ANCILLA TUA, IVMENTVM TVVM, ET ADVENA, QVI EST INTRA PORTAS TVAS. SEX ENIM DIEBUS FECIT DOMINVS CAELVM, ET TERRAM, MARE, ET OMNIA, QVAE IN HIS SVNT, ET REQVIEVIT IN DIE SEPTIMO. IDCIRCO BENEDIXIT DOMINVS DIEI SABBATHI, ET SANCTIFICAVIT EVM.**

Hoc legis præcepto externus ille cultus, qui Deo a nobis debetur, recte, atque ordine præscribitur. est enim hic ueluti quidam prioris præcepti fructus: quoniam quem intimis sensibus pie colimus, fide, & spe adducti, quam in eo positam habemus, non possu-

possumus eum non externo cultu uenerari, eidem-  
 que gratias agere. Et quoniam hæc ab ijs, qui hu-  
 manarum rerum occupationibus detinentur,  
 non facile præstari possunt; certum tempus sta-  
 tutum est, quo ea commode effici queant. Itaque  
 cum hoc præceptum eiusmodi sit, ut fructum,  
 utilitatemque admirabilem afferat; maxime in-  
 terest Parochi summam in eo explicando diligen-  
 tiam adhiberi. ad eius autem inflammandum stu-  
 dium magnam uim habet primum illud præcepti  
 uerbum, Memento. nam quemadmodum fide-  
 les tale præceptum meminisse debent: sic Pasto-  
 ris est, in eorum memoriam illud & monendo,  
 & docendo sæpe redigere. Quantum uero fide-  
 lium referat hoc præceptum colere, ex eo percipi-  
 tur, quod, eo diligenter colendo, ad reliqua legis ius-  
 sa seruanda facilius adducentur. Cum enim inter  
 cetera, quæ diebus festis præstare debent, necesse  
 habeant, uerbi Dei audiendi causa, ad ecclesiã con-  
 uenire; cum edocti fuerint diuinas iustificationes,  
 illud etiam cõsequentur, ut ex toto corde custodiãt  
 legem Domini. quamobrẽ sepissime sabbathi cele-  
 britas, cultusque præcipitur in sacris litteris, ut  
 in Exodo, Leuitico, Deuteronomio, apud Isaiam, *Exod. 16*  
 Hieremiam item, & Ezechielem prophetas uidere *20. 31*  
 licet: quibus omnibus in locis hoc de sabbathi cul- *Leuit. 16.*  
 tu traditũ est præceptũ. Monendi uero, & hortandi *19. 23. 25*  
 sunt Principes, & magistratus, ut in ijs maxime, *Deuter. 5*  
 quæ ad hunc cultum Dei retinendum, atque augen- *Hier. 17*  
 dum pertinent, ecclesię præsidēs auctoritate sua *Ezech. 10*  
 iuuent, iubeantque populum sacerdotum præce- *22. 23. 46*  
 ptis obtemperare. Quod autem ad huius præcepti *Isa. 56. 58*  
 explana- *66.*

explanationem attinet, danda opera est, ut fideles doceantur, quibus rebus hoc præceptum cum ceteris conueniat, quibusue differat ab eis. hoc enim pacto causam ille, rationemque cognoscet, quare non sabbathum, sed diem Dominicum colamus, sanctumq. habeamus. Certa igitur illa differentia uidetur, quod reliqua Decalogi præcepta naturalia sunt, & perpetua, neque mutari ulla ratione possunt. quo factum est, ut, quamuis lex Moïsis abrogata sit, omnia tamen præcepta, quæ duabus tabulis continentur, populus Christianus seruet. quod ideo fit, non quia Moïses ita iusserit, sed quod naturæ conueniunt; cuius ui homines ad illa seruanda impelluntur. Hoc autem de sabbathi cultu præceptum, si statutum tempus spectatur, non fixum, & constans est, sed mutabile; neque ad mores, sed ad cærimonias pertinet; neque naturale, quoniam non a natura ad id docti, aut instituti sumus, ut illo die potius, quam alio externum cultum Deo tribuamus: sed ex eo tempore, quo populus Israeliticus a Pharaonis est seruitute liberatus, diem sabbathi coluit. Tempus autem, quo sabbathi cultus tollendus erat, illud idem est, quo ceteri Hebraici cultus, cærimoniæque antiquandæ erant, morte scilicet Christi. nam cum illæ cærimoniæ sint quasi adumbrate imagines lucis, & ueritatis; illud utique necesse erat, ut lucis ac ueritatis, quæ Iesus Christus est, aduentu remouerentur. qua de re sanctus Paulus ad Galatas ita scripsit, cum Mosaici ritus cultores reprehenderent, Dies obseruatis, & menses, & tempora, & annos: timeo uos, ne forte sine causa labora-

Ad Gal. 4

bora-



borauerim in uobis. In quam etiam sententiam scripsit ad Colossenses. Et hæc de differentia. *Ad Col. 2* Conuenit autem hoc præceptum cum reliquis, non ritu, & cærimonijs, sed quia aliquid habet, quod ad mores naturæque ius attineat. nam Dei cultus, ac religio, quæ hoc præcepto exprimitur, a naturæ iure existit, cum illud natura comparatum sit, ut aliquot horas in ijs, quæ ad Dei cultum pertinent, uersemur. cuius rei argumento est, quod apud omnes nationes, statas quasdam ferias, easque publicas fuisse cernimus, quæ sacris rebus, ac diuinis obeundis erant consecratæ. est enim naturale homini, ut is certum quoddam tempus necessarijs rerû functionibus det, ueluti corporis quieti, somno, & alijs eiusmodi rebus. & quemadmodum corpori, ita eadem naturæ ratione factum est, ut menti aliquid etiam temporis concederet, quo in Dei contem- platione sese reficeret. atque ita cum aliqua temporis pars esse debeat, quo res diuinæ coluntur, cultusque Deo debitus tribuatur, hoc sane ad mo- rum præcepta pertinet. quam ob causam apostoli ex illis septem diebus eum, qui primus est, ad diui- num cultum consecrare statuerunt, quem Domi- nicum diem dixere. nam & sanctus Ioannes in Apocalypsi, Dominici diei meminit: & Apostolus *Apoc. 1* per unâ sabbathi, quæ est dies Dominicus, ut san- *1. Cor. 16* ctus Chrysostomus interpretatur, collectas fieri iu- bet; ut intelligamus, iam tum in Ecclesia diem Do- minicum sanctum habitum esse. Iam uero, ut sci- ant fideles, quid eo die agere, a quibusue actioni- bus abstinere debeant; non alienum est, ut Parochus totum præceptum, quod in quattuor partes re-

Ète distribui potest, ad uerbum diligenter interpretetur. Itaque primum generatim proponat, quid ijs uerbis præscribatur, MEMENTO, VT DIEM SABBATHI SANCTIFICES. ob eam uero causam initio præcepti uerbū illud, Memento, apposite additum est, quod huius diei cultus ad cærimonias pertineat. Qua de re populus admonēdus esse uidebatur, cum naturæ lex, & si aliquo tempore Deum religionis ritu colendum esse doceat, hoc tamen quo potissimum die fieri deberet, nō præscripsit. Præterea fideles docendi sunt, ex ijs uerbis modū & rationem colligi posse, qua in tota hebdomada opus facere cōueniat, ita scilicet, ut diem festum semper spectemus. quo die cū actio num, & operum nostrorum Deo quasi reddenda ratio sit; cuiusmodi opera efficiamus, necesse est, quæ neque Dei iudicio repudiantur, neque nobis, ut scriptum est, in singulum sint, & in scrupulum cordis. Postremo id docemur, quod certe animaduertere debemus, non de futuras scilicet occasiones, quamobrem nos huius præcepti capiat obliuio, uel aliorum, qui illud negligunt, exemplo adductos, uel spectaculorū, ludorumque studio; quibus plerūque ab huius diei sancto, religiosoq. cultu abducimur. Sed iam ad id ueniamus, quod sabbathi significatione demonstratur. Sabbathum, hebraicū nomen, si latine interpretaris, cessatio dicitur. sabbathizare propterea cessare, & requiescere latino uocabulo appellatur. qua significatione factum est, ut sabbathi nomine dies septimus diceretur, quoniā, absoluta, perfectaque mundi uniuersitate, Deus ab omni opere, quod fecerat, requieuit: ita hunc

1. Reg. 25

Gen. 2

hunc diem in Exodo Dominus uocat. Postea uero *Exod. 20*  
 non solum septimus hic dies, sed ob eius dignitatē *Deuter. 5*  
 ipsa etiam hebdomada eo nomine appellata est. in  
 quem sensum Phariseus apud sanctum Lucam di- *Luc. 18*  
 xit: Ieiuno bis in sabbatho. Atque hoc quidem de  
 sabbathi significatione. Sanctificatio autem sabba-  
 thi sacris in litteris cessatio est, quæ sit a corporis  
 laboribus, & a negotijs, ut aperte ostendunt hæc,  
 quæ sequuntur, præcepti uerba, **NON OPERA-**  
**BERIS**. neque uero id solum significat; (aliter  
 enim satis fuisset dicere in Deuteronomio: Obser- *Deuter. 5*  
 ua diem sabbathi) sed cum in eodē loco addatur,  
**UT SANCTIFICES EVM**, hoc uerbo ostendi-  
 tur, sabbathi diem religiosum esse, diuinisq. actio-  
 nibus, & sanctis rerum officijs consecratum. ita-  
 que diem sabbathi tum plene & perfecte celebra-  
 mus, cum pietatis & religionis officia Deo præsta-  
 mus; hocque plane sabbathum est, quod Isaias de- *Isa. 58*  
 licatum appellat: quoniam festi dies sunt ueluti de-  
 liciæ Domini, & piorum hominum. Quare si re-  
 ligioso huic sanctoq. sabbathi cultui, misericordiæ  
 adiunguntur opera; certe maxima sunt, & mul- *Isa. 58*  
 ta præmia, quæ eodem capite nobis propununtur.  
 Itaque uerus ac proprius huius præcepti sensus eo  
 spectat, ut homo & animo, & corpore in eam cu-  
 ram incumbat, ut statuto aliquo tempore, a nego-  
 tijs, corporisque laboribus feriat, Deum pie co-  
 lat, ac ueneretur. Altera uero præcepti parte de-  
 monstratur, diem septimū Dei cultui diuinitus di-  
 catum esse. nam ita scriptum est; **SEX DIEBUS**  
**OPERABERIS, ET FACIES OMNIA OPE-**  
**RA TUA: SEPTIMO AUTEM DIE SAB-**

BATHVM DOMINI DEI TVI EST . quæ uerba ad eam sententiam referuntur , ut sabbathum Domino consecratum interpretemur, eique eo die religionis officia tribuamus, septimumq. diem intelligamus signũ esse quietis Domini. Hic uero dies diuino cultui dicatus est : quia rudi populo minus expediebat habere eam facultatẽ temporis arbitratu suo deligendi, ne forte Aegyptiorũ sacra imitaretur. Itaque e septem diebus, ultimus ad Deum colendũ delectus est: quę quidem res plena mysterij est.

*Exod. 31* Quare Dominus in Exodo, & apud Ezechielem signum uocat : Videte itaque, ille inquit, ut sabbathũ meum custodiatis: quia signum est inter me & uos in generationibus uestris, ut sciatis quia ego Dominus, qui sanctifico uos. itaque signum fuit, quod indicabat homines Deo se dedicare oportere, sanctosque eidem præbere, cum diem etiam uideamus ei dicatum esse. si quidem ille dies sanctus est, quod tum præcipue sanctitatem & religionem homines colere debeant. Deinde signum est, & quasi monumentum conditæ huius admirandę uniuersitatis. Signum præterea fuit Israelitarum memoriæ traditum, quo admoniti, se Dei auxilio a durissimo Aegyptiacę seruitutis iugo solutos ac liberatos esse meminissent: id quod Dominus ostendit illis uerbis: Memento, quod & ipse serueris in Aegypto, & eduxerit te inde dñs Deus tuus in manu forti, & brachio extento : idcirco præcepit tibi, ut obseruares diem sabbathi. Est signum item tum spiritualis, tum cælestis sabbathi Spirituale autẽ sabbathum in sancta quadam & mystica quiete consistit, nimirum, cum uetus homo, Christo cõsepultus,



sepultus, ad uitam renouatur, atque in ijs actionibus, quæ Christianæ pietati conueniunt, studiose se exercet. debent enim, qui aliquando erant tenebræ, nunc autem lux in Domino sunt, ut filij lucis ambulare in omni bonitate, iustitia, & ueritate, neque communicare operibus infructuosis tenebrarū. Celeste uero sabbathum est, ut ait D. Cyrillus, eum locum Apostoli tractans; Relinquitur ergo sabbathismus populo Dei: illa uita, in qua omnibus bonis cum Christo uiuētes fruemur, peccato radicitus extirpato, secundum illud: Non erit ibi leo, nec praua bestia illuc ascendet, sed erit ibi uia pura, & uia sancta uocabitur: omnia enim bona in uisione Dei mens sanctorum adipiscitur. Quare fideles hortandi erunt his uerbis, & a Pastore incitandi: Festinemus ingredi in illam requiem. Præter diem septimum habebat populus Iudæus alios etiam festos, & sacros dies diuina lege constitutos, quibus maximorum beneficiorum memoria renouaretur. Placuit autem Ecclesiæ Dei, ut diei sabbathi cultus, & celebritas in Dominicum transferretur diem. nam ut eo die primum lux orbi terrarum illuxit: sic Redemptoris nostri, qui ad uitam æternam nobis aditum patefecit, resurrectione, quæ eo die fuit, e tenebris ad lucem uita nostra reuocata est; unde & Dominicū diem apostoli dici uoluerunt. Sollemnem præterea hunc diem esse in sacris litteris animaduertimus, quod eo die mundi creatio initium habuit, quod spiritus sanctus apostolis datus sit. Alios autem dies festos ab Ecclesiæ initio, & consequentibus deinde temporibus apostoli, & sancti Patres nostri

Ad Eph. 5

D. Cyrillus

Isa. 35

Ad Heb. 4

nostri instituerunt, ut pie & sancte Dei beneficiorum memoriam coleremus. Inter eos autem celeberrimi habentur illi dies, qui ob redemptionis nostræ mysteria religioni consecrati sunt; deinde qui sanctissimæ Virgini matri, tum uero apostolis, ac martyribus ceterisque sanctis cum Christo regnantibus dicantur: in quorum uictoria Dei bonitas & potentia laudatur, ipsis debiti honores tribuuntur, atque ad eorum imitationem fidelis populus incitatur. Et quoniam ad hoc præceptum seruandum, magnam uim ea ipsius pars habet, quæ illis uerbis expressa est; Sex diebus operaberis; septimus autem dies sabbatum Dei est: Parochus debet illam partem diligenter explicare. etenim ex his uerbis colligi potest, fideles hortandos esse, ne otiosi & desidiosi uitā traducant; sed potius apostolicæ uocis memores, negotium suum quisque agat, & operetur manibus suis, sicut ab eo præceptum fuerat. Præterea hoc præcepto illud Dominus iubet, ut sex ipsis diebus opera nostra efficiamus; ne aliquid eorum quæ alijs hebdomadæ diebus fieri, agiue oporteat, in diem festum reijciatur; atque ita animus a rerum diuinarum cura, studioque auocetur. Tertia deinde præcepti pars explicanda est, quæ quodam modo describit, qua ratione sabbathi diē colere debeamus; præcipue autem explicat, quid illo die facere prohibemur. quare inquit Dominus; Non facies omne opus in eo tu, & filius tuus, & filia tua, seruus tuus, & ancilla tua, iumentum tuum, & aduena, qui est intra portas tuas. Quibus uerbis ad id primum instituihur, ut, quæcumque diuinum cultum impedire possunt, omnino uitemus.

1. Theß. 4

temus . facile enim perspicui potest , omne seruilis operis genus prohiberi , non quidē ea re , quod sua natura aut turpe , aut malum sit ; sed quoniam mētem nostram a diuino cultu , qui finis præcepti est , abstrahit , quo magis peccata a fidelibus uitanda sunt , quæ nō solum animum a diuinarum rerum studio auocant , sed nos a Dei amore prorsus seiungunt . Non tamen eæ actiones , neque ea opera uentantur , quæ ad diuinum cultum attinent , etiam si seruilia sint , ut altare instruere , templa , alicuius festi diei causa , ornare , & reliqua huius generis . ideoque a Domino dictum est : Sacerdotes in tēplo *Matth. 12* sabbathum uiolare , & sine crimine esse . Sed neque earum rerum opera , hac lege prohiberi existimandum est , quorum iactura facienda sit , si die festo prætermittantur , quemadmodum sacris etiam Canonibus permissum est . Multa alia Dominus in euāgelio festis diebus fieri posse declarauit , quæ facile Parochus apud sanctos Matthæum & Ioannē obseruabit . sed ut nulla res prætermitteretur , cuius actione hic sabbathi cultus impediretur , facta est iumentis mentio ; quo animalium genere impediuntur homines , quo minus sabbathum diē colāt : si enim die sabbathi alicui operis actioni iumentis usus destinatur , necessaria est etiam ad id hominis opera , qui iumentum agat : itaque solum per se opus facere non potest , sed hominē , qui illud molitur , adiuuat . eo autem die nemini opus facere licet : ergo neque iumentis , quorum opera ad id homines utuntur . Itaque huius præcepti lex eo etiam spectat , ut , si iumentorum laboribus homines parcere Deus uult , eo certe magis ipsi cauere debeant ,

ne inhumani sint in eos, quorū opera, atque industria utuntur. Neque uero Parochus illud prætermittere debet, ut diligenter doceat, quibus in operibus, atq. actionibus Christiani homines diebus festis exercere se debeant. Illæ uero eiusmodi sunt, ut ad Dei templū accedamus, eoque loco sincera, piaque animi attentione sacrosanctæ Missæ sacrificio intersimus: diuina Ecclesiæ sacramenta, quæ ad salutem nostrā instituta sunt, ad animæ uulnorum curationē crebro adhibeamus. nihil uero est, quod opportunius aut melius a Christianis hominibus fieri possit, quam si peccata sua sacerdotibus sæpe confiteantur. ad quam rem perficiendam poterit Parochus populum adhortari, sumpta huius probandæ rei ratione, & copia ex ijs, quæ de pœnitentiæ sacramento suo loco tradita, ac præcepta sunt. Neque solum ad hoc sacramentum populū excitabit, sed sedulo etiam atque etiam ad illud adhortabitur, ut sacrosanctum Eucharistiæ sacramentum crebro percipiant. Attente præterea, diligenterque sacra cōcio fidelibus audiēda est: nihil enim minus ferendum est, neque tam profecto indignū, quam Christi uerba contemnere, aut negligenter audire. Exercitatio item, atque studium fidelium in precibus, diuinisque laudibus frequens esse debet, præcipuaq. eiusdem cura, ut quæ ad Christianæ uitæ institutionem pertinent, ea diligenter addiscat; seduloque se exerceat in ijs officijs, quæ pietatem continent, pauperibus, & egenis eleemosynam tribuendo, egros homines uisitando, mærentes, quique dolore afflicti iacent, pie consolando. nam ut est apud sanctum Iacobum: Religio munda &



da & immaculata apud Deum & Patrem, hæc est, uisitare pupillos, & uiduas in tribulatione eorum. Ex his, quæ dicta sunt, facile erit colligere, quæ cōtra huius præcepti regulam committuntur. Parochi uero officium in eo item esse debet, ut certos quosdā locos in promptu habeat, unde rationes, atque argumenta sumat, quibus populo illud maxime persuadeatur, ut huius præcepti legem summo studio, accurataque diligentia seruet. ad hoc plurimum ualet, ut populus scilicet intelligat, ac plane perspiciat, quam iustum, & rationi consentaneum sit, nos certos quosdam dies habere, quos totos diuino cultui tribuamus, Dominumque nostrū, a quo summa & innumerabilia beneficia accepimus, agnoscamus, colamus, & ueneremur. si enim iussisset nos quotidie sibi religionis cultū tribuere, nonne pro suis erga nos beneficijs, quæ maxima & infinita sunt, omnis opera danda esset, ut prompto, alacrique animo, eius dicto audientes essemus? nunc uero, paucis ad eius cultum institutis diebus, non est cur nos negligentes, atque difficiles in eius officij functione simus, quod sine grauissima culpa prætermittere non possumus. Demonstret deinde Parochus, quantā huius præcepti uirtus sit, cum ij, qui illud recte seruauerint, in conspectu Dei esse, cum eoque colloqui uideantur. nam & precibus faciendis Dei maiestatem contemplamur, & cum eo colloquimur: & concionatoribus audiendis, Dei uocem accipimus; quæ ad aures nostras eorum opera peruenit, qui de rebus diuinis pie, sancteque concionantur, tum in altaris sacrificio præsentē Christum

Num. 15

frum dominum adoramus . & his quidē bonis illi maxime fruuntur, qui hoc præceptum seruant diligenter: qui uero hanc legem omnino negligunt, ij cum Deo , & Ecclesiæ non obediunt , neque eius præceptum audiant , & Dei, & sanctarum legum hostes sunt : quod animaduerti potest ex eo , quod præceptum hoc eiusmodi est, ut nullo labore seruari queat. Cum enim Deus non labores nobis imponat , quos uel difficillimos eius causa suscipere deberemus, sed quietos illis diebus festis a terrenis curis liberos esse iubeat; magne temeritatis indicium est, huius præcepti legem recusare. Exemplo nobis esse debēt supplicia, quæ de illis Deus sumpsit, qui illud uiolarunt, ut ex libro Numerorū licet intelligere. Ne igitur in hanc Dei offensionē incidamus, operæpretium erit , sæpe illud uerbum , MEMENTO , cogitatione quemque repetere , magnasque illas utilitates, & commoda sibi ante oculos proponere , quæ ex festorū dierū cultu percipi supra declaratū est ; & multa alia ad id genus pertinentia , quæ bonus & diligens Pastor , ut occasionis ratio postulabit, copiose, lateque persequi poterit .

HONORA PATREM TVVM , ET MATREM TVAM , VT SIS LONGÆVVS SUPER TERRAM , QVAM DOMINVS DEVS TVVS DABIT TIBI .

Cum in superioribus præceptis sūma sit uis , & dignitas ; merito , quæ nunc persequimur , quia maxime necessaria sunt, proximū locum obtinēt . nam illa finem, qui Deus est, cōtinuo spectant: hæc nos ad proximi charitatem erudiunt. etsi longius progressa , ad Deum, idest illud extremum , cuius gratia

gratia proximum ipsum diligimus, perducunt.  
 Quamobrē Christus dominus pręcepta illa duo  
 de diligēdo Deo & proximo similia inter se esse di-  
 xit. Hic autem locus, dici uix potest, quantas ha- *Matth. 22*  
 beat utilitates; cum & suos fructus ferat, uberes *Marc. 12*  
 illos quidem, ac pręstantes; & sit tamquam si-  
 gnum, ex quo primi pręcepti obedientia & cul-  
 tus elucet. Qui non diligit, inquit D. Ioannes, *1. Ioan. 4*  
 fratrem suum, quem uidet, Deum, quem non ui-  
 det, quo modo potest diligere? Ad eundem modū:  
 si parentes, quos secundum Deum diligere debe-  
 mus, non ueneramur, & colimus; cum in conspe-  
 ctu nobis fere semper sint: Deo, summo parenti,  
 & optimo, qui nullum sub aspectum cadit, quem  
 honorem, quem cultum tribuemus? ex quo perspi-  
 cum est, utraque pręcepta inter se congruere.  
 Huius autem pręcepti usus latissime patet. nam  
 pręter eos, qui nos genuerunt, multi pręterea sunt,  
 quos in parentum loco colere debemus, uel pote-  
 statis, uel dignitatis, uel utilitatis, uel pręstantis  
 alicuius muneris, & officij nomine. Parentum  
 pręterea, maiorumque omnium laborem leuat.  
 cum enim id in primis curent, ut quos habent in  
 sua potestate, ij recte, & diuinę legi conuenien-  
 ter uiuant, erit hęc cura perfacilis, si omnes intel-  
 ligant, Deo auctore, & monitōre, summum ho-  
 norem parentibus tribui oportere. quod ut pręsta-  
 re possimus, necesse est, nosse quandam differen-  
 tiam, quę est inter pręcepta primę & secundę ta-  
 bulę. Ergo hęc primum a Parocho sunt explican-  
 da: idque in primis moneat, diuina Decalogi prę-  
 cepta fuisse in duabus tabulis incisa, in quarū alte-  
 ra,

ra,quemadmodū a sāctis Patribus accepimus, tria illa continebantur,quę iam sunt exposita; reliqua uero in alteram tabulam erant inclusa, Atque hęc nobis perapposita fuit descriptio, ut præceptorum rationem ordo ipse distingueret. nam quidquid in sacris litteris diuina lege iubetur, aut uetatur, id duorum generum oritur ex altero. aut enim erga Deū,aut erga homines charitas in omni officio spectatur. Et quidem charitatem in Deum superiora tria præcepta docent: quod uero ad hominum cōiunctionē, & societatem pertinet, id reliquis septē præceptis continetur. Quocirca non sine causa eiusmodi est facta distinctio, ut alia ad priorem, alia ad alteram tabulam præcepta referantur. nam superioribus tribus præceptis, de quibus dictū est, quasi subiecta materies, quam tractent, est Deus, idest summum bonū, ceteris uero proximi bonū: illis summus,his proximus amor est propositus: illa finem, hęc autem ea, quę ad finem referuntur, spectant. Pręterea charitas Dei ex ipso pendet. Deus enim per se, non alterius rei causa, summe diligendus est, charitas autem proximi a charitate Dei ortum habet, atque ad eam tamquam ad certam regulam dirigenda est. nam si parentes caros habemus, si dominis paremus, si dignitate antecessores reueremur; id ea re maxime faciendum est, quod eorum procreator est Deus, eosque alijs præesse uoluit, quorum opera ceteros homines regit, ac tuetur: qui cum nobis auctor sit, ut eiusmodi personas uereamur, idcirco id præstare debemus, quia a Deo hoc ipso honore dignantur: ex quo fit, ut honor, quem parentibus habemus, Deo potius,



potius, quam hominibus, haberi uideatur. sic enim apud sanctum Mattheum est, cum de obseruantia *Math. 10* in superiores agitur: Qui recipit uos, me recipit. & Apostolus in epistola ad Ephesios, seruos insti- *Ad Eph. 6* tuens: Serui, inquit, obedite dominis carnalibus cum timore, & tremore, in simplicitate cordis uestri, sicut Christo, non ad oculum seruientes, quasi hominibus placentes, sed ut serui Christi. Accedit, quod Deo nullus honor, nulla pietas, nullus cultus satis digne tribuitur, in quē amor augeri infinite potest; proptereaq. nostra erga illū charitas in dies fiat ardentior, necesse est. quem eius iussu ex to *Deuter. 6* to corde, ex tota anima, ex omnibus uiribus amare *Luc. 10* debemus. At charitas, qua proximum complecti *Math. 22,* mur, suis finibus circumscribitur; iubet enim Dominus proximos diligere, sicut nos ipsos: quod si quis hos fines egressus fuerit, ita ut parem Deo & proximis amorem tribuat, is maximum scelus admittit. Si quis uenit ad me, inquit Dominus, & *Luc. 14* non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus. in quā sententiam item dictum est; Sine ut mortui sepeli- *Luc. 9* ant mortuos suos: cum quidam primum humare patrem uellet, postea Christum sequi. cuius rei dilucidior illa apud sanctum Mattheum explica- *Math. 10* tio est: Qui amat patrem, aut matrem plusquam me, non est me dignus. Nec tamen ulla dubitatio est, quin parentes uehementer amandi, obseruandique sint: sed ad pietatem in primis necessarium est, Deo, qui parens, & effector est omnium, præcipuum honorem, & cultum tribui; ideoque  
mortales

mortales parentes amari, ut ad celestem sempiternūque patrem tota amoris uis referatur. quod si interdum parentum iussa Dei præceptis repugnent; non dubium est, quin liberi, parentum cupiditati Dei uoluntatē anteferre debeant, diuinę illius sententię memores; Obedire oportet Deo magis, quam hominibus.

*Acl. 5*

*Honorare;  
quam uim  
habeat a--  
pud scriptu-  
ras.*

Quibus rebus expositis, Parochus uerba præcepti interpretabitur, atque illud primum, Honorare, quid sit: est enim, de aliquo honorifice sentire, & quę illius sunt, maximi putare omnia. Huic autem honori hæc omnia coniuncta sunt, amor, obseruantia, obedientia, & cultus. Scite autem in lege posita est honoris uox, non amoris, aut metus; etiam si ualde amandi, ac metuendi parentes sint. etenim qui amat, nō semper obseruat, & ueneratur: qui metuit, non semper diligit: quem uero aliquis ex animo honorat, item amat, & ueretur. Hæc cum Parochus explicarit, tum ager de patribus, quique sint ij, qui uocentur hoc nomine. nā etsi de ijs præcipue patribus lex loquitur, ex quibus generati sumus: tamen ad alios quoque pertinet hoc nomen, quos etiam completi lex uidetur, quemadmodum ex pluribus diuinę scripturę locis facile colligimus. Præter illos igitur, qui nos procrearunt, patrum genera item alia sunt in sacris litteris; quod antea attigimus; quibus singulis suus honor debetur. Ac primum Ecclesię præsides, & Pastores, & sacerdotes, patres dicuntur, quemadmodum ex Apostolo cōstat, qui ad Corinthios scribens, Non, inquit, ut confundam uos, hæc scribo, sed ut filios meos carissimos moneo.

*I. Cor. 4*

monco. nam si decem millia pēdagogorū habeatis in Christo, sed non multos patres; nam in Christo Iesu per euangelium ego uos genui. Et in Ecclesia- Eccle. 44  
 stico scriptum est: Laudemus uiros gloriosos, & parentes nostros in generatione sua. Deinde ij, quibus aut imperium, aut magistratus, aut potestas commissa est, qui rempublicam gubernant, patres appellantur. Sic Naaman a famulis pater uocabatur. Præterea, patres eos dicimus, quorum pro 4. Reg. 5  
 curationi, fidei, probitati, sapientiæque alij commendantur: cuiusmodi sunt tutores, & curatores, 4. Reg. 2  
 pædagogi, & magistri. Quare Eliam, & Eliseum 4. Reg. 13  
 filij prophetarum patrem uocabant. Postremo patres dicimus senes, & etate confectos, quos etiam uereri debemus. Atque hoc in Parochi præceptis maximum sit, ut doceat patres, cuiuscumque sint generis, præsertim uero eos, ex quibus nati sumus, a nobis honorandos: de quibus diuina lex præcipue loquitur. sunt enim immortalis Dei quasi quedam simulacra, in ijsque ortus nostri imaginem intuemur: ab ijs uita nobis data est: ijs Deus usus est, uti nobis animū, mentemque impertiret: ab ijs ad sacramenta deducti, ad religionem, ad humanum cultum, ciuilemque instituti, ad morum integritatem & sanctitatem eruditi sumus. Doceat uero Parochus, merito nomen, MATRIS, in hoc præcepto expressum, ut eius beneficia, & merita erga nos cōsideremus, quanta cura, & sollicitudine nos in utero gesserit, quāto cum labore ac dolore pepererit, & educarit. Porro ita obseruandi parentes sunt, ut, quē eis tribuimus, honor ex amore, atq. intimo animi sensu deprōptus uideatur. quibus hoc  
 officium

officiū debetur maxime, cū erga nos sint ita affecti, nullum ut laborem, nullā cōtentionem, nulla pericula nostra causa refugiant, nihilque illis accidere possit iucundius, quā ut filiis caros se esse sentiant, quos maxime diligunt. Ioseph cum in Aegypto honore, & amplitudine regi esset proximus, patrem qui in Aegyptum uenerat, honorifice excepit: & 3. Reg. 2 Salomon matri aduenienti assurrexit; eamque ueneratus, regio in folio ad dexteram collocauit. Alia præterea sunt honoris officia, quę in parentes conferri debent. nam eos tum etiam honoramus, cum a Deo suppliciter petimus, ut eisdem bene & feliciter omnia eueniant, ut in maxima gratia & honore sint apud homines, ut ipsi Deo ac sanctis, qui in cēlis sunt, commendatissimi sint. Item parentes honoramus, cum nostras rāiones ad eorum arbitrium, uoluntatemque conferimus. cuius rei suafor Salomon, Audi, inquit, fili mi disciplinam patris tui, & ne dimittas legem matris tuę, ut addatur gratia capiti tuo, & torques collo tuo. Cuiusmodi sunt etiam D. Pauli cohortationes: Filij obedite parentibus uestris in Domino: hoc enim iustū est. Item: Filij obedite parentibus per omnia: hoc enim placitum est in Domino. Et sanctissimorum hominum exemplis confirmatur. etenim Isaac, cū a patre ad sacrificium uinciretur, modeste ac sine recusatione paruit: & Rechabitæ, ne a patris consilio umquā discreparēt, uino se in perpetuum abstinuerūt. Item, parentes honoramus, cum eorū recte facta, moresq. imitamur. ijs enim plurimū tribuere uidemur, quorū esse uolumus quāsimillimi. Item parentes honoramus, quorū consilia non modo exquiri-



quiritimus, uerum etiā sequimur. Item, quibus subuenimus ea impertientes, quæ uictus, cultusque desiderat: quod Christi testimonio comprobatur; qui Phariseorum impietatem redarguens, Quare *Math. 15* & uos, ait, transgredimini mandatum Dei propter traditionem uestram? nam Deus dixit: Honora patrem; & matrem. &; Qui maledixerit patri, uel matri, morte moriatur, uos autem dicitis; Quicumque dixerit patri, uel matri, munus quodcumque est ex me, tibi proderit, & non honorificabit patrem suum, aut matrem suam: & irritum fecistis mandatum Dei propter traditionem uestram. Et honoris quidem officia parentibus tribuere semper debemus, sed tum maxime, cum periculose egrotant. danda enim opera est, ne quid prætermittant, quod uel ad peccatorum confessionem attinet, uel ad reliqua sacramenta, quæ a Christianis hominibus percipi debent, cū mors appropinquat, idque nobis curæ sit, ut pij, religiosiq. homines eos crebro interuisant, qui uel imbecillos confirmant, & consilio iuuent, uel optime animatos ad spem erigant immortalitatis; ut, cum mentē a rebus humanis excitarint, totā conijciāt in Deū. sic fiet, ut fidei, spei, & charitatis beatissimo comitatu ac religionis præsidio muniti, mortem nō modo non pertimescēdā, cū necessaria sit, sed, cū aditū ad eternitatem expediat, etiā appetendā censeāt. Postremo uel mortuis parētibus honor tribuitur, si ijs funus facimus; si exequias cohonestamus; si honorē sepulture impertimus; si iusta & sacrificia anniuersaria curamus; si, quæ ab ijs legata sunt, diligenter persoluimus. Honorandi autē

DD sunt

sunt nō modo ij, ex quibus nati sumus, uerum etiā alij, qui patres appellantur, ut Episcopi, & sacerdotes, ut reges, ut principes, ut magistratus, ut tutores, ut curatores, ut magistri, ut pædagogi, ut senes, & ceteri eiusmodi: digni enim sunt, qui ex charitate, ex obedientia, ex ope nostra fructus percipiant, sed alius alio magis. De Episcopis, & alijs Pastoribus ita scriptum est: Qui bene presunt presbyteri, duplici honore digni habeantur, maxime qui laborant in uerbo, & doctrina. Iam uero, quanti erga Apostolum amoris documenta Galatę dederunt? quibus is præclarum illud beneuolentię testimonium tribuit: Testimonium enim perhibeo uobis; quia, si fieri posset, oculos uestros eruissetis, & dedissetis mihi. Quin etiam sacerdotibus ea suppeditanda sunt; quæ ad uitæ usus necessarios requiruntur. quare Apostolus, Quis, inquit, militat suis stipendijs umquam? Et in Ecclesiastico scriptum est: Honorifica sacerdotes, & propurga te cum brachijs: da illis partem, sicut mandatum est tibi, primitiarum, & purgationis. Illis etiam obtemperandum esse, docet Apostolus. Obeyte, inquit, præpositis uestris, & subiaceite eis. ipsi enim peruigilant, quasi rationem pro animabus uestris reddituri. Quin potius a Christo domino præceptū est, ut uel improbis Pastoribus obtemperemus, cum dicat; Super cathedram Moysi sederunt Scribæ, & Pharisei; omnia ergo, quæcumque dixerint uobis, seruare, & facite; secundum opera uero eorū nolite facere: dicunt enim, & non faciunt. Idem de regibus, de principibus, de magistratibus, & reliquis, quorum potestati subijcitur,

mur, dicendum est. ijs uero quod honoris, cultus, obseruantia genus tribuendum sit, Apostolus ad Romanos late explicat: pro quibus etiam orandū esse monet. & diuus Petrus, Subiecti, inquit, estote omni humanæ creaturæ propter Deum, siue regi, quasi præcellenti, siue ducibus, tamquam ab eo missis. nam si quæ eis cultum tribuimus, is ad Deum refertur: habet enim uenerationem hominum excellens dignitatis gradus, quia diuinæ potestatis est instar: in quo etiam Dei prouidentiam ueneramur, qui publici muneris procurationem ijs attribuit, quibusque utitur tamquam potestatis suæ ministris. nec enim hominum improbitatem, aut nequitiam, si tales sunt magistratus, sed diuinam auctoritatem, quæ in illis est, reueremur: ut, quod permirū fortasse uideatur, quamuis in nos sint inimico, infensoque animo, quamuis implacabiles, tamen non satis digna causa sit, cur eos non perofficiose obseruemus. nā & Dauidis magna in Saule officia extiterūt, cum ei tamen esset offensior: quod innuit illis uerbis: Cum ijs, qui oderunt pacem, eram pacificus. At uero, si quid improbe, si quid inique imperent, cum id non ex potestate, sed ex iniustitia, atque animi peruersitate agant, omnino nō sunt audiendi. Vbi hæc Parochus singillatim exposuerit, deinceps consideret, quodnam præmium, quamque consentaneum ijs propositū sit, qui diuino huic præcepto obediunt. nam in eo fructus est maximus, ut diu uiuāt; propterea quod digni sunt, qui beneficio quamdiutissime perfruātur, cuius memoriam perpetuo conseruant. Cum igitur, qui parentes colunt, ijs gratiam refe-

Rom. 13  
1. Tim. 2  
1. Pet. 2

Psal. 119

DD 2 rant,

rant, a quibus lucis & uitæ usuram habent, iure & merito uitam ad summam senectutem perducunt. Tum adiungenda est diuinæ promissionis illustis explanatio. neque enim solum sempiternæ, ac beatæ, sed huius etiam, quam in terris agimus, uitæ usus promittitur. cuius sententiæ interpretres est D. Paulus, cum inquit: Pietas ad omnia utilis est, promissionem habens uitæ, quæ nunc est, & futuræ. Nec uero hæc merces aut exigua est, aut contemnenda, etiam si sanctissimis uiris, ut Iob, ut Dauidi, ut Paulo, mors fuerit optabilis, & ærumnosis ac miseris hominibus uite propagatio sit iniucunda. nam illorum uerborum adiunctio, **QVAM DOMINVS DEVS TVVS DABIT TIBI**, non modo temporis diuturnitatē ad uiuendum, sed otium, quietem, incolumitatem ad bene uiuendum pollicetur. nam in Deuteronomio nō solum inquit; Vt longo uiuas tempore; sed illud etiam addit; Vt bene sit tibi: quod deinde ab Apostolo repetitum est. Hæc autem bona eis superpetere dicimus, quorum pietati Deus gratiam referat: aliter enim diuini promissi fides & constantia non erit; cum interdum, qui maiorem pietatē parentibus præstiterunt, ijs uita breuior sit: quibus id quidē contingit, uel quod ijs optime consulitur, qui prius uita excedunt, quam a uirtutis, & officij religione discedāt: rapiuntur enim, ne malitia mutet intellectum eorum, aut ne fictio decipiat animam illorum: uel quia, dum perniciēs & rerū omnium perturbatio impendet, e corporibus euocantur, ut cōmunium temporum acerbitatem euadāt: **A facie enim malitię, inquit Propheta, collectus est iustus**

1. Tim. 4

Deuter. 5

Ad Eph. 6

Sap 4

Isa. 57



iustus: quod sit, ne eorum aut uirtus, aut salus periclitetur, cum a mortalibus flagitiorum poenas repetit Deus: uel ne tristissimis temporibus ex propinquorum, amicorumque calamitatibus acerbissimos luctus sentiat. Quare metuendum est maiorem in modum, cum uiris bonis immatura mors accidit: ac, quemadmodum ijs, qui grati in parentes sunt, officij merces & fructus est a Deo propositus; sic ingrati & impij filij grauissimis poenis reseruantur: scriptum est enim; Qui maledixerit patri suo uel matri, morte moriatur. Et: Qui affligit patrem, & fugit matrem, ignominiosus est, & infelix. Et: Qui maledicit patri suo, uel matri, extinguetur lucerna eius in medijs tenebris. Et; Oculum, qui subsannat patrem, & qui despicit partum matris suæ, effodiant eum corui de torrentibus, & comedant eum filij aquile. Qui parentibus iniuriam intulerunt, multos fuisse legimus: in quibus ulciscendis, Dei iracundia exarsit: non enim Dauidem inultum reliquit, sed sceleri debitas poenas dedit Absalon, quem, ob eius scelus, tribus hastis transfixum puniuit. De ijs uero, qui sacerdotibus non obtemperant, scriptum est; Qui superbierit, nolens obedire sacerdotis imperio, qui eo tempore ministrat domino Deo tuo, ex decreto iudicis morietur homo ille. Et quemadmodum diuina lege sancitum est, ut parentibus filij honorem habeant, ut pareant, ut obsequantur: sic parentum propria officia sunt, atque munera, ut sanctissimis disciplinis, ac moribus filios imbuant, ijsque optima dent uiuendi precepta, ut ad religionem instructi, & parati, Deum sancte, inuiolateque uenerentur. quod a pa-

Exod. 21

Leuit. 20

Prouer. 19

Prouer. 20

Prouer. 30

2. Reg. 18

Deuter. 17

Dan. 13

DD ;

rentibus

Deut. 13

rentibus Susannę factum esse legimus. Itaque Sacerdos parentes cōmoneat, ut se liberis magistros præbeant uirtutis, æquitatis, continentię, modestię, & sanctitatis: triaque præsertim declinent, in quibus sepe offendere consueuerunt: primum, ne quid acerbius in liberos aut loquantur, aut statuāt: quod Apostolus in epistola ad Colossenses ita præcipit; Patres, nolite ad indignationem prouocare filios uestros, ut non pusillo animo fiant. nam periculum est, ne fracto, abiectoque animo sint, dū omnia timent. Quare illud præcipiat, ut nimiam seueritatem effugiant, malintque liberos corrigere, quam ulcisci: deinde, si qua culpa commissa est, cum necessaria sit castigatio, & obiurgatio, ne quid liberis per indulgentiam dissolute remittant: sæpe enim filij parentum nimia lenitate, & facilitate deprauantur: quamobrem a dissoluta indulgentia deterreat exemplo Heli, summi sacerdotis; qui, quod in liberos indulgentior fuerat, maximo supplicio est affectus: postremo, ne, quod foedisimum est, in filiorum educatione ac doctrina, præpostera consilia ineant. etenim permulti in hac una cogitatione curaue uersantur, ut opes, ut pecunias, ut lautum, & amplum patrimonium liberis relinquant, quos non ad religionem, non ad pietatem; nō ad bonarum artium disciplinam, sed ad auaritiam, & ad rem familiarem augendam cohortantur; nec de filiorum existimatione, & salute sunt solliciti, dummodo pecuniosi sint, & per diuites: quo quid dici, aut cogitari turpius potest? ita fit, ut ad illos non tam rerum copias, quam sua scelera, & flagitia transferant; quibus tandem non ad

Ad Col. 3

celum

T. Reg. 4

cælum se duces præbêt, sed ad inferorum supplicia sempiterna, Sacerdos igitur optimis præceptis parentes instituat, eosque ad Tobie exemplum ac si- Tob. 4  
mitem uirtutem excitet; ut, cum filios ad Dei cultum, & sanctimoniam probe erudierint, ab ijs etiã amoris, & obseruantia, & obsequij uberrimos fructus capiant.

## NON OCCIDES.

Magna illa, quæ pacificis hominibus proposita est, felicitas, quoniam filij Dei uocabuntur, Pa- Matth. 9  
stores maxime commouere debet, ut præcepti huius disciplinam fidelibus diligenter, accurateque tradant. nam ad conciliandas hominum uoluntates nulla melior ratio iniri potest, quam si eiusmodi præcepti lex recte explicata, ab omnibus ita, ut oportet, sancte seruetur: quoniã tum sperare licet, fore, ut summa animi consensione cõiuncti homines cõcordiam & pacem maxime colant. Sed quã necesse sit præceptũ hoc explicari, ex eo perspicitur, quod, immensa illa uniuersa terræ innundatione facta, hoc unum in primis est, quod Deus hominibus interdixit. Sanguinem, inquit, requiram ani- Gen. 9  
marum uestrarum de manu cunctarum bestiarum; & de manu hominis. In euangelio etiam, quæ primum ueteres leges a Domino explicatę sunt, in ijs hæc prima est, de qua apud S. Matthæum ita scri- Matth. 9  
ptum est: dictum est enim, Non occides, & reliqua, quæ hac de re eo ipso loco deinceps cõmemorantur. Fideles præterea *attente*, libenterque præceptum hoc audire debent. si enim eius uis spectatur, ad uitam cuiusque tuendam ualet: quoniam

ijs uerbis, Nō occides, homicidium omnino interdictum est. itaque singuli homines tanta cum uoluptate animi illud accipere debent, perinde ac si, ira Dei proposita, grauissimisque alijs poenis, nominatim prohibitum sit, ne quis eorum lædatur. ergo ut præceptum hoc audita iucundum est: ita eius peccati cautio, quod præcepto prohibetur, iucunditatem habere debet. Cum autem huius legis uim Dominus explicaret, in eo duo contineri ostendit: alterum, ne occidamus, quod a nobis fieri uetitum est: alterum, quod facere iubemur, ut concordiam amicitiam, eharitateque inimicos cōplectamur, pacem habeamus cum omnibus, cuncta denique incommoda patiēter feramus. In eo autem, quod cædes prohibetur, illud primū docendū est, quæ cædes sint eiusmodi, quæ hac præcepti lege non uetentur. nam, bestias occidi, prohibitum non est: quoniam si illis uesci, a Deo hominibus est concessum; fas item est, illas occidi. qua de re ita sanctus

**D. Augst.** Augustinus: Cum audimus, inquit, Non occides; nō accipimus hoc dictum esse de fructetis; quia nullus est eis sensus; nec de irrationabilibus animalibus: quia nulla nobis ratione sociantur. Alterum permissum cædis genus est, quod ad eos magistratus pertinet, quibus data est necis potestas, qua, ex legū præscripto, iudicioque, in facinorosos homines animaduertūt, & innocentes defendunt. quo in munere dum iuste uersantur, non modo ij cædis nō sunt rei, sed huic diuinę legi, qua cædes uetatur, maxime obediunt, cum enim legi huic finis is propositus sit, ut hominum uitæ, salutique consulatur; magistratum item, qui legitimi sunt scelerū uindictes,



dices, animaduersiones eodem spectant, ut, audacia, & iniuria supplicijs repressa, tuta sit hominum uita. Quare Dauid, In matutino, inquit, *Psal. 100* interficiebā omnes peccatores terræ, ut disperderem de ciuitate Domini omnes operantes iniquitatem. Qua ratione ne illi quidem peccant, qui iusto bello, non cupiditate, aut crudelitate impulsī, sed solo publicæ utilitatis studio, uitam hostibus adiunt. Sunt præterea eiusmodi cedes, quæ nominatim iussu Dei fiunt. Leui filij non peccauerunt, qui una die tot millia hominum occiderunt. qua cede facta, sic ad eos locutus est Moyses: Consecrasti *Exod. 32* manus uestras hodie Domino. Neque uero huius præcepti reus est, qui non sponte, neque meditato, sed fortuito hominē occidit: qua de re in Deuteronomij libro ita est: Qui percusserit proximū suum *Deut. 19* nesciens, & qui heri & nudius tertius nullum contra eum odium habuisse comprobatur, sed abiisse cum eo simpliciter in siluam ad ligna cédenda, & in succisione lignorum securis fugerit manum, ferrumque lapsum de manubrio amicū eius percusserit, & occiderit. Hæ cedes eiusmodi sunt, quæ quia non uoluntate, neque de industria inferuntur, propterea non omnino in peccatis numerantur, quod S. Augustini sententia comprobatur. Absit enim, *D. August.* inquit, ut ea, quæ aut propter bonum, aut licitum facimus, siquidem præter nostrā uoluntatē quidquam mali acciderit, nobis imputetur. In quo tamen duabus de causis peccari potest, altera, si quis in re iniusta occupatus, hominem occiderit. exempli causa: si quis grauidam mulierem pugno, uel calce percuteret, ex quo abortus sequeretur, fuisset quidem

quidem illud præter percussoris uoluntatem , non tamen præter culpam , cum illi non liceret ullo modo grauidam mulierem percutere . Altera , si non omnibus circumspectis , negligenter , & incaute aliquem occiderit . qua etiam ratione , si quis salutis suæ defendendæ causa , omni adhibita cautione , alterum interemerit , hac lege non teneri satis apparet . Atque hæc quidem , quas modo commemorauimus , cædes sunt , quæ hoc legis præcepto non continentur , quibus exceptis , reliquæ omnes prohibentur , siue homicidam quis spectet , siue qui occiditur , siue modos , quibus cædes fit . nam quod ad eos pertinet , qui cædem faciunt , nemo plane excipitur ; non diuites , non potentes homines , non domini , non parentes : sed , delectu omni , & discrimine remoto , occidere uetitum est omnibus . Si uero ij spectantur , qui interficiuntur , ad omnes hæc lex pertinet ; nec quisquam est tam humilis & abiectæ cōditionis homo , quin legis huius ui defendatur . Neque uero se ipsum interficere cuiquam fas est , cum uitæ suæ nemo ita potestatem habeat , ut suo arbitratu mortem sibi consciscere liceat , ideoque legis huius uerbis non ita præscriptum est , Ne alium occidas , sed simpliciter , Ne occidas . si autem multiplicem cædis faciendæ modum attēdimus ; nemo est , qui excipiatur . non solum enim suis cuiquam manibus , aut ferro , aut lapide , aut baculo , aut laqueo , aut ueneno , uitā homini eripere non licet , sed consilio , ope , auxilio , uel alia quacumque ratione id fieri prorsus uetitum est . in quo summa tarditas , stuporque Iudeorum fuit , qui crederent , se hoc præceptum seruare , si manus

tantum

tantum a cede abstinere. sed homini Christiano,  
 qui, interprete Christo, didicit hanc legem spiritua-  
 lem esse, nempe quæ non manus solum puras, sed  
 animum etiam castum, sincerumque nos habere  
 iubet, illud non satis omnino est, quod illi satis cu-  
 mulate se prestare arbitrabantur. nã, ne irasci qui-  
 dem cuiquã licere, in euangelio traditum est, cū di-  
 cat Dñs: Ego autem dico uobis: Omnis, qui irasci- *Matth. 5*  
 tur fratri suo, reus erit iudicio: qui autẽ dixerit patri  
 suo, Racha, reus erit cõsilio: qui autẽ dixerit, Fatue,  
 reus erit gehẽnẽ ignis. Ex quibus uerbis perspicuũ  
 est, eũ culpa non carere, qui fratri succẽseat, quãuis  
 iram animo inclusam contineat; qui uero eius irẽ  
 significationem aliquam dederit, grauitè peccare;  
 at multo grauius, qui non uereatur dure fratrem  
 accipere, & ei conuicium facere. & quidem hoc  
 uerum est, si nulla subsit irascendi causa. nam iræ  
 causa, quẽ a Deo, legibusque conceditur, ea est,  
 cum in eos animaduertimus, qui nostro imperio,  
 potestatique parent, si in eis sit culpa: Christia-  
 ni enim hominis ira non a carnis sensibus, sed a  
 spiritu sancto proficisci debet; cum templa san-  
 cti spiritus, in quibus Iesus Christus habitet, nos  
 esse conueniat. Multa præterea sunt a Domino *1. Cor. 6*  
 tradita, quẽ ad perfectam huius legis rationem  
 pertinent: qualia illa sunt, non resistere malo;  
 sed si quis te percusserit in dextram maxillam tu- *Matth. 5*  
 am, præbe illi & alteram; & ei, qui uult tecum  
 in iudicio contendere, & tunicam tuam tollere,  
 dimitte ei & pallium: & quicumque te angaria-  
 uerit mille passus, uade cum illo alia duo. Ex his,  
 quæ iam commemorata sunt, animaduerti licet,  
 quam

quam proclives sint homines ad ea peccata, quæ hoc præcepto uetita sunt, quamue multi reperiantur, qui si minus manu, animo saltem cedis scelus committunt. Et quoniam huic tam periculoso morbo remedia in sacris litteris adhibita sunt; Parochi est officium, ea diligenter fidelibus tradere. præcipuum autem illud est, ut intelligant, quam nefarium sit peccatum, hominis cædes: idque uel plurimis, maximisque sanctarum litterarum testimonijs perspicui potest. usque enim adeo homicidium detestatur Deus in sanctis litteris, ut a bestiis hominum cedis poenam se repetiturum dicat, ac belluam, quæ hominem læserit, occidi iubeat. neque aliam ob causam a sanguine hominem abhorrere uoluit, nisi ut omni ratione a nefaria hominis cæde & animum, & manus abstineret. sunt enim homicidæ humani generis, atque adeo nature hostes acerbissimi, qui, quantum in eis est, uniuersum Dei opus euertunt, cum hominem tollant, cuius causa is omnia, quæcumque procreata sunt, se fecisse testatur. immo uero in Genesi, cum prohibitum sit, hominem occidi, quia illum Deus ad imaginem suam, & similitudinem creauit, insignem Deo iniuriam is facit, quasque uiolentas illi manus afferre uidetur, qui eius imaginem e medio tollit. Hoc diuina animi cogitatione meditatus Dauid, grauissime de sanguinarijs hominibus conquestus est illis uerbis; Veloces pedes eorum ad effundendum sanguinem. neque simpliciter dixit, Occidunt, sed, Effundunt sanguinem: quæ uerba, ad detestabilis illius sceleris amplificationem, immanemque illorum crudelitatem ostendendam, protulit. utque declararet in primis,

quam

Gen. 9

Psal. 13



quam præcipites illi diabolico quodā impulsu ad id facinus ferantur, dixit; Veloces pedes eorum. Iam uero, quæ in hoc præcepto seruanda esse Christus dominus iubet, eo spectat, ut pacem cum omnibus habeamus. ait enim, cum hunc locum interpretaretur: Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum: & quæ sequuntur. Quæ ita a Parocho explicabuntur, ut doceat, sine ulla exceptione omnes charitate complectendos esse: ad quam in huius præcepti explicatione fideles, quam maxime poterit, incitabit: quod in eo proximi diligendi uirtus maxime elucet. Cum enim odium hoc præcepto aperte uetetur, quoniam qui fratrem suum odit, homicida est, certe illud consequitur, ut amoris & charitatis præceptum detur. cumq. hac lege de charitate & amore præceptum sit, tum omnium etiam illorum officiorum, atque actionum, quæ charitatem ipsam consequi solent, præcepta traduntur. Charitas patiens est, inquit D. Paulus. 1. Cor. 13 patientia igitur nobis præcipitur, in qua nos animas nostras possessuros esse Saluator docet. Beneficentia deinde charitatis comes est, & socia: quoniam charitas benigna est. Benignitatis autem, atque beneficentiæ uirtus late patet, cuiusque officium in ijs rebus maxime uersatur, ut pauperibus suppeditemus res necessarias, cibum esurientibus, sitientibus potum demus, nudos uestiamus, & quo quisque opis nostræ magis indiget, eo in illum plus liberalitatis conferamus. hæc beneficentiæ, & bonitatis

Matth. 5

1. Ican. 3

1. Cor. 13

Luc. 21

taus

Matth. 5

Rom. 12

tatis officia, quę per se sunt illustria, eo fiunt illustriora, si inimicis præstentur. ait enim Saluator: Diligite inimicos uestros: benefacite ijs, qui oderunt uos, quod etiam Apostolus monet illis uerbis: Si esurierit inimicus tuus, ciba illum; si sitit, potũ da illi. Hoc enim faciens, carbones ignis congeres super caput eius: noli uinci a malo, sed uince in bono malum. Denique, si charitatis legẽ spectemus, quę benigna est, omnia, quęcumque ad mansuetudinem, lenitatem, aliasq. id generis uirtutes pertinent, officia colere, ea lege præscribi intelligemus. At uero longe omnium præstantissimũ officiũ, quod charitatis plenissimum est, in quo maxime nos exercere conuenit, illud est, ut iniurias, quas accepimus, equo animo remittamus, atque condonemus: quod ut plane efficiamus, sæpe nos diuinę litterę, ut antea dictum est, monent, atque hortantur; cum non beatos solum eos dicant, qui ita prorsus faciunt; sed erratorum etiam ueniam iisdem a Deo datam affirmant. qui uero hoc ipsum facere negligunt, aut omnino recusant, illam non consequuntur. Sed quoniam ulciscendi libido hominũ mentibus fere insita est; Parochus maximã in eo diligentiam ponat, necesse est, ut iniuriarum obliuisci, easque remittere Christianum hominem oportere, nõ doceat solum, sed penitus etiam fidelibus persuadeat. Cumque hac ipsa de re apud sacros scriptores multa fiat mentio, eos consulat ad refellendam illorum pertinaciam, qui in ulciscẽdi cupiditate animo obstinato sunt, atque obfirmato. Argumenta in promptu habeat, quę illi Patres grauissima, & ad eam rem maxime accommodata pie

rapie adhibuerunt. Verum hæc potissimum tria explicanda sunt. primum est, ut, qui se iniuriam accepisse putat, ei maxime persuadeatur, illum detrimenti, aut iniurię præcipuā causam non fuisse, quem ipse ulcisci cupit. Sic admirabilis ille Iob fecit, qui a Sabæis hominibus, a Chaldeis, & a demone grauitersus, nulla tamen eorum habita ratione, ut uir rectus, & homo admodum pius, recte, pieque ijs uerbis usus est: Dominus <sup>Iob 2</sup> dedit, Dominus abstulit. Itaque patientissimi illius uiri oratione, & exemplo, Christiani homines sibi persuaдеant, quod uerissimum est, omnia, quæcumque in hac uita patimur, a Domino, qui iustitię omnis misericordięque parens est, & auctor proficisci. Neque uero ille nos, quæ eius est immensa benignitas, ut inimicos punit, sed ut filios corrigit, & castigat. Nec profecto, si recte animaduertimus, in hisce rebus homines aliud omnino sunt, nisi ministri, & quasi satellites Dei. & quamquam homo potest male aliquem odisse, pessimeque illi cupere: tamen ei, nisi permissu Dei, nocere nullo modo potest. Hac ratione adductus <sup>Gen. 45</sup> Ioseph, fratrum impia consilia, sic <sup>2. Reg. 16</sup> Dauid iniurias sibi a Semei illatas æquo animo tulit. Ad hanc iterum illud argumenti genus ualde pertinet, quod sanctus Chrysostomus grauiters, atque erudite pertractauit, neminem scilicet, nisi a se ipso, lædendam qui se iniuriose tractatos esse opinantur, si recte secum uia reputent, comperient profecto, nullam se ab alijs iniuriā, aut damnum accepisse. et si enim, quibus ipsi læduntur, ea extrinsecus eueniunt, tamen se maxime ipsi offendunt, cum ani-

mum

mū odio, cupiditate, inuidia nefarie contamināt. Alterum est, quod duo præcipua commoda complectitur, quæ ad illos pertinent, qui pio erga Deum studio adducti, iniurias libenter remittunt. quo

*Matth. 18*

rum primum illud est, quod aliena debita remittentibus promissit Deus fore, ut ipsi etiam peccatorū ueniam impetrent. ex quo promisso, quam gratum illi sit hoc pietatis officium, facile apparet. Alterum commodum est, quod nobilitatem quandā, & perfectionem assequimur: quoniam, condonandis iniurijs, quodam modo Dei similes efficiamur,

*Matth. 5*

qui solem suum oriri facit super bonos, & malos, & pluit super iustos, & iniustos. Postremo, explicanda sunt incommoda illa, in quæ nos tum incidimus, cum iniurias, quæ nobis illatæ sunt, condonare nolumus. Itaque Parochus illis, qui sibi in animū inducere non possunt, ut inimicis ignoscant, ob oculos ponat, odium, non solum peccatū graue esse, sed etiam diuturnitate peccandi grauius inhærere. cum enim is, in cuius animo hic affectus insederit, inimici sui sanguinem sitiāt; illius ulciscendi spe plenus, dies, noctesque in perenni quadā mala mentis agitatione ita uersatur, ut numquam a cædis, aut nefariæ alicuius rei cogitatione cessare uideatur. quo fit, ut is uel numquam, uel maximo negotio ad id impellatur, ut aut prorsus ignoscat, aut aliqua saltem ex parte iniurias remittat. quare merito uulneri comparatur, cui telum infixum hæret. Multa præterea incommoda & peccata sunt, quæ hoc uno odij peccato, quasi uinculo quodam, iuncta tenentur. ideoque. D. Ioannes in

*1. Ioan. 2*

hanc sententiam ita dixit: Qui fratrem suum odit.

in te-



in tenebris est, & in tenebris ambulat, & nescit quo eat: quia tenebræ obcecauerunt oculos eius: itaque sæpius labatur, necesse est. Etenim quo pacto fieri potest, ut dicta aliquis, aut facta illius probet; quem oderit? hinc temeraria & iniqua iudicia existunt, iræ, inuidiæ, obtrectiones, & alia eiusmodi; quibus illi quoque implicari solent, qui aut cognatione, aut amicitia iuncti sunt: itaque sæpe fit, ut ex uno peccato multa existant. Neque iniuria dicitur, hoc peccatum esse Diaboli: quando quidem ipse ab initio homicida fuit. Quæ obrem Dei filius dominus noster Iesus Christus, cū *Ioan. 8* sibi mortem Pharisei afferre cuperent, illos a patre Diabolo genitos esse dixit. Sed præter hæc, quæ dicta sunt, unde sceleris huius detestandi rationes peti possunt, alia quoque remedia, & ea profecto maxime opportuna, sanctarum litterarū monumentis tradita sunt. Ac primum omnium remedium, & maximum est, Saluatoris nostri exemplū, quod ad imitandum nobis proponere debemus. Is enim, cum ne minima quidem peccati suspitio in eū cadere posset, uirgis cesus, spinis coronatus, & cruci denique affixus, eam habuit orationem plenissimam pietatis; *Luc. 23* Pater dimitte illis: non enim sciunt quid faciunt. Cuius asperisionem sanguinis, testatur Apostolus, melius loquentem, quam Abel. Alterum *Hebr. 12* autem remedium ab Ecclesiastico propositum est, ut mortem atque illum Iudicii diem recordemur. Memorare, inquit ille, nouissima tua, & in æternum non peccabis. quæ sententia eodem spectat, ac si dicat: Illud sæpe etiam atque etiam cogita, breui fore, ut mortem obeas: proinde, quia tali tempo- *Eccle. 7*

EE      re tibi

re tibi optatissimum erit, & maxime necessarium, summam Dei misericordiam impetrare, eam tibi ob oculos iam nunc, perpetuoque proponas, necesse est. ita enim fiet, ut immunis illa ulciscendi cupiditas tibi exhauriatur, cum ad misericordiam Dei implorandam nullum aptius, maiusue remedium inuenias, quam obliuionē iniuriarū, & amorē in eos, qui te, aut tuos re, aut oratione uiolarint.

### NON MOECHABERIS.

Quoniam uiri, & uxoris uinculum arctissimū est, & nihil utrique iucundius accidere potest, quam intelligere se mutuo quodam & singulari amore diligi; contra, nihil molestius, quam sentire a se debitum & legitimum amorem alio transferri; recte quidem, atque ordine illam, quæ hominis uitam a cæde tuetur, legem hæc, quæ de Mœchia, siue adulterio est, consequitur, ut sanctam illam & honorabilem matrimonij coniunctionē, unde magna charitatis uis existere solet, nemo ullo adulterij scelere uiolare, aut dirimere audeat. Sed tamen in hac ipsa re explicanda cautus admodum sit Parochus, & prudens, & tectis uerbis rem commemoret, quæ moderationem potius desiderat, quam orationis copiam. uerendum est enim, ne, dum is late, atque copiose nimis explicare studet, quibus modis homines ab huius legis præscripto discedant, in illarum rerum sermonem forte incidat, unde excitandæ libidinis potius materia, quam restinguendæ illius ratio, emanare solet. Sed quoniam hoc præcepto multa continentur, quæ prætermittenda non sunt, ea suo loco explicabuntur a Parochis. Eius igitur

tur duplex uis est, altera, qua disertis uerbis adulterium uetatur; altera, quæ eam sententiam inclusam habet, ut animi, corporisque castitatem colamus. Ut autem ab eo, quod prohibitum est, docendi initium sumatur; Adulterium est legitimi tori iniuria, siue alienus, siue proprius ille sit. eteniam si maritus cum muliere soluta rem habet, suum ipse torum uiolat; si uero solutus uir alienam cognoscat uxorem, adulterij labe totus alienus inquinatur. Hoc uero adulterij interdicto omnia prohiberi, D. Ambrosius & Augustinus auctores sunt, quæcumque inhonesta sunt, & impudica. In hanc sententiã hæc uerba accipienda esse, ex sacris litteris tum ueteris, tum noui testamenti licet colligere. nam præter adulterium, alia libidinis genera apud Mosen puniuntur. Est Iudæ in Genesi iudicium in nulum suam. Est præclara illa in Deuteronomio Moysis lex, ne de filiabus Israel ulla esset meretrix. Extat præterea Tobiae ad filium eiusmodi adhortatio: Attende tibi filij mi ab omni fornicatione. Ecclesiasticus item, Erubescite, inquit, a respectu mulieris fornicariæ. In euangelio etiam Christus dominus inquit, de corde exire adulteria, & fornicationes, quæ coinquinant hominem. Apostolus uero Paulus hoc uicium sæpe multis grauisimisque uerbis detestatur: Hæc est, ait, uoluntas Dei sanctificatio uestra, ut abstinatis uos a fornicatione. & Fugite fornicationem. & Ne commisceamini fornicarijs. Fornicatio autem, inquit, & omnis immunditia, aut auaritia, nec nominetur in uobis. & Neque fornicarij, neque adulteri, neque molles, neque masculorum

D. Ambr.

D. August.

Gen. 38

Deuter. 23

Tob. 4.

Eccle. 41

Matth. 15

1. Theß. 4

1. Cor. 5

1. Cor. 6

Ad Eph. 5

1. Cor. 6

EE 2 concubi-

concubitores regnum Dei possidebunt. Præcipue uero ob eam rem adulterium diserte uetitum est, quia præter turpitudinem, quæ illi cum alijs intemperantiæ generibus communis est, iniustitiæ quoque peccatum non solum in proximum, sed etiam in ciuilem societatem adiunctum habet. Est illud item certum, qui se a ceterarum libidinum intemperantia non abstinet, eum ad hanc, quæ adulterij est, incontinentiam facile labi. Quare hoc adulterij interdicto facile intelligimus, omne impuritatis & impudicitiae genus, quo polluitur corpus, prohiberi: immo uero omnem intimam animi libidinem hoc præcepto uetitam esse, tum ipsius legis uis significat, quã spiritualementem esse constat, tum Christus dominus docuit illis uerbis: Audistis, quia dictum est antiquis, Non mœchaberis: Ego autem dico uobis, quia omnis, qui uiderit mulierem ad cōcupiscendū eam, iam mœchatus est eam in corde suo. Hæc sunt, quæ fidelibus publice tradenda duximus; si tamen ea addantur, quæ a sancta Trid. Syn. dentina Synodo in adulteros, & eos, qui scorta, & pellices alūt, decreta sunt, prætermisiss multis alijs ac uarijs impudicitie, & libidinis generibus, de quibus priuatim unusquisque a Parocho admonendus erit, ut temporis, & personarum ratio postulabit.

*Castitas u-  
niuiq; pro  
diuersitate  
status neces-  
sario seruan-  
da.*

Sequitur nunc, ut ea explicentur, quæ iubendi uim habent. Docendi igitur sunt fideles, ac uehementer hortandi, ut pudicitiam, & continentiam omni studio colant, mudentq. se ab omni inquinamento carnis & spiritus, perficientes sanctificationem in timore Dei. In primis autem admonēdi sunt, quamuis castitatis uirtus in eorum hominum

gene-



genere magis eluceat, qui pulcherrimum illud, ac plane diuinum uirginitatis propositum sancte & religiose colunt, tamen ijs etiam conuenire, qui uel cælibe uitam agunt, uel matrimonio iuncti, a uetita libidine puros se & integros seruant. Quoniam uero multa a sanctis Patribus tradita sunt, quibus docemur domitas habere libidines, & coercere uoluptates, ea Parochus studeat populo accurate exponere, atque in hac tractatione diligentissime uersetur. Hæc autem eiusmodi sunt, partim quæ in cogitatione consistunt, partim quæ in actione. Quod in cogitatione remedium positum est, id in eo maxime uersatur, ut intelligamus, quanta sit huius peccati turpitudine, & perniciēs; qua cognita, facilius fiet eius detestandi ratio. perniciosum uero scelus esse, intelligi ex eo potest; quoniam propter hoc peccatum e Dei regno pelluntur, atque exterminantur homines, quod malorum omnium ultimum est. Et hæc quidem calamitas omnium scelerum communis est; illud autem huius peccati proprium, quod qui fornicantur, in sua ipsi corpora peccare dicuntur, ex sententia Apostoli scribentis; Fugite fornicationem: omne enim peccatum, *1. Cor. 6* quodcunque fecerit homo, extra corpus est. qui autem fornicatur, in corpus suum peccat: Quod ob eam causam dictum est, quoniā illud iniuriose tractat, cum eius uiolat sanctitatem. qua de re ad Thes- *1. Thes. 4* salonicenses ita D. Paulus: Hec est, inquit, uoluntas Dei, sanctificatio uestra, ut abstineatis uos a fornicatione, ut sciat unusquisque uestrum uas suum possidere in sanctificatione & honore, nō in passione desiderij, sicut & gentes quæ ignorant Deum.

EE

;

Deinde,

- Deinde, id quod scelestius est, si homo Christianus meretrici turpiter se dedat, membra, quæ Christi sunt, ea meretricis facit: ita enim D. Paulus ait;
- 1. Cor. 6** Nescitis, quoniam corpora uestra, membra sunt Christi? tollens ergo membra Christi, faciam membra meretricis? absit. an nescitis quoniam
- 1. Cor. 6** qui adharet meretrici, unum corpus efficitur? Est præterea homo Christianus, ut idem testatur, templum spiritus sancti, quod uiolare nihil aliud est, nisi ab eo spiritum sanctum eijcere. In adulterij autem scelere magna inest iniquitas. si enim, ut uult
- 1. Cor. 7** Apostolus, qui matrimonio iuncti sunt, ita eorum alter alterius potestati mancipatus est, ut neuter sui corporis potestatem, iusque habeat, sed mutuo quodam sint inter se quasi seruitutis uinculo ita deuincti, ut uir ad uxoris uoluntatem, contraq. uxor ad uiri nutum, uoluntatemq. se accommodare debeat: certe si alteruter corpus suum, quod est alieni iuris, ab eo, cui illud adstrictum est, disiungit, is admodum iniquus est, & nefarius. Et quoniã infamiae metus & ad ea, quæ iussa sunt, uehementer incitat homines, & a uetitis magnopere deterret; docebit Parochus, adulteriũ hominibus insignem turpitudinis notam inurere. nam sacris litteris ita proditum est. Qui adulter est, propter cordis inopiã perdet animam suam: turpitudinem, & ignominiam congregat sibi, & opprobrium illius non delebitur. Verum huius sceleris magnitudo ex supplicij seueritate facile perspicui potest. adulteri enim, lege a Domino in ueteri testamento præscripta obruebantur lapidibus. quin etiam, ob unius libidinem, non solum qui scelus admisit, sed uniuersa interdum ciuitas, ut de
- Sichi-

Sichimitis legimus, deleta est. Multa diuinæ ani- Gen. 34  
 maduersionis exempla in sacris litteris prodita  
 sunt, quæ ad deterrendos a nefaria libidine homi-  
 nes Parochus colligere poterit, ut Sodomæ, & reli-  
 quarum finitimarum urbium interitus; Gen. 19  
 Israelita-  
 rum, qui fornicati sunt cum filiabus Moab in de-  
 serto, supplicium; Beniamitarum deletio. Qui  
 uero mortem effugiunt, intolerabiles tamen dolo-  
 res, ac pœnarum cruciatus, quibus sæpe plectun- Num. 25  
 tur, non effugiunt, nam mente cæci, quæ pœna gra- Iud. 20  
 uissima est, ita fiunt, ut neque Dei, neque famæ, ne-  
 que dignitatis, neque filiorum denique, uitæque  
 suæ rationem habeant: hocq; pacto adeo nequâ, &  
 inutiles fiunt, ut nihil graue committi eis debeat,  
 & ad nullum fere officij munus idonei sint. Huius 2. Reg. 11  
 rei exempla a Dauide, & Salomone petere nobis  
 licet: quorum alter postquam adulteratus est, re-  
 pente sui dissimillimus, ex mitissimo crudelis ex-  
 titit, ut Vriam optime de se meritum morti ob-  
 tulerit; alter cum se totum in mulierum libidine 3. Reg. 11  
 profudisset, ita a uera Dei religione sese auertit, ut Ose. 4  
 alienos deos sequeretur. Aufert igitur, ut Oseas di-  
 xit, hoc peccatum cor hominis, sæpeq; obcæcat.

Nunc ad ea remedia ueniamus, quæ in actione Ne uideatur  
 consistunt. quorū primū illud est, ut otiū maxime castitas, quā  
 fugiamus, in quo Sodomitæ homines, ut est apud ea cura ad-  
 Ezechielē, cū hebescerent, in spurcissimū illud nefa- hibenda.  
 rię libidinis scelus præcípites lapsi sunt. Deinde cra-  
 pula magnopere est uitanda. Saturauī eos, inquit Hier. 5  
 Propheta, & mœchati sunt: quoniam uenter exple-  
 tus, ac saturatus, libidinem parit. Hoc ipsum il-  
 lis uerbis Dominus significauit; Attendite uobis, Luc. 21

ne forte grauentur corda uestra in crapula, & ebrietate. hoc item Apostolus; Nolite, inquit, inebriari uino, in quo est luxuria. Sed maxime animus ad libidinem oculis inflamari solet. quo pertinet illa Christi domini sententia; Si oculus tuus scandalizat te, erue eum, & proijce abs te. Multę præterea sunt prophetarum de eadem re uoces, ut est apud Iob: Pepigi fœdus cum oculis meis, ut ne cogitarem quidem de uirginē. Sunt multa denique, ac pene innumerabilia exempla malorum, quę ex oculorum aspectu ortum habuerunt. sic Dauid, sic rex Sichem peccauit: hocque item pacto senes illi Susannę calumniatores deliquerunt. Elegantior item ornatus, quo oculorum sensus ualde excitatur, occasionem libidini non paruam sæpe præbet: ideoque Ecclesiasticus monet: Auerte faciem tuam a muliere compta. Cum igitur mulieres in nimio ornatus studio uersentur, non alienum erit, si Parochus aliquam in eo diligentiam adhibeat, ut eas interdum moneat, obiurgetque uerbis, quę hoc de genere grauissima Apostolus Petrus ita protulit: Mulierum non sit extrinsecus capillatura, aut circundatio auri, aut indumenti uestimentorum cultus. D. Paulus item, Non in tortis, inquit, crinibus, aut auro, aut margaritis, uel ueste pretiosa. multę enim, auro, & margaritis adornatę, ornamenta mentis, & corporis perdiderunt. Hoc autem libidinis incitamentum, quod e uestium exquisito ornatu existere solet, alterum sequitur, quod est turpis obsceniq. sermonis. nam uerborū obscenitate, quasi face quadam subiecta, adolescentum accenduntur animi. **Corrumpunt**



punt enim mores bonos colloquia mala, inquit  
 Apostolus: hocque ipsum cum maxime efficiant deli- *1. Cor. 15*  
 catiores, & molliores cantus, ac saltationes, ab ijs  
 quoque diligenter cauendum est. quo in genere nume-  
 rantur item libri obscene & amatorie scripti: qui  
 ita uitandi sunt, ut imagines, quæ aliquam turpitu-  
 dinis speciem præferunt: cum ad turpes rerum il-  
 lecebras, inflammandosq. adolescentum animos  
 uis in illis sit maxima. Sed Parochus in primis cu-  
 ret, ut, quæ de ijs a sacrosancto Tridentino Cōcilio *Conc. Trid.*  
 pie, religioseque cōstituta sunt, ea sanctissime serue-  
 tur. Hæc uero omnia, quæ cōmemorata iam sunt,  
 si magno adhibito studio, curaq. uitentur, omnis fe-  
 re libidinis materia tollitur. sed ad illius uim oppri-  
 mendam maxime ualent frequens Confessionis, &  
 Eucharistiæ usus: tum assiduæ, ac piæ quidem ad  
 Deum preces, cum eleemosynis atque ieiunio con-  
 iunctæ. Est enim castitas donum Dei, quod recte *1. Cor. 10*  
 petentibus non denegat, nec patitur nos tentari su-  
 pra id, quod possumus. Corpus autem non ieiunijs  
 modo, & ijs præsertim, quæ sancta Ecclesia insti-  
 tuit, sed uigilijs etiam, pijs peregrinationibus, atq.  
 alijs afflictationū generibus exercendum est, sen-  
 suumque appetitiones reprimendæ: in his enim,  
 atque alijs eiusmodi rebus maxime cernitur tempe-  
 ratæ uirtus: in quâ sententiâ ad Corinthios ita D.  
 Paulus scribit: Omnis, qui in agone contendit, ab *1. Cor. 9*  
 omnibus se abstinet: & illi quidē ut corruptibilem  
 coronā accipiāt, nos aut incorruptā. Et Paulo post,  
 Castigo, inquit, corpus meū, & in seruitutē redigo:  
 ne forte, cum alijs prædicauerim, ipse reprob⁹ efficiar.  
 Et alio loco: Carnis curā ne feceritis in desiderijs. *Rom. 13*

NON

## N O N F V R T V M F A C I E S .

Rom. 13

Veterem hunc Ecclesiæ morem fuisse, ut huius præcepti uis, & ratio inculcaretur auditoribus, indicat illa apud Apostolum obiurgatio eorum, qui ceteros ab ijs uitijs maxime deterrent, quibus ipsi cumulati reperiabantur: Qui enim, inquit, aliud doces, te ipsum non doces? qui prædicas non furandum, furaris? Quo doctrinæ bono non solum frequens illorum temporum peccatum corrigebat, sed etiam turbas, ac lites sedabant, aliasque malorum causas, quæ furto commoueri solent. In ijs & delictis, & delictorum incommodis, atque calamitatibus cum nostra etiam hæc ætas misere uersetur, ad exemplum sanctorum Patrum, & Christianæ disciplinæ magistrorum, Parochi hunc urgebunt locum, & assidue, ac diligenter huius præcepti uim, ac sententiam explicabunt. Ac primum officium, & diligentiam suam coferent ad declarandum Dei infinitum amorem erga genus humanum: qui non modo illis duobus interdictis, Non occides, Non inuocaberis, quasi præsidij, & uitam, corpusque nostrum, & famam, existimationemque tueatur; sed etiam hoc præcepto, Non furtum facies, tamquam custodia quadam externas res, ac facultates muniat, atque defendat. quam enim hæc uerba subiectam habent notionem, nisi eam, quam supra diximus, cum de alijs præceptis loqueremur? uerare uidelicet Deum, bona hæc nostra, quæ in eius tutela sint, a quoquam auferri, aut uiolari. quod diuinæ legis beneficium quo maius est, eo nos in ipsius beneficii auctorem Deum gratiores esse oportet.

tet . Et quoniam & habendę, & referendę gra-  
 tię, nobis optima ratio proposita est, ut non tantũ  
 pręcepta libenter auribus accipiamus, sed etiam re-  
 ipsa probemus; ad hoc colendum pręcepti officiũ  
 fideles excitandi, & inflammandi sunt . Est autem  
 hoc pręceptum, quemadmodum superiora, diui-  
 sum in duas partes: quarum altera, quę furtum  
 uetat, aperte est annunciata; alterius sententia, &  
 uis, qua iubemur benigni, & liberales esse in pro-  
 ximos, in priore occulta est, & inuoluta: de priore  
 igitur prius dicetur, Non furtum facies. In quo  
 illud animaduertendũ est, furti nomine non id mo-  
 do intelligi; cũ occulte ab inuito domino aliquid  
 aufertur, sed etiam, cum aliquid alienum contra  
 uoluntatę scientis domini possidetur, nisi forte exi-  
 stimandum est, cum, qui furtum prohibeat, rapi-  
 nas factas per uim, & iniuriã non improbare: cũ  
 extret illud Apostoli; Rapaces regnum Dei nõ possi-  
 debunt, quorum omnem rationem, & consuetudi-  
 nem, fugiendã esse, idem scribit Apostolus. Quam-  
 quam uero maius peccatum rapinę sint, quam fur-  
 tum; quę, pręter rem, quam alicui adimunt, prę-  
 terea uim afferunt, & maiorem imponunt ignomi-  
 niam: mirandum tamen non est, quod leuiori hoc  
 furti nomine notatum sit diuinę legis pręceptum,  
 non rapinę. id enim summa ratione factũ est: quia  
 furtum latius patet, & ad plura pertinet, quam  
 rapinę; quas tantummodo illi facere possunt, qui  
 potentia, & uiribus prestant: . quamquam nemo  
 non uidet, exclusis eiusdem generis leuioribus pec-  
 catis, grauiora etiã facinora prohiberi . Varijs au-  
 tem nominibus notatur iniusta possessio, & usus re-  
 rum

1. Cor. 6

1. Cor. 9

rum alienarum, ex uarietate eorum, quæ & inuitis, & inscijs dominis auferuntur. nam si priuatim quid priuato adimitur, furtum dicitur; si surripitur publico, peculatus appellatur. plagiatum uocant, si homo liber, uel seruus alienus in seruitutē abducitur. si uero sacra res eripitur, nominatur sacrilegiū: quod facinus maxime nefarium ac sceleratum adeo in mores inductum est, ut bona, quæ necessario & sacrorum cultui, & ecclesiæ ministris, & pauperum usui, pie, ac sapienter fuerant attributa, in priuatas cupiditates perniciosasque libidines conuertantur. Sed, præter ipsum furtum, idest externam actionem, furandi etiam animus, & uoluntas, Dei lege prohibetur: est enim spiritualis lex, quæ animum, fontem cogitationum & consiliorū, inspicit. De corde enim, inquit Dominus apud S. Matthæum, exeunt cogitationes malæ, homicidia, adulteria, fornicationes, furta, falsa testimonia. Sed quam graue scelus furtum sit, ipsa naturæ uis, & ratio satis ostendit: est enim iustitiæ contrarium, quæ suum cuique tribuit. Nam bonorum distributiones, & assignationes, iam inde ab initio iure gentium cōstitutæ, diuinis etiam & humanis legibus confirmatæ, ratas esse oportet; ut unusquisque, nisi humanam societatem tollere uelimus, ea teneat, quæ ei iure obtigerunt. nam, ut Apostolus ait, Neque fures, neque auari, neque ebriosi, neque maledici, neque rapaces regnum Dei possidebunt. Et si huius sceleris importunitatem, & immanitatem permulta declarant, quæ furtum consequuntur. Fiunt enim iudicia temere, & inconsulto, multa de multis: erumpunt odia:

Matth. 15

1. Cor. 6



odia : suscipiuntur inimicitiae : existunt interdum acerbissimae innocentium hominum damnationes .

Quid dicemus de ea necessitate, quae diuinitus imposita est omnibus, satisfaciendi ei; cui aliquid adscriptum sit? Non enim, inquit Augustinus, remittitur peccatum, nisi restituatur ablatum : quae restitutio, cum quis asseuerit ex alienis locupletari, quam tam habeat difficultatem, praeter id, quod unusquisque & ex aliorum consuetudine, & de suo sensu iudicare potest, ex testimonio Habacuc prophetae licet intelligere . ait enim : Vae ei, qui multiplicat non sua uiquequo, & aggrauat contra se densum lutum . Lutum appellat densum, rerum alienarum possessionem, unde emergere, & expedire se homines difficile possint . Furtorum autem tam multa sunt genera, ut ea dinumerare sit difficillimum . quare de his duobus, furto, & rapinis, dixisse satis erit, ad quae tamquam ad caput reliqua, quae dicemus, referuntur . Ad ea igitur detestanda, & ad fidelem populum a scelesto facinore deterrendum, conferent omnem curam, ac diligentiam Parochi.

Verum huius generis partes persequamur . Sunt igitur fures etiam, qui furto sublatas res emunt, uel aliquo modo inuentas, occupatas, aut ademptas retinent . ait enim S. Augustinus : Si inuenisti, & non reddidisti, rapuisti . Quod si rerum dominus nulla ratione inueniri potest, illa sunt bona in usus pauperum conferenda : quae ut restituat, qui adduci non potest, ea re facile probat se undique ablaturum omnia, si possit . Eodem se alligant scelere, qui in emendis, uendendisq. rebus fraudes adhibent, & uanitate orationis horum fraudes uindicabit Dominus .

Grauior-

D. August.

Habac. 2

De uariis  
furtorum  
generibus.

S. August.

Grauiiores, & iniquiores in hoc furtorum genere sunt ij, qui fallaces, & corruptas merces uendunt pro ueris, & integris; quiue pondere, mensura, numero, ac regula decipiunt emptores: est enim in **Deuter. 25** Deuteronomio: Nō habebis in facculo diuersa pō-  
**Leuit. 19** dera. & in Leuitico: Nolite facere iniquum aliquid in iudicio, in regula, in pondere, in mensura: statera iusta, & æqua sint pondera: iustus modius, æquusque sextarius. Est & alio loco; Abominatio **Prover. 20** est apud Dominum pondus, & pondus, statera dolosa non est bona. Furtum etiam apertum est operariorum, & artificum, qui totam & integram mercedem exigunt ab ijs, quibus ipsi iustam, ac debitam operam non dederunt. Nec uero distinguuntur a furibus serui dominorum, rerumq. custodes infidi; quin etiam eo sunt detestabiliore, quā reliqui fures, qui clauibus excluduntur, quod furaci seruo nihil domi obsignatū, aut occlusum esse potest. Furtum præterea facere uidentur, qui fictis, simulatisque uerbis, quiue fallaci mēdicitate pecuniam extorquent: quorum eo grauius est peccatum, quod furtum mendacio cumulant. Illi quoque in furum numero reponendi sunt, qui cum ad priuatum aliquod, uel publicum officium cōducti sunt, nullam uel paruā operam nauantes munus negligunt, mercede tantum, ac pretio fruuntur. Reliquā furtorum multitudinem, a solerti auaritia, quę omnes pecunię uias nouit, excogitatam, persequi lōgum est, & ut diximus, difficillimum. itaq. de rapinis, quod est alterum horum scelerum caput, dicēdum uiderur, si prius monuerit Parochus Christianū populum, **I. Tim. 6** ut meminerit illius Apostoli sententię: Qui uolunt diui.

diuites fieri, incidunt in tentationem, & laqueum diaboli. Nec ullo sibi loco patiatur excidere præceptum hoc: *Quæcumque uultis ut faciant uobis homines, & uos facite illis. Et illud cogitet perpetuo: Tob. 4* Quod ab alio oderis fieri tibi, uide ne tu aliquando alteri facias. Rapinæ igitur patent latius. nam *Luc 6* qui debitam operarijs mercedem non persoluunt, sunt rapaces: quos S. Iacobus ad pænitentiam inuitat illis uerbis; Agite nunc diuites: plorate ululantes in miserijs uestris, quæ aduenient uobis. cuius pænitiæ causam subiungit: Ecce enim merces operariorum, qui messuerunt regiones uestras, quæ fraudata est a uobis, clamat: & clamor eorum in aures domini sabahot introiuit. quod genus rapinarum in *Leuitico*, in *Deuteronomio*, *Leuit. 19* apud *Malachiam*, & apud *Tobiam* uehementer *Deuter. 24* improbatur. In hoc crimine rapacitatis includuntur, qui, quæ *Ecclesiæ* præsidibus, & magistratibus debentur, uectigalia, tributa, decimas, & reliqua huius generis non dissoluunt, uel interuertunt, & ad se transferunt. Huc etiam referuntur feneratores in rapinis accerrimi, & acerbissimi, qui miseram plebem compilant, ac trucidant usuris. Est autem usura, quidquid præter sortem, & caput illud, quod datum est, accipitur, siue pecunia sit, siue quiduis aliud, quod emi, aut æstimari possit pecunia. sic enim apud *Ezechielem* scriptum est: Usuram, & superabundantiam non acciperis. & Dominus apud *Lucam*, Mutuum date, *Luc. 6* nihil inde sperantes. Grauiissimum semper fuit hoc facinus, etiam apud gentes, & maxime odiosum. hinc illud, Quid fenerari? Quid hominem, inquit, occi-

occidere? Nam qui fenerantur, bis idem uendunt, aut id uendunt, quod non est. Item rapinas faciunt nummarij iudices, qui uenalia habent iudicia, & pretio muneribusque deliniti, optimas tenuiorum & egentium causas euertunt. Fraudatores creditorum, & inficiatores, quiq. sumpto temporis spatio ad soluendum, sua, uel aliena fide merces emunt, neque fidē liberant, damnabuntur eodem crimine rapinarum: quorum etiam delictum grauius est, quod mercatores, illorū destitutionis, ac fraudationis occasione, magno detrimento ciuitatis uendunt omnia carius. in quos illa Dauidis sentētia uidetur conuenire; **Psalm. 36** Mutuabitur peccator, & non soluet. Quid de locupletibus dicemus ijs, qui ab illis, qui soluendo non sunt, quod cōmodarunt, exigunt acerbius, & pignora etiam ea auferunt contra Dei interdictum, quæ ad eorū corpus tuendum sunt necessaria? **Exod. 22** Deus enim inquit: Si pignus a proximo tuo acceperis uestimentum, ante solis occasum reddas ei: ipsum enim est solum, quo operitur indumentum carnis eius, nec habet aliud, in quo dormiat: si clamauerit ad me, exaudiam eum, quia misericors sum. Horum exactionis acerbicatem, iure rapacitatem, atque adeo rapinas appellabimus. Ex numero eorum, qui raptores dicuntur a sanctis Patribus, sunt, qui in frugum inopia comprimunt frumentum, faciuntque ut sua culpa carior, ac durior sit annona: quod etiam ualet in rebus omnibus ad uitum, & ad uitam necessarijs: ad quos illa Salomonis pertinet execratio: Qui abscondit frumenta, maledicetur in populis. Quos, suorum scelerum admonitos, Parochi liberius accusabunt, ac pro-

politas

**Prou. 11**



positas illis peccatis poenas explicabunt uberius. Hæc de ueritis : nunc ad iussa ueniamus : in quibus satisfactio, uel restitutio primum locum habet. peccatum enim non remittitur, nisi restituatur ~~ablatum~~. sed quoniam non is solum, qui furtum fecit, ei, cui furatus est, id debet restituere, sed omnes præterea, qui furti participes fuerunt, hac lege restitutionis tenentur; aperiendum est, qui sint illi, qui hanc satisfaciendi, uel restituendi necessitatem effugere nō possint. Sunt autem plura hominum genera : ac primum est eorum, qui furari imperant : qui non modo sunt ipsi furtorum socij, & auctores, sed etiā in illo furum genere deterrimi. Alterum genus par uoluntate primis, potestate dispar, in eodem tamen furum gradu ponendum, eorum, qui cum iubere non possint, suasores sunt, atque impulsores furtorum. Tertiū genus est eorum, qui cum furibus consentiunt. Quartum genus est eorum, qui participes furtorum, inde lucrū ipsi etiam faciunt : si lucrum dicendum est, quod, nisi resipuerint, eos addicit æternis cruciatibus : de quibus sic loquitur Dauid : Si uidebas furem, cur- Psal. 49 rebas cum eo. Quintum genus est furum ; qui cū furta possint prohibere, tātum abest, ut illis occurrant, & obsistant, ut eorum licentiam permittant, atque concedant. Sextum genus est eorum, qui cū, & furtum factum, & ubi factū sit, certo sciant, non indicant rem, sed eam se scire dissimulant. Postremum genus est, quod omnes complectitur furtorū adiutores, custodes, patronos, quique illis receptaculum præbent, ac domicilium ; qui omnes & satisfacere debent ijs, quibus aliquid detractū est, &

De operi-  
bus miseri-  
cordia per  
eleemosy-  
nas in pau-  
peres.  
Cyprianus  
Io. Chry-  
sost. Greg.  
Nazan.

ad illud necessarium officium uehementer cohortandi sunt. Ne huius quidem sceleris omnino sunt expertes, approbatores furtorum, & laudatores. Nec uero etiam ab eadem culpa sunt alieni filij familias, & uxores, qui pecunias a patribus, & uiris furripiunt. Iam uero huic præcepto illa subiecta sententia est, ut pauperum, & inopum misereamur, eorumq; difficultates, & angustias nostris facultatibus, & officijs subleuemus. quod argumentum quia sepiissime, & copiosissime tractandum est, petent ea Parochi ex uirorum sanctissimorum, Cypriani, Ioannis Chrysostomi, Gregorij Nazanzeni, & aliorum libris, qui de eleemosyna præclare scripserunt, quibus huic muneri satisfaciant. Sunt enim inflammandi fideles ad studium, & alacritatem opitulandi ijs, quibus aliena misericordia uiuendum est. Sunt uero etiã docendi, quantam habeat necessitatem eleemosyna, ut uidelicet re, & opera nostra in egentes simus liberales, uerissimo illo argumento, quod summo iudicii die detestaturus sit eos Deus, & sempiternis ignibus addicturus, qui eleemosynę officia prætermiserint, ac neglexerint, illos autem collaudatos in patriam celestem introducturus, qui benigne fecerint indigentibus. est utraq; Christi domini ore pronunciata sententia: *Matth. 9.* Venite benedicti patris mei, possidete paratum uobis regnum. &, Discedite a me maledicti in ignem eternum. Utentur præterea sacerdotes accommodatis illis ad persuadendum locis; Date, & dabitur uobis. Proferent Dei promissum, quo nihil uberius, nihil magnificentius ne cogitari quidem potest. *Luc. 6.* Nemo est, qui reliquerit &c. qui non accipiet cen-  
tico

*Matth. 10*

ries tantum nunc in tempore hoc, & in sæculo futuro uitam æternam. Adijcient illud, quod a Christo domino dictum est; Facite uobis amicos de mōna iniquitatis: ut, cum defecetis, recipiant uos in æterna tabernacula. Huius uero necessarij muneris partes exponent, ut qui largiri non possunt egentibus, quo uitam sustentent, saltem commodent pauperi, iuxta Christi domini præscriptum: Mutuum date, nihil inde sperantes. Atque huius rei felicitatem beatus Dauid expressit: lucundus homo, qui miseretur, & commodat. Est autem Christianæ pietatis, nisi sit aliunde facultas bene merendi de ijs, quibus ad uictum aliena misericordia opus est, uitandi etiam otij causa, labore, opera, ac manibus ea querere, quibus inopum indigentia leuare possint. ad id omnes suo exemplo hortatur in epistola ad Thessalonicenses Apostolus illis uerbis: Ipsi enim scitis, quemadmodum oporteat imitari nos. Item ad eosdem: Operam detis, ut quieti sitis, & ut uestrum negotium agatis, & operemini manibus uestris, sicut præcepimus uobis. Et ad Ephesios, Qui furabatur, iam non furetur: magis autem laboret operando manibus, quod bonum est, ut habeat unde tribuat necessitatem patienti. Est etiam frugalitati consulendum, parcendumque bonis alienis, ne ceteris graues, aut molesti simus. quæ temperantia sane quam elucet in omnibus apostolis, sed maxime eminet in D. Paulo; cuius illud est ad Thessalonicenses. Memores estis, fratres, laboris nostri, & fatigationis: nocte, & die operantes, ne quem uestrum grauaremus, prædicauimus in uobis euangelium Dei. Atque idem alio lo-

Luc. 16

Luc 6

Psal. 111

2. Thess. 3

1. Thes. 4

Ad Eph. 4

1. Thess. 2

**2. Thes. 3** ; co Apostolus; In labore, & fatigatione nocte, & die operantes, ne quem uestrum grauaremus. Sed ut ab uniuerso hoc genere nefariorum facinorum ab horreat fidelis populus, Parochis a prophetis petere & a reliquis diuinis libris sumere par erit detestationem furtorum, & rapinarum, & horribiles minas a Deo propositas eis, qui illa scelera cōmittunt. Clamat Amos propheta: Audite hoc, qui cōteritis pauperem, & deficere facitis egenos terræ, dicentes, quando transibit mensis, & uenundabimus merces, & sabbathum, & aperiemus frumentum, ut imminuamus mensuram, & augeamus siclum, & supponamus stateras dolosas? Sunt in eadem sententia multa apud Hieremiā, in Prouerbis, & apud Ecclesiasticū. Nec uero dubitandum est, quin hæc malorum semina, quibus malis opprimitur hæc ætas, magna ex parte in his inclusa sint causis. Verum ut assuescāt Christiani homines prosequi omni liberalitatis, ac benignitatis officio egētes, & mendicos, quod ad alterā huius præcepti partem pertinet, proferent Parochi maxima præmia, quæ beneficis, & largis, & in hac, & in altera uita daturū se Deus pollicetur. Sed quia non desunt, qui etiā se in furtis excusent, admonēdi sūt, fore: ut nullam eorum peccati excusationē accipiat Deus; immo uero futurū, ut illa purgatione nō modo nō leuetur peccatū, sed mirum in modū augeatur. Ecce, nobilium hominum non ferendę delicię, qui culpā extenuare sibi uidētur, si se affirmarint, nō cupiditate, aut auaritia ad detrahendū alteri sua descēdere, sed tuendæ causa amplitudinis familię, & maiorum suorum, quorum existimatio, ac dignitas rue

rel,



ret, nisi rerum alienarum accessione fulciretur. Quibus perniciosus error eripiendus est: simulque demonstrandum, unam esse rationem conseruandi, & amplificandi copias, & opes, maiorumque gloriam, si Dei uoluntati paruerint, si eius precepta seruarint, quibus contemptis, fundatae, & optime constitutae opes euertuntur; reges ex regio solio, & summo gradu honoris precipites exturbantur; in quorum locum infimi interdum homines, & qui summo in odio illis fuerunt, diuinitus uocantur. Incredibile est, quantopere his successeat Deus, cuius rei testis est Isaïas, apud quem sunt illa Dei *Isa. 1* uerba: Principes tui, infideles, socij furum: omnes diligunt munera, sequuntur retributiones. propter hoc ait dominus Deus exercituum fortis Israël; Eheu consolabor super hostibus meis, & uindictabor de inimicis meis, & conuertam manum meam ad te, & excoquam ad purum scoriam tuam. Non desunt, qui non iam illam afferant causam splendoris, & gloriae, sed uictus, & uitae commodiorem facultatem, & elegantiam. qui refellendi sunt, docendique. quam impia sit eorum & actio, & oratio, qui ullam commoditatem anteferant Dei uoluntati, & gloriae; quam, negligendo eius precepta, offendimus mirandum in modum. etsi quae potest esse in furto commoditas, quod summa incommoda consequantur? Super furem enim, inquit Ecclesiasticus, est confusio, & poenitentia. Sed fac *Eccle. 5* esse, ut cum illis non agatur incommode: dedecorat fur diuinum nomen: repugnat eius sanctissimae uoluntati: salutaria ipsius precepta continent. quo ex fonte omnis error, omnis improbitas, omnis fluit im-

pietas. Quid, quod audire licet interdū fures, qui  
 nihil se eo peccare contendunt, quod detrahāt ali-  
 quid locupletibus, & copiosis hominibus, qui ea de-  
 tractione nihil dāni faciant, ne sentiant quidē? mi-  
 sera sane, & pestifera defensio. Putat alius satisfa-  
 ctionem suā accipi debere, quod eam furandi con-  
 suetudinē cepit, ut non facile possit ab illa mente,  
 & actione desistere: qui nisi audierit Apostolum di-  
 centem; Qui furabatur, iam non furetur; uelit, no-  
 lit, etiam consuetudinem capiet eternorum suppli-  
 ciorum. Nonnulli sunt, qui excusant se, occasione  
 data, alteri aliquid ademisse. est enim illud tritum  
 sermone prouerbiū; Fures, qui non sint, fieri oc-  
 casione. qui hac ratione sunt de nefaria sententia  
 deducendi, resistendum esse prauis cupiditatibus.  
 Nam si continuo est re perficiendum id, quod libi-  
 do persuaserit; quis modus, quis finis erit scelerū,  
 ac flagitiorum? Turpissima igitur est illa defensio,  
 uel summæ potius intemperantiæ, & iniustitiæ cō-  
 fessio. Nā qui dicit, se non ideo peccare, quia nul-  
 lam habet peccandi occasionem; idem propemo-  
 dum fatetur, se semper, oblata occasione, peccatu-  
 rum. Sunt, qui furari se dicāt ulciscēdi causa, quod  
 ab alijs eadem iniuria sint affecti. quibus ita respō-  
 dendum est: primum nemini licere iniurias perse-  
 qui: deinde non posse quemquam rei suæ iudicem  
 esse: tum multo minus concedi, ut pœnas ab alijs  
 repetāt eorum, quæ alijs in eum peccauerunt. Po-  
 stremo, quidam furtum satis illa ratione defensum  
 rectumque arbitrantur, quod, cum sint ære alieno  
 oppressi, aliter eo liberari nō possint, nisi illud fur-  
 to dissoluant. quibus cum ita agendum est, nullum  
 esse

esse grauius æs alienum, & quo magis premarur humanum genus, quam debitum illud, cuius in diuina precatone quotidie meminimus; Dimitte nobis debita nostra; quare illud insanissimi hominis esse, plus uelle Deo debere, idest plus peccare, ut, quod debet hominibus, dissoluatur; multoq. prestare, conijci in carcerem, quam mandari supplicijs inferorum sempiternis: longe etiam esse grauius, Dei, quam hominum iudicio condemnari: porro autem supplices ipsos ad Dei opem, ac pietatē cōfugere debere, a quo, quid opus sit, possint impetrare. Sunt alia excusationum genera: quibus Parochi prudentes, ac sui officii diligentissimi, facile poterunt occurrere, ut aliquando habeant populū sectatorem bonorum operum.

Matth. 6

**NON LOQVERIS CONTRA PROXIMVM  
TVVM FALSVM TESTIMONIVM.**

Quantam non modo utilitatem, sed etiam necessitatem habeat assidua huius & præcepti explicatio, & officii admonitio, nos D. Iacobi monet auctoritas, illis verbis: Si quis in uerbo non offendit, hic perfectus est uir. & idem: Lingua modicum quidem membrum est, & magna exaltat; ecce quantus ignis quam magnam siluam incendit. & quæ sequuntur in eandem sententiam. Quibus duo monemur, primum latissime patere hoc linguæ uitium, quod etiam illa Prophetæ sententia confirmatur; Omnis homo mendax: ut prope modum sit vnum hoc peccatum, quod ad omnes homines pertinere videatur. Alterum, in-

Iacobi 3

Psal. 115

de proficisci mala innumerabilia, cum sæpe, maledici hominis culpa, facultates, fama, uita, animæ salus amittatur, uel eius, qui læditur, quod contumelias patienter ferre nō possit, sed eas impotenti animo persequatur; uel eius qui lædit, quod prauo pudore, & falsa cuiusdam existimationis opinione deterritus, adduci non possit, ut illi, qui offensus sit, satisfaciat. Quare hoc loco monendi fideles erunt, ut quantas possunt maximas Deo gratias agant de hoc salutari præcepto non dicendi falsi testimonij; quo non solum ipsi alijs iniuriam facere uetamur, sed etiam hac obedientia ab aliorum iniuria prohibemur. Verum hoc præcepto eadem ratione, & uia progrediendum est, qua in ceteris progressi sumus, ut uidelicet animaduertantur in eo duæ leges; altera prohibens, ne falsum dicatur testimonium; iubens altera, ut, simulatione, fallacijsque sublatis, dicta, & facta nostra simplici ueritate metiamur. Cuius officij Apostolus Ephesios illis uerbis admonuit: Veritatem facientes in charitate, crescamus in illo per omnia. Sed prior huius præcepti pars habet hanc rationem, ut, quamuis nomine falsi testimonij significetur quidquid in bonam, uel in malam partem de altero constanter dicatur, siue in iudicio, siue extra iudicium, tamen præcipue prohibeatur illud testimonium, quod in iudicio, falso dicitur a iurato. iurat enim per Deum testis; quod ita testificantis, & diuinum nomen interponentis oratio plurimum fidei habet, & pōderis. itaque, quia periculosum est hoc testimonium, idcirco præcipue prohibetur: iuratos enim testes,

nisi



nisi exceptionibus legitimis excludantur , aut eorum sit aperta improbitas , atque peruersitas , ne *Dent. 19*  
iudex quidem ipse potest reijcere , præsertim cum  
extet iussum diuinæ legis , ut in ore duorum , uel *Math. 18*  
 trium stet omne uerbum . Sed ut præceptum fideles plane intelligant , docendi erunt , quid significet hoc , PROXIMI , uocabulum , in quem falsum testimonium dicere minime licet . Est autem proximus ,  
ut ex Christi domini doctrina colligitur , quicumque *Lue. 10*  
 eget opera nostra , siue ille propinquus sit , siue alienus , siue ciuis , siue aduena , siue amicus , siue inimicus . nefas enim est existimare , contra hostes licere falsum aliquid dicere pro testimonio , quos iussu Dei , ac Domini nostri diligere oporteat . quin etiam , quia sibi quisque quadam ratione proximus est , ne mini fas est in se falsum testimonium dicere : quod qui committant , sibi ipsi notam inurentes ignominie , ac turpitudinis , & se ipsos , & Ecclesiam lædunt , cuius sunt membra : quo modo etiam , qui sibi mortem consciscunt , nocent ciuitati : ita enim est apud sanctum Augustinum ; Nec recte intelligentibus poterat uideri , non esse prohibitum , ut aduersus se ipsum quisquæ falsus testis assisteret , eo quod in præcepto additum fuit , Contra proximum tuum . Sed non ideo , si aduersus se ipsum quisque falsum testimonium dixerit , ab hoc crimine se putet alienum ; quando regulam diligendi proximi , a semetipso dilector accepit . Verum , quia prohibemur proximum lædere falso testimonio , nemo propterea contrarium permitti nobis arbitretur , ut peierando liceat conciliare ei , qui nobiscum natura , ac religione cõiunctus sit , aliquid utilitatis , aut commodi .

S. August.

modi. Nemini enim mendacio, & vanitate, multo minus periurio studendum est. Quare sanctus  
*S. August.* Augustinus de mendacio ad Crescentium docet ex  
 Apostoli sententia, mendacium in falsis testimoniis  
 numerandum esse, etiam si in cuiusquam falsa lau-  
*1 Cor. 15* de dicatur. Nam locum illum tractans, Inueni-  
 mur autem & falsi testes Dei, si testimonium dixi-  
 mus aduersus Deum, quod suscitauerit Christum,  
 quem non suscitauit, si mortui non resurgunt. Fal-  
 sum, inquit, testimonium uocat Apostolus, si quis  
 de Christo, & quod ad eius laudem uidetur perti-  
 nere, mentiatur, Sapissime vero etiam contingit,  
 ut, qui alteri fauet, obsit alteri: certe errandi causa  
 affertur iudici, qui interdum falsis testibus addu-  
 ctus, contra ius secundum iniuriam statuit, & iu-  
 dicare cogitur. Nonnumquam etiam fit, ut, qui  
 ob falsum alicuius testimoniū causam iudicio uice-  
 rit, idque impune tulerit, exultans iniqua victo-  
 ria, assuescat corrumpere, & adhibere falsos testes,  
 quorum opera sperat se posse ad id, quodcumque  
 concupierit, peruenire. Est vero id & ipsi testi gra-  
 uissimum, qui & ab eo, quem iureiurando subleua-  
 rit, & adiuuerit, falsus, & periurus agnoscitur: &  
 ipse, quod ei e sententia succedit scelus, quotidie  
 maiorem exercitationem, & consuetudinem capit  
 impietatis, & audaciæ. Ut igitur testium vanitas  
 mendacia, & periuria prohibentur; sic & accusa-  
 torum, & reorum, & patronorum, cognitorum, &  
 procuratorum, aduocatorum, & omnium deniq;  
 qui iudicia constituunt. Postremo uetat Deus om-  
 ne testimonium non modo in iudicio, sed etiā ex-  
 tra iudicium, quod alteri incommodum, aut detri-  
 mentum

mentum possit afferre. Est enim in Leuit. quo loco  
 hæc præcepta iterantur, his uerbis: Non facietis *Leuit 19*  
 furtum, non mentiemini, nec decipiet unusquisq;  
 proximum suum. ut nemini dubium esse possit,  
 quin a Deo omne mendacium hoc præcepto eie-  
 ctum condemnatur. quod apertissime testatur Da *Psalms. 5*  
 uid in hunc modum: Perdes omnes, qui loquun-  
 tur mendacium.

Prohibetur autem hoc præcepto non modo fal- *Detrahtio -*  
 sum testimonium, sed detestabilis etiam libido, & *nis vitium*  
 consuetudo detrahendi alteri; qua ex peste, incredi *quam dete-*  
 bile est, quam multa, & quam graua & incom- *stabile.*  
 moda, & mala nascantur. Hoc uitium maledice,  
 & cõtumeliose dicendi occulte in alterum, passim  
 improbât diuinæ litterę. Cum hoc, inquit Dauid, *Psal. 100*  
 non edebam. & S. Iacobus: Nolite detrahere al- *Iacobi 4*  
 terutrum, fratres mei. Nec uero præcepta solum  
 sacræ litteræ, sed etiam exempla suppeditant, qui-  
 bus sceleris magnitudo declaratur. nam & Aman,  
 confictis criminibus, adeo incēdit in Iudæos Assue *Esther 13*  
 run; ut is omnes eius gentis homines imperarit oc-  
 cidi. Referta est huiusmodi exemplis sacra histo-  
 ria: quorum commemoratione, sacerdotes operā  
 dabunt, ut fideles a rei improbitate deterreant. Ut  
 autem peccati huius vis, quo de altero detrahitur,  
 omnino perspiciatur; sciendum est, non tantum  
 adhibenda calumnia offendi hominum existima-  
 tionem, sed & augendis, amplificandisque crimi-  
 nibus: & si quid occultius ab aliquo commissū sit,  
 quod ubi rescitum fuerit, graue, aut turpe sit ad fa-  
 mam, eā rem qui, ubi, quando, quibus non necesse  
 sit, peruulgarit, is obrectator, & maledicus iure  
 dicitur.

dicitur . Verum totius obtreſtationis nulla capita-  
lior eſt, quam eorum qui catholicæ doctrine eiufq.  
prædicatoribus obtreſtant . In ſimili culpa ſunt,  
qui malarum doctrinarum, & errorum magiſtros  
extollunt laudibus. Nec uero ab horum hominum  
numero, & culpa ſeiunguntur, qui detrahentibus,  
& maledicentibus hominibus patefacientes aures,  
non reprehendunt obtreſtatores , ſed illis libenter  
aſſentiuntur . Detrahere enim, uel detrahentem au-

*S. Hieron.*

*Ben.*

dire , ſcribunt ſancti Hieronymus , & Bernar-  
dus, utrum damnabilius ſit, non facile conſtat. non  
enim eſſent , qui detraherent , ſi non aſſent, qui  
detrahentes audirent . In eodem genere ſunt, qui  
ſuis artificiis diſtrahunt homines, & inter ſe cõmit-  
tunt, magnopereq. ſerendis diſcordijs delectantur;  
ut ſũmas coniunctiones, ac ſocietates fictis ſermo-  
nibus dirimẽtes, amiciffimos uiros ad immortales  
inimicitias, & ad arma compellant. Hanc peſtem

*Leuit. 19*

ſic deteſtatur Dominus : Non eris criminator, ne-  
que ſuſurro in populo. Tales erãt multi ex cõſilia-  
rijs Saulis, qui eius uoluntatem a Dauide alienare,  
& in illum regem incitare conabantur . Peccant  
denique in hãc partem blandi homines, & aſſenta-  
tores, qui blanditijs, & ſimulatis laudibus influunt  
in aures , & in animos eorum , quorum gratiam ,  
pecuniam , & honores aucupantur , dicentes , ut  
eſt apud Prophetam , Malum bonum , & bonum  
malum . quos ut arceamus , & pellamus a conſue-  
tudine noſtra, monuit nos Dauid illa oratione: Cor-  
ripiet me iuſtus in miſericordia, & increpabit me;  
oleum autem peccatoris nõ impinguet caput me-  
um . Quamquã enim iſti proximo minime male-

*Iſa. 5*

*Pſal. 140*

dicunt,



dicunt, tamen ei maxime nocent, qui, uel laudandis eius peccatis, afferunt ipsi causam perseverandi in uitijs, quamdiu uixerit. Et quidem in hoc genere illa est assentatio deterior, quæ ad proximi calamitatem, & perniciem adhibetur. sic Saul, cum Dauidem furori, & ferro Philisthæorum obijcere cuperet, ut occideretur, ei blandiebatur illis uerbis. Ecce filia mea maior Merob: ipsam dabo tibi uxorem: tantummodo esto uir fortis, & præliare bella Domini. Sic Iudæi insidiosa oratione Christum dominum sunt affati: Magister, scimus, quia uerax es, & uiam Dei in ueritate doces. Longe autem perniciosior oratio est amicorum, affinium, & cognatorum, qua ad eos interdum utuntur assentatorie, qui mortifero morbo affecti, iam sint extremo spiritu; dū affirmant nullum esse tum ei a morte periculum, dum lætum, & hilarem esse iubent, eumque a peccatorum confessione, tamquam a tristissima cogitatione, deterrent; dum denique eius animum auertunt ab omni cura, & meditatione extremorum periculorum, in quibus maxime uersatur. Quare fugiendum est omne mendaciorum genus, sed illud in primis, quo graui damno quisquam affici possit. Plenissimum uero impietatis est mendacium, cum quis in religionem, uel de religione mentitur. Sed illis etiam maledictis, & probris grauius offenditur Deus, quæ committuntur libellis, quos famosos uocant, & alijs huius generis contumelijs. Præterea ioco, uel officij causa fallere mendacio, ut si nemo in illo uel damnum, uel lucrum fecerit, tamen omnino indignum est, ita enim nos Apostolus admonet: Deponentes mendacium, loqui-

1. Reg. 18

Matth. 23

Marc. 12

Ad Eph. 4

mini

mini ueritatem. Nam in eo est ad frequens, grauiusque mendacium magna procliuitas; & ex iocosis mendacijs capiunt homines mētiendi consuetudinem; unde ueniunt in opinionem, nō esse ueraces. quamobrem, ut fidem faciat eorum oratio, necesse habēt iurare perpetuo. Postremo, priore parte huius præcepti simulatio repudiatur: nec modo quæ simulate dicuntur, sed quæ ita fiunt, cum scelere coniuncta sunt. tam enim uerba, quam facta, notæ, ac signa quædam sunt eorum, quæ sunt in animo cuiusque, ob eamq. causam Dominus sepe pharisæos arguens, hypocritas appellat. Et hæc de priore præcepti lege, quæ ad uetandum spectat.

*De iustitia  
unicuiq. in  
uiolabiliter  
ministranda.*

*Rom. 14*

*Act. 7*

*Act. 16*

*Deuter. 1*

Nunc explicemus, quid in altera iubeat Dominus. Pertinet autem hæc præcepti uis, & ratio ad id, ut iuste, & ex legibus forensia iudicia exercentur, neue occupent homines, & usurpent iudicia. Non enim fas esse alienum seruum iudicare, scribit Apostolus: ne, re, & causa incognita, sententiam ferant. quo in uitio fuit sacerdotum, & scribarum consilium, qui de sancto Stephano iudicarunt. quod item peccatum fuit magistratus Philippensium, de quibus inquit Apostolus; Cæsos nos publice indemnatos, homines Romanos, miserunt in carcerem, & nunc occulte nos eijciunt. Ne condemnent innocentes, aut nocentes absoluant; ne pretio, aut gratia, ne odio, aut amore moueantur. Sic enim Moses seniores admonet, quos populi iudices constituerat: Quod iustum est, iudicate, siue ciuis sit ille, siue peregrinus: nulla erit distantia personarum: ita paruum audietis, ut magnum: nec accipietis cuiusquam personam, quia Dei iudi-

CIAUM

cium est. De reis autem, & fontibus; uult eos Deus uerum confiteri: cum ex iudicij formula interrogantur. est enim testimonium, ac prædicatio quædam, illa confessio laudis, & glorię Dei ex ipsius Iosue sententia, qui Achan ad ueri confessionem adhortatus inquit: Fili; mi da gloriã domino *Iosu. 7*  
Deo Israel. Sed quoniam hoc præceptum testes potissimum attingit, de his etiam a Parocho diligenter agendum erit. nam præcepti uis ea est, ut non solum prohibeat falsum testimonium, sed uerum etiam dici imperet. Est enim in humanis rebus maximus usus ueri testimonij, quod sunt innumerabiles res; quas a nobis ignorari necesse sit, nisi eas ex testium fide cognoscamus. Quare nihil tam necessarium est, quam testimoniorum ueritas in ijs rebus, quas nec ipsi scimus, neque tamen licet ignorare. De quo extat illa sancti Augustini sententiã: *S. August.*  
Qui ueritatem occultat, & qui prodit mendacium, uterque reus est; ille, quia prodesse non uult; hic, quia nocere desiderat. Licet uero interdum uerum tacere, sed extra iudicium. nam in iudicio, ubi testis legitime interrogatur a iudice, uera omnino patefacienda sunt. Quo loco cauendum tamen est testibus, ne sue memorię nimium confisi, quod exploratum non habent, id pro certo affirmant. Reliqui sunt patroni causarum, & aduocati, actores deinceps, & petitores. Illi igitur opera, ac patrocinio suo non deerunt necessarijs hominum temporibus, & egentibus benigne subuenient: tum iniustas causas defendendas non suscipient, neque calumnia lites protrahent, nec alent auaritia. Quod ad mercedem  
attinet

attinet laboris, & operæ suæ, illa iure, & æquo merentur. Petitores vero, & accusatores monendi sunt, ne cuiquam, amore, aut odio aut cupiditate aliqua adducti, periculū iniquis criminationibus creent. Iussum hoc denique diuinitus descriptum est pijs omnibus, ut in congressibus, & colloquijs uere semper, & ex animo loquantur; nihil dicant quod alterius existimationi possit officere, ne de illis quidem, a quibus laedi se, & exagitari intelligūt, cum illud propositum habere debeant, sibi cum illis eam necessitudinem, & societatem intercedere, ut membra sint eiusdem corporis. Ut autem libentius hoc mendacij uitium caueāt fideles, proponet eis Parochus summam huius sceleris miseriam, ac turpitudinem. Nam in sacris litteris, mendacij pater dæmon dicitur. quod enim dæmon in ueritate non stetit, mendax est, & mendacij parens. Adiungit ad eijciendum tantum flagitium ea mala, quæ mendacium consequuntur: & quoniam sunt innumerabilia, fontes, & capita incommodorum, & calamitatum monstrabit; ac primum, in quantum cadat Dei offensionem, quantumue eius odiū incurrat homo uanus, & mendax, Salomonis auctoritate declarabit eo loco; Sex sunt, quæ odit Dominus, & septimum detestatur anima eius, oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currendum in malum, proferentem mendacia, testem fallacem: & quæ sequuntur. Quis igitur ei præstet incolumitatem, qui in insigni odio sit apud Deum, quo minus grauissimis afficiatur supplicijs? Deinde quid impu-

**Item. 2**

**Preter. 6**



impurius, aut foedius, ut sanctus inquit Iacobus, *Iacobi 3*  
quam in eadem lingua, qua benedicimus Deum,  
& Patrem, maledicere homines, qui ad imagi-  
nem, & similitudinem Dei facti sunt, ita ut fons  
de eodem foramine emanet dulcem, & amaram  
aquam? Quæ enim lingua prius laudem, & glo-  
riam Deo tribuebat, postea, quantum in ea est,  
eum ignominia afficit, ac dedecore, mentiendo.  
quare fit, ut a cælestis beatitudinis possessione men-  
daces excludantur. Cum enim in hunc modum que-  
reret a Deo David; Domine quis habitabit in ta- *Psal. 14*  
bernaculo tuo? respondit spiritus sanctus; Qui lo-  
quitur ueritatem in corde suo, qui non egit dolum  
in lingua sua. Maximum uero etiam illud in men-  
dacio incommodum est, quod fere est insanabilis is  
animi morbus. Cum enim peccatum, quod, infe-  
rendo falso crimine, aut proximi fame, & existima-  
tioni obtrectando, commissum sit, non remittatur,  
nisi calumniator ei, quem criminatus fuerit, satisfaciat  
iniuriarum; id autem difficile fiat ab hominibus,  
primo, ut antea monuimus, pudore, & inani qua-  
dam dignitatis opinione deterritis: qui in eo pecca-  
to sit, hunc addictum esse æternis inferorū pœnis,  
dubitare nō possumus. neque enim quisquam spe-  
ret, se calumniarum, uel obtrectationis ueniam  
consequi posse, nisi prius ei satisfaciat, de cuius di-  
gnitate, & fama aut publice in iudicio, aut etiam  
in priuatis, & familiaribus congressibus aliquid  
detraxerit. Præterea, latissime patet hoc detrimen-  
tum, & in ceteros diffunditur; qua uanitate, & mē-  
dacio fides, ac ueritas tolluntur, arētissima uincula  
societatis humanæ: quibus sublati; sequitur sum-

ma uitæ confusio, ut homines nihil a dæmonibus differre uideantur. Docebit porro, uitandam esse loquacitatem, Parochus: cuius uitatione & reliqua peccata fugiuntur, & est magna cautio mendacij: a quo uitio loquaces sibi haud facile tēperare possunt. Postremo ijs illum errorem eripiet Parochus, qui se in uanitate orationis excusant, & mendacium, prudētium exemplo defendunt: quorum esse aiunt, mentiri in tempore. Dicet id, quod uerissimum est, prudentiam carnis, mortem esse. Hortabitur auditores, ut in difficultatibus, & angustijs Deo cōfidant, neque ad artificium mētendi confugiant. nam illi qui utuntur perfugio, facile declarant, se sua magis niti prudentia, quam in Dei prouidentia spem ponere. Qui causam sui mendacij cōferunt in eos, a quibus sunt mendacio decepti, ij docendi sunt, non licere hominibus se ipsos ulcisci, neq. malum malo cōpensandum esse, sed potius uincendū in bono malum: quod si etiā fas esset, hanc referre gratiam; nemini tamen utile, se suo ulcisci detrimento: esse autem id grauissimum detrimentum, quod mendacio dicendo facimus. Ijs, qui afferunt humanæ naturæ imbecillitatem, & fragilitatem, tradendū erit hoc officij præceptum, ut diuinum auxilium implorent, nec infirmitati humanitatis obtemperent. Qui consuetudinem opponunt, admonendi sunt; si mentiri assueuerunt, ut dent operam, ut contrariā consuetudinem capiant uere loquendi, præsertim cum qui usu, & consuetudine peccant, grauius delinquant, quam ceteri. Et quoniam non desunt, qui se regant excusatione ceterorum hominum, quos pas-

sim

Rom. 8

Rom. 12

sim mentiri, & peierare contendunt, hac ratione illi ab ea opinione deducendi sunt, non esse imitandos malos, sed reprehendendos: & corrigendos; cum autem ipsi mētīmur, minus auctoritatis in reprehensione, & correctione alterius nostram habere orationem. Alios se ita defendentes, quod uera dicendo, saepe incommodo sint affecti, sic refellent sacerdotes, esse illam accusationem, non defensionem: cum sit officiū Christiani hominis, quamuis potius facere iacturam, quam mētiri. Restant duo genera eorum, qui se in mendacio excusent; alteri, qui dicant, se ioci causa mentiri; alteri, se idem facere utilitatis gratia, quippe qui bene nec emerent, nec uenderent, nisi mendacium adhiberent, utrosque a suo errore Parochi auertere debebunt. Ac superiores quidē illos a uitio abducent, & docendo quantū eo in genere peccandi consuetudinē augeat usus mētīendi: & illud inculcando, omnis otiosi uerbi reddendam esse rationem: proximos autem hos *Matth. 12* acerbius etiam obiurgabunt; quorū in excusatione grauior insit illorum ipsorum accusatio, qui præferant, se minime illis Dei uerbis fidem & auctoritatem tribuere, *Matth. 5* Querite primum regnum Dei, & iustitiam eius; & hæc omnia adjicientur uobis.

NON CONCVPISCES DOMVM PROXIMI TVI: NEC DESIDERABIS VXOREM EIVS, NON SERVVM, NON ANCILLAM, NON BOVEM, NON ASINVM, NEC OMNIA, QVÆ ILLIVS SVNT.

In his duobus præceptis, quæ postremo loco tradita sunt, illud in primis sciendum est, rationem

ferre constitui, qua cetera præcepta seruentur. Nam quod his uerbis præscriptum est, eo spectat, ut, si quis studet superiora legis iussa seruare, hoc maxime faciat, ne concupiscat: quoniam qui nō concupiscet, suis contentus, aliena non appetet, aliorum commodis gaudebit, Deo immortali gloriam tribuet, gratias eidem maximas aget, sabbathum colet, idest quiete perpetua fruetur, maioresque uenerabitur: neminem denique neq. re, neque uerbis, neque ullo alio modo lædet. Nam stirps, ac semen malorū omnium est praua concupiscentia; qua qui incensi sunt, præcipites feruntur in omne flagitiorum, & scelerum genus. His animaduersis, & Parochus in ijs, quæ sequuntur, tradendis diligentior, & fideles ad audiendum erunt attentiores. Sed quamquam hæc duo præcepta cōiunxerimus, propterea quod, cum non dissimile sit eorum argumentum, eandem docendi uiam habent: Parochus tamen & cohortando, & monendo poterit communiter, uel separatim, ut commodius ei uidebitur, ea tractare: si autem Decalogi interpretandi munus suseperit, demonstrabit, quæ sit horum duorum præceptorum dissimilitudo, quidue una concupiscentia ab altera differat: quā differentiam libro quæstionum in Exodum D. Augustinus declarat. Nam ex ijs altera solum spectat, quid utile sit, quid fructuosum: alteri propositæ sunt libidines, & uoluptates. Si quis igitur fundum, aut domum cōcupiscit, is lucrum potius, & quod utile est, confectatur, quam uoluptatem: si uero alienam uxorem appetit, non utilitatis, sed uoluptatis cupiditate ardet. Verum horum præceptorum

S. August.



ptorum duplex fuit necessitas, altera, ut sexti, septimique præcepti sententia explicaretur. nam etsi quodam naturæ lumine intellectum est, alienæ uxoris potiundæ cupiditatem prohiberi, uetito adulterio; nam si concupiscere liceret, fas item esset potiri: tamen plerique ex Iudæis, peccato obcecati, in eam opinionem adduci non poterant, ut crederent id a Deo prohibitum esse: immo uero, lata, & cognita hac Dei lege: multi, qui se legis esse interpretes profitebantur, in eo errore uersati sunt: id quod animaduertere licet ex illo Domini sermone apud sanctum Matthæum; Audistis, quia dictum est antiquis; Non mœchaberis: ego autem dico uobis: & quæ sequuntur. Altera est horum præceptorum necessitas, quod aliqua distincte, explicateque uentur, quæ sexto, & septimo explicate non prohibebantur. nam, exempli causa, septimum præceptum prohibuit, ne quis iniuste concupiscat aliena, aut eripere conetur: hoc autem uetat ne ullo modo quis concupiscat, etsi iure, legeque assequi id possit, ex cuius adeptione proximo damnū importari uideat. Sed illud in primis, ante quam ad præcepti explicationem ueniamus, fideles docendi erunt, nos hac lege non ad id solum institui, ut cupiditates nostras cohibeamus; sed etiam Dei erga nos pietatē, quæ immensa est, cognoscamus. nā cum superioribus legis præceptis nos quibusdam quasi præsidij munisset, ne quis nos ipsos, aut nostra uiolaret; hoc adiuncto præcepto, illud maxime prouidere uoluit, ne appetitionibus nostris nos ipsi lederemus: quod facile futurum fuit, si omnia cupere, atque optare liberum nobis, atque integrum esset. hac igitur nō

Matth. 5

GG 3 concu-

concupiscendi lege præscripta, illud a Deo prouisum est, ut cupiditatum aculei, quibus ad perniciofa quæque incitari solemus, huius legis ui quodammodo excussi, nos minus urgeant; maiusque propterea temporis spatium nos molesta illa cupiditatum sollicitudine liberati, ad ea præstanda pietatis, & religionis officia habeamus, quæ ipsi Deo multa, maximaque debemus. Neque id solum hæc lex nos docet, uerum etiam illud ostendit, legem Dei eiusmodi esse, quæ non externis solum munerum functionibus, sed etiam intimo animi sensu seruanda sit: hocque inter diuinas, & humanas leges interest, quod hæc rebus tantum externis contentæ sunt; illæ uero, quoniam animum Deus intuetur, ipsius animi puram, sinceramque castitatem, atque integritatem requirunt. Est igitur diuina lex, quasi speculum quoddam, in quo naturæ nostræ uitia intuemur. quamobrem dixit Apostolus: Concupiscentiam nesciebam, nisi lex diceret; Non concupisces. Cum enim concupiscentia, idest peccati fomes, qui ex peccato originem habuit, perpetuo nobis infixus inhæreat; ex hoc agnoscimus, in peccato nos nasci: quapropter supplices ad eum confugimus, qui solus potest peccati sordes eluere. Habent autem hæc singula præcepta illud cum ceteris commune, ut partim aliquid uetent, partim iubeant. Quod ad prohibendi uim attinet; ne quis forte arbitretur, concupiscentiam illam, quæ uitio caret, aliquo modo uitium esse, ut concupiscere spiritum aduersus carnem, uel expetere iustificationes Dei in omni tempore, id quod David summopere cupiebat; Parochus doceat, quæ

Rom. 7

Ad Gal. 5  
Psal. 118

quæ concupiscentia illa sit, quam huius legis præscripto fugere oporteat. Quare sciendum est, concupiscentiam esse commotionem quandam ac vim animi, qua impulsî homines, quas non habent, res iucundas appetunt. & quemadmodum reliqui animi nostri motus non perpetuo mali sūt: ita hæc concupiscendi vis non semper in uitio est ponenda. neque enim propterea malum est, si cibum, aut si potum appetimus: aut cum frigemus, si calefcere; aut contra, cum calemus, si frigesce-  
re cupimus. Et quidem recta hæc concupiscendi vis, Deo auctore, nobis a natura insita est: sed primorum parentum nostrorum peccato factum est, ut illa naturæ fines transiliens, usque adeo deprauata sit, ut ad ea concupiscenda sæpe incitetur, quæ spiritui, ac rationi repugnant. Quin etiam hæc vis, si moderata est, suisque finibus continetur, sæpe etiam non mediocres utilitates præbet: nam illud primum efficit, ut assiduus precibus Deum oremus, supplicesque ab eo petamus, quæ maxime cupimus. oratio enim cupiditatis nostræ interpretis est. quod si recta hæc concupiscendi vis abesset, non tam multæ preces essent in Ecclesia Dei. efficit præterea, ut cariora sint nobis Dei munera. quo enim uehementiori alicuius rei cupiditate flagramus, eo carior illa nobis res est, atque iucundior, cum eam adepti sumus: tum uero delectatio ipsa, quam ex re concupita sentimus, facit, ut maiore pietate gratias Deo agamus. itaque, si concupiscere aliquando licet, fateamur necesse est, non omnem concupiscendi uim prohibitam esse. & quamquam D. Paulus concupiscentiam pecca- Rom. 7

*Exod. 20*

tum esse dixit; id in eam tamen sententiã accipien-  
dum est, in quam Moyſes locutus est, cuius ille te-  
ſtimonium affert id, quod ipſius Apoſtoli oratio  
declarat. nam illam carnis concupiſcentiam uocat

*Ad Gal. 5*

in epiſtola ad Galatas: Spiritu, inquit, ambulare,  
& deſideria carnis non perficietis. Naturalis igitur  
illa cupiditatis uis, & moderata, quæ fines ſuos  
non egreditur, non uetatur, multoque minus ſpi-  
ritalis illa rectæ mentis cupiditas, quæ ad eorum  
appetitionem incitatur, quæ carni repugnant. ad

*Sap. 6**Eccle. 24*

hæc ipſam enim ſacræ litteræ nos adhortatur: Cõ-  
cupiſcite ſermones meos. &: Tranſite ad me om-  
nes, qui concupiſcitis me. Itaque hoc interdicto  
non ipſa concupiſcendi uis, quæ tum ad bonum, tum  
ad malũ uti licet, ſed uſus prauæ cupiditatis, quæ  
carnis concupiſcentia, & peccati fomes uocatur,  
ac, ſi animi aſſenſionem adiunctam habeat, ſemp  
in uitijs numeranda eſt, omnino prohibetur. Ergo  
ea tantũ concupiſcendi libido uetita eſt, quam car-

*Ad Gal. 5*

nis concupiſcentiam uocat Apoſtolus, illi ſcilicet  
concupiſcendi motus, qui nullum rationis modum  
habent, neque finibus a Deo conſtitutis continen-  
tur. Hæc cupiditas damnata eſt, uel quia malum  
appetit, ueluti adulteria, ebrietates, homicidia, &  
alia eiufmodi nefaria ſcelera, de quibus ita Apo-

*1. Cor. 10*

ſtolus. Non ſumus, inquit, concupiſcentes malo-  
rum, quemadmodũ & illi concupierunt; uel quia,  
eſi res natura ſua malæ non ſunt, cauſa tamen ali-  
unde extat, quare illas concupiſcere nefas ſit. quo  
in genere ſunt ea, quæ ne poſſideamus, Deus, aut  
Eccleſia prohibet: non enim ea nobis appetere li-  
cet, quæ poſſidere omnino nefas ſit: qualia olim

in



in ueteri lege fuerunt, aurum, & argentum, ex quibus idola conflata erant, quæ, Dominus in Deuteronomio uetuit, ne quis concupisceret. Ob eam præterea causam hæc cupiditas uitiosa prohibetur, quoniam, quæ appetuntur, aliena sunt, ut domus, feruus, ancilla, ager, uxor, bos, asinus, & alia multa; quæ cum aliena sint, ea concupiscere uetat diuina lex. rerumque eiusmodi cupiditas nefaria est, & in peccatis grauisissimis numeratur, cum illis concupiscendis animi præbetur assensus, nam tum peccatum natura existit, cum post malarum cupiditatum impulsus animus rebus prauis delectatur, atque his uel assentitur, uel non repugnat; id quod D. Iacobus, cum peccati originem, & progressionem ostendit, illis uerbis docet: Vnusquisque tentatur a concupiscentia sua abstractus, & illectus: deinde concupiscentia cum conceperit, parit peccatum: peccatum uero, cum cõsummatum fuerit, generat mortem. Cum igitur lege ita caueatur; Non concupisces; hæc uerba ad eum sensum referuntur, ut nostras cupiditates a rebus alienis cohibeamus. alienarum enim rerum cupiditatis sitis immensa est, atque infinita, neque umquam satiatur, ut scriptum est, Auarus non implebitur pecunia: de quo ita est apud Isaiam: Væ, qui coniungitis domum ad domum, & agrum agro copulatis. Sed ex singularum uocũ explicatione facilius intelligitur huius peccati sceditas, & magnitudo. Quare Parochus docebit, Domus uocabulo non locum modo, quem incolimus, sed uniuersam hereditatẽ significari, ut ex diuinorum scriptorum usu, consuetudineque cognoscitur. In Exodo scriptum est; **Obste-**

Dent. 7

Iacob. 1

Eccle. 9

Isa. 5

Exod. 1

Obstetricibus a Domino domus esse ædificatas. sententia eo spectat, ut illarum facultates ab eo auctas esse, atque amplificatas interpretemur. Ex hac igitur interpretatione animaduertimus, hac præcepti lege uetitum nobis esse, ne diuitias auide expetamus, neque alienis opibus, potentiæ, nobilitati inuideamus, sed statu nostro, qualisqualis ille sit, siue humilis, siue excelsus, contenti simus. Alienæ deinde gloriæ appetitionē uetitam esse, intelligere debemus. nam hoc item ad domum pertinet. Quod uero sequitur, Non bouem, non asinum; id ostendit, non solum, quæ magna sunt, ut domus, nobilitas, & gloria, ea cum aliena sint, concupiscere nobis non licere, sed etiam parua, qualia illa sint, siue animata, siue inanimata. Sequitur deinceps, Neque seruum. quod intelligendū est tam de captiuis, quam de reliquo genere seruorum; quos, ut cetera alterius bona, concupiscere non debemus. liberos uero homines, qui uoluntate seruiunt, uel mercede conducti, uel amore, obseruantiaque impulsī, nullo modo neque uerbis, neque spe, neque pollicitationibus, neque præmiis quis corrumpere aut sollicitare debet, ut eos deserant, quibus se ipsi sponte addixerunt: immo uero, si ante id tempus quo se illorum famulatu fore promiserant, ab illis recesserint, huius præcepti auctoritate admonendi sunt, ut ad eos ipsos omnino reuertantur. Quod autem in præcepto mentio fit proximi, id eo pertinet, ut hominum uitiū demonstretur, qui uicinos agros, aut proximas domos, aut alienam rem eiusmodi, quæ secum continens sit, appetere solent. Vicinitas enim, quæ in parte amicitiae ponitur ab amore

amore ad odium, cupiditatis uitio, traducitur. Hoc uero præceptum ij minime uiolant, qui res, quas proximi uenales habent, emere de illis cupiunt, aut iusto pretio emunt. ij enim non modo proximum non ledunt, sed ualde addiuant, cum ei pecunia maiori commodo, usuique futura sit, quam res ille, quas ipse uenditat. Hanc de re aliena non concupiscenda legem altera sequitur, quæ prohibet, ne alienam concupiscamus uxorem. qua lege concupiscendi libido non ea quidem tantum prohibita censeatur, qua adulter alterius uxorem appetit, sed etiam, qua affectus aliquis alterius uxorem in matrimonium ducere concupiscit. eo enim tempore, cum repudij permittebatur libellus, illud facile euenire poterat, ut quæ ab uno repudiata esset, eam alter uxorem acciperet. at hoc Dominus uetuit, ne aut mariti ad uxores relinquendas sollicitarentur; aut uxores maritis difficiles se, ac morosas ita præberent, ut eam ob causam quædam quasi necessitas uiris imponeretur illas repudiandi. nunc uero grauius est peccatum, cum mulierem, etiam si a uiro repudiata sit, alteri in matrimonium ducere non liceat, nisi marito mortuo. itaque qui alterius uxorem concupiscet, facile ex una in aliam incidet cupiditatem: aut enim illius uirum mori, aut adulterium admittere cupiet. atque hoc idem de iis mulieribus dicitur, quæ alteri desponsatæ sunt. neque enim has item concupiscere licet, cum ij, qui hæc pacta rescindere student, uiolent sanctissimum fidei foedus. & quemadmodum, quæ alteri nupta est, eam concupiscere omnino nefas est: sic, quæ ad Dei cultum, religionemque est consecrata, nullo pacto  
licet

licet illam uxore appetere. Si uero quis mulierem, quę nupta est, cum eam innuptam esse opinetur, uxorem sibi dari concupiscit, neque, si in matrimonio alij collocatam intelligeret, eam nuptam sibi dari cuperet, id quod Pharaoni, & Abimelech contigisse legimus, qui Saram in matrimonio habere concupierunt, cum eam minime nuptam, Abrahęque sororem, non uxorem, arbitrarentur; ille certe, qui eo animo est, eiusmodi precepti legem uiolare non uidetur.

*Gen. 12. 20*

*Remedia ad  
uersus noxi-  
as concupi-  
scentias.*

Sed ut Parochus remedia patefaciat, quę ad tollendum hoc cupiditatis uitium accommodata sũt, explicare alteram precepti rationem debet; quę in eo consistit, ut, si diuitię affluent, cor non apponamus, easque pietatis, & diuinarum rerum studio abijcere parati simus, & in subleuandas pauperum miseras libenter pecuniã erogemus: si desint facultates, egestatem equo, & hilari animo feramus. & quidem si rebus nostris dandis liberalitate utemur, rerum alienarũ cupiditates restringemus. De paupertatis autem laudibus, diuitiarumque desipientia, in sacris litteris, & apud sanctos Patres facile erit Parocho multa colligere, & fidei populo tradere. Hac item lege precipitur, ut ardenti studio, summaque cupiditate optemus id potissimum effici, nõ quod nos concupiscimus, sed quod Deus uult, quemadmodũ Domini oratione exponitur. Voluntas autẽ Dei in eo maxime est, ut nos singulari quodam modo sancti efficiamur, animũque nostrũ sincerum, atq. ab omni labe purũ, integrumque conseruemus, & exerceamus nos in ijs mentis ac spiritus officijs, quę corporis repugnant sensibus;

*Matth. 6*



sensibus, horumque edomitibus appetitionibus, ratione, ac spiritu duce, rectum uitę cursum teneamus; quiue præterea sensus materiam cupiditatibus nostris, libidinique præbent, eorū uim maxime reprimamus. Sed ad hunc cupiditatum ardorē restinguendum, plurimum etiam hoc potest, si, quę incōmoda ex illis accidūt, ea nobis ob oculos proponamus. Primum uero illud incommodum est, quod, quoniā eiusmodi cupiditatibus paremus, in anima nostra regnat sūma peccati uis, ac potestas. quamobrem monuit Apostolus; Non regnet peccatum in uestro mortali corpore, ut obediatis cōcupiscentijs eius. Nam quemadmodum, si cupiditatibus resistimus, peccati uires concident: ita, si ijsdem succumbimus, Dominū a regno suo expellimus, & in eius locum peccatum introducimus. Alterum præterea incommodum est, quod ab hac concupiscendi ui, ueluti fonte quodam, omnia peccata manant, ut D. Iacobus docet. D. item Ioannes, Omne, inquit, quod est in mundo, cōcupiscentia carnis est, & concupiscentia oculorum, & superbia uitę. Tertium incommodum in eo est, quoniam rectum animi iudiciū his cupiditatibus obscuratur. homines enim his cupiditatum tenebris obcecati, honesta, & præclara putant omnia, quęcumq. ipsi concupiscunt. Opprimitur præterea cōcupiscendi ui uerbū Dei, quod in animis nostris a magno illo agricola Deo insitū est: sic enim apud D. Marcum scriptum est: Alij sunt, qui in spinis seminantur: hi sunt, qui uerbum audiunt, & erumne seculi, & deceptio diuitiarum, & circa reliqua concupiscentię introeuntes, suffocant uerbum, & sine fructu

Rom. 6

Iacob. 1

1. Ioan. 2

Marc. 4

fructu efficitur. Iam uero, qui præ ceteris hoc cupiditatis uitio laborant, quosque propterea Parochus ad colendum hoc præceptum diligentius cohortari debet, illi sunt, qui lusionibus non honestis delectantur, aut qui ludis immoderate abutuntur: mercatoresque item, qui rerum penuriam annonæque caritatē expetunt, atque id ægre ferunt, ut alij præter ipsos sint, qui uendant, aut emant, quo carius uendere, aut uilius emere ipsi possint: qua in re item peccant, qui alios egere cupiunt, ut aut uendendo, aut emendo ipsi lucrentur. Peccant etiam milites, qui bellum expetunt, ut furari ipsis liceat: medici item, qui morbos desiderant: iure consulti, qui causarum, litiumque uim, copiamque concupiscunt: tum artifices, qui questus auidi, omnium, quæ ad uictum, cultumque pertinent, penuriâ exoptant, ut inde plurimum lucrifaciant. In hoc præterea genere grauiter ij peccant, qui alienæ laudis, gloriæque auidi, atque appetentes sunt, non sine aliqua famæ alterius obrectatione, idque præsertim, si, qui illam appetunt, ignaui, nulliusque pretij homines sunt: fama enim & gloria, uirtutis, atque industriæ, non ignauiæ, aut inertiae, præmium est.

## D E O R A T I O N E.

In officio, & munere Pastoralis cum primis necessaria est ad salutem fidelis populi, præceptio Christianæ precationis, cuius uim, ac rationem multos necesse est ignorare, nisi pia, & fideli Pastoris diligentia tradita sit. Quamobrem præcipua Parochi cura uersari debet in eo, ut pij auditores intelligant, quid a Deo, & quo modo orandum sit. Omnes  
autem

autem necessarie precationis numeros continet divina illa formula, quam Christus dominus apostolis, & per illos, eorumq. successores, omnibus deinceps, qui Christianam religionē susciperent, notā esse uoluit. cuius uerba, atque sententias sic animo ac memoria cōprehendere oportet, ut in promptu habeamus. Vt autem in hac orandi ratione suppetat Parochis facultas instituēdi fideles auditores; quæ magis opportuna uisa sunt, hic proposuimus, sūpta ab ijs scriptoribus, quorū eo in genere doctrina, & copia maxime laudatur: nā reliqua. si opus fuerit, Pastores ex ijsdem fontibus haurire poterūt.

## DE NECESSITATE ORATIONIS.

Primum igitur docendum est, quam sit oratio necessaria; cuius præceptū non solum consilij causa traditum est, sed etiam necessarij ius si uim habet. quod a Christo domino declaratū est illis uerbis, Oportet semper orare. Hanc orandi necessitatem Luc. 18 ipsa, etiam illo dominicæ precationis quasi proœmio, ostendit Ecclesia: Præceptis salutaribus moniti, & diuina institutione formati, audemus dicere. Itaque cum esset necessaria precario Christianis hominibus, & illud a discipulis rogatus esset Dei filius; Domine doce nos orare; & præscripsit Luc. 11 eis orandi formam, & spem attulit impetrationis eorum, quæ postularent; & ipse documentum fuit precationis, qua non solum utebatur assidue, Luc. 6 sed etiam in ea pernoctabat. cuius deinde officij ijs, qui se ad Iesu Christi fidem cōtulissent, apostoli præcepta tradere non destituerunt. nam sancti & Petrus,

**1. Pet. 3. 4** Petrus, & Ioannes, de ea diligentissime pios admonent; & eius rationis memor Apostolus pluribus locis Christianos hortatur ad salutarem orandi necessitatem. Præterea, tam multis indigemus bonis, & commodis, ad animum, & corpus tuendum necessarijs, ut ad precationem confugere oporteat, tamquam ad unam omnium optimam, & indigentiae nostrae interpretem, & conciliatricem eorum, quibus egemus. Nam, cum nihil cuiquam debeat Deus; reliquum profecto est, ut, quæ nobis opus sunt, ab eo precibus expetamus: quas preces tamquam instrumentum necessarium nobis dedit ad id, quod optaremus, consequendum: præsertim cum quædam esse constet, quæ nisi eius adiumento non liceat impetrare. Habent enim sacrae preces præstantem illam uirtutem, qua maxime dæmones ei-

**Math. 17** ciuntur. Est enim quoddam dæmoniorum genus, quod non eiicitur nisi ieiunio, & oratione. Quare magnam sibi adimunt facultatem singularium donorum, qui hanc consuetudinem, exercitationemque non adhibent, pie ac diligenter orandi. petitione enim non solum honesta, sed etiam assidua opus est ad impetrandum, quod concupiscas. Nam,

**Luc. 19** ut inquit S. Hieronymus, scriptum est: Omni petenti datur. ergo si tibi non datur, ob id non datur, quia non petis: petite ergo, & accipietis.

## DE UTILITATE ORATIONIS.

Habet autem hæc necessitas iucundissimam utilitatem, quæ fructus ex se edit uberrimos: quorum copiam sument Pastores a sacris scriptoribus, cum opus erit illos impertiri fidei populo: nos ex ea copia



pia aliquot elegimus, quos huic tēpori accommo-  
 datos duximus. Primus autem fructus, quem in-  
 de capimus, est is, quod orantes Deo honorem ha-  
 bemus; si quidem est quoddam religionis argumē-  
 tum oratio, quæ in diuinis litteris thymiamati cō-  
 paratur: Dirigatur enim, inquit Propheta, ora- *Psal. 140*  
 tio mea, sicut incensum in conspectu tuo. Qua-  
 re nos hac ratione Deo subiectos esse profite-  
 mur; quem bonorum omnium auctorem agnoscimus,  
 & prædicamus, in quem solum spectamus, quod  
 unum incolumitatis, salutis que præsidium, atque  
 perfugium habemus. Huius fructus illis etiam uer *Psal. 49*  
 bis admonemur: Inuoca me in die tribulationis;  
 eruam te, & honorificabis me. Sequitur fructus  
 amplissimus: & iucundissimus orationis, cū a Deo  
 preces audiuntur: est enim, ex S. Augustini sen- *S. August.*  
 tentia, cæli clavis oratio. Nam ascendit, inquit,  
 precatio, & descendit Dei miseratio: licet alta sit  
 terra, altum cælum, audit tamen Deus hominis  
 linguam. Cuius orandi muneris tanta uis est, tanta  
 utilitas, ut ea re cælestium donorum amplitudinē  
 consequamur. Nam & impetramus nobis, ut du-  
 cem, & adiutorem adhibeat spiritum sanctum: &  
 fidei assequimur conseruationem, & incolumita-  
 tem, & uitationem pœnarum, & diuinum patro-  
 cinium in tentationibus, & ex Diabolo uictoriam.  
 omnino inest in precatione singularis gaudii cu-  
 mulus. quamobrem sic loquebatur Dominus: Pe-  
 tite, & accipietis, ut gaudium uestrum sit plenū. *Ioan. 16*  
 Nec uero, quin huic petitioni præsto sit, & occur-  
 rat Dei benignitas, ullus relictus est dubitandi lo-  
 cus. quod multa comprobant diuinæ scripturæ.

HH testi-

Isa. 58

Isa. 65

S. Aug. 15

Luc. 15

testimonia: quæ, quia sunt in promptu, illa modo apud Itaiã exempli causa attingemus: Tunc enim inquit inuocabis, & Dominus exaudiet: clamabis, & dicet, ecce adsum. & rursus: Eritque antequã clament, ego exaudiam: adhuc illis loquentibus ego audiã. Exempla autem eorum, qui Deum exorauerunt, quia propemodum sunt & infinita, & posita ante oculos, omittimus. At interdum fit, ut quæ petimus a Deo nõ impetremus. ita est: sed tum maxime prospicit utilitati nostrę Deus: uel quod alia nobis maiora, & ampliora bona impertitur: uel quod nec necessarium nobis est, nec utile, quod petimus: immo uero fortasse superuacaneũ id futurũ sit, si dederit, atq. pestiferum. Quædã enim, inquit sanctus Augustinus, negat propitius Deus, quæ concedit iratus. Nonnumquam etiam fit, ut adeo remisse, ac negligenter oremus, ut ne ipsi quidem, quod dicimus, attendamus. Cum autẽ sit oratio, mentis ascensus ad Deum: si in orando animus, qui ad Deum referri debet, peregrinatur, nulloque studio, nulla adhibita pietate, temere precationis uerba funduntur; quo modo inanẽ huius orationis sonitum, Christianam precationem esse dicemus? Quare minime mirum est, si Deus nostræ non obsequitur uoluntati: cum uel ipsi nolle id nos, quod petimus, pene probemus, nostrę negligentia & ignorance precationis: uel postulemus ea, quæ nobis sunt obfutura. Cõtra uero scienter, ac diligenter petentibus multo plus tribuitur, quam a Deo postulauerint. quod & Apostolus testatur in epistola ad Ephesios: & illa prodigi filij similitudine declaratur, qui preclare secũ actum esse

exi-

existimaturus fuit, si in loco mercenarij famuli eū habuisset pater. et si recte cogitantibus, non solum postulantes nobis cumulat gratiam suam Deus, nō modo munerum copia, sed etiam celeritate tribuendi. quod ostendunt diuinę litterę, cū illa utuntur loquendi formula: Desiderium pauperū exaudiuit Dominus. intimis enim, & tacitis egentium studijs, ne expectata quidē corū uoce, Deus occurrit. Accedit eo etiam ille fructus, quod orando animi uirtutes & exercemus, & augemus, maxime uero fidem. ut enim rite illi non orant, qui fidem Deo non habent: Quo modo enim, inquit, inuocabunt, in quem non crediderunt? sic fideles, quo studiosius orant, eo maiorem, ac certiore fidem habent diuinę curę, & prouidentię, quę potissimū id requirit a nobis, ut ad se de ijs, quę nobis opus sunt, referentes, omnia postulemus. Posset uero Deus non petentibus, ne cogitantibus quidem, abunde nobis omnia dilargiri, quo modo & animabus rationis expertibus cuncta suppeditat ad usus uitę necessarios; sed beneficentissimus parēs uult a filijs inuocari: uult nos quouidie rite petendo, petere fidentius: uult, impetratis ijs, quę postulamus, in dies magis testificari, ac prædicare suam in nos ipsos benignitatem. Amplificatur etiam charitas: nam illum auctorem agnoscentes omnium bonorum, utilitatumque nostrarum, quanta cum possumus maxima charitate amplectimur: & ut amantes, colloquio & congressu magis ad amorem incēduntur; sic pii homines, quo sepius Deo facientes preces, & eius implorantes benignitatem, quasi cum ipso colloquuntur, eo maiori in

Psal. 9

Rom. 10

singulas preces affectu lætitia, ad eum amandum & colendum incitantur ardentius. Propterea nos hac uti uult exercitatione preces, ut flagrantius petendi studio quod optamus, tantum ea assiduitate, & cupiditate proficiamus, ut digni simus, in quos illa conferantur beneficia, quæ antea ieiunus, & angustus animus noster capere non poterat. Vult præterea nos id, quod est, intelligere, ac præ nobis ferre, si gratiæ cælestis auxilio defermur, nostra opera nihil consequi posse, proptereaque toto animo ad orandum incumbere. Valent autem maxime hæc tamquam orationis arma contra naturæ nostræ hostes acerrimos: ait enim sanctus Hilarius: Aduersus Diabolum, armaque eius, orationumstrarum sonitu certandum est. Preclarum præterea illum orationis fructum assequimur, quod, cum procliuus sumus ad malum, & ad libidinis varios appetitus uitio infirmitatis ingenitæ, patitur, se nostris cogitationibus concipi; ut, dum illum oramus, & mereri eius contendimus munera, accipiamus innocentie uoluntatem, & ab omni labe, delictorum omnium amputatione, purgemus. Postremo ex sancti Hieronymi sententia, iræ diuinæ resistit oratio. Itaque sic ad Moysen locutus est Deus;

Exod. 32

Dimitte me: dum quidem pœnas eum ab illo populo petere uolentem, precibus impediret: nihil enim est, quod æque Deum leniat iratum, aut etiam paratum ad plagas sceleratis inferendas, æque retardet, & reuocet a furore, ac preces piorum hominum.

## DE PARTIBVS, ET GRADIBVS ORATIONIS.

Exposita necessitate, & utilitate Christianæ preces,  
cationis,



orationis, scire præterea oportet fidelem populum, quot, & quibus partibus ea constet oratio: id enim ad huius officii perfectionem pertinere testatur Apostolus; qui in epistola ad Timotheum cohortans ad pie, sancteque orandum, orationis partes diligenter enumerat: Obsecro, inquit, primum omnium fieri obsecrationes, orationes, postulationes, gratiarum actiones pro omnibus hominibus. Quod uero subtilis quædam est harum differentia partium, si eius explicationem auditoribus Parochi conducere existimabunt, consulent sanctos scriptores, præcipue S. Hilarium, & Augustinum. Sed quoniam duæ sunt præcipue partes orationis, postulatio, & gratiarum actio; a quibus, tamquàm a capite, manant reliquæ; minime eas prætermittendas duximus. Nam ad Deum accedimus, ut cultum ei, ac uenerationem adhibentes, uel ab eo aliquid impetremus, uel ipsi de beneficiis, quibus assidue ab eius benignitate ornatur, & augemur, gratias agamus. Vtramque hanc, maxime necessariam partem orationis, Deus ipse pronunciauit ore Dauidis, illis uerbis; Inuoca me in die tribulationis; eruat te, & honorificabis me. Quântum autem egeamus diuinæ liberalitatis, ac bonitatis, quis ignorat, modo summam hominum egestatē, & miseriam intueatur? Quam uero sit propensa Dei uoluntas in genus humanum, quam effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conijcimus, quocumque nos cogitatione conuertimus, nobis admirabilis lux diuinæ beneficentiæ, ac benignitatis oboritur. Quid enim habent

1. Tim. 2

1. Tim. 2

Psal. 49

homines, quod a Dei largitate profectum non sit? & si omnia sunt eius dona, ac munera bonitatis; quid est, quod non omnes pro uiribus beneficentissimum Deum laudibus celebrent, & gratiarum actione prosequantur? Sed utriusq. officij, & petendi aliquid a Deo, & ei gratias agendi, multi sunt gradus: quorū alius alio est altior, atq. perfectior. Ut igitur fidelis populus non solū oret, sed etiam optime fungatur illo munere orationis, proponunt ei Pastores summam perfectamq. orandi rationem, & ad eam quam diligentissime poterunt hortabuntur. Sed qui nā est optimus orandi modus, & summus precatationis gradus? nempe is, quo pii, & iusti homines utuntur, qui freti ueræ fidei stabili fundamento, quibusdam optimæ mentis orationisq. gradibus in illum locum perueniunt, ex quo infinitam Dei potentiā, immensam benignitatem, ac sapientiam contemplari possunt: ubi etiam in spem certissimā ueniunt, se & quidquid petierint in presentia, & illam inexplicabilium bonorū uim consecuturos esse, quæ pollicitus est Deus largiturū se ijs, qui diuinum auxilium pie, & ex animo implorant. His, quasi duabus alis, elata in cælum anima ardenti studio peruenit ad Deum: quem omni gratiarum & laudū honore prosequitur, quod summis ab eo beneficiis affecta sit; tum uero singulari adhibita pietate, ac ueneratione, quasi filius unicus carissimo parenti, quid sibi sit opus, non dubitanter exponit. Quem precandi modum, effundendi uoce, exprimunt diuinæ litteræ. inquit enim Propheta: Effundo in conspectu eius orationem meā, & tribulationem meā ante ipsum pronūcio. Quæ

uox

Psalm. 141

nox eam uim habet, ut nihil reticeat, nihil occul-  
 tet, sed effundat omnia is, qui ad orandum uenit,  
 fidenter confugiens in sinum amantissimi parentis  
 Dei: ad id enim nos doctrina cælestis hortatur il-  
 lis uerbis: Effundite coram illo corda uestra: & *Psal. 61*  
 læta super Dominum curam tuam. Hunc autem *Psal. 14*  
 precationis gradū significat sanctus Augustinus,  
 cum inquit in eo libro, qui inscriptus est Enchiri-  
 dion; Quod fides credit, spes & charitas orat. Alius  
 est eorum gradus, qui mortiferis peccatis oppressi,  
 fide tamen ea, quæ mortua dicitur, nituntur se se-  
 lerigere, & ad Deum ascendere, sed, propter inter-  
 mortuas uires, summamq. fidei imbecillitatem, se-  
 alius a terra tollere non possunt: uerum tamen sua  
 peccata recognoscentes, & eorum conscientia, ac  
 dolore cruciati, humiliter, ac demisse, ex illo ma-  
 xime longinquo loco pœnitentes, scelera a Deo  
 ueniam, & pacem implorant. horum oratio suum  
 obtinet locum apud Deum: nam eorum præces au-  
 diuntur. immo uero huiusmodi homines liberalis-  
 sime misericors Deus inuitat: Venite, inquit, ad me *Matth. 23*  
 omnes, qui laboratis, & onerati estis, & ego refi-  
 ciam uos. Ex horum hominū numero fuit ille pu-  
 blicanus, qui cum oculos ad cælum tollere non au-  
 deret, exiit tamen, inquit, e templo magis iustifi-  
 catus, quam pharisæus. Est præterea eorum gra- *Luc. 18*  
 dus, qui nondum fidei lucē acceperunt, uerumta-  
 men, diuina benignitate exiguum illorum naturæ  
 lumen accendente, uehementer excitantur ad stu-  
 dium, cupiditatemque ueritatis; quam ut docean-  
 tur, summis precibus petunt. qui si manent in uo-  
 luntate, a Dei clemencia eorum studium non re-

Act. 10

pudiatur. Quod exemplo Cornelij Centurionis comprobatū uidemus. nemini enim, id ex animo petenti, clausæ sunt fores diuinæ benignitatis. Postremus est gradus eorum, quos non modo facinororum, ac flagitiorum non pœnitentes, sed etiam sceleribus scœlera cumulantes, tamen non pudet sæpe a Deo petere peccatorum ueniam, in quibus uolūt perseuerare; qui tali statu ne ab hominibus quidē audere deberent, ut sibi ignoscerent, postulare. horum oratio a Deo non auditur. sic enim de Antiocho scriptum est, Orabat autem hic scelestus Dominum, a quo non esset misericordiam consecuturus. Quare uehementer hortandi sunt, qui in graui illa miseria uersantur, ut, abiecta peccandi uoluntate, uere & ex animo se conuertant ad Deum.

2. Mach. 9

## DE IIS, QVAE PETENDA SVNT.

Math. 20

Ioh. 14

Sed quoniā, in singulis petitionibus quid postulandum, quid non, suo loco dicetur; satis hic erit fideles uniuerse illud admonere, ut quæ iusta, quæ ue honesta sint, a Deo petant homines: ne, si contra quam deceat, aliquid postularint, illo responso repellantur; Nescitis, quid petatis. Quidquid autem recte optari potest, petere licet: quod illa Dñi uberrima promissa testantur: Quodcumq. uolueritis, petetis, & fiet uobis: omnia enim se concessurum pollicetur. quare primum optatum, ac desiderium nostrum ad eam regulam dirigemus, ut ad Deum, qui summum est bonum, summum studiū, desideriumq. referatur. Deinde cupiemus ea, quæ cū Deo nos maxime cōiungant; quæ uero nos inde sciun-



sejungant, aut causam aliquam afferant disiunctionis, ab omni studio & cupiditate nostra remouenda sunt. Hinc licet colligere secundum illud summū, & perfectū bonum, quo modo reliqua, quæ dicuntur bona, & optanda sint, & a parente Deo postulanda. Nam hæc corporis quæ uocant, & externa bona, ut sanitas, robur, pulchritudo, diuitiæ, honores, gloria, quia facultatem, ac materiam sepe dāt peccato, (quæ re fit, ut non omnino pie, aut salutariter petantur) erit illa petitio his prescribenda finibus, ut hæc uitæ commoda postulentur necessitatis causa: quæ precandi ratio refertur ad Deum.

Licet enim nobis ea precibus petere, quæ & Iacob, & Salomon postularunt. ille enim in hunc modū: Si dederis mihi panem ad uescendum, & uestimentum ad induendum, erit mihi dominus in Deum. Gen. 28

Salomon his uerbis: Tribue tantum uictui meo necessaria. Cum uero nobis Dei benignitate suppeditetur ad uictū, & ad cultum, par est, nos illius Apostoli cohortationis recordari, Qui emunt tamquam non possidentes, & qui utuntur hoc mundo, tamquam non utantur: præterit enim figura huius mundi. Item: Diuitiæ si affluent, nolite cor apponere. Prouer. 30

quarum fructum, & usum tantummodo nostrum esse, sed ita, ut cum ceteris cōmunicemus, ab ipso doctore Deo didicimus. Si ualeamus, si reliquis externis, & corporis bonis abundamus; eo illa nobis tributa esse meminerimus, ut & facilius Deo inseruire possimus, & proximo omnia eius generis cōmodare. Ingenij autem bona, & ornamenta, cuius generis sunt artes, atq. doctrine, petere non licet, sed ea tantum condicione, si nobis ad Dei gloriā, & ad

& ad salutem profutura sunt. Quod autem omnino, & sine adiunctione, aut condicione optandum, querendum, postulandum est, quemadmodum antea diximus, id Dei gloria est, & deinceps omnia, quę summo illi bono coniungere nos queant, ut fides, timor Dei, amor, de quibus plenius dicemus in explicatione petitionum.

### PRO QVIBVS ORANDVM SIT.

His autem cognitis, quę petenda sint, docendus est fidelis populus, pro quibus orare debeat. Continet autem oratio petitionem, & gratiarum actionem: quare prius de petitione dicamus. Orandum igitur est pro omnibus sine ulla exceptione uel inimicitiarum, uel gentis, uel religionis. nam siue hostis sit, siue alienus, siue infidelis, proximus est, quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nam eo pertinet illa Apostoli cohortatio: *Obsecro fieri orationes pro omnibus hominibus.* Quae in oratione primum petenda sunt, quę salutem animę complectuntur, deinde quę corporis. Debemus autem hoc precatationis officium primum Pastoribus animarum tribuere, quod ab Apostolo eius exemplo monemur. scribit enim is ad Colossenses, ut orent pro se, ut sibi Deus aperiat ostium sermonis: quod item facit ad Thessalonicenses. Est præterea in Actis apostolorum: Oratio fiebat sine intermissione ab Ecclesia pro Petro. Cuius etiã officij a D. Basilio in libris de moribus admonemur: pro ijs enim orandum esse, inquit, qui præsumunt uerbo ueritatis. Secundo loco pro principibus nos præcari

*1. Tim. 2.*

*Ad Col. 4.*

*Act. 12.*

precari oportet, ex eiusdem Apostoli sententia. quan-  
 to enim publico bono principibus pijs, & iustis uta-  
 mur, nemo ignorat. itaque rogandus est Deus, ut  
 tales sint, quales esse oportet, qui reliquis homini-  
 bus præsint. Extant exempla sanctorum hominum,  
 quibus monemur, ut pro bonis etiam, pijsque de-  
 precemur. Egent enim & illi precibus aliorum;  
 quod diuinitus factum est, ne superbia efferantur,  
 dum intelligunt se inferiorum suffragijs indigere.  
 Iussit præterea Dominus precari pro persequentibus, & calumniantibus nos. *Math 5*  
 Illud etiam S. Augu-  
 stini testimonio celebratum est, hanc esse acceptam  
 consuetudinem ab apostolis pro ijs, qui ab Ecclesia  
 sunt alieni, preces, & uota faciendi, ut infidelibus  
 donetur fides: ut idolorum cultores ab impietatis er-  
 rore liberentur: ut Iudei, discussa animorum caligine  
 lucem ueritatis accipiant: ut heretici redeuntes ad sa-  
 nitatem, catholice doctrine præceptis erudiantur:  
 ut schismatici, a qua descuerunt sanctissime matris  
 Ecclesie communione, cum ea iterum uere cha-  
 ritatis nodo iuncti copulentur. Quantam autem  
 uim habeant preces pro hominibus factæ ex  
 animo, constar tam multis exemplis omnis hominum  
 generis, quos quotidie, ereptos a potestate tenebra-  
 rum, transfert Deus in regnum filii charitatis suæ;  
 & ex uasis iræ, facit uasa misericordiae. In quo plu-  
 rimum ualere piorum obsecrationem, nemo,  
 qui recte sentiat, dubitare potest. Preces autem,  
 quæ pro mortuis fiunt, ut ab igne Purgatorii li-  
 berentur, ex apostolorum doctrina fluxerunt.  
 qua de re satis dictum est, cum de sacrificio Mis-  
 sæ loqueremur. in ijs autem, qui peccare dicuntur  
 ad mor-

ad mortem, uix quidquam precibus, uotisq. proficitur. Verumtamen est Christianę charitatis, & precari pro illis, & lacrymis contendere, an eis possint reddere pacatum Deum. Execrationes uero sanctorum hominum, quibus in impios utuntur ex patrum sententia, constat esse uel predictiones eorum, quę illis euentura sunt, uel adhibitas contra peccatum, ut, saluis hominibus, peccati uis intereat. In altera parte precationis, maximas Deo gratias agimus pro diuinis eius, immortalibusq. beneficijs, quibus & semper affecit, & quotidie afficit humanum genus. Maxime autem fungimur hoc munere gratiarum actionis sanctorum omnium causa, quo in officio singulares Deo laudes tribuimus, & eorum uictorię, & triumphi, quem de omnibus & intimis, & externis hostibus eius benignitate deportarunt. Huc pertinet prima illa pars Angelicę salutationis, cum ea ad precandum utimur. Ave Maria gratia plena: Dominus tecum: benedicta tu in mulieribus. Nam Deum summis & habendis laudibus, & gratijs agendis celebramus, quod sanctissimam uirginem omni cęlestium donorum munere cumulauit; ipsiq. uirgini singularem illam gratulamur felicitatem. Iure autem sancta Dei Ecclesia huic gratiarum actioni preces etiam & implorationem sanctissimę Dei matris adiunxit, qua pie atque suppliciter ad eam confugeremus, ut nobis peccatoribus sua intercessione conciliaret Deum, bonaque tum ad hanc, tum ad æternam uitam necessaria impetraret. Ergo nos exules, filij Eux, qui hanc lacrymarum uallem incolimus, assidue misericordię matrem, ac fidelis populi aduocatam inuocare



uocare debemus, ut oret pro nobis peccatoribus, ab eaque hac prece opem & auxilium implorare, cuius & prestantissima merita apud Deum esse, & summam uoluntatem iuuandi humanum genus, nemo, nisi impie & nefarie, dubitare potest.

## Q V I S O R A N D V S S I T.

Deum autem orandum esse, & eius nomen inuocandum, ipsa loquitur nature uis, insita in hominum mentibus, non solum tradunt diuine littere, in quibus licet audire imperantem Deum, Inuoca- Psalm. 49 me in die tribulationis: sed Dei nomine tres personas intelligi oportet. Secundo loco confugimus ad auxilia sanctorum, qui in celo sunt: quibus etiam preces esse faciendas, ita certum est in Ecclesia Dei, ut pijs nulla de eo dubitatio possit accidere. que res quia separatim suo loco est explicata; eo & Parochos, & ceteros transmittimus. sed ut tollatur omnis error imperitorum, operæpretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus. nam precamur Deum, ut ipse uel bona det, uel liberet a malis: a sanctis autem, quia gratiosi sunt apud Deum, petimus, ut nostri patrocinium suscipiant, ut nobis a Deo impetrent ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Miserere nobis, Audi nos: ad sanctum, Ora pro nobis. Quamquam licet etiam alia quadam ratione petere a sanctis ipsi, ut nostri misereantur: sunt enim maxime misericordes.

ricordes . itaque precari possumus eos , ut , conditionis nostrę miseria permoti, sua nos apud Deum gratia, ac deprecatione iuuent. Quo loco illud maxime cauendum est omnibus , ne , quod Dei proprium est , cuiquam præterea tribuant : immo uero , cum ad imaginem sancti alicuius quis Dominicam orationem pronunciat, ita tum sentiat, se ab illo petere , ut secum oret , sibi que postulet ea, quæ Dominicæ orationis formula continentur, & sui denique sit interpres , & deprecator ad Deum . nam eos hoc fungi officio docuit sanctus Ioannes apostolus in Apocalypsi .

*Apoc. 8*

#### DE PRÆPARATIONE ADHIBENDA.

*Eccle. 18*

Est in diuinis litteris : Ante orationem præpara animam tuam , & noli esse quasi homo, qui tentat Deum . Tentat enim Deum is, qui cum bene orat, male agit; & cum loquatur cum Deo , a precibus animus eius aberrat . Quare cum tanti interfit, quo quisque animo Deo preces faciat, tradant Pastores uias precationum pijs auditoribus . Primus igitur gradus ad orationem erit , uere humilis, ac demissus animus, scelerum quoq. recognitio; quibus sceleribus intelligat, qui ad Deum accedit, se non modo dignum non esse , qui quidquam impetret a Deo , sed qui ne in eius quidem conspectum ueniat oraturus . Huius præparationis sæpissime mentionē faciunt diuinæ litteræ : quæ & illud loquuntur : Respexit in orationem humilium, & non spreuit preces eorum. Item: Oratio humiliantis se, nubes penetrabit. Sed occurrent Pastoribus crudi-

*Psal 101*

*Eccle. 35*

tis loci innumerabiles, qui in eam sententiam con-  
 ueniant: quam obrem plurimum non necessaria cō-  
 memoracione supersedemus. tantum uero, quæ  
 alias attigimus, ne in hac quidem parte, quia sunt  
 apposita ad hanc rationem, duo illa exempla præ-  
 termitteremus. Publicanus est ille notissimus, qui *Luc. 18*  
 longe consistens, oculos humo tollere non aude-  
 bat. Est etiam mulier illa peccatrix, quæ dolore cō- *Luc. 7*  
 mota, lacrymis pedes Christi domini perfudit.  
 uterque, quantum afferat orationi pondus humili-  
 tas Christiana, declarauit. Sequitur angor quidam  
 in recordatione delictorum, uel saltem aliquis do-  
 loris sensus ob eam causam, quod dolere non pos-  
 simus: quorum utrumque, uel certe alterum, nisi a  
 penitente adhibeatur, uenia impetrari non potest.  
 Sed quia sunt quedam scelera, quæ maxime obstat,  
 quo minus in precatōne Deus postulationi nostræ  
 concedat, ut cedes, & illata uis, manus abstinē-  
 dæ sunt ab hac crudelitate, & uiolentia. de quo fa-  
 cinore sic Isaïæ ore loquitur Deus: Cum extenderi- *Isa. 1*  
 tis manus uestras, auertam oculos meos a uobis: &  
 cum multiplicaueritis orationem, non exaudiam:  
 manus enim uestre sanguine plenæ sunt. Fugienda  
 est ira, ac disfidium; quæ magnopere etiam impe-  
 diunt, ne preces, audiatur. de quibus est illud Apo-  
 stoli; Volo uiros orare in omni loco, leuantes pu- *1. Tim. 2*  
 ras manus sine ira, & disceptatione. Videndum est  
 præterea, ne nos implacabiles cuiquam præbeamus  
 in iniuria: nam sic affecti, Deum precibus adduce *Marc. 11*  
 re non poterimus, ut nobis ignoscat. Cū enim sta- *Math. 6*  
 bitis, inquit ipse, ad orandū, dimittite, si quid habe-  
 tis; & si nō dimiseritis hominibus, nec pater uester  
 dimittet

dimittet uobis peccata uestra . Cauendum quoque  
 est, ne duri simus, & inhumani egentibus. nam in  
*Proue. 21* eiusmodi homines illud dictum est : Qui obturat  
 aurem suam ad clamorem pauperis, & ipse clama-  
 bit , & non exaudietur . Quid dicemus de super-  
 bia? quę quantopere Deum offendat, testis est illa  
 uox; Deus superbis resistit, humilibus autem dat  
 gratiam . Quid de contemptione diuinorum ora-  
 culorum? in quam extat illud Salomonis: Qui de-  
 clinat aures suas ne audiat legem, oratio eius erit  
 execrabilis . Quo tamen loco non excluditur de-  
 precatio factę iniurię, non cędis, non iracundię,  
 non illiberalitatis in pauperes, non superbię, non  
 despicientię diuinę orationis, non denique reliquo-  
 rum scelerum, si ignoscendi uenia petatur . Est ue-  
 ro, ad hanc quoque preparationem animi, fides ne-  
 cessaria; quę si desit, neq. de summi Patris omnipo-  
 tentia, neq. de illius misericordia, unde tamen orá-  
 tis fiducia oritur, habetur cognitio quemadmodũ  
*Matth. 21* docuit ipse Christus dominus; Omnia, inquit, quę  
 cumque petieritis in oratione, credentes accipietis.  
 De huiusmodi fide scribit sanctus Augustinus de  
 uerbis Domini: Si fides deficit, oratio perit . Ca-  
 put igitur est ad rite orandum, quod iam dictum  
 est, ut fide firmi, ac fixi simus . quod Apostolus ex  
 contrario ostendit : Quo modo inuocabunt, in  
*Rom. 10* quem non crediderunt? Itaq. credamus oportet,  
 ut & orare possimus, & ne nos fides ipsa deficiat,  
 qua salutariter oramus . Fides enim est, quę preces  
 fundit: preces faciunt, ut, omni dubitatione subla-  
 ta, stabilis, ac firma sit fides . In hanc sententiam  
 sanctus hortabatur Ignatius eos, qui ad Deũ adirẽt  
 oratu-



oraturi: Noli dubio esse animo in oratione: Beatus est, qui non dubitauerit. Quare ad impetrandum quod uelimus a Deo, maximum pōdus affert fides, & certa spes impetrandi. quod monet sanctus Iacobus; Postulet in fide, nihil hæsitans. Multa sunt, quibus nos cōfidere oportet in hoc officio precationis. Est ipsa Dei in nos perspecta uolūtas, ac benignitas, cum iubet nos se patrem appellare, ut eius nos esse filios intelligamus. Est prope infinitus numerus eorum, qui Deum exorauerunt. Est summus ille deprecator, qui nobis semper præsto est, Christus dominus; de quo sic est apud sanctum Ioannem; Si quis peccauerit, aduocatum habemus apud patrem, Iesum Christum iustum; & ipse est propitiatio pro peccatis nostris. Item Paulus apostolus: Christus Iesus, qui mortuus est, immo qui & resurrexit, qui est ad dexteram Dei, qui etiam interpellat pro nobis. Item ad Timotheum: Vnus enim Deus, unus & mediator Dei, & hominum homo Christus Iesus. Tum ad Hebræos: Vnde debuit per omnia fratribus assimilari, ut misericors fieret, & fidelis pontifex ad Deum. Quare etsi nos indigni sumus, qui impetremus, tamen optimi dignitate interpretis, ac deprecatoris Iesu Christi sperare, & magnopere confidere debemus, nobis omnia, quæ per illum rite petierimus, concessurum Deum. Denique nostræ auctor est precatio nis spiritus sanctus: quo duce preces nostras audiri necesse est. Accepimus enim spiritum adoptionis filiorum Dei, in quo clamamus, Abba pater. qui quidem spiritus infirmitatem, qui inscitiā nostram adiuuat in hoc orandi munere: immo uero,

II inquit,

Rom. 8  
Luc. 17

Marc. 9

Ioan. 15

inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide sentiunt; utantur illa uoce apostolorum; Domine adauge nobis fidem: & ex illius, Adiuua incredulitatem meam. Sed tum maxime & fide, & spe uigentes, omnia a Deo optata consequemur, cum ad ipsius Dei legem, ac uoluntatem, omnem mentem, actionem, & orationem nostram conformabimus: Si manseritis, enim inquit, in me, & uerba mea in uobis manserint; quodcumq. uolueritis, petetis, & fiet uobis. Quamquam ad hanc impetrandi a Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos.

### Q V A E R A T I O I N O R A N D O R E Q V I R A T V R.

Matth. 4

Ioan. 4

Maxime autem refert, quo modo sacris precibus utamur: nam etsi precatio bonum est salutare, tamen, nisi recte adhibeatur, minime prodest: quod enim petimus, saepe non assequimur, ut sanctus inquit Iacobus, ob eam causam, quia male petimus. Ergo docebunt Parochi fidelem populum, quæ sit optima ratio bene petendi, & priuatim, ac publice orandi. quæ præcepta Christianæ orationis tradita sunt ex Christi domini disciplina. Est igitur orandum in spiritu, & ueritate. nam cælestis pater tales quærit, qui adorent eum in spiritu, & ueritate. orat autem eo modo, qui intimum, ac flagrans animi studium adhibet. a qua spiritali precandi ratione

ratione uocalē non excludimus: uerum tamen principatum iure tribuendum ducimus illi, quæ a uehementi animo proficiscitur, obsecrationi: quam Deus, cui patent occultæ hominum cogitationes, audit, etiam si non ore proferatur. Audiuit Anna, eius, quæ fuit mater Samuelis, intimas preces; de qua illud legimus, flentem orasse, & tantum labia mouentem. Orauit hoc modo Dauid: *Psalms. 26* ait enim: Tibi dixit cor meum, exquisiuit te facies mea. Huiusmodi exēpla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflamat. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo lætitia, par etiam est, linguam exultare. & uere decet nos cumulatam illud sacrificium facere & animæ, & corporis. quem Apostolorum orandi morem fuisse, & eorum Actis, & ex Apostolo multis locis cognoscimus. Sed quoniā duplex precandi ratio est, priuata, & publica: priuatę orationis pronūciatione utimur, ut intimum studium, & pietatem adiuuet; in publica, quæ ad incitandam fidelis populi religionem instituta est, certis, statisq. temporibus lingue officio supersederi nullo modo potest. Hanc uero spiritu orandi consuetudinem, propriam Christianorum hominum, infideles minime colūt: de quibus ita licet Christum dominum loquentem audi-

*Matth. 6*

re: Orantes nolite multum loqui, sicut ethnici faciunt; putant enim, quod in multiloquio suo exaudiantur. nolite ergo assimilari eis: scit enim pater uester, quid opus sit uobis, ante quam petatis eū. Cum autem prohibeat loquacitatem; longas tamen preces, quæ a uehementi, ac diuturno animi studio proficiuntur, tantum abest, ut reiiciat; ut etiam suo exemplo nos ad eam rationem cohortetur, qui non modo noctes in precatione consumpsit, sed ter eundem sermonem repetijt. Tantum igitur statuendum est, inani uerborum sono minime exorari Deum. Nec uero ex animo orant hypocritæ: a quorum nos consuetudine deterret

*Luc. 6**Matth. 26*

Christus dominus in hanc sententiā: Cum oratis, non eritis sicut hypocritæ, qui amant in synagogis, & in angulis platearum stantes, orare, ut uideantur ab hominibus. amen dico uobis, receperunt mercedem suam. Tu autem cum oraueris, intra in cubiculum tuum, & clauso ostio, ora patrem tuū in abscondito; & pater tuus, qui uidet in abscondito, reddet tibi. Cubiculum, quod hoc loco dicitur, ad cor hominis referri potest, quod non satis est ingredi, sed præterea occludi oportet, ne quid irrumpat, uel influat in animas extrinsecus, quo precationis integritas uiolari possit. tum enim cælestis pater, qui omnium mentes, & occultas cogitationes maxime perspicit, orantis postulationi cōcedit. Requirit præterea oratio assiduitatem: quæ quantam uim habeat, iudicis illius exemplo, Dei

*Matth. 6*

filius ostendit: qui cum nec timeret Deum, nec hominem reuereretur, uictus assiduitate, ac diligentia uiduæ, eius postulationi concessit. Itaq. assidue

*Luc. 18*

Deo



Deo preces faciendæ sunt; nec imitandi illi, qui semel, aut iterum orantes, nisi, quod petunt, impetrarint, in oratione defatigantur. nulla enim huius officii lassitudo esse debet: quod nos Christi domini, & Apostoli docet auctoritas. quod si interdum uoluntas in eo defecerit, precibus a Deo petamus perseverandi uim. Vult etiam Dei filius orationem nostram ad patrem suo nomine peruenire: quæ eius merito, & gratia deprecatoris id pòdus assequitur, ut a cælesti patre audiatur. est enim eius illa uox apud S. Ioannem; Amen amen dico uobis, si quis Ioan. 16 petieritis patrem in nomine meo, dabit uobis: usque modo non petistis quidquam in nomine meo? petite, & accipietis; ut gaudium uestrum sit plenum. & iterum: Quodcumque petieritis patrem in nomine meo, hoc faciam. Ioan. 14 Imitemur ardens sanctorum hominum studium, quod illi in orando adhibebant. Gratiarum autem actionem cum precatione iungamus, apostolorum exemplo; qui hanc consuetudinem perpetuo seruauerunt: quemadmodum apud Apostolum licet uidere. Ieiunium uero, & elemosynam ad orationem adhibeamus. Ieiunium quidem certe maxime est cum oratione sociatum. nam qui cibo, & potu sunt onusti, horum mens oppressa est sic, ut neq. Deum intueri, neque, quid sibi uelit oratio, cogitare possint. Sequitur Elemosyna; quæ magnam & ipsa cum oratione societatem habet. quis enim, cui facultas sit benigne faciendi ei, qui aliena misericordia uiuat, nec optuletur proximo, & fratri suo, se charitate præditum dicere audeat? aut quo ore is, qui expers sit charitatis, Dei auxilium implorabit? nisi tum-

peccati ueniam precatur simul & a Deo suppliciter postulat charitatem. Quare diuinitus factum est, ut saluti hominum triplici hoc remedio subueniretur. cum enim peccando uel offendamus Deum, uel proximos uiolemus, uel nos ipsos ledamus; sacris precibus placatum reddimus Deum; eleemosyna redimimus hominum offensiones; ieiunio proprias uite sordes eluimus. & quamquam singula profint ad omnium scelerum genera, tamen proprie singulis ijs peccatis, quæ diximus, apposita, & accommodata sunt.

## PATER NOSTER QUI ES

I N C A E L I S.



**C**UM hæc formula Christianæ precatationis, a Iesu Christo tradita, eam habeat uiam, ut, antequam ad preces, postulationesq. ueniamus, certis uerbis loco proæmij nobis utendum sit, quibus pie ad Deum accedentes, fidentius etiã id facere possimus; Parochi officium est, illa distincte, dilucideq. declarare, ut alacrior pius populus ad preces adeat, seque cū patre Deo acturum intelligat. Proæmium autem, si spectes uerba, breuissimum est; si res æstimes, grauisimum, mysteriorumq. plenissimum. Ac prima quidem uox, qua Dei iussu, & institutione utimur in hac precatatione, est PATER. nam etsi Saluator noster diuinam hanc orationem prætexere potuit aliquo uerbo, quod plus maiestatis haberet, exēpli causa, Creatoris, aut Domini; tamen hæc omisit, quæ timorem

morem simul nobis afferre possent; illud autem adhibuit, quod orantibus, & aliquid a Deo petentibus, amorem, fiduciamque conciliat. quid enim iucundius est patris nomine? quod indulgentiam sonat, & charitatem. Quibus autem rationibus patris nomen Deo conueniat, suppeditabit facultas docendi fidelem populum, ex locis creationis, gubernationis, ac redemptionis. nam cum Deus hominem creauerit ad imaginem suam, nec illam ceteris animantibus impertiuerit; ex hoc singulari munere, quo hominem ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumere poterit argumentum, quod prospiciendo, & consulendo utilitati hominum, præcipuo quodam curæ, & prouidentia modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus, singulisque hominibus præsto sint, ne grauius aliquod detrimentum accipiant. nam ut parentes, si infesta, & periculosa uia filiis iter faciendum sit, custodes adhibent, & periculorum adiutores: sic cælestis parens in hoc itinere, quo ad cælestem patriam contendimus, singulis nobis præposuit angelos, quorum ope, ac diligentia recti, furtim paratos ab hostibus laqueos uitaremus, & factos in nos horribiles impetus repelleremus, iisque ducibus rectum iter tenero-

Tob. 5 6

Tob. 12

Tob. 6

Tob. 12

Act. 12

mus; ne obiectus aliquis error a fallaci aduersario, nos de uia posset deducere, quæ ducit in cælum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum inter Deum, & homines media est, & interiecta natura; patet exemplis, quorum copiam suppeditant diuinæ litteræ, quæ testantur, sæpe Dei benignitate factum esse, ut, inspectantibus hominibus angeli mirabiles res efficerent; quibus moneremur, innumerabilia eius generis, quæ sub oculos non caderent, a custodibus nostræ salutis angelis effici utiliter, ac salutariter. Raphael angelus, Tobie comes, & dux itineris diuinitus adiunctus, illum duxit, & reduxit incolumem: cui & adiumento fuit, ne ab immani pisce deuoraretur; &, quanta esset in eius piscis iecore, fele, & corde uis, demonstrauit. Ille dæmonium expulit; eiusque impedita, & colligata potestate, ne Tobie noceret, effecit. Ille uerū, & legitimum matrimonijus, & usum adolefcentem edocuit. Ille Tobie patri, oculis capto, lumina restituit. Angelus item ille, Principis apostolorum liberator, uberem præbebit materiam ad erudiendum pium gregem de admirabili fructu curæ, custodiæque angelorum, cum demonstrabunt Parochi angelum carceris tenebras illustrantem, & Petrum tacto eius latere e somno excitantem, soluentem catenas, dirumpentem uincula, monentem ut surgeret, seque sumptis caligis, & reliquo uestitu sequeretur; cum docebūt ab eodem angelo Petrum per custodias libere eductum e carcere, & aperta denique ianua in tuto collocatum. Huius generis



generis exemplorum, quemadmodum diximus, referta est sanctarum litterarum historia, quibus intelligimus, quanta sit uis beneficiorum, quæ confert in homines Deus, angelis interpretibus, & internuncijs, nec solum certa aliqua, & priuata de re misfis, sed a primo ortu, nostræ curæ prepositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur, & ad agnoscendâ, ac uenerandam Dei paternam de se curam, ac prouidentiam excitentur. Commendabit autem hoc loco Parochus, in primisque prædicabit diuitias benignitatis Dei erga genus humanum; quem cum a primo parente nostri generis, & peccati, usque ad hanc diem offenderimus flagitijs, ac sceleribus innumerabilibus, retinet tamen in nos charitatem, neq. præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliâ. Irascitur Israeli Deus propter eius gentis blasphemiam, quæ se arbitrabatur celesti ope desertam esse. est enim in Exodo: **Exod. 17** Tentauerunt Dominum, dicentes; Est ne Deus in nobis, an non? Et apud Ezechielem, succenset eidem populo **Ezech. 8** Deus, quod dixerat, Nō uidet Dominus nos, dereliquit Dominus terram. Ergo fideles his auctoritatibus a nefaria illa opinione deterrēdi sunt, fieri posse, ut Deum capiat hominum obliuio. In quam sententiam audire licet cōquerentem de Deo apud Isaiam Israeliticum populum; contraque, Deum stultâ eius querimoniam benigna similitudine refellentem. Est enim ibi: Dixit Sion: Dereliquit **Isa. 49**  
me

me Dominus; & Dominus oblitus est mei. cui Deus: Numquid obliuisci potest mulier infantem suū, ut non misceatur filio uteri sui? & si illa oblita fuerit, ego tamen non obliuiscar tui. Ecce in manibus meis descripsi te. Quibus locis quamquam id liquido confirmatur; tamen, ut penitus fideli populo persuadeatur, nullum posse tempus accidere, quo deponat Deus hominum memoriam, quo eis non tribuat patriæ charitatis officia, Parochi rem clarissimo primorum hominū exemplo comprobabunt: quos, post neglectum, uiolatumque Dei iussu, cum acerbius accusatos, & horribili illa sententia condemnatos audis; Maledicta terra in opere tuo; in laboribus comedes ex ea cunctis diebus uitæ tuæ; spinas, & tribulos germinabit tibi; & comedes herbas terræ: cum uides e paradiso expulsos; & ut omnis reditus spes adimeretur, cum in aditu paradisi collocatum legis Cherubin flammeum tenentem, & uersatilem gladium: cum ab ulciscente suam iniuriam Deo illos intimis, & externis molestijs conflictatos intelligis: an non actū de homine putes? an nō credas nō modo diuino illum auxilio nudatum, sed etiam cuius iniurię propositum? Verumtamen in tantis diuinę irę & ultionis indicijs oborta est lux quēdā Dei in eos charitatis: Fecit enim, inquit, dominus Deus Adæ, & uxori eius tunicas pelliceas, & induit eos: quod maximum fuit argumentum, hominibus nullo umquam tempore defuturum Deum. Huius etiam sententię uim, nō exauriri Dei amorem ulla hominum iniuria, David expressit illis uerbis;

*Gen. 3* Numquid cōtinebit Deus in ira sua misericordias suas?

*Psal. 76*

suas? Hanc Habacuc Deum affatus exposuit, dum *Habac. 3*  
 inquit; Cum iratus fueris, misericordiæ recordaberis. Hanc sic Michæas aperuit; Quis Deus simi- *Mich. 7*  
 lis tui? qui aufers iniquitatem, & transfers peccatum reliquiarum hereditatis tuæ: non immittet ultra furorem suum, quoniam uolens misericordiam est. Omnino res ita se habet: cum maxime perditos nos, & Dei præsidio spoliatos arbitramur, tum maxime, pro immensa sua bonitate, nos quærit, & curat Deus: sustinet enim in ira gladium iustitiæ, nec cessat effundere inexhaustos misericordiæ thesauros. Magnam igitur uim habent ad declarandam præcipuam Dei rationem in amando, tuendoque hominum genere, creatio, & gubernatio. sed tamen illud opus redimendi hominem sic eminet inter duo superiora, ut beneficentissimus Deus, parensque noster summam in nos benignitatem tertio hoc beneficio cumulatam illustrarit. Quare tradet spiritualibus filiis Parochus, & assidue eorum auribus inculcabit hanc præstantissimam Dei erga nos charitatem, ut intelligant se, quia redempti sint, admirabilem in modum Dei filios euasisse. Dedit enim, inquit Ioannes, eis potestatem filios Dei fieri, & ex Deo nati sunt. Quam ob causam baptismus, quod primū redemptionis pignus & monumentum habemus, sacramentum regenerationis dicitur: inde enim nascimur Dei filij: nam inquit ipse Dominus: Quod natum est ex spiritu, spiritus est: & oportet uos nasci denuo. *Ioan. 3*  
 Item Petrus apostolus, Renati non ex semine corruptibili, sed incorruptibili, per uerbum Dei uiui. Huius pondere redemptionis, & spiritum sanctum

etum accepimus, & Dei gratia dignati sumus. Quo munere Dei filij adoptamur, quemadmodū ad Romanos scripsit Apostolus: Non accepistis spiritum seruitutis iterum in timore, sed accepistis spiritū adoptionis filiorū, in quo clamamus Abba pater. Cuius uim & efficaciam adoptionis explanat sanctus Ioannes ad hunc modum; Videte qualem charitatem dedit nobis pater, ut filij Dei nominemur, & simus. His expositis, admonendus est fidelis populus, quid ipse uicissim debeat amantissimo patri Deo, ut intelligat, quē amorem, ac pietatem, quam obedientiam, ac uenerationem creatori, gubernatori, ac redemptorī præstare, quā spe, ac fiducia illum inuocare oporteat. Sed ad erudiendam inscitiam, dirigendamque sententię peruersitatem eorum, si qui tantummodo secundas res, & prosperum uitæ cursum argumento esse existimant, Deum conseruare nobis amorem suum, rebus autem aduersis, & calamitatibus, cum a Deo exercemur, id esse signum hostilis in nos animi, & prorsus abalienatæ a nobis diuinæ uoluntatis, demonstrandum erit, cum tangit nos manus Domini, minime id hostiliter facere Dominū, uerum percutiendo sanare, & plagam a Deo uenientem esse medicinā. Castigat enim peccantes, ut ea disciplina meliores faciat, & præsentī animaduersione redimat ab exitio sempiterno. Nam uisitat quidem in uirga iniquitates nostras, & in uerberibus peccata nostra, misericordiam autem suam nō aufert a nobis. Quare monendi sunt fideles, ut in eiusmodi castigatione patriam Dei charitatē agnoscant, & illud apud patientissimum Iob in memoria,

Rom. 8

1. Epist. 3

Iob 19

Psal. 88

Iob. 5

ria,



ria , & in ore habeant : Ipse uulnerat , & medetur : percutit , & manus eius sanabunt . ut illud usurpēt, quod sub persona Israelitici populi scripsit Hieremias : Castigasti me , & eruditus sum , quasi *Hier. 31* iuuenculus indomitus : conuerte me , & conuertar : quia tu dominus Deus meus. Vt Tobie exemplum *Tob. 11* sibi proponant, qui cum in illa plaga cæcitatæ paternam Dei manū cædentem sensisset, exclamauit: Benedico te domine Deus Israel, quia tu castigasti me , & tu saluasti me . In quo maxime cauendum est fidelibus , ne , etiam si quouis incommodo affecti , quauis calamitate afflicti sint , Deum id ignorare existiment : ait enim ipse : Capillus de capite *Luc. 21* uestro non peribit . immo uero se ipsi illo diuini oraculi solatio consolentur , quod in Apocalypsi *Apocal. 3* dictum est : Ego , quos amo , arguo , & castigo . Conquiescant in Apostoli cohortatione ad Hebræos : *Heb. 12* Fili mi , noli negligere disciplinam Domini , neque fatigeris , dum ab eo argueris : quem enim diligit Dominus , castigat, flagellat autem omnem filium , quem recipit : quod si extra disciplinam estis, adulterini estis, & non filij. patres quidem carnis nostræ eruditores habuimus , & reuerbamur eos ; non multo magis obtemperabimus patri spirituum , & uiuemus ?

NOSTER . Cum patrem inuocamus singuli , & nostrum appellamus, docemur , ex dono, ac iure diuinæ adoptionis consequi necessario, ut fratres sint fideles omnes , & inter se fraterne amare debeant : Omnes, enim inquit, uos fratres estis: unus *Matth. 23* est enim pater uester , qui in cælis est . Quare etiā in epistolis , fideles omnes , apostoli fratres appellant.

lant. Ex quo item cōficitur illa consecutio necessa-  
 ria, ut eadem adoptione Dei non solum inter se fi-  
 deles uniuersi fraterna necessitudine cōiungantur,  
 sed, quia homo est unigenitus Dei filius, fratres etiā  
 eius & nominentur, & sint. nam in epistola ad  
*Hebr. 2* Hebræos, cum de filio Dei loqueretur, scripsit  
 Apostolus; Non confunditur fratres eos uocare,  
*Psaln 21* dicens: Nunciabo nomen tuum fratribus meis.  
 quod tanto ante Dauid de Christo domino prædi-  
 xerat. Ipse uero etiam Christus sic apud Euangeli-  
*Matth. 28* stam loquitur ad mulieres: Ite, nunciate fratri-  
 bus meis, ut eant in Galilæam: ibi me uidebunt.  
 Quod tum ab eo dictū esse constat, cum iam exci-  
 tatus a mortuis immortalitatem esset consecutus:  
 ne quis existimet fraternam hanc cognationem,  
 eius resurrectione, & in cælum ascensu dissolutam  
 esse. Tantum enim abest, ut hanc coniunctionem,  
 & charitatem Christi resurrectio diremerit, ut ex  
 illa maiestatis, & glorię sede, tum cum de omni-  
*Matth. 25* bus omnis memorię hominibus iudicabit, fideiū  
 minimos ab eo, fratrum nomine, appellandos ac-  
*Rom. 8* ceperimus. Qui autem fieri potest, ut Christi fra-  
 tres non simus, cuius coheredes dicimur? Est  
*Hebr. 1* enim primogenitus ipse, constitutus heres uniuers-  
 forum: nos uero secundo loco geniti, coheredes  
 eius, pro modo cælestium donorū, pro ratione cha-  
 ritatis, qua præbuerimus nos ministros, & coadiu-  
 tores spiritus sancti; quo auctore ad uirtutem, sa-  
 lutaresque actiones impellimur, & incendimur, ut  
 eius freti gratia in certamen salutis fortiter de-  
 scendamus; quo sapienter, constanterq. confecto,  
 decursoque huius uitæ spatio, iustum coronæ præ-  
 mium

mium capimus a cælesti parente, omnibus, qui eundem cursum tenuerint, constitutum. Non enim, ut *Hebr. 6* ait Apostolus, iniustus est Deus, ut obliuiscatur operis nostri, & dilectionis, Quam uero hanc ex animo uocem NOSTER proferre debeamus, S. Chrysostomi sententia declaratur, qui Deū inquit libenter Christianum audire non solum pro se, sed pro altero deprecantem, quod pro se orare naturę est, pro altero gratiæ; pro se necessitas cogit, pro altero fraternæ charitas hortatur. quibus illa subunxit: Iucundior est Deo, quam charitas fraternæ commendat, quam ea, quæ necessitate pronunciat. In hac tanta materia salutaris orationis, monere, & hortari debet Parochus omnes omnis ætatis, generis, ordinis, ut communis huius fraternæ necessitudinis memores, comiter, & fraterne se gerant, neque se alijs alij præferant insolentius. Nam etsi in Ecclesia Dei diuersi sunt officiorum gradus: tamen illa uarietas graduum, & munerum fraternæ necessitudinis cōiunctionem minime tollit: quemadmodū in hominis corpore uarius usus, & diuersa functio membrorum nihil agit, quam obre hęc, uel illa corporis pars membri munus, & nomen amittat. Propone tibi eum, qui regia sit potestate: an is igitur, si fidelis est, frater non est omnium, qui Christianę fidei communionē continentur? maxime: quid ita? quia non est Deus alius is, ex quo diuites, & reges nati sunt, ab eo, a quo pauperes, & qui in regum potestate sunt, extiterunt, sed unus Deus, & parens, & dominus omniū. Itaq. una spiritualis sortus omniū nobilitas, una dignitas. unus splendor generis; cum omnes ex eodem spiritu,

tu,

tu, ex eodem fidei sacramento nati sumus filij Dei, & eiusdem hereditatis coheredes. Nec uero alium Christum Deum habent copiosi, & potentes homines, alium tenuiores, & infirmi; non alijs sacramētis sunt initiati, nec aliam hereditatem regni cælestis expectant. Fratres sumus omnes, &, ut inquit

*Ad Eph. 5* Apostolus ad Ephesios, membra sumus corporis Christi, de carne eius, & de ossibus eius. Quod idem in epistola ad Galatas significat Apostolus:

*Ad Gal. 3* Omnes filii Dei estis per fidem in Christo Iesu: quicumque enim in Christo baptizati estis, Christum induistis; non est Iudæus, neque Græcus; nō est seruus, neque liber; non est masculus, neque femina: omnes enim uos unum estis in Christo Iesu. Hæc autem accurate uersanda res est Pastoribus animarum, & scienter illis in hac sententia commorandum: est enim accommodatus locus non minus ad confirmandos, & excitandos inopes, & abiectos homines, quam ad coercendam, depri-mendamq. arrogantiam locupletum, atq. potentium. Cui hominum incommodo uti mederetur, urgebat Apostolus fraternā hanc charitatem, & inculcabat fideiū auribus. Cum igitur has Deo preces facturus es, Christiane memineris te tamquam filium ad patrem Deum accedere. Itaq. cum pre-cationem ordiris, & illud, Pater noster, pronuncias, cogita, quem in locum te summa Dei benignitas extulerit, qui non ut seruum ad dominum adire inuitum, ac timidum, sed ut ad patrem filium uoluntarium, securumque confugere iusserit. Qua in memoria, & cogitatione, quo uicissim studio, & pietate tibi orandum sit, considera: danda enim  
est



est tibi opera, te ut talem præbeas, qualem esse decet Dei filium, idest ut oratio, & actiones tuæ non indignæ sint diuino genere: quo te dignari uoluit beneficentissimus Deus. Ad hanc officij rationem nos Apostolus cohortatur, cū ait: Estote ergo imitatores Dei, sicut filij carissimi: ut uere de nobis dici possit, quod ipse Apostolus scripsit ad Thessalonicenses: Omnes uos filij lucis estis, & filij diei. Eph. 5  
1. Theß. 5

QVIES IN CAELIS.

Constat inter omnes, qui recte de Deo sentiunt, ubiq. locorum, & gentium esse Deū. quod non ita intelligendum est, quasi ipse distributus in partes, una parte locū unum, alia aliū occupet, ac tueatur. nā Deus spiritus est, omnis expers diuisionis. Quis enim audeat Deum, tamquā in uestigio positum, loci alicuius finibus circūscribere, cum ipse de se dicat; Numquid non cælum & terram ego impleo? Hier. 23  
Quod rursum sic accipiendum est, Deum cælum ac terram, quæque cælo, ac terra cōprehensa sunt, ui sua, ac uirtute complecti, non autem ipsum ullo loco cōtineri. adest enim rebus omnibus Deus, uel creans ipsas, uel conseruans creatas, nulla regione, nullis finibus uel circumscriptus. uel ita definitus, quo minus & naturam, & potestatem suā præsens ubique constituat. quod beatus David expressit illis uerbis: Si ascendero in cælum, tu illic es. Psal. 138  
Verum etsi præsens adsit Deus in locis & rebus omnibus, nullis, ut diximus, terminis definitus, tamen in diuinis scripturis sæpe dicitur habere domicilium suum in cælo. quod ideo factū uidemus, quod cæli, quos suspicimus, sunt nobilissima mū-

KK

di

di pars, iidemq. manent incorrupti, præstantes ui, magnitudine, ac pulchritudine ceteris corporibus, certisque ac stabilibus moribus præditi. Ergo ut excitaret hominum animos Deus ad contemplan- dam infinitam suam potestatem, ac maiestatem, quæ maxime elucet in opere cælorum, se in diuinis scripturis habitare testatur in cælis: sæpe etiam, quod res est, declarat, nullam esse mundi partem, quæ non præsentī Dei natura, & potestate compre- hensa sit. Quamquam in hac cogitatione fideles non solum cōmunis omnium parentis imaginem sibi proponunt, sed etiam in cælo regnantis Dei, ut oraturi meminerint, mentem, animumq. esse refe- rendum ad cælū; quantumque spei, ac fiduciæ affert eis patris nomen, tantum Christianæ humilitatis, ac pietatis adiungat præstans illa natura, ac diuina maiestas patris nostri, qui est in cælis. Quæ uerba præfiniunt etiam orantibus, quid petendum sit: Omnis enim postulatio nostra, quæ ad huius uitæ usum, ac necessitatem pertineat, nisi cum celestibus sit coniuncta bonis, & ad illum finem dirigatur, inanis est, & indigna Christiano. Quare monebūt pios auditores Parochi de hac ratione precationis, & admonitionē illa Apostoli auctoritate compro-  
**Ad Col. 3** habunt; Si confurrexistis cum Christo, quæ sursum sunt quaerite, ubi Christus est in dextera Dei sedēs: quæ sursum sunt, sapite, non quæ super terram.

#### SANCTIFICETVR NOMEN TVVM.

Quid a Deo petendum, quoque ordine id agen- dum sit, magister ipse, ac dominus omniū docuit, & imperauit. nam cum studij, & desiderij nostri  
 nuncia

nuncia sit, & interpret oratio, tum recte, & ratione petimus, cum postulationum ordo sequitur ordinem rerum expetendarum. Monet autem nos uera charitas, totum ut animum, ac studium conferamus in Deum: qui quoniam solus est in se ipso summū bonum, iure est præcipuo quodam, ac singulari amore diligendus. Nec uero ex animo, & unice potest amari Deus, nisi rebus ac naturis omnibus eius honor, & gloria præponatur. bona enim, & nostra, & aliena, & omnino omnia, quæcumq. boni uocabulo nominantur, ab illo profecta summo ipsi bono cedunt. Quare ut ordine procederet oratio, Saluator petitionem hanc de summo bono principem, & caput constituit petitionum reliquarum, docens nos, priusquam ea, quæ nobis, aut proximo cuique opus sint, postulemus, quæ propria sint Dei gloriæ, petere debere, ipsique Deo studium, & desiderium eius rei nostrum exponere. Quo facto manebimus in officio charitatis, qua docemur, & plus Deum, quam nos ipsos, diligere, & primum petere, quæ Deo cupiamus, deinde, quæ nobis optemus. Et quoniam desiderium, & petitio sunt earum rerum, quibus caremus; nec uero Deo, idest eius naturæ, fieri accessio potest, aut augeri ulla re diuina substantia, quæ inexplicabilem in modū est omni perfectione cumulata; intelligendum est, extra hæc esse, quæ a Deo, ipsi Deo petimus, & ad externam eius gloriam pertinere. cupimus enim, & petimus, ut Dei nomen notius sit gentibus; ut eius regnum amplificetur; ut plures quotidie obediant diuino numini. quæ tria, Nomen, Regnum, Obedientia, nō in illo ipso sunt in-

timo Dei bono, sed assumuntur extrinsecus. Verum ut, hæ petitiones quam uim habeant, & quid ualeant, planius intelligatur, Pastoris erunt partes, monere fidelem populum, uerba illa, Sicut in cælo, & in terra, ad singulas referri posse primarum trium postulationum; ut, Sanctificetur nomen tuum, sicut in cælo, & in terra. item: Adueniat regnum tuum, sicut in cælo, & in terra. similiter: Fiat uoluntas tua, sicut in cælo, & in terra. Cum autem petimus, ut sanctificetur nomen Dei; id sentimus, ut augeatur sanctitas, & gloria diuini nominis. Quo loco Parochus animaduertet, ac docebit pios auditores, non id dicere Saluatorem, ut eodẽ modo sanctificetur in terra, quo & in cælo, idest, ut amplitudine terrestris sanctificatio celestẽ exæquet: hoc enim fieri nullo pacto potest: sed ut ex charitate, ex intimo animi studio id agatur. etsi uerissimum illud est, sicuti est, diuinum nomen per se sanctificatione non egere, cum sanctum, & terribile sit, quemadmodũ ipse Deus suapte natura sanctus est: neque ei ulla sanctitas, qua ab omni eternitate præditus non fuerit, possit accedere: tamen, quod in terris lōge minori honore afficitur, quam par est, nonnumquã etiam maledictis, & nefarijs uocibus uiolatur, propterea cupimus, ac petimus, ut laudibus, honore, gloria celebretur ad exemplum laudum, honoris, & gloriæ, quæ illi in cælo tribuuntur; idest, ut sic honor, & cultus in mente, in animo, in ore uersetur, ut omni ueneratione & intima, & externa prosequamur, omni celebritate excelsum, purum, & gloriosum Deum ad imitationem supernorum, ac cælestium ciuiũ  
 com-

*Psal. 110*



complectamur. Vt enim cælites summa cōsensio-  
ne, gloria, & predicatione efferunt Deum : sic pre-  
camur, ut idem contingat orbi terrarum, & om-  
nes gentes Deum cognoscant, colant, & ueneren-  
tur; ut nulli plane mortales reperiantur, qui non &  
suscipiant Christianā religionem, & se totos Deo  
dicātes credant ex eo omnem sanctitatis fontē exi-  
stere, neque quidquam esse purum, aut sanctum,  
quod nō a sanctitate diuini nominis oriatur. Testa *Eph. 5*  
tur enim Apostolus mundatam esse Ecclesiam in  
lauacro aquę, in uerbo uitę. significat autem uer-  
bum uitę, nomen patris, & filij, & spiritus san-  
cti, in quo baptizamur, & sanctificamur. Itaque,  
quoniam nulla cuiusquam expiatio, nulla mundi-  
tia, & integritas esse potest; iuper quo non sit in-  
uocatum diuinum nomen; cupimus, & petimus a  
Deo, ut omne hominum genus, relictis impurę in-  
fidelitatis tenebris, ac radijs diuini luminis illustra-  
tū, huius uim nominis agnoscat sic, ut in eo uerā  
querat sanctitatem; & in nomine sanctę, & in-  
diuidue Trinitatis baptismi sacramentum susci-  
piens ipsius Dei dextera, perfectā uim sanctitatis  
consequatur. Pertinet uero optatum, & postu-  
latio nostra nō minus etiam ad eos, qui flagitijs, &  
sceleribus cōtaminati, purā baptismi integritatē,  
& innocentię stolā amiserunt: quare factū est, ut  
in illis miserrimis suā iterū sedē impurissimus spi-  
ritus collocarit. Optamus igit, & precamur a Deo,  
ut in ipsis etiam sanctificetur nomē eius; ut ad cor,  
& ad sanitatem redeuntes, sacramento pæniten-  
tię redimant pristinā sanctitatem, seque ipsos pu-  
rum, ac sanctum Deo templum, ac domiciliū pre-

KK 3 beant,

Iacobi. 1

beant. Oramus denique, lumen ut suū Deus præferat omniū mentibus; quo uidere possint, omne datum optimū, & omne donum perfectū, descendens a Patre luminum, ad nos diuinitus esse delatum; quo temperantiā, iustitiā, uitā, salutē, omnia denique animi, corporis, externa uitalia, ac salutaria bona illi accepta referant; a quo, quemadmodū prædicat Ecclesia, bona cuncta procedūt: si quid luce sua sol, si quid reliqua sidera motu, & cursu pro sunt hominū generi; si circumfuso hoc alimur spiritu; si terra frugum, & fructuū ubertate uitā sustinet omniū; si opera magistratuū quiete, ac tranquillitate fruimur; & hæc, & huius generis bona innumerabilia nobis suppeditat immēsa Dei benignitas. Quin etiā, quas philosophi secundas causas appellant, interpretari debemus, mirabiliter effectus quasdam, & ad usum nostrū accommodatas Dei manus, quibus nobis sua bona distribuit, ac lōge, lateque diffundit. Quod autē maxime rem cōtinet in hac petitione, illud est, ut omnes agnoscant, & uenerentur sanctissimam Iesu Christi sponfam, & parentem nostram Ecclesiam: in qua una est fons ille amplissimus, atque perpetuus, ad eluendas, & expiandas omnes peccatorum sordes, unde hauriuntur uniuersa salutis, & sanctificationis sacramenta; quibus quasi celestibus quibusdam fistulis in nos a Deo ille sanctitatis ros, & liquor effunditur: ad quam solam, & ad eos, quos suo sinu, & gremio complexa est, pertinet diuini illius imploratio nominis, quod unū sub cēlo datum est hominibus, in quo oporteat nos saluos fieri. Verum Parochi maxime hunc locum urgere debebunt, boni esse

Act. 4

ni esse filij, non solum patrem Deum orare uerbis, sed re etiam, & actione conari, ut eluceat in ipso sanctificatio diuini nominis. Vtinam non essent, qui, cum oratione hanc Dei nominis sanctificationem assidue postulent, factis, quantum in ipsis est, illud uiolant, atque contaminant: quorum culpa interdū ipsi etiam Deo maledicuntur, in quos dictū est ab Apostolo: Nomen Dei per uos blasphemat<sup>Rom. 2</sup>ur inter gentes. Et apud Ezechielem legimus: In-<sup>Ezech. 36</sup>gressi sunt ad gentes, ad quas introierunt, & polluerunt nomen sanctum meum; cum diceretur de eis; populus Domini iste est, & de terra eius egressi sunt. Qualis enim est uita, & ut sunt eorum mores, qui religionem profitentur: sic de religione ipsa, deque eius auctore religionis multitudo imperira iudicare solet. Quare qui uiuunt ex Christiana religione, quam susceperunt, & ad eius regulam orationem, & actiones dirigunt suas, magnam facultatem præbent alijs laudandi nomen cælestis parentis, & omni honore, & gloria celebrandi. Nobis enim ipse has partes imposuit Dominus, ut illustribus uirtutis actionibus excitemus homines ad laudem, & prædicationē diuini nominis: ad quos loquitur in hunc modum apud Euangelistam; Sic<sup>Matth. 5</sup> luceat lux uestra coram hominibus, ut uideant opera uestra bona, & glorificent patrem uestrum, qui in cælis est. Et Princeps apostolorum: Conuer-<sup>Epist. 1. 2.</sup>sationē uestram inter gētes habentes bonam, ut ex bonis operibus uos considerantes, glorificent Deū.

ADVENIAT REGNUM TVVM.

Regnum cæleste, quod altera hac petitione po-

KK 4 stula-

- stulamur; eiusmodi est, ut eo referatur, ac terminetur omnis euangelij prædicatio. nam & inde exorsus est ad pænitentiam cohortari S. Ioannes Baptista; dum, Pænitentiam, inquit, agite: appropinquabit enim regnum cælorum. Nec aliunde fecit initium suæ prædicationis Saluator humani generis; & in illo salutari sermone, quo beatitudinis uias discipulis in monte monstrauit; tamquam proposito orationis argumento principium duxit a regno cælorum: nam, Beati, inquit, pauperes spiritu: quoniam ipsorum est regnum cælorum. Quin etiam eum retinere cupientibus, attulit illam causam necessariæ profectionis: Et alijs ciuitatibus oportet me euangelizare regnum Dei: quia ideo missus sum. Hoc idem postea regnū prædicare iussit apostolos; & illi, qui se ire ad sepeliendum patrem suum uelle dixerat, respondit; Tu uade, annuncia regnum Dei. Cum uero resurrexisset a mortuis, per illos quadraginta dies, quibus apparuit apostolis, loquebatur de regno Dei.
- Act. 1** Quare Parochi hunc secundæ postulationis locum diligentissime tractabūt, ut fideles auditores, quanta sit in hac petitione uis, ac necessitas; intelligant. Primum autem ipsis ad rem scienter, subtiliterque explicandam magnam facultatem dabit ea cogitatio, quod, etsi hæc petitio coniuncta sit cum reliquis omnibus, eam tamen separatim etiam adhiberi iusserit a ceteris, ut, quod petimus, summo studio quæramus. ait enim:
- Matth. 6** Quærite primum regnum Dei, & iustitiam eius: & hæc omnia adiicientur uobis. Et quidem tanta uis, & copia cælestium munerum hac postula-



postulatione continetur, ut omnia complectatur,  
 quæ ad corpoream, & spiritualem uitam tuen-  
 dam sint necessaria. quem autem regio nomine di-  
 gnus dicemus, cui ea curæ non sint, quæ regni  
 salutem contineant? quod si sunt homines de re-  
 gni sui incolumitate solliciti: quanta regem regum  
 omnium cura, & prouidentia tueri credendum est  
 & uitam, & salutem hominum? Hac igitur re-  
 gni Dei petitione comprehensa sunt omnia, qui-  
 buscumque in hac peregrinatione, uel exilio po-  
 rius indigemus: quæ concessurum se Deus benigne  
 pollicetur: nam statim illa subiunxit: Et hæc omnia  
 adijcientur uobis. Quibus omnino declarauit, se  
 eum esse regem, qui generi hominum copiose om-  
 nia, largeque suppeditat: in cuius infinite benigni-  
 tatis cogitatione infixus Dauid cecinit: Domi- *Psal. 22*  
 nus regit me, & nihil mihi deerit. Verum mini-  
 me satis est, uehementer petere Dei regnum, ni-  
 si ad petitionem nostram adhibeamus omnia tam  
 quam instrumenta, quibus illud queritur, & in-  
 uenitur. nam & quinque fatuæ uirgines studiose  
 illæ quidem petierunt ad hunc modum; Domine *Matth. 25*  
 Domine aperi nobis: uerumtamen, quod illius  
 postulationis præsidia non haberent, exclusæ sunt:  
 nec iniuria. est enim illa Dei ore pronunciata sen-  
 tentia; Non omnis, qui dicit mihi, Domine Do- *Matth. 7*  
 mine, intrabit in regnum celorum. Quam-  
 obrem haurient animarum curatores Sacerdotes  
 ex uberrimis diuinarum litterarum fontibus ea,  
 quæ fidelibus desiderium studiumque commoue-  
 ant regni celorum; quæ calamitosam status no-  
 stri condicionē illis ob oculos ponant; quæ sic eos  
 afficiant, .

afficiant, ut respicientes, & colligentes se in memoriam redeant summę beatitudinis, & inexplicabilium bonorũ, quibus redundat eterna parentis Dei domus. Exules enim sumus, & plane eius loci incolę, in quo habitant demones; quorũ odium in nos nulla ratione mitigari potest: nā sunt infestissimi, & implacabiles in genus humanũ. Quid domestica, intestinaq. pręlia, quę inter se corpus, & anima, caro, & spiritus assidue gerunt? quibus, perpetuo timendũ est, ne concidamus: timendum aut? immo uero statim concideremus, nisi propugnaculo diuinę dexterę defenderemur. Quam uim miseriarum cum sentiret Apostolus: Infelix, inquit, ego homo, quis me liberabit de corpore mortis huius? Hęc infelicitas nostri generis, quamquā per se cognoscitur, tamen ex contentione reliquarũ naturarum, & creatarum rerũ facilius intelligi potest. In illis siue rationis, siue etiā sensus expertibus raro fieri uidemus, ut aliqua natura a proprijs actionibus, a sensu, uel motu insito declinet sic, ut a proposito, & cōstituto fine deflectat. Hoc apparet in bestijs agrestibus, nantibus, uolucris, ut res declaratione nõ egeat. Quod si cęlum suspexeris, non ne uerissimũ id esse intelligis, quod a Dauide dictum est? In eternum, Dñe, uerbum tuũ permanet in cęlo. Nempe illud cōtinenti motu, & perpetua conuersione fertur, ut ne minimũ quidẽ a pręfinita diuinitus lege discedat. Si terram, & reliquam uniuersitatem cōsideres: facile uideas, aut nulla, aut exigua ex parte deficere. At miserrimum hominum genus sepius sine labitur; raro, quę recte sunt cogitata, persequitur; plerumque susceptas bonas actiones abijcit,

Gal. 5

Rom. 7

Psalm. 118

cit, atque contemnit; quę modo placuerat optima sententia, subito displicet, & illa reiecta, ad turpia consilia, sibi que pernicioſa delabitur. Quęnam igitur est huius inconstantię, miserięque causa? Contemptio plane diuini afflatus. claudimus enim aures Dei monitis: oculos tollere nolumus ad ea, quę nobis lumina diuinitus præferuntur, nec celestem patrem salutariter præcipientem audimus. Quare huc incumbendum erit Parochis, ut & miseras oculis subiſciant fidelis populi, & commemorent causas miseriarum, & remediorum uim ostendant. quorum omnium illis facultas non deerit, comparata ex uiris sanctissimis, Ioanne Chrysostomo, & Augustino, maxime uero ex ijs, quę in Symboli expositione posuimus. nam, illis cognitis, quis erit e facinororum hominum numero, quin adiumento Dei gratię præcuntis, euāgelico il- Luc. 19 lo prodigi filij exemplo conetur exurgere, & erigere se, atque in celestis regis, patrisque conspectum uenire? His explicatis, quę sit fidelium fructuosa petitio, aperient, quid sit, quod his uerbis a Deo postulemus, præsertim cum uocabulum regni Dei multa significet; quorum declaratio & ad reliquã scripturę intelligentiam non erit inutilis, & est ad huius cognitionem loci necessaria. Communis igitur quędam regni Dei significatio, quę frequens est in diuinis litteris; est non solum eius potestatis, quam habet in omnem hominum, rerumque uersitatem, sed etiam prouidentię, qua cuncta regit, & moderatur. In manu enim eius, inquit Psalm. 94 Propheta, sunt fines terræ. Quibus finibus intelliguntur etiam, quę occulta sunt, & abdita in in-

timis

timis terrę, ac rerum omnium partibus. In hanc sententiam Mardocheus loquebatur illis uerbis:

*Esther* 13

Domine Deus, rex omnipotens: in ditione enim tua cuncta sunt posita; & non est, qui possit tuę resistere uoluntati. Dominus omnium es; nec est, qui resistat maiestati tuę. Item Dei regno declaratur præcipua illa, ac singularis prouidentię ratio, qua Deus pios, & sanctos homines tuetur, & curat. de qua propria, & eximia quadam Dei cura

*Psalms* . 22

dictum est illud a Dauide: Dominus regit me, nihil

*Isa* . 33

mihi deerit. tum ab Isaia: Dominus, rex noster, ipse

saluabit nos. In qua Dei regia potestate etsi præcipua ratione sunt in hac uita ij, quos diximus, sancti,

*Ioan* . 18

ac pij homines: tamen monuit Pilatum ipse Christi dominus, regnum suum non esse ex hoc mundo,

hoc est, minime ex hoc mundo, qui & conditus est, & interiturus, ortum habere. nam eo, quem

diximus, modo dominantur imperatores, reges,

respublicę, duces, omnesq. ij, qui uel expetiti, ac

delecti ab hominibus præsumunt ciuitatibus, atq. pro

uincijs; uel per uim, & iniuriam dominatum occu-

pauerunt. Christus autem dominus constitutus est

*Psalms* . 2

rex a Deo, ut ait Propheta: cuius regnum, ex Apo-

stoli sententia, iustitia est. ait enim: Regnum Dei

*Rom* . 14

est iustitia, & pax, & gaudium in spiritu sancto.

Regnat autem in nobis Christus dominus per uir-

tutes intimas, fidem, spem, charitatem: quibus uir-

tutibus regni quodam modo partes efficimur; &

Deo peculiari quadam ratione subiecti, ad eius

cultum ac uenerationem consecramur: ut, quem-

*Gal* . 2

admodum dixit Apostolus; Viuo autem, iam non

ego; uiuit uero in me Christus; ita nobis dicere li-

ceat;

ceat;



eeat; Regno ego, iam non ego; regnat uero in me  
 Christus. Id autem regnum iustitia dicitur, quia  
 Christi domini iustitia constitutum est. Ac de hoc  
 regno sic loquitur apud sanctum Lucā Dominus :  
 Regnum Dei intra uos est. Nam etsi Iesus Chri- Luc. 17  
 stus per fidem regnat in omnibus, qui gremio, ac  
 sinu sanctissime matris Ecclesie continentur, præ-  
 cipuo tamen modo regit eos, qui præstanti fide,  
 spe, & charitate præditi, se tamquam pura quæ-  
 dam, & uiua membra, Deo præbuerunt, & in his  
 Dei gratie regnum esse dicitur. Est uero etiam Dei  
 glorie regnum illud, de quo Christum dominum  
 apud sanctum Mattheum loquentem audimus :  
 Venite benedicti patris mei; possidete paratū uo- Matth. 25  
 bis regnum a cōstitutione mundi. Quod idem ab  
 eo regnum apud sanctum Lucam latro admirabi-  
 liter, sua scelera recognoscens, expetebat in hunc  
 modum : Domine, memento mei cum ueneris in Luc. 23  
 regnum tuum. Sāctus etiam Ioannes meminit hu- Ioan. 3  
 ius regni : Nisi quis renatus fuerit ex aqua, & spi-  
 ritu, non potest introire in regnum Dei. Meminit  
 item Apostolus ad Ephesios : Omnis fornicator, Eph. 5.  
 aut immundus, aut auarus, quod est idolorum ser-  
 uitus, non habet hereditatem in regno Christi, &  
 Dei. Eodem pertinent aliquot similitudines Chri- Matth. 13  
 sti domini, loquentis de regno celorum. Neces-  
 se est autem, prius ponere regnum gratie. neque  
 enim fieri potest, ut in ullo regnet Dei gloria, ni-  
 si eiusdem gratia in illo regnarit. Est uero gratia, Ioan. 4  
 ipsius sententia Saluatoris, fons aquæ salientis in  
 uitam eternam. Gloriam autem quid esse dice-  
 mus, nisi gratiam quandam perfectam, & abso-  
 lutam?

lutam? quamdiu enim fragili hoc, & mortali corpore uestiti sumus, dum in hac cæca peregrinatione, & exilio uagi, & imbecilles absumus a Domino, sæpe labimur, & cadimus, abiecto regni gratiæ adminiculo, quo nitebamur: cum autem regni gloriæ, quod perfectū est, lux nobis illuxerit, firmi, ac stabiles perpetuo consistemus. omne enim & uitium, & incommodum exaurietur: omnis infirmitas confirmata roborabitur: ipse denique nostra in anima, & in corpore regnabit Deus. quæ res uberius in Symbolo tractata est, cum de resurrectione carnis ageretur. His igitur expositis, quæ communem regni Dei sententiam declarant, quid sibi hæc petitio proprie uelit, dicendum est. Petimus autem a Deo, ut regnum Christi, quod est Ecclesia, propagetur; ut se ad fidem Christi domini, & ad accipiendam ueri Dei cognitionē conuertant infideles, & Iudæi, & schismatici, ac hæretici redeant ad sanitatem, & ad Ecclesiæ Dei communionem, a qua desciiuerunt, reuertantur; ut compleatur, & ad exitum perducatur, quod

**Isa. 54** Isaia ore dixit Dominus: Dilata locum tentorij tui; & pelles tabernaculorum tuorum extende; longos fac funiculos tuos, & clauos tuos consolida; ad dexteram enim, & ad læuam penetrabis: quia dominabitur tui, qui fecit te. Et idem: Ambulabunt gentes in lumine tuo, & reges in splendore ortus tui: leua in circuitu oculos tuos, & uide, omnes isti congregati sunt, uenerūt tibi: filij tui de longe uenient, & filiæ tuæ de latere surgent. Verum quia sunt in Ecclesia, qui uerbis cōfidentes Deum, factis negantes, deformatam fidem præferant,

in qui-

in quibus propter peccatum dæmon habitat, ac dominatur tamquam in proprijs domicilijs; petimus etiam, ut ad eos ueniat regnum Dei; quo illi, peccatorum discussa caligine, & radijs diuinæ lucis illustrati, restituantur in filiorum Dei pristinam dignitatem; ut, omnibus e suo regno, cælestis parēs, sublati hæreticis, atque schismaticis, eiectionisque offensionibus, ac scelerum causis, aream purget Ecclesiæ, quæ, Deo cultum pie, sancteque adhibendo, quieta, ac tranquilla pace perfruatur. Petimus denique, ut solus in nobis uiuat, solus regnet Deus; ne sit posthac morti locus; sed ut illa absorbeatur in uictoria Christi domini nostri, qui, disiecto, ac dissipato omni hostium principatu, potestate, & uirtute suo omnia subijciat imperio. Erit autem curæ Parochis, ut, quod postulat huius ratio petitionis, fidelem populum doceant, quibus cogitationibus, & meditationibus instructus, has pie Deo preces facere possit. Ac primum hortabūtur, ut uim, ac sententiam intueatur illius similitudinis a Salvatore introductæ: *Matth. 13* Simile est regnum cælorū thesauro abscondito in agro: quem qui inuenit homo, abscondit, & præ gaudio illius uadit, & uendit uniuersa, quæ habet, & emit agrum illum. Nam qui nouerit Christi domini diuitias, is præ illis omnia contemnet, huic facultates, opes, potentia sordescunt. nihil enim est, quod illi summo pretio comparari, immo uero, quod in conspectu eius stare possit. Quare, quibus id nosse contigerit, exclamabunt illi, ut Apostolus; *Ad Phil. 3* Omnia detrimentum feci, & arbitror ut stercora, ut Christum lucrificiam. Hæc est illa insignis euangelij margarita, in

- ta, in quam qui pecuniam, ex omnium bonorum uenditione redactam, erogarit, is beatitudine fruetur sempiterna. *Math. 13* O nos felices, si tantum luminis nobis præferret Iesus Christus, ut illam uidere possemus diuinę gratię margaritam, qua ipse regnat in suis: nam & nostra omnia, & nos ipsos uenundaremus, ut emptam illam tueremur. tum enim denique nobis id non dubitanter dicere liberet:
- Rom. 8* Quis nos separabit a charitate Christi? Præstatem uero regni glorię excellentiam, si, quę sit, scire uolumus, eandem de illa, & Prophetę, & Apostoli uocem, atque sententiam audiamus: *1. Cor. 2* Oculus non uidit, neque auris audiuit, neque in cor hominis ascendit, quę preparauit Deus ijs, qui diligunt illum. *1. Jo. 65* Proficiet autem ad impetrandum maxime, quod petimus, si, qui simus, ipsi nobiscum reputemus, idest Adam progenies, iure e paradiso eiekti, & exules; quorum indignitas, ac peruersitas summum Dei odiũ, ac sempiternas pœnas postularet. Quare demisso tum, & abiecto animo simus oportet. *Luc. 18* Nostra etiam erit plena Christianę humilitatis oratio: & omnino nobis ipsi diffidentes, illius more publicani confugiemus in Dei misericordiã; totumq. eius benignitati tribuẽtes, ipsi gratias agemus immortales, qui nobis suum spiritum sit elargitus, quo freti clamare audeamus, Abba pater. suscipiemus etiam illam curam, & cogitationem, quid agendum, quid contra uitandum sit, ut ad cęleste regnum peruenire possimus. non enim a
- Math. 19* Deo ad otium, & ad inertiam uocati sumus: quinimo inquit; *Math. 11* Regnum cęlorum uim patitur, & uolenti rapiunt illud: &, Si uis ad uitam ingredi, serua man-



ua mandata . Itaque non est satis , petere regnum Dei, nisi suum ipsi etiam studium, & operam adhibeant homines. nam adiutores sint oportet, & administri Dei gratiæ in eo tenendo cursu, quo peruenitur in cælum . Numquam nos deserit Deus : qui nobiscū se futurū perpetuo pollicitus est: unū ut nobis uidendū sit, ne Deū, & nos ipsos deferamus. Ac Dei quidē sūt in hoc Ecclesiæ regno omnia, quibus & uitā tuetur hominum, & salutem illis conficit sempiternam, & quæ sub aspectū nō cadunt, angelorū copię, & plenissimum uirtutis cælestis uisibile hoc munus sacramentorum . In his tantum nobis presidij est diuinitus constitutū , ut non modo ab acer rimorum hostium regno tuti esse, sed ipsum etiam tyrannum , eiusque nefarios satellites prosterne re, & conculcare possimus . Quare uehementer ad extremum petamus a Dei spiritu, nos ut omnia iubeat e sua uoluntate facere ; Satane ut tollat imperium, nullam ut in nobis summo illo die potestatem habeat ; ut uincat , & triumphet Christus ; ut uigeant eius leges toto orbe terrarum ; ut decreta seruentur, nullus ut proditor, aut desertor eius sit ; sed tales se præbeant omnes, ut in regis Dei conspectum non dubitanter ueniant , & constitutam illis ex omni eternitate possessionem adeant regni cælestis, ubi beati cum Christo sempiterno quo fruātur.

## FIAT VOLUNTAS TUA

Cum a Christo domino dictum sit; Non omnis, *Matth. 7* qui dicit mihi, Domine, Domine, intrabit in regnū cælorum; sed qui facit uoluntatem patris mei, qui in cælis est, ipse intrabit in regnū cælorū; quicumq;

L L in illud

in illud celeste regnum peruenire cupiunt, id a Deo petere debent, ut fiat uoluntas eius. Quamobrem hæc loco posita petitio est statim post regni celestis postulationem. Vt autem intelligant fideles, quam necessariū id nobis sit, quod hac prece postulamus, quantamque uim salutarium munerum ex eius impetratione consequamur: demonstrabunt Parochi, quibus miserijs, & erumnis oppressum fuerit hominum genus propter peccatum primi parentis. Nam a principio Deus proprii boni appetitionem creatis rebus ingenerauit, ut naturali quadam propensione suum quærerent, & expeterent finem, a quo illę numquā, nisi obiecto extrinsecus impedimento, declinant. Hęc autem initio fuit in homine expetendi Deum, suę beatitudinis auctorem, parentemque, eo præclarior, & præstantior uis, quod is compos esset rationis, atque consilij. Sed hunc amorem, sibi naturaliter ingenitum, cum reliquę naturę rationis expertes conseruassent, quę ut initio procreate fuerunt natura bonę, sic in eo statu, & condicione manserunt, hodieque manent; miserum hominū genus cursum nō tenuit: non enim solum bona iustitię originalis amisit, quibus a Deo supra naturę suę facultatem auctum, ornatumque fuerat, sed etiam insitum in animo præcipuum uirtutis studium obscurauit. Omnes, inquit, declinauerunt, simul inutiles facti sunt. non est, qui faciat bonū, non est usq. ad unum, Nam sensus & cogitatio humani cordis in malū prona sunt ab adolescentia sua: ut inde facile intelligi possit, neminem per se salutariter sapere, sed omnes ad malum esse propensos, innumerabilesq. esse hominū pra-

*Psal. 52*

*Gen 8*

uas cupiditates, dum procliues sunt, & flagranti studio feruntur ad iram, ad odium, ad superbiam, ad ambitionem, ad omne fere malorum genus. Quibus in malis quamquam assidue uersemur; tamen, quæ summa est nostri generis miseria, permulta ex illis sunt, quæ nobis minime mala uideantur. quæ res insignem arguit hominum calamitatem; qui cupiditatibus ac libidinibus obcæcati non uideant quæ salutaria opinantur, plerumque esse pestifera, immo uero ad illa perniciofa mala, tamquam ad optabile & expetendum bonum, rapiantur precipites, ab ijs, quæ uere bona sunt, & honesta, tamquam a contrarijs rebus, abhorreant. Hanc opinionem, corruptumque iudicium detestatur Deus illis uerbis; Væ, qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Itaque, nostris ut subijciant oculis nostras misérias, comparant nos diuinæ litteræ ijs, qui uerum gustandi sensum amiserunt: quare fit, ut a salubri uictu alieni sint, appetantque contrarium. Cum ægrotis præterea nos conferunt. ut enim illi, nisi morbum depulerint, sanorum, & integrorum hominum officia ac munera obire non possunt: sic nos actiones, quæ Deo gratæ sint, suscipere sine diuinæ gratiæ adiumento nequimus. Quod si quædam sic affecti assequimur; leuia illa sunt, & quæ ad consequendam cælestem beatitudinem parum uel nihil momenti habent. At Deum, ut par est, amare, & colere, quod maius quiddam & altius est, quam ut nos humi strati id humanis uiribus assequamur, numquam poterimus, nisi ad miniculo

Prouer. I

Cap. I

1. Cor. 14

diuinæ gratiæ subleuemur. Quamquam aptissima est etiam illa comparatio ad significandam miserā humani generis condicionem, quod similes esse dicimur puerorū, qui suo relictī arbitrio temere mouentur ad omnia : pueri , inquam , sumus , & imprudentes, ludicris sermonibus, & inanibus actionibus dediti, si a diuino præsidio deferamur. sic enim nos obiurgat Sapientia : Vsquequo paruuli diligitis infantiam, & stulti ea, quæ sibi sunt noxia, cupient? Et in hunc modum hortatur Apostolus: Nolite pueri effici sensibus. Etsi maiori in inanitate, & errore uersamur, quam illa puerilis ætas; cui tantum abest humana prudentia, ad quam tamen per se tempore potest peruenire; cum ad diuinam prudentiam, quæ ad salutem necessaria est, nos nisi Deo auctore, & adiutore, aspirare non possimus. nisi enim præsto nobis sit Dei auxilium, reiectis ijs, quæ uere sunt bona, ad interitum ruimus uoluntarium. Ac si quis, discussa diuinitus animi caligine, has uideat hominum misérias, & , sublato stupore, sentiat legem membrorum, ac sensus cupiditates, spiritui repugnātes, recognoscat, omnemq. dispiciat naturæ nostræ propensionem ad malum; qui poterit non ardenti studio opportunum tanto huic malo, quo naturæ uitio premimur, remedium quærere, salutaremque illam regulam expetere, ad quam Christiani hominis uita dirigenda, & conformanda sit? Hoc igitur illud est, quod imploramus, cū ita precamur Deū, Fiat uoluntas tua. Cum enim, abiecta obediētia, & Dei uolūate neglecta, in has misérias inciderimus unū illud tantorū malorum remedium nobis diuinitus



nitus propositū est, ut ex Dei uoluntate, quā peccando contempsimus, aliquando uiuamus, omnesque cogitationes & actiones nostras ea regula metiamur. quod ut assequi possimus, suppliciter illud a Deo petimus, Fiat uoluntas tua. Id uero illis etiam uehementer petendum est, in quorum animis iam regnat Deus, quique iam sunt radijs diuini luminis illustrati; cuius gratiæ beneficio, Dei obtemperent uolūtati. Quibus licet ita comparatis, proprię tamē cupiditates aduersantur propter procliuitatem ad malum, insitam in hominum sensibus; ut, etiam si tales simus, magnum tamen hoc loco nobis periculum sit a nobis ipsis, ne abstracti *Iacob. 4* & illecti a concupiscentijs, quæ militant in membris nostris, iterum de salutis uia deflectamus. de quo nos periculo Christus dominus admonuit illis uerbis: Vigilate, & orate, ut non intretis in *Matth. 26* tentationem. spiritus quidem promptus est, caro autem infirma. Non enim est in hominis potestate, ne in eius quidem, qui per Dei gratiam est iustificatus, ita domitos habere carnis affectus, ut nunquam illi pōstea excitentur: quippe cum eorum, qui iustificati sunt, mentem sanet Dei gratia, non etiam carnem: de qua illud scripsit Apostolus: Scio *Rom. 7* enim, quia non habitat in me, hoc est in carne mea bonum. Nam ut semel primus homo iustitiam originalem, quo tamquam freno quodam cupiditates regebantur, amisit, minime eas postea ratio ita continere potuit in officio, ut ea non appeterent, quæ etiam rationi repugnant. Itaque in ea hominis parte peccatum, idest peccati fomité habitare scribit Apostolus, ut intelligamus eum non ad tē-

LL 3 pus,

pus, quasi hospitem, diuersari apud nos, sed, quamdiu uiuimus, tamquam incolam nostri corporis in domicilio membrorum hærere perpetuo. Ergo domesticis & intestinis hostibus assidue oppugnati, facile intelligimus, confugiendum esse ad Dei auxilium, petendumque, ut fiat in nobis uoluntas eius. Iam uero faciendum est, ut sciant fideles, quæ sit huius petitionis uis. quo loco, multis omis- sis, quæ a doctoribus scholasticis de Dei uoluntate utiliter, & copiose disputantur, uoluntatem hic accipi dicimus pro ea, quam signi appellare solent, hoc est, pro eo quod Deus a nobis fieri, aut caueri iusserit, aut monuerit. Quare uoluntatis nomine hoc loco comprehensa sunt uniuersa, quæ nobis ad cælestem beatitudinem comparandam proponuntur, siue illa ad fidem, siue ad mores pertineant; omnia denique, quæcumque nos Christus dominus per se, uel per Ecclesiam suam facere aut imperarit, aut prohibuerit: de qua uoluntate ita scribit Apostolus:

*Eph. 5.* Nolite fieri imprudentes: sed intelligentes, quæ sit  
*1. Pet. 2* uoluntas Dei. Cum igitur illud precamur, Fiat uoluntas tua; petimus in primis nobis, ut Pater cælestis facultatē concedat obtemperandi diuinis iussis, & inseruiendi ei in sanctitate & iustitia omnibus diebus nostris; ut ad nutum & uoluntatem eius omnia faciamus; ut ea colamus officia, de quibus in sacris litteris admonemur; ut ipso duce & auctore reliqua omnia præstemus, quæ eos decent, qui non ex uoluntate carnis, sed ex Deo nati sunt, exemplum Christi domini secuti, qui factus est obediēs usque ad mortem, mortem autem crucis; ut parati simus omnia perpeti potius, quam

uel

uel minimum ab eius uoluntate discedere. Nec uero quisquam est, qui huius studio, & amore petitionis flagret ardentius, quam is, cui concessum sit, ut summam eorū dignitatem intueatur, qui Deo obediunt. Idem enim illud uerissime dici intelligit; Servire Deo, & illi obedire, regnare esse. Quicumque, inquit Dominus, fecerit uoluntatem patris mei, qui in cælis est, ipse meus frater, soror, & mater est: hoc est, cum illo sum omnibus amoris, & beneuolentiæ uinculis cōiunctissimus. Nemo fere est ex uiris sanctis, quin præcipuum huius petitionis munus a Deo uehementer postularit: ac præclara quidem omnes, sed uaria per sepe oratione usi sunt: in quibus mirificum & suauissimum Dauidem uidemus illud uarie postulantem. modo enim inquit: Vtinam dirigantur uie mee ad custodiendas iustificationes tuas. Interdum: Deduc me in semitam mandatorum tuorum. Nonnumquam: Gressus meos dirige secundum eloquium tuum, & non domine-  
 tur mei omnis iniustitia. Huc pertinent illa: Da mihi intellectum, ut discam mandata tua. Iudicia tua doce me: da mihi intellectum, ut sciam testimonia tua. Sepe alijs uerbis eandem tractat, uersatque sententiā. Qui loci diligēter animaduertendi sunt, & fidelibus explicandi; ut, quanta sit in prima huius petitionis parte uis, & copia salutarium rerum, omnes intelligant. Secundo loco, cum illud precamur; Fiat uoluntas tua; detestamur opera carnis: de quibus scribit Apostolus: Manifesta sunt autem opera carnis; quæ sunt for-  
 nicatio, immunditia, impudicitia, luxuria, &c.

Psal. 118

Gal. 5

Rom. 8

&c, Si secundum carnem uixeritis, moriemini. petimusque ne sinat Deus ea nos perficere, quæ sensus, quæ cupiditas, quæ imbecillitas nostra suaserit, sed ut nostram uoluntatem sua uoluntate moderetur. Alieni sunt ab hac uoluntate uoluptuarij homines, qui in terrenarum rerum cura, & cogitatione defixi sunt. Feruntur enim libidine præcipientes ad potiundum, quod concupierunt, & in illo fructu prauæ cupiditatis felicitatem ponunt, ut beatum etiam esse dicant, qui, quodcumque optarit, consequatur. Nös contra petimus a Deo, ut ait Apostolus, ne carnis curam faciamus in desiderijs, sed ut fiat uoluntas eius. etsi non facile adducimur, ut precemur Deū, ut cupiditatibus nostris non satisfaciat. habet enim difficultatē hæc animi inductio: quod ipsi quodā modo, id petentes, nos uidemur odisse: quod etiam stultitiæ tribuunt ij, qui toti hærent in corpore. sed nos stultitiæ famam subeamus libenter Christi causa. cuius est illa sententia: Si quis uult post me uenire,

Rom. 13

Math. 16

Luc. 9

abneget semetipsum, præsertim cum sciamus, multo præstare, id optare, quod rectum, iustumque sit, quam illud assequi, quod a ratione, a uirtute, a Dei legibus sit alienum. & certe deteriore loco is est, quicumque ad id peruenit, quod temere ac libidinis impulsu cupiebat, quam qui, optime quod optauit, non assequitur. quamquam nō id modo petimus, ne concedatur nobis a Deo, quod ipsi nostra sponte cupimus, cum studium nostrum deprauatum esse constat; sed ne id etiam detur, quod, suasore, & impulsore Dæmone, stimulato lucis angelo, tamquam bonum interdū postula-



stulamus, rectissimum illud Principis apostolorum  
studium uidebatur; pietatisque plenissimum, cum  
Dominum a consilio proficiscendi ad mortem auoca-  
re conabatur: & tamen eum, quia humanis sensi-  
bus, non diuina ratione ducebatur, Dominus acri-  
ter obiurgauit. Quid amantius in Dominum uide-  
tur eo postulari potuisse, quod sancti uiri Iacobus,  
& Ioannes, illis irati Samaritanis, qui magistrum  
hospitio accipere noluerunt, ab eo petierunt, ut iu-  
beret ignem e cælo descendere, qui duros illos, &  
inhumanos absumeret? At a Christo domino repre-  
henso sunt illis uerbis: Nescitis, cuius spiritus estis: *Luc. 9*  
Filius enim hominis non uenit animas perdere, sed  
saluare. Neque uero solum, cum, quod cupimus,  
malum est, aut mali speciem habet, Deum preca-  
ri debemus, ut fiat uoluntas eius, sed etiam, cum  
re uera malum non est; ueluti cum uoluntas sequi-  
tur primam illam naturæ inclinationem, ut ap-  
petat ea, quæ naturam conseruant, & reiiciat,  
quæ ei contraria uideantur. Quocirca, cum in eum  
locum uentum est, ut aliquid petere uelimus huius  
generis; tum uero dicamus ex animo, Fiat uolun-  
tas tua: imitemur illum ipsum, a quo salutem, &  
salutis disciplinam accepimus; qui cum naturali-  
ter insito cruciatuum, & acerbissime mortis timo-  
re commoueretur, tamen in illo horrore summi  
doloris, suam ad Dei patris retulit uoluntatem:  
Non mea, inquit, uoluntas, sed tua fiat. Sed mi- *Luc. 22*  
rabilius deprauatum est hominum genus: qui cum  
uim etiam suæ attulerint cupiditati, eamque diui-  
næ uoluntati subiecerint, tamen sine Dei auxilio,  
quo & a malo protegimur, & ad bonum dirigimur,  
peccata

peccata vitare non possunt. Ergo confugiendum est ad hanc precationem, & petendum a Deo, ut in nobis ipse instituta perficiat, ut exultantes cupiditatis motus comprimat, ut appetitus rationi obediens efficiat, ut nos denique totos ad suam conformet uoluntatem. Precamur etiam, ut Dei uoluntatis cognitionem totus orbis terrarum accipiat; quo diuinum mysterium, absconditum a seculis, & generationibus, notum ac peruulgatum sit apud omnes. Formam præterea, & præscriptionem huius obedientiæ postulamus, ut uidelicet ad eam regulam dirigatur, quam in cælo & seruant beati angeli, & colit reliquus cælestium animarum chorus; ut, quemadmodum illi sponte, & summa cū uoluptate obediunt diuino numini, sic nos Dei uoluntati, quo modo ipse maxime uult, libentissime pareamus. & uero in opera, & studio, quod Deo nauamus, summum a nobis amorē Deus, & eximiam charitatem requirit; ut, etiam si spe cælestium præmiorū totos nos ei dicauerimus, tamen ideo illa speremus, quod, ut in eam spem ingrederemur, placuit diuinæ maiestati. Quare, tota nitatur illo in Deum amore nostra spes, qui mercedem amoris nostro proposuit æternam beatitudinem. Sunt enim, qui amanter alicui seruiant, sed tamen pretij causa, quo amorem referunt. Sunt præterea, qui tantummodo charitate & pietate commoti, in eo, cui dant operam, nihil spectant, nisi illius bonitatem, atque uirtutem; cuius cogitatione, & admiratione se beatos arbitrantur, quod ei suum officium præstare possint. & hanc habet sententiam illa appositio, Sicut in cælo, & in terra.

ra . Maximè enim nobis enitendum est , ut Deo si-  
 mus obedientes , quemadmodū beatas mentes es-  
 se diximus. quorum laudes in illo summe obedi-  
 tię munere obeūdo, eo psalmo persequitur Daud: *Psal. 102*  
 Benedicite Domino omnes uirtutes eius , ministri  
 eius , qui facitis uoluntatem eius . Quod si quis ,  
 sanctum Cyprianum secutus, sic illa interpretatur,  
 ut dicat, In cēlo, in bonis, & pijs ; In terra, in ma-  
 lis, & impijs : nos uero etiam eius sententiam com-  
 probamus , ut pro cēlo spiritus , pro terra caro in-  
 telligatur ; ut & omnes , & omnia in omnibus Dei  
 uoluntati obediant. Gratiarum item actionem cō-  
 tinet hęc petitio . Veneramur enim eius sanctissi-  
 mam uoluntatem, & maximo perfusi gaudio sum-  
 mis laudibus , & gratulationibus omnia eius ope-  
 ra celebramus, qui certo sciamus eum omnia bene-  
 fecisse. cum enim constet, esse omnipotentē Deum;  
 necessario sequitur , ut omnia eius nutu facta esse  
 intelligamus . cum uero etiam ipsum , sicuti est,  
 summum bonum esse affirmemus ; nihil ex eius  
 operibus non esse bonum , cum omnibus ipse suā  
 impertiuerit bonitatē, confitemur. Quod si in om-  
 nibus diuinam rationem nō assequimur, in omni-  
 bus tamen , & ambigui causa neglecta , & reiecta  
 omni hēsitatione, illud Apostoli profitemur: in in- *Rom. 11*  
 uestigabiles esse uias eius . Sed ob id maxime etiam  
 Dei uoluntatē colimus, quod ab eo celesti lumine  
 dignati sumus . Ereptos enim de potestate tenebra- *Ad Col. 1*  
 rum , transtulit in regnum filij dilectionis sue. Sed  
 ut extremo loco id explicetur , quod ad meditatio-  
 nem pertinet huius petitionis; redeundum est ad id  
 quod initio attigimus, debere fidelem populum in  
 huius

Psal. 118

huius pronuntiatione petitionis esse demisso, & humili animo, reputantem secum eā, quæ in natura est insita, cupiditatum uim, diuinæ uoluntati repugnantem, cogitantē se in eo officio uinci a naturis omnibus: de quibus ita scriptum est: Omnia feruiunt tibi: maximeque imbecillem esse, qui nullū opus Deo gratū non modo nō perficere, sed ne instituire quidem possit, nisi Dei adiumento subleuetur. Quoniam uero nihil magnificentius est, nihil præstantius, quam, ut diximus, Deo seruire, & uitam ex eius lege, ac præceptis agere: quid optabilius esse potest homini Christiano, quā ambulare in uijs Domini, quam nihil agitare animo, nihil actione suscipere, quod a diuina uoluntate abhorreat? Ut uero eam exercitationem capiat, & illud institutum teneat diligentius, petat ex diuinis libris exempla eorum, quibus, cum illi consiliorum suorum rationem non retulissent ad Dei uoluntatē, omnia male ceciderunt. Moneantur postremo fideles, ut in simplici & absoluta Dei uoluntate acquiescant: ferat æquo animo condicionē suam, qui sibi inferiori loco uidetur esse, quam eius dignitas postulet: ne deferat ordinem suum, sed in ea uocatione maneat, in qua uocatus est, & proprium iudicium subijciat Dei uolūtati, qui nobis melius consulit, quā ipsi optare possimus. si angustia rei familiaris, si corporis ualerudine, si persecutionibus, si alijs molestijs, & angoribus premimur: certo statuendum est, nihil horum sine Dei uoluntate, quæ summa omnium ratio est, nobis accidere posse; ideoque non debere nos grauius commoueri, sed inuicto animo ferre, sēper illud in ore habent-



habentes , Domini uoluntas fiat : & illud beati  
Iob : Sicut Domino placuit, ita factum est : sit no- *Iob 1*  
men Domini benedictum .

PANEM NOSTRVM QVOTIDIANVM  
DA NOBIS HODIE.

Quarta petitio , & reliquæ deinceps , quibus  
animæ , & corporis subsidia proprie , ac nomina-  
tim postulamus , ad superiores petitiones referun-  
tur . habet enim hunc ordinem , ac rationem pre-  
catio Dominica , ut postulationem rerum diuina-  
rum consequatur earum petitio , quæ ad corpus ,  
& ad hanc uitam tuendam pertinent . nam ut ad  
Deum , tamquam ad ultimum finem , referuntur  
homines : sic humanæ uitæ bona ad diuina eadem  
ratione diriguntur . quæ quidem ideo optanda , ac  
petenda sunt ; uel quod ita diuinus ordo postulat , uel  
quod illis adiumentis ad diuinorū bonorū adeptio-  
nem indigemus , ut ijs adminiculis propositū finē  
consequamur , qui regno , & gloria cælestis patris ,  
atque ijs præceptis colendis , seruandisque contine-  
tur , quæ Dei uoluntatis esse non ignoramus . quare  
omnem uim , & rationem huius petitionis ad De-  
um , eiusque gloriam referre debemus . Præstabunt  
igitur suum officium Parochi fidelibus auditori-  
bus , ut intelligant , in ijs petendis , quæ ad usum ,  
ac fructum pertinent rerum terrenarum , esse inten-  
dendum animum , ac studium nostrum ad Dei præ-  
scriptionem , nec inde ulla ex parte declinandum .  
Nam in eo , quod scribit Apostolus ; Quid oremus *Rom. 8*  
sicut oportet nescimus ; maxime peccatur his postu-  
lationibus

lationibus terrenarum, & caducarum rerum. Ergo petenda sunt bona hæc, ut oportet; ne, perperam aliquid postulantes, responsum illud a Deo feramus; *Math. 20* Nescitis quid petatis. Erit autem certa iudicandi nota, quæ praua sit, quæue recta petitio, consilium, & propositum postulantis. Nam si quis terrena petit eo animo, ut illa omnino bona existimet, & in illis, tamquam in optato fine, conquiescens, nihil præterea requirat; sine dubio non orat, sicut oportet. Non enim, inquit sanctus Augustinus, petimus temporalia hæc tamquam bona nostra, sed tamquam necessaria nostra. Apostolus etiam in epistola ad Corinthios docet, omnia, quæ spectant ad usus uitæ necessarios, ad Dei gloriam referri oportere. Siue enim manducatis, inquit, siue bibitis, siue aliud quid facitis, omnia in gloriam Dei facite. Sed ut uideant fideles, quantam habeat hæc petitio necessitatem; commemorabunt Parochi, quanta ad uictum, & ad uitam colendam indigentia sit externarum rerum. quod magis intelligent, si comparatio fiet eorum, quæ primo illi parenti nostri generis, & reliquis deinceps hominibus fuerunt ad uiuendum necessaria. nam etsi ille in amplissimo innocentiae statu, unde & ipse, & eius culpa omnis posteritas corruit, necesse habuisset adhibere cibum ad reficiendas uires: tamen inter illius, & nostræ uitæ necessitates multum interest. non enim ei uestibus ad tegumentum corporis opus fuisset, non tecto ad perfugium, non armis ad defensionem, non remedijs ad ualitudinem, non alijs multis, quorum subsidio nos ad hanc naturæ imbecillitatem, ac fragilitatem tuendam egemus.

egemus. satis ei fuisset ad immortalem uitam ille fructus, quem felicissima uitæ arbor nullo eius, aut posterorum labore præbuisset. Neque uero futurus erat homo in tantis paradisi delicijs otiosus; quem ad agendū Deus in eo uoluptatis domicilio collocarat: uerū nulla ei opera molesta, nullum officij munus nō iucundum fuisset. tulisset ille perpetuo suauissimos fructus ex cultura felicitum hortorum; nec eum umquam opera, aut spes fefellisset. At posterorum proles nō solum fructu priuata uitalis arboris, uerum etiam horribili illa sententia condemnata est; Maledicta terra in opere tuo; in la *Gen. 3* boribus comedes ex ea cunctis diebus uitæ tuæ; spinas, & tribulos germinabit tibi, & comedes herbas terræ: in sudore uultus tui uesceris pane tuo; donec reuertaris in terrā, de qua sumptus es: quia puluis es, & in puluerem reuerteris. Nobis igitur contraeuerunt omnia, atque illi, & posteris cōtigisset, si Dei dicto audiens fuisset Adam. itaque uersa sunt omnia, & mutata in deterrimam partē. In quo illud grauisimum est, quod maximos sumptus, summum laborem, ac sudorem sæpissime nullus fructus consequitur; cum fruges datę in deteriore segetem, uel succrescenti agrestium herbarum asperitate opprimuntur, uel nimbis, uento, grandine, uredine, rubigine perculsæ, & prostratę intereunt; ut omnis anni labor, exiguo tempore, aliqua cæli, uel terræ calamitate, recidat ad nihilum. quod accidit immanitate nostrorū scelerum; a quibus auersus Deus, nostris minime benedicit operibus; sed horrenda manet sentētia, quam de nobis initio pronunciauit. Ergo Pastores in huius

ius

ius loci tractationē incumbēt; ut sciat fidelis populus, sua culpa homines in has angustias, & misérias incidere; ut intelligat de sudandum quidem & elaborandum esse in parandis ijs, quæ ad uiuendum sunt necessaria, uerum tamen, nisi laboribus nostris benedixerit Deus, fallacem spem, & inane fore omnem contentionem. nam neque qui plantat, est aliquid, neque qui rigat, sed qui incrementum dat Deus. Et; Nisi Dominus ædificauerit domum, in uanum laborauerunt, qui edificant eam. Docebunt igitur Parochi, esse res pene innumerabiles, quæ si nobis desint, uel uitam amittimus, uel agimus insuauem. Hac enim cognita rerum necessitate, naturæque imbecillitate, Christianus populus cælestem Patrem adire cogetur, & ab eo terrena, & cælestia bona suppliciter petere. Imitabitur prodigum illum filium, qui cum in regione longinqua cepisset egere, nec esset, cum esureret, qui ei filiquas daret, aliquando ad se rediens, intellexit, malorum, quibus premebatur, nusquam nisi a patre esse expectandū remediū. Quo loco accedet etiam fidentius ad orandū fidelis populus, si in cogitatione diuinæ benignitatis recordabitur, paternas aures perpetuo patere filiorum uocibus. nam dum hortatur nos, ut panem petamus, ea se recte petentibus abunde largiturum pollicetur. docendo enim, quo modo petamus, hortatur; hortando, impellit; impellendo, spondet; spondendo, nos in spem certissimæ impetrationis inducit. Excitatis igitur, & inflammatis animis fidelis populi, sequitur, ut, quid hac petitione postuletur, declarandum sit: primum, qui sit ille panis, quem petimus.

Scien-

1. Cor. 3

Psalm. 126

Luc. 15



Sciendum igitur est, in diuinis litteris hoc panis nomine multa quidem significari, sed illa duo præcipue, primum quidquid in uictu, ceterisque rebus ad corpus, uitamque tuendam adhibemus; deinde, quidquid nobis ad spiritus, & animæ uitam, ac salutem Dei munere tributum est. Petimus autem hoc loco huius, quam in terris agimus, uitæ subsidia, sanctorum Patrum ita sentientiū auctoritate. Quamobrem minime sunt audiendi, qui dicunt, nō licere Christianis hominibus a Deo petere terrena huius uitæ bona. Nam huic aduersantur errori, præter consentientem Patrum sententiam, exempla permulta tum ueteris, tum noui testamenti. Iacob enim uouens, sic orabat; Si fuerit Dominus *Gen. 28* mecum, & custodierit me in uia, per quam ego ambulo, & dederit mihi panem ad uescendum, & uestimentum ad induendum; reuersusq. fuero prospere ad domum patris mei; erit mihi Dominus in Deum, & lapis iste, quem erexi in titulum, uocabitur domus Dei; cunctorumque, quæ dederis mihi, decimas offeram tibi. Salomon etiam certū petebat huius uitæ subsidium, cum illud precabatur; Mendicitatem, & diuitias ne dederis mihi; *Prouer. 30* tribue tantum uictui meo necessaria. Quid, quod Saluator humani generis illa iubet petere, quæ nemo negare audeat ad corporis usū pertinere? Ora- *Matth. 24* te, inquit, ut non fiat fuga uestra in hieme, uel Sabbatho. Quid dicemus de S. Iacobo? cuius illa *Iacob. 5* sunt. Tristatur aliquis uestrum? oret: æquo animo est? psallat. Quid de Apostolo? qui sic cum Roma *Rom. 15* nis agebat; Obsecro uos fratres per dominum nostrum Iesum Christum, & per charitatem sancti

MM

spiritus

spiritus, ut adiuuetis me in orationibus pro me ad Deum, ut liberer ab infidelibus, qui sunt in Iudea. Quare, cum & diuinitus concessum sit fidelibus, ut petant hæc subsidia rerum humanarum, & perfecta hæc a Christo Domino tradita sit orandi formula: ne illud quidem dubiū relinquitur, unam ex septem hanc esse petitionem. Petimus præterea panem quotidianum, idest uictui necessaria; ut panis nomine, quod satis sit, & uestitum ad regendum, & cibi ad uescendum, siue panis is sit, siue caro, siue piscis, siue quodcumque aliud, intelligamus.

4. Reg. 6

uidemus enim usum esse hoc loquendi modo Eli-seum, cum regem moneret, ut præberet panē militibus Assyrijs, quibus magna ciborum copia data

Luc. 14

est. Illud etiam de Christo domino scriptū scimus: Ingressus est in domum cuiusdam principis Phari-seorum sabbatho manducare panem. Qua uoce, quæ ad cibum, quæque ad potum pertinent, significari uidemus. Ad huius petitionis absolutam significationem præterea animaduertendum est, hoc panis uocabulo non abundantem, & exquisitam ciborum, ac uestium copiam, sed necessariam, ac simplicem intelligi debere: quemadmodū scripsit

1. Tim 6

Apostolus; Habentes alimenta, & quibus regamur, his contenti simus. Et Salomon, ut diximus: Tribue tantum uictui meo necessaria. Huius quoque frugalitatis, & parsimonix illa uoce, quæ proxime sequitur, admonemur. cum enim,

Prouer. 30

Nostrium, dicimus, panem illum ad necessitatem nostram, non ad luxuriam petimus. non enim Nostrium dicimus, quia eum nobis opera nostra, sine Deo, parare possumus (est enim apud Dauidem;

Omnia

Omnia a te expectant, ut des illis escam in tempore: dante te illis, colligent: aperiente te manum tuam, omnia implebuntur bonitate: & alio loco: Oculi omnium in te sperant Domine, & tu das escam illorum in tempore opportuno) sed quia necessarius est, & a parente omnium Deo, qui omnes sua providentia alit animantes, nobis attributus. Ob eam quoque causam panis noster appellatur, quod iure est a nobis acquirendus, non iniuria, fraude, aut furto parandus. quæ enim nobis malis artibus conciliamus, nō nostra sunt, sed aliena, sæpiusque illorum calamitosa est uel adeptio, uel possessio, uel certe iactura. contra uero honestis, ac laboriosis piorum hominum lucris, ex Prophetæ sententia tranquillitas inest, & magna felicitas. Labores enim, inquit, manuum tuarum quia manducabis, beatus es, & bene tibi erit. *Psal. 127* Iam uero ijs, qui iusto labore uictum quærunt, fructum suæ benignitatis eo loco pollicetur Deus; Emitteret Dominus benedictionem super cellaria tua, & super omnia opera manuum tuarum, benedicetque tibi. Neque solum petimus a Deo nobis, ut illo uti liceat, quod nostro sudore, ac uirtute peperimus eius adiumento benignitatis: id enim uere dicitur nostrum: sed etiam bonam mentem postulamus, ut recte partis, recte item ac prudenter uti possimus. **Q V O T I D I A N V M.** huic etiam uoci subiecta est ea notio frugalitatis, ac parsimonix, quā proxime diximus. non enim multiplicem, aut delicatum cibum postulamus, sed eum, qui naturæ necessitati satisfaciat: ut eos pudeat hoc loco, qui, fastidio communis cibi, & potionis, con-

NM 2 qui-

quisitissima escarum, ac uinorū genera persequuntur. Nec minus hac quotidiani uoce improbantur ij, quibus horrendas illas minas proponit Isaias:

*Isa. 5*

Væ, qui coniungitis domum ad domum, & agrum agro copulatis usque ad terminum loci: numquid habitabitis uos soli in medio terre? Etenim est inexplēbilis horum hominum cupiditas, de quibus il-

*Eccle. 5*

lud scriptum est a Salomone; Auarus non implebitur pecunia. ad quos dictum etiam illud pertinet

*1. Tim. 6*

Apostoli; Qui uolunt diuites fieri, incidunt in tentationem, & laqueum Diaboli. Quotidianum præterea panē appellamus, quod uescimur eo ad reficiendum uitalem humorem, qui quotidie consumitur ui naturalis caloris. Est denique illa huius ratio nominis, quod assidue petendus est, ut in hac consuetudine amandi, & colendi Deum retineamur; nobisque omnino persuadeamus, id quod est, uitam, ac salutem nostram ex Deo pendere. **DA**

**NOBIS**. Quantam hæ duæ uoces materiam præbeant ad cohortādum fideles, ut infinitam Dei potentiam pie, sancteque colant, & uenerentur, in cuius manu sunt omnia, & ut nefariam illam Sata-

*Luc. 4*

næ ostentationem detestentur; Mihi tradita sunt omnia, & cui uolo do illa; nemo non uidet. nam unius nutu Dei distributa cuncta, & conseruantur, & augentur. Sed quæ diuitibus hæc est imposita necessitas, dixerit quispiam, petendi quotidianum panem, cum rebus omnibus abundant? Hæc illis necessitas est orandi in hunc modū, non ut dētur eis, quorum Dei benignitate habent copiam, sed ne, quæ abunde illis adiunt, amittant. Quam-

*1. Tim. 6*

obrem, ut scribit Apostolus, Hinc discant diuites non



tes non sublimē sapere, neque sperare in incerto di-  
 uitiarum, sed in Deo uiuo, qui præstat nobis om-  
 nia abunde ad fruendum. Huius autem necessarię  
 petitionis hanc causam affert sanctus Chrysosto-  
 mus, non solum ut nobis suppetat cibus, sed ut eū  
 nobis suppeditet Domini manus, quæ, salubrem,  
 atque adeo salutarem uim inferens panī quotidia-  
 no, efficit, ut & cibus corpori proſit, & corpus  
 animæ seruiat. Sed quid est, quamobrem, DA NO-  
 BIS, numero multitudinis dicimus, non autem,  
 mihi? Quia proprium illud est Christianę charita-  
 tis, nō ut quisque de se uno sollicitus sit, sed ut præ-  
 terea de proximo laboret, & in cura suę utilitatis  
 meminerit etiam aliorum. Accedit eo, quod, quæ  
 alicui munera diuinitus tribuuntur, non idcirco  
 tribuuntur, ut solus is ea possideat, uel in illis lu-  
 xuriose uiuat, sed ut cum alijs communicet, quæ  
 necessitati superfuerint: nam inquiunt sancti Basi-  
 lius, & Ambrosius: Esurientium panis est, quem  
 tu detines: nudorum indumentum est, quod tu re-  
 cludis: miserorum redemptio est, & absolutio, pe-  
 cunia, quam tu in terram defodis. HODIE. Ad-  
 monet nos hæc uox cōmunis infirmitatis. quis enim  
 est, qui, si minus sua unius opera prouidere se pos-  
 se sperat in longinquū tempus necessarios uitę sum-  
 ptus, saltem in diem uictus subsidia paraturum  
 non cōfidat? Sed ne huius quidem fiducię facultas  
 nobis a Deo permittitur, qui nos singulorum etiā  
 dierum cibum a se petere iussit. Quæ sententia ha-  
 bet illam necessariam rationē, quia quotidiano pa-  
 ne egemus omnes, quotidie etiam Dominica preca-  
 tione singulis utendum esse. Hæc de pane, qui ore

*Ambrosius  
 ex Basilio  
 Magno in  
 sermone 81*

MM 3 perce-

Math. 5

perceptus, corpus alit, atque sustentat, qui communis fidelium, & infidelium, piorum, & impiorum, admirabili Dei bonitate, qui solem suum oriri facit super bonos, & malos, pluit super iustos, & iniustos, omnibus impertitur. Reliquus est spiritualis panis: quem etiam hoc loco petimus. Quo significantur omnia, quęcumque in hac uita ad spiritus, & animę salutē, & incolumitatē requiruntur. ut enim multiplex est cibus, quo corpus alitur, & sustentatur: sic nō est unius generis esca, quę spiritus, & animę uitam continet. nam & uerbū Dei cibus est animę: Sapientia enim inquit: Venite, comedite panem meum; & bibite uinum, quod miscui uobis, Huius autem uerbi facultatem cum adimit Deus hominibus, quod efficere solet, cum grauius nostris sceleribus offenditur, fame dicitur premere genus humanum, sic enim est apud Amos: Emittam famem in terram, non famem panis, neque sitim aquę, sed audiendi uerbum Domini. Ut autem illud est certum propinquę mortis signum, cum non possint homines uel cibum sumere, uel sumptum retinere: sic magnum est desperatę salutis argumentum, cum uel non quærunt uerbum Dei, uel, si, adsit, non sustinent, & illam impietatis uocem in Deum effundunt; Recede a nobis, scientiam uiarum tuarum nolumus. In hoc furore animi, & mentis cęcitare uersantur illi, qui, neglectis ijs, qui legitime eis pręsunt, catholicis & Episcopis, & sacerdotibus, & a sancta Romana Ecclesia desciscentes, corruptoribus Dei uerbi hæreticis se in disciplinam tradiderunt. Iam uero panis est Christus dominus, animę cibus:

nam

Prou. 9

Amos 8

Iob 21

nam inquit ipse de se : Ego sum panis uiuus, qui de *Ioan. 6*  
 celo descendi . Incredibile est , quanta uoluptate ,  
 ac lætitia perfundat piorum animas hic panis  
 tum , cum maxime terrenis molestiis , & incom-  
 modis conflictantur. exemplo nobis est sanctus il-  
 le chorus apostolorum , de quibus extat ; Illi qui- *Act. 5*  
 dem ibant gaudentes a conspectu concilij . Referti  
 sunt huiusmodi exemplis libri de uita sanctorum ho-  
 minum : & de intimis his bonorum gaudijs ita lo-  
 quitur Deus: Vincenti dabo manna absconditum. *Apocal. 2*  
 Præcipue autem panis noster est ipse Christus domi-  
 nus , qui in sacramento Eucharistiæ substantialiter  
 continetur. Hoc inexplicabile pignus charitatis de-  
 dit nobis rediturus ad patrem, de quo dixit: Qui man- *Ioan. 6*  
 ducat meam carnem, & bibit meum sanguinem,  
 in me manet , & ego in illo . Accipite , & mandu- *Matth. 26*  
 cate, hoc est corpus meum. Ea petent Parochi, quæ *1. Cor. 11*  
 ad fidelis populi utilitatem pertinebunt, ex eo loco,  
 quo separatim huius sacramenti uis, ac ratio conti-  
 netur . Et uero dicitur hic panis noster , quia fide-  
 lium modo hominum est, idest eorum, qui charita-  
 tem cum fide coniungentes , penitentiæ sacramen-  
 to sordes eluunt peccatorum ; qui non dimittentes  
 memoriam, se Dei filios esse, diuinum sacramentum  
 sumunt , & colunt quanta maxima possunt san-  
 ctitate , ac ueneratione . Quotidianus uero quam-  
 obrem dicatur , in promptu duplex ratio est , alte-  
 ra , quod in sacris Christianæ Ecclesiæ mysterijs  
 quotidie & offertur Deo , & datur pie sancteque  
 postulantibus: altera, quod quotidie sumendus est,  
 uel certe ita uiuendum , ut quotidie, quoad eius fie-  
 ri possit, digne sumere queamus . Audiant, qui con-

ira sentiunt, nisi longo interuallo salutaribus his epulis animæ uesci nō oportere, quid sanctus dicat

*S. Amb. in  
lib. 5. de Sa  
cram. ca. 4*

Ambrosius: Si quotidianus est panis; cur post annum illum sumis? Sed in hac petitione ad illud præcipue cohortandi sunt fideles, ut, cum recte & consilium, & industriam suam posuerint in comparandis rebus uitæ necessarijs, rei exitum Deo permittant, suumque desiderium ad eius referant uolun-

*Psal. 54*

tatem, qui non dabit in æternum fluctuationem iusto. Nam uel concedet Deus, quæ petuntur, & ita suum optatum consequentur; uel non concedet: & id erit certissimum argumentum, nec salutare illud esse, nec utile, quod pijs a Deo negatur, cui magis curæ est de eorum salute, quam illis ipsis.

Quem locum instruere poterunt, explicandis ijs

*S. August.  
Epist. 121*

rationibus, Parochi, quæ a sancto Augustino in epistola ad Probam præclare colliguntur. Extremum illud erit in huius tractatione petitionis, ut meminerint diuites facultates suas, & copias Deo acceptum referre, cogitentque se idcirco illis bonis esse cummulatos, ut illa distribuant indigentibus. In quam sententiam conueniunt, quæ in prima epistola ad

*1. Tim. 6*

Timotheum ab Apostolo differuntur: unde magnā uim Parochis petere licebit diuinorum præceptorū ad hunc locum utiliter, ac salutariter illustrandū.

ET DIMITTE NOBIS DEBITA NO-  
STRA, SICUT ET NOS DIMITTI-  
MVS DEBITORIBVS NOSTRIS.

Cum ita multa sint, quæ infinitam Dei potentiam, cum pari sapientia, ac bonitate coniunctam, significant, ut, quocumque oculos, cogitationemq:  
con-



conuerteris, certissima signa immensę potestatis, ac benignitatis occurant; nihil profecto est, quod summum eius amorem, & admirabilem in nos charitatem magis declaret, quam inexplicabile mysterium Iesu Christi passionis, unde perennis ille fons ad eluendas peccatorum sordes erupit; quo perfundi, & expiari, Deo duce, ac largitore, exoptamus, cum illud ab eo petimus, Dimitte nobis debita nostra. Continet autem hæc petitio summam quandam eorum bonorū, quibus per Iesum Christum cumulatū est humanū genus. Id enim docuit Isaias: Dimittetur, inquit, iniquitas domui Iacob, & iste omnis fructus, ut auferatur peccatum eius. quod Dauid etiam ostendit, beatos prædicans eos, qui salutarem illum fructum percipere potuerunt, his uerbis: Beati, quorum remissæ sunt iniquitates. Quare est accurate, ac diligenter Pastoribus huius postulationis animaduertenda, & exponenda sententia, quam ad cælestem uitam consequendam tantum ualere intelligimus. Ingredimur autem nouam precandi rationem. nā hactenus a Deo non solum æterna, & spiritalia bona, sed caduca, & quę ad hanc uitā pertinet, commoda petiuius: nunc uero mala deprecamur & animæ, & corporis, & huius, & sempiternæ uitæ. Sed quoniam ad impetrandum, quod postulamus, requiritur recta postulandi ratio; quo modo affectos esse oporteat eos, qui Deum hoc orare uelint, dicendum uidetur. Monebunt igitur Parochi fidelem populum, primū necesse esse, ut is, qui ad hoc petendum uelit accedere, suum ipse peccatum agnoscat; deinde, ut eius sensu, ac dolore

Isa. 27  
Psalm. 32  
COM-

commoueat; tum, ut sibi omnino persuadeat, Deum in hac esse uoluntate, ut ijs, qui peccauerunt, ita, ut diximus, affectis, & comparatis, ignoscat; ne forte acerbam delictorum recordationem, ac recognitionem illa uenie desperatio cōsequatur, quæ olim Cain, & Iudæ animum occupauit; qui Deū modo uindictæ, & ultorem, non etiam mitem, & misericordem, existimarunt. Ergo in hac petitione sic affecti sumus, oportet, ut dolenter peccata nostra recognoscentes, ad Deum, tamquam ad parentem, non quasi ad iudicē confugiamus; a quo, non ut ex iustitia nobiscum agat, sed ex misericordia, postulemus. Facile autem adducemur, ut peccatum nostrum agnoscamus, si ipsum audierimus Deum nos in sacris litteris huius rationis admonētem: est enim illud apud Dauidem: Omnes declinauerunt, simul inutiles facti sunt: non est, qui faciat bonum, non est usque ad unum. In eandem sententiam loquitur Salomon: Non est homo iustus in terra, qui faciat bonum, & non peccet. Quo illud etiam pertinet: Quis potest dicere, mundum est cor meum, purus sum a peccato? Quod idem a sancto Ioanne, ad deterrēdos homines ab arrogantiā, scriptum est: Si dixerimus, quoniam peccatum non habemus; ipsi nos seducimus, & ueritas in nobis non est. Et a Hieremia: Dixisti, absq. peccato, & innocens ego sum: & propterea auertatur furor tuus a me: ecce ego iudicio contēdam tecū, eo quod dixeris, non peccaui. Quorū sententias omnium idem, qui eas illorum ore pertulerat, Christus dominus hoc petitionis præscripto confirmat, quo iubet nos delicta nostra confiteri. id enim

secus

Gen. 4

Matth. 27

Psa. 13. 52

Eccle. 7

Proue. 20

1. Ioan. 2

Hier. 2

secus interpretari prohibuit auctoritas Mileuitani *Mileuit.*  
 Concilij in hunc modum : Placuit, ut, quicumque *Concil.*  
 uerba ipsa Dominicæ orationis, ubi dicimus, Di-  
 mitte nobis debita nostra, ita uult a sanctis dici, ut  
 humiliter, non ueraciter hoc dicatur; anathema  
 sit. Quis enim ferat orantem, & non hominibus,  
 sed ipsi Domino mentientē, qui labijs sibi dicit di-  
 mitti uelle, & corde dicit, quæ sibi dimittantur, de-  
 bita non habere? Verū in necessaria recognitione  
 peccatorū non est satis, illa leuiter recordari. nam,  
 ut acerba nobis sit ea memoria, ut cor pungat, ani-  
 mum stimulet, & dolorem inurat, necesse est. Qua-  
 re pertractabunt locum hunc diligenter Parochi,  
 ut non solum facinorum, ac flagitiorū suorum me-  
 minerint fideles auditores, sed ut moleste, dolen-  
 terque meminerint, ut, cum angantur intimis  
 sensibus, conferant se ad patrem Deum, a quo,  
 ut inhærentes euellat scelerum aculeos, suppli-  
 citer petant. Nec uero solum erratorum turpi-  
 tudinem studebunt subijcere oculis fidelis populi,  
 uerum etiā indignitatem, ac sordes hominum, qui,  
 cum nihil simus, nisi putida caro, nisi summa scēdi-  
 tas, incomprehensibilem illam Dei maiestatem, &  
 inexplicabilem præstantiam, incredibilem in mo-  
 dum audeamus offendere, præsertim a quo procrea-  
 ti, liberati, innumerabilibus, maximisque bene-  
 ficijs aucti simus: ut quid? ut abalienati a patre  
 Deo, qui summum bonum est, turpissima peccati  
 mercede, Diabolo nos addicamus in miserrimam  
 seruitutem. neque enim dici potest, quam crudeli-  
 ter ille dominetur in eorū animis, qui, repulso sua-  
 ui iugo Dei, ruptoque charitatis amabilissimo no-  
 do,

*Ioan. 14*  
*Ad Eph. 6*  
*Iob 41*

*Isa. 26*

*1. Cor. 3*

*Psal. 37*

*Rom. 2*

do, quo parenti Deo spiritus noster adstringitur, ad hostem acerrimum descenderunt; qui eo nomine princeps, & rector mundi, & princeps tenebrarum, & rex super uniuersos filios superbiam, dicitur in diuinis litteris. In eos autem, qui Dæmonis tyrannide opprimuntur, uere conuenit illa uox Isaiaë, Domine Deus noster, possederunt nos domini absque te. Hec si nos minus mouent rupta fœdera charitatis, moueant certe calamitates, & æumnæ, in quas per peccatum incidimus. uiolatur enim sanctitas animæ, quæ Christo desponsam esse scimus: profanum fit illud idem templum Domini, quod qui contaminant, in eos dicit Apostolus; Si quis autem templum Dei uiolauerit, disperdet illum Deus. Innumerabilia sunt mala, quæ peccatum inuehit in hominem: quam pene infinitam pestem Dauid his uerbis expresit: Non est sanitas in carne mea, a facie iræ tuæ: non est pax ossibus meis, a facie peccatorum meorum. Nimirum norat hanc plagam, cum nullam sui partem pestifero peccato intactam fateretur. peruasera enim in ossa peccati uirus, idest, rationem, & uoluntatem, quæ maxime solidæ sunt animæ partes, infecerat. hanc late patentem pestem indicant sacræ litteræ, cum peccatores, claudos, surdos, mutos, cæcos, & omnibus membris captos appellant. Sed præter dolorem, quem ex peccatorum quasi scelere sentiebat, magis etiamangebatur Dauid ex ira Dei, quam in se propter peccatum commotam intelligebat. Bellum enim est sceleratis cum Deo, quorum sceleribus incredibiliter offenditur: inquit enim Apostolus: Ira, & indignatio, tribulatio, & angustia in omnem animam



in in hominis operantis malum. nam etsi tranſie-  
rit actio peccati, tamen peccatum macula & rea-  
tu permanet; cui ſemper imminēs ira Dei illud in-  
ſequitur, tamquam umbra corpus. Cum igitur  
David his uulneraretur aculeis, ad petendam deli-  
ctorum ueniam excitabatur: cuius & exemplum  
doloris, & doctrinæ rationem, ex quinquageſimo  
eius pſalmo depromptam, proponēt Parochi fide-  
libus auditoribus, ut Prophetæ imitatione & ad  
doloris ſenſum, ideſt ad ueram penitentiam, & ad  
ueniē ſpem erudiri poſſint. Quantam habeat utili-  
tatem hæc docendi ratio, ut ex peccatis dolere di-  
ſcamus, illa Dei apud Hieremiam declarat oratio,  
qui cum Israele ad penitentiam hortaretur, ad-  
monebat eum, ut malorum ſenſum perciperet, quæ  
peccatum conſequuntur: Vide enim, inquit, quia *Hiere. 2*  
malum, & amarum eſt, reliquiſſe te dominum  
Deum tuum, & non eſſe timorem mei apud te, di-  
cit dominus Deus exercituum. Qui carent neceſſa-  
rio hoc recognitionis, ac doloris ſenſu, ij apud pro-  
phetas, Iſaiam, Ezechielem, & Zachariam, cor du- *Iſa. 46*  
rum, lapideum, & adamantinum habere dicun- *Ezech. 36*  
tur. ſunt enim, inſtar lapidis, nullo dolore molliti, *Zach. 7*  
nullum uitę, ideſt ſalutaris recognitionis ſenſum  
habentes. Sed ne peccatorum grauitate deterritus,  
ſe populus ueniam impetrare poſſe deſperet, ipſum  
ad ſpem uocare Parochi debebunt his rationibus;  
quod & Eccleſię Chriſtus dominus poteſtatem de-  
dit remittēdi peccata, quemadmodum ſacroſancti  
Symboli articulo declaratur, & hac petitione do-  
cuit, quanta eſſet Dei bonitas, ac liberalitas in ge-  
nus humanum. niſi enim promptus eſſet, ac para-  
tus

tus Deus ad condonandum peccata pœnitentibus ; numquam nobis hanc precandi formulam præscripsisset: Dimitte nobis debita nostra. Quamobrem illud fixum in animis tenere debemus , fore , ut is paternam misericordiã nobis impertiat, qui ipsam his precibus iussit exposcere. nam omnino sub hac petitione, illa est subiecta sententia , sic esse in nos affectum Deum , ut uere pœnitentibus libenter ignoscat . Est enim Deus is , in quem, abiecta obedientia , peccamus : cuius ordinem sapientiæ perturbamus , quantum est situm in nobis ; quem offendimus , quem factis , dictisque uiolamus . Verum idem est ille beneficentissimus parens , qui , cum possit omnia condonare, non modo se id uelle declarauit , sed etiam impulit homines , ut a se ueniam peterent , & , quibus uerbis id facerent , docuit . Quare nemini dubium esse potest , quin, illo auctore, in nostra potestate sit, nobis Dei gratiam reconciliare . Et quoniam hæc testificatio propensiæ ad ignoscendum diuinę uoluntatis fidem auget , spem alit , charitatem inflamat ; operę pretium est ornare hunc locum nonnullis diuinis testimonijs , & hominum exemplis , quibus maximorum scelerum pœnitētibus Deus ueniã concesserit . quam sententiam quoniam persecuti sumus , quantum res ferebat , in procœmio huius precatōnis , & in ea Symboli parte , quę est de remittendis peccatis ; inde assument Parochi , quę ad hunc locum instruendum pertinere uidebuntur , reliqua haurient ex diuinarum litterarum fontibus : tum uero eodem utantur instituto, quo in ceteris petitionibus utendum duximus , ut intelligant fideles ,  
quid

quid hic, Debita, significant; ne forte decepti ambiguo, aliud ab eo, quam quod petendum sit, postulent. Primum autem scire oportet, minime petere nos, nobis ut remittatur amor ex toto corde, ex tota anima, & ex tota mente nostra, quem omnino Deo debemus, & cuius debiti solutio est ad salutem necessaria. Neque uero, quia, debiti nomine, etiam obedientia, cultus, ueneratio, & cetera huius generis officia continentur, postulamus, ut non amplius ea debeamus, sed precamur, ut liberet a peccatis: sic enim S. Lucas est interpretatus: *Luc. II* qui peccata pro debitis posuit, ob eam causam, quod illis committendis rei efficiamur Deo, & debitis poenis propositi, quas uel satisfaciendo, uel patiendopendimus. Huius generis debitum fuit, quod Christus dominus locutus est ore Prophete; Quæ non *Psal. 68* rapui, tunc exolvebam. Qua Dei uerbi sententia licet intelligere, non solum nos debitores esse, sed etiam non esse soluendo; cum peccator per se satisfacere nullo modo possit. Quare confugiendum nobis est ad Dei misericordiam: cui quia par iustitia respondet, cuius est retinentissimus Deus, utendum erit deprecatione, & patrocinio passionis domini nostri Iesu Christi; sine qua nemo umquam ueniam delictorum impetrauit; a qua omnis & satisfaciendi uis, & ratio tamquam ex fonte profluxit. nam pretium illud in cruce a Christo domino persolutum, & nobiscum per sacramenta, re, uel studio, ac desiderio adhibita, communicatum, tanti est, ut nobis impetret, & conficiat, quod hac petitione postulamus, ut peccata nostra remittantur. Quo loco non id modo pro leuibus erratis, & facil-

limis

Gen. 3

Psal. 140

limis ad impetrandam ueniam, sed pro grauibus, & mortiferis peccatis deprecamur. quæ precatio in scelerum grauitate pondus nõ habebit, nisi id a pænitiæ sacramento, re, uel certe desiderio suscepto, ut iam dictum est, assumpserit. Dicimus autem, Debita nostra, longe aliter, atque, Panem nostrum, antea diximus. noster enim ille est panis, quia nobis Dei munere tribuitur: at peccata nostra sunt, quia illorum culpa residet in nobis: nã nostra uoluntate suscipiuntur; quæ peccati uim non haberent, nisi essent uoluntaria. Nos igitur, eam culpam sustinentes, & confitentes, ad expiandum peccata necessariam Dei clemẽtiã implo-  
ramus. In quo non utimur excusatione cuiusquam, nec causam in quemquam transferimus, ut primi homines Adam, & Eua fecerunt; ipsi nos indicamus, illam, si sapimus, Prophetæ precationem adhibentes, Non declines cor meum in uerba malitiæ ad excusandas excusationes in peccatis. Nec uero dicimus, dimitte mihi, sed nobis; quod fraterna necessitudo, & charitas, quæ inter omnes homines intercedit, a nobis singulis postulat, ut de communi proximorũ salute solliciti, cum pro nobis preces facimus, pro illis etiam deprecemur. Hunc orandi morem, a Christo domino traditum, deinceps ab Ecclesia Dei acceptum, perpetuoque seruatum, ipsi & maxime tenuerunt Apostoli, &, ut ceteri adhiberent, auctores fuerunt. Huius autem flagrantis studij, & cupiditatis in deprecando pro salute proximorum, habemus in utroque testamento sanctorum Moïsis, & Pauli præclarum exemplum: quorum alter sic Deum precabatur;



batur; Aut dimitte eis hanc noxam, aut, si non *Exod. 32. 1*  
 facis, dele me de libro tuo: alter in hunc modum;  
 Optabam ego ipse anathema esse a Christo pro fra *Rom. 9*  
 tribus meis.

S I C U T E T N O S D I M I T T I M V S  
 D E B I T O R I B V S N O S T R I S.

Illud, Sicut, dupliciter intelligi potest: nam & similitudinis uim habet, cum uidelicet a Deo petimus, ut, quemadmodum nos iniurias, & contumelias remittamus ijs, a quibus læsi sumus, sic ipse nobis peccata cōdonet. Est præterea conditionis nota: in quam sententiam Christus dominus eam *Matth. 6*  
 formulam interpretatur: Si enim dimiseritis, inquit, hominibus peccata eorum, dimittet & uobis pater uester cælestis delicta uestra; si autem non dimiseritis hominibus, nec pater uester dimittet uobis peccata uestra. Verum habet uterque sensus eandem ignoscendi necessitatem: ut, si uolumus Deū nobis ueniam cōcedere delictorum, parcamus illis ipsis necesse sit, a quibus iniuriam accepimus. sic enim Deus obliuionem iniuriarum, mutuūque studium, & amorem requirit a nobis, ut eorum, qui in gratiā non sunt reconciliati, dona, ac sacrificia reiiciat, & aspernetur. Est etiam naturæ lege sancitum, ut tales nos alijs præbeamus, quales eos in nos esse cupimus: uere ut impudentissimus ille sit, qui postulet a Deo, ut sui sceleris pœnam prætermittat, cum ipse in proximum animum retineat armatum. Quare parati, & prompti ad ignoscendū esse debent ij, quibus impositæ sunt iniuriæ; cum & urgeantur hac precandi formula;  
 NN & apud

Luc. 17

Matth. 5

Rom. 12

Prouer. 25

Marc. 11

Matth. 5

& apud sanctum Lucam id iubeat Deus: Si peccauerit in te frater tuus, increpa illum; & si penitentiam egerit, dimitte illi; & si septies in die peccauerit in te, & septies in die conuersus fuerit ad te, dicens, penitet me, dimitte illi. Et in euangelio sancti Matthei sit: Diligite inimicos uestros. & Apostolus, & ante eum Salomon scripserit; Si esurierit inimicus tuus, ciba illum; si sitit, potum da illi: & sit apud sanctum Marcum euangelistam; Cū stabitis ad orandū, dimittite si quid habebitis aduersus aliquem; ut & pater uester, qui in celis est, dimittat uobis peccata uestra. Sed quoniam, deprauate nature uitio, nihil egrius fit ab homine, quam ut inferenti condonet iniurias: omnem conferant Parochi animi, & ingenij uim ad commutandos & flectendos animos fidelium ad hanc lenitatem, & misericordiam, Christiano homini necessariam. Commorentur in tractatione diuinorum oraculorum: in quibus audire licet imperantem Deum, inimicis ignoscendum. Predicet id, quod uerissimū est, magno esse argumento hominibus, eos esse Dei filios, si facile remittant iniurias, & inimicos diligant ex animo. Elucet enim in eo, quod inimicos diligimus, similitudo quedam cum parente Deo, qui sibi inimicissimum, & infestissimum genus hominum, filij sui morte ab eterno exitio redemptū, recōciliauit. Sit autem huius cohortationis, & precepti clausula illud imperiū Christi domini, quod recusare non possumus sine summo dedecore, & perniciē, Orate pro persequentibus, & calumniantibus uos; ut sitis filij patris uestri, qui in celis est. Verum hoc loco non uulgaris Pastorum prudentia

dentia requiritur, ne quis, cognita huius difficultate, ac necessitate præcepti, salutem desperet. Sunt enim, qui, cum se debere intelligant contemnere iniurias obliuione uoluntaria, & eos diligere, qui læserunt, id cupiunt, & pro uiribus faciunt, sed uniuersam memoriam iniuriarum sibi exhauriri non posse sentiunt. nam resident in animo quedam reliquię simultatis: quamobrem magnis agitantur conscientię fluctibus, uerentes, ne, parum simpliciter, & candide positis inimicijs, Dei iussu non obediant. Hic igitur Pastores contraria studia carnis, & spiritus explicabunt; quod illius sensus sit ad uindicationem procliuis, huius ratio propensa ad ignoscendum, hinc inter ipsos perpetuam turbam, ac rixam existere: quare saluti minime diffidendum esse demonstrabunt, reclamitantibus, & aduersantibus rationi, corruptę naturę appetitionibus, modo spiritus perstet in officio & uoluntate remittendi iniurias, proximumque diligendi. Quod autem aliqui fortasse fuerint, qui, cum nondum animũ inducere possint, ut obliti iniurias, ament inimicos, propterea deterriti ea, quã diximus, condicione huius petitionis, Dominica precatione non utantur; duas has rationes afferent Parochi, quibus exitiosum hunc errorem illis eripiant. Nam quiuis unus e fidelium numero preces has facit totius Ecclesię nomine; in qua pios esse aliquot necesse est, qui debitoribus ea, quę hic commemorantur, debita remiserunt. Accedit eo, quod id a Deo petentes, una etiam petimus, quidquid ad illud impetrandum in eã petitionem a nobis necessario conferendum est, petimus enim & ueniam

peccatorum, & donum ueræ penitentiæ: petimus facultatem intimi doloris: postulamus, ut a peccatis abhorrere, & illa sacerdoti uere ac pie confiteri possimus. Itaq. cum necesse etiam nobis sit parcere ijs, qui damnum, aut malum aliquod dederint, cum, ut nobis Deus ignoscat, precamur, simul oramus, ut facultatem largiatur reconciliandi nos illis, quos odimus. Quare deterrendi sunt ab ea opinione, qui inani, & prauo illo timore commouentur, ne sibi Deum reddant offensiorē hac precatione; contraque etiam cohortandi ad frequentem precationis usum, quo a parente Deo postulent, ut sibi det eam mentem, ut ijs, qui læserint, ignoscant, & inimicos diligant. Sed, ut precatio omnino fructuosa sit; primum hæc in ea est cura, meditatioque adhibenda, nos Deo supplices esse, & ab eo ueniā petere, quæ non datur, nisi pænitenti: itaque nos ea charitate, & pietate præditos esse oportere, quæ pænitentibus conueniat, conuenire autē maxime ijs, subiecta quasi oculis propria flagitia, atque facinora lacrymis expiare. Cum hac cogitatione coniungenda est cautio in posterum earum rerum, in quibus fuit aliqua occasio peccandi, quæque nobis ansam dare possint ad offendendū parentem Deū.

*Psalm. 50*

In his curis uersabatur Dauid, cum diceret: Et peccatum meum contra me est semper; Et alio loco:

*Psalm. 6*

Lauabo per singulas noctes lectum meum, lacrymis meis stratum meum rigabo. Proponat sibi præterea unusquisque ardentissimum orandi studium eorum, qui a Deo precibus impetrauerunt ueniam delictorum, ut publicani illius, qui longe cōsistēs præ pudore, ac dolore, & oculis humi defixis, tantum



tantum pulsabat pectus, eam habens orationem,  
 Deus propitius esto mihi peccatori: Tum illius pec *Luc. 18*  
 catricis mulieris, quæ Christo domino, retro stans, *Luc. 7*  
 rigatos a se eius pedes, capillis etiam abstersos oscu  
 labatur: Petri denique Principis apostolorum, qui *Matth. 27*  
 egressus foras, fleuit amare. Deinde cogitandum  
 est, quo infirmiores sunt homines, & ad morbos  
 animi, quæ sunt peccata, propensiores, eo pluri-  
 bus, & frequentioribus medicamentis indigere.  
 sunt autem ægrotae animæ remedia, pænitentia, &  
 Eucharistia. Hæc igitur sæpissime adhibeat fidelis  
 populus; deinde eleemosyna, quemadmodum tra-  
 dunt diuinę litterę, medicina est accommodata sa-  
 nandis animę uulneribus. quare, qui pie hac prece  
 uti cupiunt, pro uiribus benigne faciant egētibus:  
 quantam enim uim habeat ad delendas scelerū ma-  
 culas, testis est in Tobia angelus Domini sanctus *Tob. 12*  
 Raphael, cuius est illa uox: Eleemosyna a morte  
 liberat, & ipsa est, quæ purgat peccata, & facit  
 inuenire misericordiam, & uitam æternam. Testis  
 est Daniel, qui Nabuchodonosor regē sic admone- *Dan. 4. 2*  
 bat; Peccata tua eleemosynis redime, & iniquita-  
 tes tuas misericordijs pauperum. Optima autem  
 largitio, & impertiendæ misericordiæ ratio, est  
 obliuio iniuriarum, & bona uoluntas erga eos,  
 qui rem, uel existimationem, uel corpus tuum,  
 tuorumue uiolarint. Quicumque igitur cupit in  
 se esse maxime misericordem Deum, is ipsi Deo su-  
 as donet inimicitias, remittatque omnem offensio-  
 nem, & pro hostibus libentissime deprecetur, om-  
 nem captans occasionē de illis ipsis bene promerē-  
 di. Sed quoniam hoc argumentum explicatum est,

NN 3 cum

cum homicidij locum tractauimus, eo reijcimus Pa-  
rochos, qui tamen hanc petitionem hoc fine conclu-  
dant, nihil iniustius esse, aut fingi posse, quam eum,  
qui cum hominibus durus sit, ut nemini se det ad le-  
nitatem, idem postulet, ut in se sit mitis, & be-  
nignus Deus.

E T N E N O S I N D V C A S I N T E N T A  
T I O N E M.

Non dubium est, quin filij Dei, post impetratam  
delictorum ueniam, cum, incensi studio adhiben-  
di Deo cultum, & uenerationem, celeste regnum ex-  
optant, & omnia diuino numini tribuentes pietatis  
officia, toti pendent a paterna eius uoluntate, ac pro-  
uidentia; tū eo magis humani generis hostis omnes  
aduersus illos artes excogitet, oēs machinas parat,  
quibus oppugnentur sic, ut uerendum sit, ne, labefa-  
ctata, & mutata sententia, rursus in uitia delaban-  
tur, longeque deteriores euadāt, quam antea fuerint.  
De quibus illud Principis apostolorū iure dici pos-  
sit: Melius erat illis, non cognoscere uiam iustitiæ,  
quam, post agnitionē, retrorsū conuertere ab eo, quod  
illis traditū est, sancto mādato. Quare nobis a Chri-  
sto domino datum est huius petitionis pręceptum,  
ut quotidie nos Deo commendemus, eiusque patriā  
curam, & pręsidium imploremus, minime dubi-  
tantes fore, ut, si deseramur diuino patrocinio, ua-  
ferimi hostis laqueis irretiti teneamur. Neque ue-  
ro solum in hac orādi regula iussit a Deo petere, ne  
patiatur nos induci in tentationem, sed in illa etiā  
oratione, quam ad sacros Apostolos habuit sub ip-  
sum mortis tempus, cum quidem ipsos mūdos esse  
dixisset,

2. Pet. 2.

Ioan. 13

Matth. 26

dixisset; eos huius officij his uerbis admonuit; Ora-  
te, ut non intretis in tentationem . Quæ iterum a  
Christo domino adhibita admonitio magnū dilige-  
ntiæ onus imponit Parochis excitandi fidelem popu-  
lum ad frequentem huius usum precationis, ut, cum  
tanta hominibus ab hoste Diabolo in singulas horas  
pericula huius generis intenduntur, a Deo, qui so-  
lus illa propulsare potest, petant illud assidue, Ne-  
nos inducas in tentationem . Intelliget autem fide-  
lis populus, quantopere egeat diuini huius adiumē-  
ti; si suæ imbecillitatis, inscitiæque meminerit; si  
recordabitur illam Christi domini sententiam; Spi *Math. 26*  
ritus quidem promptus est, caro autem infirma :  
si ei uenerit in mentem, quam graues sint, & exi-  
tiales hominum casus, impellente dæmone, nisi su-  
stineantur dexteræ cælestis auxilio. Quod illustrius  
esse possit humanæ infirmitatis exemplum, quam  
sacer ille chorus apostolorū, qui magno antea ani-  
mo cum essent, primo quoque obiecto terrore, reli-  
cto Saluatore, diffugerunt? etsi illustrius etiam est *Math. 26*  
illud Principis apostolorū, qui in tanta professione  
singularis & fortitudinis, & amoris in Christum  
dominum, cum paulo ante, sibi bene fidens, ita di-  
xisset, Si oportuerit me mori tecum, non te nega- *Math. 26*  
bo: statim unius uoce mulierculæ perterritus, se  
dominū non nosse, iureiurando affirmauit. nimi-  
rum illi in summa spiritus alacritate non responde-  
bant uires. Quod si uiri sanctissimi humanæ na-  
turæ fragilitate, cui confidebant, grauiter peccaue-  
runt: quid non timendum est ceteris, qui ab eorum  
sanctitate absunt longissime? Quare proponat fi-  
deli populo Parochus prælia, ac pericula, in qui-

bus assidue uersamur, dum anima est in hoc mortali corpore, quòs undique caro, mundus, & Satanàs oppugnant. Quid ira, quid cupiditas in nobis possit, quotusquisque est, qui magno suo malo nò experiri cogatur? Quis non his lacescitur stimulis? quis hos non sentit aculeos? quis subiectis non uritur ardentibus facibus? & quidem tam uarij sunt ictus, tam diuersæ petitiones, ut difficillimum sit grauem aliquam plagam non accipere. Ac, præter hos inimicos, qui habitant, & uiuunt nobiscum, sunt præterea illi hostes acerrimi, de quibus scriptum est; Non est nobis colluctatio aduersus carnem, & sanguinem, sed aduersus principes, & potestates, aduersus mundi rectores tenebrarum harum, contra spiritualia nequitiae in cælestibus. Accedunt enim ad intimas pugnas externi impetus & impressiones dæmonum: qui & aperte nos petunt, & per cuniculos influunt in animas nostras, uix ut ab illis cauere possimus. Illos & principes appellat Apostolus propter naturæ excellentiam: (nam natura hominibus, & ceteris, quæ sub sensum cadunt, creatis rebus antecellunt) & potestates uocat, quod non solum naturæ ui, sed potestate etiam superant: & rectores nominat mundi tenebrarum: non enim clarum, & illustrem mundum regunt, idest bonos, & pios, sed obscurum, & caliginosum, nempe eos, qui flagitiosæ, & facinorosæ uitæ sordibus, ac tenebris obcecati, duce tenebrarum Diabolo delectantur. Nuncupat etiam demones spiritualia nequitie: est enim & carnis, & spiritus nequitia. Carnalis quæ dicitur nequitia, incendit appetitum ad libidines, & uoluptates, quæ perci-

Eph. 6

Eph. 6

de. 3.

de. 3.



percipiuntur sensibus . Spiritualia nequitiae sunt mala studia , & prauae cupiditates , quae ad superiorem pertinent animae partem , quae tanto peiores sunt , quam reliquae , quanto mens ipsa , & ratio altior est , atque praestantior. Quae Satanae nequitia quia maxime spectat illuc, ut caelesti nos hereditate priuet ; propterea dixit Apostolus , In caelestibus . ex quo licet intelligere ; magnas esse hostium vires , inuictum animum , immane in nos , & infinitum odium : bellum etiam perpetuum eos gerere nobiscum , ut nulla pax esse cum illis , nullae indutiae fieri possint . Quantum uero audeant , declarat Satanae apud Prophetam uox , In Isa. 14 celum conscendam ; aggressus est primos homines in paradiso : adortus est prophetas : appetiuit apostolos, ut, quemadmodum loquitur apud Euangelistam Dominus , Cribraret eos sicut triticum : ne ipsum Luc. 22 quidem Christi domini os erubuit. Itaque eius inexplabilem cupiditatem , & immensam diligentiam sanctus Petrus expresit , cum dixit : Aduersarius 1. Pet. 5 uester Diabolus , tamquam leo rugiens , circuit , quærens , quem deuoret . Quamquam non unus modo tentat homines Satan , sed gregatim interdum daemones in singulos impetum faciunt : quod ille confessus est daemon , qui rogatus a Christo domino , Mar. 5 quod sibi nomen esset, respondit ; legio mihi nomen Luc. 8 est ; nempe demonum multitudo , quae miserum illum diuexarat . & de alio scriptum est ; Assumit Matth. 12 septem alios spiritus secum, nequiores se, & intrantes habitant ibi . Multi sunt, qui , quod impulsus , atque impetus demonum in se minime sentiunt, totam rem falsam esse arbitrantur ; quos ipsos a demonibus

monibus non oppugnari mirum non est, quibus se sponte dediderunt. non est in illis pietas, non charitas, non uirtus illa Christiano homine digna: quare fit, ut toti sint in potestate Diaboli: nec ullis temptationibus opus est ad eos euertendos, in quorum iam animis, ipsis libentibus, commoratur. At uero qui se Deo dicauerunt, in terris caelestem uitam agentes, ij maxime omnium Satanæ incurſibus peruntur, hos acerbissime odit, his in singula temporis momenta struit insidias. plena est historia diuinarum litterarum sanctorum hominum; quos presenti etiam animo stantes, uel ui, uel fraude peruerſit. Adam, Dauid, Salomon, alijque, quos enumerare difficile sit, experti sunt dæmonum uolentos imperus, & callidam astutiam, cui resisti non possit consilio, aut hominum uiribus. Quis igitur se suo præsidio satis tutum existimet? Itaque pie, casteque petendum a Deo est, ne nos tentari sinat supra id, quod possumus: sed faciat etiam cum temptatione prouentum, ut possimus sustinere. Verum hic fideles cōfirmandi sunt, si qui animi imbecillitate, aut rei ignoratione dæmonum uim perhorrescunt, ut ipsi temptationum fluctibus agitati, in hunc precationis portum confugiant. non enim Satan in tanta & potentia, & pertinacia, in capitali odio nostri generis, nec quantum, nec quam diu uult, tentare nos, aut uexare potest; sed omnis eius potestas Dei nutu, & permissu gubernatur. notissimum est exemplum Iob: de quo nisi Diabolo dixisset Deus; Ecce uniuersa, quæ habet, in manu tua sunt; nihil eius Satanas attigisset: contra uero nisi addidisset Dominus; Tantum in eum ne extendas manum

1. Cor. 10

Iob 1

num tuam ; uno Diaboli ictu cum filiis ipse, facultatibusque concidisset. Ita autem alligata est demonum uis, ut ne in porcos quidem illos, de quibus scribunt euangelistæ, non permittente Deo inuadere potuisset. Sed ad intelligendam huius petitionis uim dicendum est, quid hic tentatio significet, quid item, induci in tentationem. Est autem tentare, periculum facere de eo, qui tētetur, ut ab ipso, quod cupimus, elicientes, uerum exprimamus. qui tentandi modus in Deum minime cadit. quid enim est quod nesciat Deus? Omnia enim, inquit, nuda, & aperta sunt oculis eius. Est alterum tētandi genus, cum, longius progrediendo, aliud queri solet in bonam, uel in malam partem; in bonam, cum ea re tentatur alicuius uirtus, ut, illa perspecta, & cognita, is commodis, & honoribus augeatur, eiusque exemplum ceteris imitandū proponatur, ac denique omnes ob id ipsum ad Dei laudes excitentur. quæ tentandi ratio sola conuenit in Deum. huius exemplum tentationis est illud in Deuteron. Tētat uos dominus Deus uester, ut palam fiat, utrum diligatis eum, an non. Quo modo etiam tentare dicitur suos Deus, cum inopia, morbo, & alijs calamitatum generibus premit: quod probandæ eorum patientiæ causa facit, & ut alijs documentum sint Christiani officij. In hanc partem legimus Abraham esse tentatum, ut filium immolaret. quo facto, fuit is obedientiæ, & patientiæ exemplum singulare ad memoriam hominum sempiternā. In eandem sententiam dictum est de Tobia; Quia acceptus eras Deo, necesse fuit, ut tentatio probaret te. In malam partem tentantur homines,

cum

Math. 8

Marc. 5

Luc. 8

Ad Heb. 4

Deut. 13

Gen. 22

Tob. 13

*Matth. 4*

cum ad peccatum, aut exitium impelluntur: quod proprium Diaboli officium est. is enim eo animo tentat homines, ut decipiat, agatque præcipites. quamobrem Tentator in diuinis litteris appellatur. In ijs uero tentationibus modo intimos nobis admouens stimulos, animæ affectiones, & commotiones adhibet administras: modo nos exagitat extrinsecus, externis rebus utitur, uel prosperis ad efferendos, uel ad frangendos aduersis: nōnumquam habet emissarios, & excursorē perditos homines, in primisque hereticos, qui sedentes in cathedra pestilentie, malarum doctrinarum mortifera semina dispergunt, ut illos, qui nullum delectum aut discrimen habent uirtutis, & uitiorum, homines per se procliues ad malum, nutantes, ac precipitantes impellat. Dicimur autem induci in tentationem, cum tentationibus succumbimus. Inducimur uero in tentationem dupliciter, primum, cum de statu dimoti, in id ruimus malum, in quod tentando nos aliquis impulerit. At nemo quidem a Deo hoc modo in tentationem inducitur: quia nemini est peccati auctor Deus, immo uero odit omnes; qui operantur iniquitatem. Sic uero etiam est apud sanctum Iacobum: Nemo, cum tentatur, dicat quoniam a Deo tentatur: Deus enim intentator malorum est. Deinde dicitur nos in tentationem inducere is, qui etsi non tentat ipse, neque operam dat, quo tentemur, tentare tamen dicitur, quia, cum possit prohibere, ne id accidat, aut ne tentationibus superemur, non impedit. Hoc modo Deus bonos, & pios tentari quidem finit, uerumtamen sua gratia sustentatos non

*Psal. 5  
Iacobi 1*



non deserit. Nec uero non interdum iusto, & occulto Dei iudicio, nostris id sceleribus postulâtibus, nobis ipsi relictî, concidimus. Præterea nos in tentationem Deus inducere dicitur, cum eius beneficijs, quæ nobis ad salutem dedit, abutimur ad perniciem, & patris substantiam, ut prodigus ille filius, dissipamus, uiuendo luxuriose, nostris cupiditatibus obsequentes. Quamobrem id dicere possumus, quod de lege dixit Apostolus; Inuentum est mihi mandatum, quod erat ad uitam, hoc esse ad mortem. Opportunum rei exemplû est Hierosolyma, teste Ezechiele; quam Deus omni ornamentorum genere locupletarat, ut eius ore Prophetæ diceret Deus; Perfecta eras in decore meo, quem posueram super te. & tamen illa ciuitas diuinis cumulata bonis, tantû abest, ut optime de se merito, ac merenti Deo gratiam habens, cælestibus beneficijs ad beatitudinem consequendâ, cuius gratia ea acceperat, uteretur, ut, ingratisima in parentem Deum abiecta spe, cogitatione cælestium fructuû, tantum præsentî abundantia luxuriose, ac perditè frueretur. quod Ezechiel eodẽ capite pluribus uerbis persecutus est. Quare sunt eodem loco ingrati in Deum homines, qui præbitam sibi ab eo diuinitus uberem materiam recte factorum, ad uitia, illo permittente, conuertunt. Sed oportet hûc diuinę scripturę morẽ diligenter attẽdere, quę Dei permissionẽ ijs interdum uerbis significat, quę proprie si accipiantur, tamquam actionem in Deo significat: nam in Exodo sic est: Indurabo cor Pharaonis. & apud Isaiã: Exceca cor populi huius. & ad Romanos scribit Apostolus: Tradidit illos Deus in passionem

Luc. 15

Rom. 7

Ezech. 16

Exod. 47

Isa. 6

Rom. 1

siones ignominiae, & in reprobum sensum. Quibus in locis, alijsque similibus, non id omnino esse actum a Deo, sed permissum, intelligendum est. His positis, non erit difficile scire, quid in hac pre-  
 cationis parte postulemus. Nec uero petimus, ne omnino tentemur. Est enim hominum uita, tenta-  
 tio super terram. Est autem ea res utilis, & fru-  
 ctuosa hominum generi. nam in tentationibus nos ipsos, idest uires nostras, cognoscimus: quamob-  
 rem etiam humiliamur sub potenti manu Dei, ui-  
 riliterque decertantes, expectamus immarcesci-  
 bilem coronam gloriae. Nam & qui certat in ago-  
 ne, non coronatur, nisi legitime certauerit; &  
 ut inquit sanctus Iacobus, Beatus uir, qui suffert  
 tentationem; quoniam, cum probatus fuerit, acci-  
 piet coronam uitae, quam repromisit Deus diligen-  
 tibus se. Quod si urgemur nonnumquam hostium  
 tentationibus; magnae nobis erit leuationi illa cogi-  
 tatio, habere nos adiutorem pontificem, qui possit  
 compati infirmitatibus nostris: tentatum ipsum per  
 omnia. Quid hic igitur petimus? ne diuino praesi-  
 dio deserti, tentationibus uel decepti assentiamur,  
 uel cedamus afflicti, ut praesto sit nobis Dei gratia,  
 quae, cum defecerint nos propriae uires, in malis  
 recreet, ac reficiat. Quare & generatim Dei opem  
 implorare debemus in omnibus tentationibus; &  
 nominatim, cum singulis affligimur, ad precatio-  
 nem confugere oportet. quod a Dauide factum legi-  
 mus pene in unoquoque tentationum genere: nam  
 in mendacio sic precabatur: Ne auferas de ore meo  
 uerbum ueritatis usquequaque. In auaritia ad hunc  
 modum: Inclina cor meum in testimonia tua, &  
 non

non in auaritiam. In rebus uero inanibus huius uitæ, & illecebris cupiditatum, hac prece utebatur: Auerte oculos meos, ne uideant uanitatem. *Er. Psalm. 118* Ergo postulamus, ne morem geramus cupiditatibus, ne ue defatigemur in tentationibus sustinendis, ne declinemus de uia Domini, ut tam in rebus incommodis, quam in prosperis, æquitatem animi, constantiamque seruemus, & nullam nostri partem Deus sua tutela uacuam relinquat. *Rom. 16* Petimus denique, ut Satanam conterat sub pedibus nostris. Reliquum est, ut fidelem populum ad ea Parochus cohortetur, quæ in hac precatatione maxime cogitare, & meditari oporteat. in qua erit illa optima ratio, si, quanta sit hominum infirmitas, intelligentes, uiribus nostris diffidemus, &, omni spe nostræ incolumitatis in Dei benignitate collocata, eo freti patrocinio, uel in maximis periculis magnum animum habuerimus, præsertim cogitantes, quam multos hac spe, atque hoc animo præditos ex hiantibus Satanæ faucibus liberarit Deus. *Gen. 39. 41.* An non Ioseph undique circumdatum ardentibus infanæ mulieris facibus, e summo ereptum periculo, ad gloriâ extulit? non Susannam, a Satanæ ministris obsessam, tum, cū nihil propius esset, quam ut nefarijs sententijs interficeretur, seruauit incolumem? neque mirum: Erat enim, inquit, *Dan. 13.* cor eius fiduciam habens in Domino. Insignis est laus, & gloria Iob, qui de mundo, de carne, de Satana triumphauit. Plurima sunt huius generis exempla, quibus Parochus diligenter pium populum ad eam spem fiduciamque cohortari debebit. Cogitent etiam fideles, quem in hostium tentationibus

Luc. 11

Ioan. 16

Apoc. 5. 6

Hebr. 11

1. Ioan. 2

Matth. 26

Iacobi 4

nibus ducem habeant, nempe Christum dominum, qui uictoriam ex illo certamine retulit. Vicit ipse Diabolum. est is ille fortior, qui superueniens fortem superauit armatum; quem & armis nudauit, & spolijs. De eius uictoria, quam de mundo reportauit, est apud sanctum Ioannem: Confidite, ego uici mundum. & in Apocalypsi dicitur ipse leo uincens, & exisse uincens, ut uinceret; qua in uictoria suis etiam cultoribus facultatem uincendi dedit. Est Apostoli ad Hebræos epistola plena uictorijs sanctorum hominum, qui per fidem deuicerunt regna, obturauerunt ora leonum: & quæ sequuntur. Ex his uero, quæ sic acta legimus, eas uictorias cogitatione completamur, quas quotidie reportant ex intimis, & externis demonum prelijs homines fide, spe, & charitate prestantes: quæ tam multæ sunt, tamque insignes, ut, si sub aspectum caderent oculorum, nihil frequentius accidere iudicaremus, nihil gloriosius: de quorum hostium clade his uerbis scripsit sanctus Ioannes: Scribo uobis, iuuenes, quoniam fortes estis, & uerbum Dei manet in uobis, & uicistis malignum. Vincitur autem Satanas non otio, somno, uino, comestatione, libidine, sed oratione, labore, uigilia, abstinencia, continentia, castitate. Vigilate, & orate, inquit, ut iam diximus; ut non intretis in tentationem. Qui ijs armis ad illam pugnam utuntur, in fugam conuertunt aduersarios: qui enim resistunt Diabolo, is fugiet ab eis. In his tamen sanctorum hominum uictorijs, quas diximus, nemo sibi placeat, nemo se efferat insolentius, ut se suis uiribus hostiles demonum tentationes, impetuque



rusque sustinere posse cōfidat. nō est hoc naturę no-  
 strę, non humanę imbecillitatis. hę uires, quibus  
 prosternimus Satanę satellites, dantur a Deo: qui  
 ponit, ut arcum æreum, brachia nostra, cuius be- 1. Reg. 2  
 neficio arcus fortiū superatus est, & infirmi accin-  
 cti sunt robore; qui dat nobis protectionē salutis;  
 cuius nos dextera suscipit; qui docet manus nostras, Psalms. 17  
 ad pręlium, & digitos nostros ad bellū: ut uni Deo  
 pro uictoria sint agendę, & habendę gratię, quo  
 uno & auctore, & adiutore uincere possumus:  
 quod fecit Apostolus. ait enim: Deo autem gra- 1. Cor. 15  
 tias, qui dedit nobis uictoriam per dominū nostrū  
 Iesum Christum. Eundem auctorem uictorię prædi-  
 cat cęlestis illa uox in Apocalypsi: Facta est salus, Apoc. 12  
 & uirtus, & regnum Dei nostri, & potestas Chri-  
 sti eius, quia proiectus est accusator fratrum nostro-  
 rum, & ipsi uicerunt eum propter sanguinem  
 agni. Testatur idem liber, Christi domini, partā ex  
 mundo, carneque, uictoriam eo loco: Hi cum agno Apoc. 17  
 pugnabunt, & agnus uincet illos. Hęc de causa, &  
 de modo uincendi. Quibus expositis, proponent fi-  
 deli populo Parochi a Deo paratas coronas, & cō-  
 stitutam uictoribus sempiternam præmiorum am-  
 plitudinem. quorum ex eadem Apocalypsi diuina Apoc. 2. 3  
 proferent testimonia, Qui uicerit, non lædetur a  
 morte secunda. & alio loco; Qui uicerit, sic uestie-  
 tur uestimentis albis, & nō delebo nomen eius de  
 libro uitę. &, Confitebor nomen eius coram pa-  
 tre meo, & coram angelis eius. & paulo post De-  
 us ipse ac Dominus noster ita loquitur ad Ioannē:  
 Qui uicerit, faciam illum columnam in templo  
 Dei mei, & foras non egredietur amplius. Tum in-  
 quit:

OO

quit:

Apo. 3

quit: Qui uicerit, dabo ei sedere mecum in throno meo, sicut & ego uici, & sedi cum patre meo in throno eius. Deniq. cum sanctorum gloriā, & perpetuam illam bonorū uim, quibus in cēlo fruētur,

Apo. 21

exposuisset, adiunxit; Qui uicerit, possidebit hæc.

### S E D L I B E R A N O S A M A L O .

Ier. 17

Postrema hæc petitio est instar omniū, qua Dei filius diuinam hanc orationem conclusit: cuius etiā uim, & pondus ostendens, ea usus est orandi clausula, cum e uita migraturus, Deum patrem pro hominum salute deprecaretur: Rogo, enim inquit, ut serues eos a malo. Ergo hac precationis formula, quam & præcepto tradidit, & exemplo confirmauit, quasi quadā epitome summatim complexus est uim, & rationem ceterarum petitionum. Cum enim id, quod ea prece continetur, impetrauerimus; nihil, auctore sancto Cypriano, reliquum est, quod præterea adhuc debeat postulari: cū semel protectionem Dei aduersus malū petamus: qua impetrata, contra omnia, quæ Diabolus & mundus operantur, securi stamus, & tuti. Quare, cum tanti sit hæc petitio, quanti diximus, debet Parochus in ea fidelibus explicanda, summam adhibere diligentiam. Differt autem hæc, & proxima petitio, quod illa uitiationem culpe, hac pænæ liberationem postulamus. Quare non iam monendus est fidelis populus, quantopere & laboret ex incommodis & calamitatibus, & cælestis egeat adiumenti. nam quot & quantis miserijs proposita sit hominum uita, præterquam quod & sacri, & profani scriptores hoc argumentum sunt

sunt copiosissime persecuti, nemo fere est, quin intelligat & suo & alieno periculo. persuatum enim id est omnibus, quod exemplum patientiæ Iob memoriam prodidit, Homo natus de muliere, breui *Iob 14* uiuens tempore, repletur multis miserijs; qui quasi flos egreditur, & conteritur, & fugit uelut umbra, & numquam in eodem statu permanet. Nec uero ullum præterire diem, qui propria aliqua molestia, aut incommodo notari non possit, testis est illa Christi domini uox, Sufficit diei malitia sua. Etsi condicionem humanæ uitæ declarat ipsius Domini monitum illud, quo crucem quotidie sumi, seque docuit sequi oportere. Vtrigitur quisque sentit, quam laboriosa sit & *Luc. 9* periculosa hæc uiuendi ratio: ita facile persuadetur fideli populo, malorum liberationem a Deo implorandam esse, præsertim cum nulla re magis ad orandum adducantur homines, quam cupiditate, & spe liberationis eorum incommodorum, quibus premuntur, aut quæ impendeant. Est enim hæc insita ratio in animis hominum, ut in malis statim ad Dei auxilium confugiant. Qua de re est illud scriptum; Imple facies eorum ignominia, & *Psal. 82* quærent nomē tuum Domine. Sed si illud fere sua sponte faciunt homines, ut in periculis & calamitatibus inuocent Deum; certe, quo modo id recte facere possint, ab ijs, quorum fidei ac prudentiæ commissa est eorum salus, maxime docendi sunt. Non enim desunt qui cōtra Christi domini iussu præpostero utantur ordine precationis. nā qui iussit nos ad se confugere in die tribulationis, idem *Psal. 47* orationis ordinem nobis præscripsit: uoluit enim,

ut prius quam precaremur ut nos liberaret a malo, peteremus uti nomen Dei sanctificaretur, & adueniret regnum eius; & reliqua postularemus, quibus, quasi gradibus quibusdam, in hunc locum peruenitur. sed quidam, si caput, si latus, si pes condoluit, si rei familiaris iacturam faciunt, si minæ, si pericula ab inimicis intenduntur, in fame, in bello, in pestilentia, omisiss medijs Dominicæ precationis gradibus, tantum petunt ut ex illis eripiantur malis. at huic consuetudini repugnat Christi domini iussum: Querite pri-

*Matth. 6*

imum regnum Dei. Itaque qui recte preces faciunt, cum deprecantur calamitates, incōmoda, malorū depulsionem, id referunt ad Dei gloriam. sic Da-

*Psalms 6*

uid illi precationi; Domine ne in furore tuo arguas me; subiecit rationem, qua se Dei gloriæ cupidissimum ostendit. ait enim; Quia non est in morte, qui memor sit tui: in Inferno autem quis confitebitur tibi? Et idem, cum oraret Deum, sibi ut misericordiā impertiret, subiungit illud: Docebo ini-

*Psalms 50*

quos uias tuas, & impij ad te conuertentur. Ad hanc orandi salutarem rationem, & ad exemplum Prophetæ incitandi sunt fideles auditores, & simul docendi, quantum intersit inter infidelium, & Christianorum hominum preces. Petunt uehementer illi etiā a Deo, ut possint ex morbis, uulneribusq. conualescere, sibi ut ex urgentibus, uel imminentibus malis euadere liceat; sed tamen illius præcipuam spem liberationis ponunt in remedijs, natura, uel hominum industria comparatis: quin etiam sibi datum a quouis medicamentum, etiam si cationibus, si ueneficijs, si dæmonum opera confectū sit,



fit, sine ulla religione adhibent, modo aliqua ualitudinis spes ostendatur. Longe alia est ratio Christianorum: qui in morbis, & in omnibus aduersis rebus habent summum perfugium, & praesidium salutis Deum; unum illum omnis auctorem boni, & liberatorem suum agnoscunt, ac uenerantur; remedijs uero quæ inest ad sanandum uis, insitam a Deo esse pro certo habent; tantumque illa ægrotis prodesse existimant, quantum ipse uoluerit Deus. est enim a Deo data hominum generi medicina, qua morbos sanaret. Hinc est illa Ecclesiastici uox; *Al* **Eccle. 38**  
**tissimus** creauit de terra, medicinam, & uir prudens non abhorrebit illam. Itaque qui Iesu Christo nomen dederunt, non in illis remedijs summam spem reponunt recuperandæ ualitudinis, sed ipsi medicine auctori Deo maxime confidunt. Quare etiam **2. Par. 16**  
in diuinis litteris reprehenduntur ij, qui, medicine fiducia, nullum Dei auxilium requirunt: immo uero qui uitam agunt ex diuinis legibus, abstinent omnibus remedijs, quæcumque ad curationem a Deo non adhibita esse constet. quod si etiam eorum usu medicamentorum illis sit explorata spes sanitatis, tamen ab ijs, ut cantionibus & demonum artificijs, abhorrent. Ad id autem fideles cohortari oportet, ut Deo confidant: ea enim re iussit nos beneficentissimus parens liberationem malorum postulare, ut in eo ipso, quod iussit, spem etiam impetrationis haberemus. multa sunt in sacris litteris huius rei exempla: ut qui minus rationibus adducuntur ad bene sperandum, exemplorum multitudine confidere cogantur. Abraham, Iacob, Lot, Ioseph, David sunt in oculis, locupletissimi testes

diuinæ benignitatis . sacræ noui testamenti litteræ  
 tam multos enumerant, qui ex maximis discrimi-  
 nibus erepti sunt, piæ pondere precationis , ut res  
 exemplorum commemoratione nō egeat. una igitur  
 illa prophetæ sententia contenti erimus , quæ  
**Psalm. 33** uel infirmisimū quemque confirmare potest. Cla-  
 mauerunt enim , inquit , iusti , & Dominus exau-  
 diuit eos: & ex omnibus tribulationibus eorum li-  
 berauit eos. Sequitur huius uis & ratio petitionis ,  
 ut fideles intelligant, nō omnino petere nos hoc lo-  
 co, ut a malis omnibus liberemur. sunt enim quæ-  
 dam, quæ communiter mala putantur; quæ tamen  
**2. Cor. 12** sunt illis fructuosa, qui patiuntur, ut ille stimulus ,  
 qui Apostolo erat adhibitus, ut Dei gratia adiuuā-  
 te uirtus in infirmitate perficeretur. hæc, si cognita  
 sit eorum uis, summa uoluptate pios afficiunt: tan-  
 tum abest , ut a Deo petant , ut auferantur . Qua-  
 re tantum ea mala deprecamur , quæ nullam ani-  
 mę utilitatem afferre possunt, reliqua minime, mo-  
 do aliquis inde salutaris fructus existat . Omnino  
 igitur huic uoci ea subiecta uis est, ut a peccato libe-  
 rati , a tentationis etiam periculo , ab intimis , ex-  
 ternisque malis eripiamur ; ut tuti simus ab aqua ,  
 ab igne , a fulgure ; ne grando noceat frugibus ; ne  
 annonę caritate, seditionibus, bello laboremus: pe-  
 timus a Deo , ut morbos, pestem , uastitatem ar-  
 ceat , uincula , carcerem , exilium , proditioes ,  
 insidias , ceteraque omnia prohibeat incommo-  
 da : quibus maxime terreri , ac premi solet homi-  
 num uita ; omnes denique flagitiorū & facinorum  
 causas auertat . neque hæc solum , quæ omnium  
 consensione mala sunt , deprecamur : sed illa  
 etiam

etiā, quę pene omnes bona confitentur, diuitias, honores, ualeitudinem, robur, hanc ipsam uitam; petimus, inquam, ne ad malum & ad animę nostrę exitium hęc conuertantur. Oramus etiā Deum, ne morte opprimamur repentina; ne in nos iram Dei concitemus; ne, quę impios manent, supplicia subeamus; ne igne purgatorij torqueamur; a quo ut alij liberentur, pie & sancte precamur. hanc petitionem & in Missa, & in Litanij sic interpretatur Ecclesia, nos uidelicet ea præterita, præsentia, futura mala deprecari. Non uno autem modo Dei nos benignitas eripit a malis: nam impendētes prohibet calamitates: quo modo legimus magnum illū Iacob esse liberatum ab inimicis, quos in illum concitarat Sichiamitarum cedes: extat enim illud, Terror Dei inuasit omnes *Gen. 35* per circuitum ciuitates, & non sunt ausi persequi recedentes. Et quidem beati omnes, qui cum Christo domino in cęlis regnant, omnibus malis Dei ope liberati sunt. nos autem, qui in hac peregrinatione uersamur, ab omnibus incommodis solutos esse minime uult, sed eripit a quibusdam. etsi sunt instar liberationis malorū omnium ea solatia, quę dat interdum Deus ijs, qui rebus premuntur aduersis. His se consolabatur Propheta, cum illa, dicebat: Secundum multitudinem dolorum meorum *Psalms. 93* in corde meo cōsolationes tuę lętificauerūt animā meam. Pręterea a malis homines liberat Deus, cū illos in summū discriminē adductos integros seruat, & incolumes; quod & pueris illis in ardentem fornacem coniectis, & Danieli contigisse legimus, *Dan. 3* quem leones nihil lęserunt, quemadmodum neque *Dan. 6*

Dan. 3

pueros flamma uiolauit. Malus uero etiam ex sententia sanctorum Basilij magni, Chrysostomi, & Augustini præcipue dicitur dæmon, quod hominum culpæ, idest sceleris, & peccati auctor fuit: quo etiã ministro utitur Deus in repetendis pœnis a sceleratis & facinorosis: dat enim Deus omne malum hominibus, quod illi peccati causa patiuntur. in quam sententiam loquuntur diuinæ litteræ illis.

Amos 3

Isa. 45

uerbis; Si erit malum in ciuitate, quod Dominus non fecerit? item, Ego dominus, & non est alter, formans lucem, & creans tenebras, faciens pacem, & creans malum. Malus quoque dicitur dæmon ob eam causam, quod, etsi nihil eum læserimus, tamen perpetuum bellum nobis infert, & capitali nos infectatur odio. quod si nobis & fide armatis, & innocentia tectis nocere non potest, tamen nullum finē facit tentandi nos externis malis, & quacumque potest ratione diuexandi. quam obrem Deum precamur, ut nos a malo liberare uelit. Dicimus autem a malo, non a malis, ob id, quod mala, quæ in nos a proximis proficiscuntur, illi assignamus, tamquam auctori, & impulsori. quo minus etiam proximis irasci debemus: quin odium & iracundiam in ipsum Satanam conuvertere oportet, a quo homines ad inferendam iniuriam impelluntur. Itaque si te aliqua re læserit proximus, cum preces facis parenti Deo, pete, ut non modo te liberet a malo, idest ab ijs, quas tibi proximus imponit, iniurijs; sed illum ipsum eripiat proximum ex Diaboli manu, cuius impulsu homines in fraudem inducuntur. Illud denique sciendū est, si in precibus & uotis non liberamur a malis, debere



debere nos, quæ premant, ferre patienter, intelligentes placere diuino numini, ut toleranter ea patiamur. Quare minime nos indignari, aut dolere par est, quod preces nostras non audiat Deus, sed omnia ad eius nutum ac uoluntatem referre oportet, existimantes id utile, id esse salutare, quod Deo placet, ut ita sit, non autem id, quod secus nobis uideatur. Postremo docendi sunt pij auditores, dum in hoc uitæ curriculo uersamur, eos ad omne incommodorum, & calamitatum genus non solum æquo, sed etiam gaudenti animo ferendum paratos esse debere. Omnes enim, inquit, qui pie uolunt uiuere in Christo Iesu, persecutionem patientur. Item: Per multas tribulationes oportet nos intrare in regnum Dei. Rursum: Nonne hæc oportuit pati Christum, & ita intrare in gloriam suam? Non enim æquum est, seruum maiorem esse domino suo: sicuti turpe est, e sententia S. Bernardi, membra esse delicata sub spinoso capite. Preclarum illud est exemplum Vriæ propositum ad imitandum, qui, adhortante Dauide, domi ut se contineret, inquit: Arca Dei, & Israel, & Iuda habitant in papilionibus, & ego ingrediar domum meam? His instructi rationibus, ac meditationibus, si ad orandū ueniamus, illud assequemur, ut, si minus undique cincti, malisque circumdati, quemadmodū tres illi pueri intacti ab igne, sic nos inuolati seruemur; certe, ut Machabeï, casus aduersos constanter ac fortiter feramus. In contumelijs, & cruciatibus sacros imitabimur Apostolos, qui cæsi uerbis, uehementer letabantur, quod digni habiti essent qui pro Christo Iesu cōtumelias paterentur.

sic

2. Tim 3

Act. 14

Luc. 14

2. Reg. 11

Act. 5

*Psalms.* 118 sic nos ita cōparati canemus illa summa animi uoluptate : Principes persecuti sūt me gratis, & a uerbis tuis formidauit cor meum : letabor ego super eloquia tua, sicut qui inuenit spolia multa.

A M E N .

*S. Hieron.* Hanc uocem, sicuti est, signaculū orationis Dominicę appellat sāctus Hieronymus in Cōmentarijs in Mattheum . Quare ut admonuimus antea fideles de preparatione, quę adhibenda sit prius quam aggrediantur ad diuinam precationem ; sic nunc faciendū duximus, ut clausule ac finis ipsius precationis causam, rationemque cognoscant . Non enim pluris est diuinas preces diligenter ordiri, quam religiose absoluerē . Sciat igitur fidelis populus multos esse, & eos uberes fructus, quos ex Dominicę orationis fine percipimus : sed omnium uberrimus ac letissimus fructus est, eorum impetratio, quę postulauimus : de quo supra satis dictum est . Non solum autem consequimur postrema hac parte precationis, ut nostrę preces audiantur, sed quędam etiam maiora ac preclariora, quam ut uerbis explicari possint . nam cum orando homines cū Deo colloquantur, ut sanctus Cyprianus ait, fit quodam inexplicabili modo orāti diuina maiestas propior, quam ceteris ; quem preterea singularibus ornat muneribus : ut qui pie Deum orant, quodam modo cum ijs, qui ad ignem accedunt, comparari possint : qui si algēt, calescunt ; si calent, estuant : sic illi asistentes ad Deum pro modo pietatis, ac fidei ardentiores euadunt : inflammatur enim eorum animus ad Dei gloriā, mens illa  
lustra-

Iustratur admirabilē in modū, omnino cumulan-  
 tur diuinis muneribus. est enim illud proditum san-  
 ctis litteris. Preuenisti eum in benedictionibus dul- *Exod. 34*  
 cedinis. Exemplo est omnibus magnus ille Moses, *Psalms. 20*  
 qui a Dei congressu & colloquio digrediens diuino  
 quodam fulgore collucebat sic, ut Israelitę eius ocu- *2. Cor. 3*  
 los, & os intueri non possent. Omnino qui uehe-  
 menti illo studio preces faciunt, Dei benignitate ac  
 maiestate admirabiliter perfruuntur. Mane astabo, *Psalms. 5*  
 inquit Propheta, & uidebo, quoniam non Deus uo-  
 lens iniquitatem tu es. Hęc quo magis noscunt ho-  
 mines, eo Deū uehementiori cultu ac pietate uene-  
 rantur; eo etiam sentiunt iucundius, quam suauis  
 sit dominus, & quā uere beati sint omnes, qui spe-  
 rant in eo: tum uero clarissima illa luce circumfusi,  
 quanta sit eorū humilitas, quanta sit Dei maiestas,  
 considerāt. est enim illa sancti Augustini regula, No- *S. August.*  
 uerim te, nouerim me. Itaque fit, ut suis uiribus  
 diffidentes, totos se committāt Dei benignitati, mi-  
 nime dubitantes, quin is ipsos paterna illa sua, &  
 admirabili charitate complexus, abundanter ijs  
 omnia suppeditet, quę sint ad uitam, & salutem  
 necessaria; hinc se ad agendas Deo gratias conuer-  
 tant, quantas animo maximas capere possunt, quā-  
 tas orationes complecti: quod magnum Dauidē se  
 cisse legimus: qui cum ita precationem instituisset:  
 Saluum me fac ex omnibus persequentibus me; sic *Psalms. 7*  
 eam absoluit, Confitebor Domino secundū iusti-  
 tiam eius, & psallā nomini Domini altissimi. Sunt  
 eiusmodi sanctorū preces innumerabiles, quarum  
 exordiū est timoris plenum, clausula spei bonę, læ-  
 titięque referta. sed mirabile est, quam eo in gene-  
 re

*Psal. 3*

re eniteant Dauidis ipsius preces. nam cum metu perturbatus sic orare esset exorsus, Multi insurgunt aduersum me, multi dicunt animæ meæ, non est salus ipsi in Deo eius: confirmatus aliquando, gaudioque perfusus, subiunxit paulo post: Non timebo millia populi circumdantis me. alio etiam psalmo, suam cum deplorasset miseriam, ad extremum Deo confisus, in-

*Psal. 4*

credibiliter lætatur spe sempiternæ beatitudinis; In pace, in idipsum, inquit, dormiam & requiescam.

*Psal. 6*

Quid illa? Domine ne in furore tuo arguas me, neque in ira tua corripas me; quanto cum tremore, & pallore Prophetam dixisse credendum est? contra, quæ deinceps sequuntur, quam fidenti ac lætanti animo? Discedite a me, inquit, omnes, qui operamini iniquitatem: quoniam exaudiuit Dominus uocem fletus mei. Cum uero Saulis iram, furoremque pertimesceret, quam humiliter ac demisse Dei opem implorabat: Deus in nomine tuo saluum me fac,

*Psal. 53*

& in uirtute tua iudica me. & tamen hilare ac fidenter in eodem psalmo subiecit: Ecce enim Deus adiuuat me, & Dominus susceptor est animæ meæ. Quare qui se confert ad sacras preces fide, speque munitus, parentem adeat Deum, ut se id cōsequi possit, quod ei opus sit, nullo modo diffidat. Sunt autem in extremo hoc diuinæ precatōnis uerbo, A M E N, multa quasi semina quædam earum rationum cogitationumque, quas diximus. & quidē adeo frequens fuit hæc Hebræa uox in ore Saluatoris, ut spiritui sancto placuerit, ut in Ecclesia Dei retineretur. cui uoci illa quodā modo sub-

iecta.



iecta sententia est: Scito tuas auditas esse preces. habet enim uim respondentis, & illum, qui precibus, quod uelit, impetrarit, cum bona gratia dimittentis Dei. Hanc sententiam perpetua Ecclesię Dei consuetudo comprobauit, quę in sacrificio Missę, cum pronuntiatur oratio Dominica, non rei sacrę ministris, quorum partes sunt illa dicere, Sed libera nos a malo, attribuit hanc uocem A M E N, sed ipsi sacerdoti, accommodatam, reseruauit: qui cum Dei & hominum sit interpres, Deum exoratum esse populo respondet. Nec tamen hic ritus communis est omniũ precationũ, quippe cũ in ceteris ministrorũ sit munus respondēdi, Amen; sed proprius Dominicę orationis. nam in alijs precibus consensum modo, desideriumque significat; in hac respõsio est, Deum orantis postulationi consensisse. Ac uarie quidem a multis est interpretatum hoc uerbum Amen. Septuaginta interpretes uerterunt, fiat: alij reddiderunt, uere: Aquila, fideliter, conuertit. sed parui refert, hoc, an illo modo sit redditum; modo habere intelligamus eam uim, quã diximus, confirmantis sacerdotis concessũ id esse quod petebatur. cuius sententię testis est Apostolus in epistola ad Corinthios. Quotquot enim, inquit, promissiones Dei sunt, in illo est, ideo & per ipsum Amen Deo, ad gloriam nostram. Est etiam hæc nobis accommodata uox, in qua inest confirmatio quædam earum petitionum, quas adhuc adhibuimus: quę etiam eos reddit attentos, qui dant operam sacris precibus: fit enim sepe, ut in precatione distracti homines uarijs cogitationibus, alio traducantur: immo uero sũmo studio petimus hac ipsa uoce, ut omnia fiant, id est

con-


concedantur, quæ antea petijimus, uel potius intelligentes nos iam impetrasse omnia, ac sentiētes præsentem uim diuini auxilij, illud una cum Propheta canimus; Ecce enim Deus adiuuat me, & Dominus susceptor est animæ meæ. Nec est, quod quisquam dubitet, quin & nomine filij sui, & uerbo, quo sæpissime is usus est, moueatur Deus, qui semper, ut ait *Ad Heb. 5* Apostolus, exauditus est pro sua reuerentia.





# CATECHISMI.

## A



**BBATIBVS** per-  
missum est ut in-  
terdū minores or-  
dines administrēt.

folio 337

- Abrahæ peregrinatio** 366  
**Abrahæ sinus** 62  
**Abolutionis forma** 268  
**Aboluendi qui sint** 297  
**Aboluendi potestas quibus da-  
ta** 287  
**Abolutio quando pœnitentibus  
deneganda** 297  
**Abolutio peccatorum est esse-  
tus pœnitentiæ** 283  
**Accidentia in Eucharistiæ sacra-  
mēto manēt sine subiecto** 240  
**Actiones Deo gratas sine adiu-  
mento diuinæ gratiæ suscipere  
non possumus** 531  
**Actio gratiarum erga Deum quo  
modo fiat in petitione de fa-  
cienda Dei uoluntate** 539  
**Actio gratiarum est una de par-  
tibus orationis** 485  
**Adam sibi & posteris donum iu-  
stitiæ originalis amisit** 542  
**Adam cibo indigebat in statu in-  
nocētiæ ad reficiēdas uires** 542  
**Inter Adam necessitates & no-  
stras multum interest** 542  
**Adam non indignisset multis re-  
bus quibus nos indigemus, si  
non peccasset** 542  
**Adā in paradiso uoluptatis ocio-  
sus non erat futurus** 543  
**Adam in paradiso nulla mole-  
stia affectus fuisset** 543  
**Adam posteritas fructu uitalis  
arboris priuata, & horribili  
sententia maledicta** 543  
**Adam & Christi comparatio** 45

- Adulterium quid** 435  
**Adulterij interdicto quæ peccata  
prohibeantur** 435  
**Adulterij detestatio** 435  
**Adulteriū quare prohibitū** 436  
**Adulterij interdicto omne im-  
puritatis & impudiciæ genus  
quo corpus polluitur, prohi-  
betur** 436  
**Adulterio intima animi libido  
prohibetur** 436  
**Adulterium insignem turpitu-  
dinis notam inurit** 438  
**Adulterorum supplicium & dā-  
na** 438  
**Affectus carnis ita domitos ha-  
bere, ut omnino nō excitetur,  
non est in hominis etiam iu-  
stificati potestate** 533  
**Affinitas patrīnorum cū quibus  
contrahatur** 174  
**Amen quid significet** 588  
**Amen interpretatio** 589  
**Amen cur in sacrificio missæ re-  
seruetur sacerdoti pronuntiā  
dum** 589  
**Amor Dei in redemptione erga  
homines ostensus** 507  
**Angelorum creatio** 26  
**Angeli ab ortus sui initio gratia  
præditi** 26  
**Angeli sapientia & potentia or-  
nati** 26  
**Angeliæ salutationi adiunxit  
Ecclesia preces & imploratio-  
nem beatæ Virginis** 492  
**Angelorum plurimi ex celesti-  
bus sedibus derurbati** 26  
**Angelorum potestas** 26  
**Angelorum scientia** 26  
**Angeli quare uirtutes dicti** 26  
**Angelus multa edocuit Tobī-**  
am



# I N D E X

am	347	re etiam reclamantibus & ad-
Angeli quo modo adorétur	371	versantibus, voluntas remitté
Angeli quare humana specie ef-		di iniurias sufficit
fingantur	377	56
Angelica salutatione Deus lau-		Argumentum desperatæ salutis
datur.	492	550
Angelica salutatio est actio gra-		Artibus malis quæ acquiruntur
tiarum	492	nostra non sunt
Angolorum custodia erga homi-		147
nes	503	Articuli quare dicti
Angolorum obedientia erga de-		12
um	539	Ascendit Christus ut homo & cor
Angeli nō adorátur ut Deus	371	pore & anima in celos
Angolorum opera quotidie a ma-		7
ximis periculis liberamur	373	Ascendens Christus in celum se-
Ab anima Christi numquam se-		det ad dexteram patris, & quo
parata est diuinitas	51	modo intelligatur
Anima Christi re & præsentia ad		72
inferos descendit	62	Ascendit Christus propria virtu-
Anima Christi descendens ad in-		te
feros communicavit meritū		72
passionis animabus patrū	63	Ascensio Christi tamquam finis
Anima est immortalis	118	ad quem cetera mysteria re-
Animæ piorum ante Christi		feruntur
mortē ad sinum Abrahamæ de-		71
ferebantur	62	Articuli fidei, primus fol. 11
Anima quæ peccauerit, quomo-		Secundus fol. 29. Tertius. f. 39
do moriatur	183	Quartus fo. 48. Quintus f. 60
Animæ non nihil deest ad sum-		Sextus fol. 71 Septimus
mam felicitatem, dum est se-		78
parata a corpore	120	Octauus fol. 86. Nonus fol
Anima separata a corpore propē		93
sionem habet ad corpus	120	Decimus fo. 111. Vndecimus
Anima duabus alis ad celum p-		117
uenit	486	Duodecimus
Apostoli quare a Christo dati	2	128
Apostolorū auctoritas eis a Chri-		Articulus de ascensione Christi
sto data	2	eius maiestatem & gloriam
Apostoli duodecim articulis di-		declarat
stinctum symbolum compo-		74
suerunt	11	Ascensionis Christi in celum
Apostoli carimoniarum institu-		causa
tores	193	74
Apostoli a domino Chrismæ cō-		Beneficia quæ ex ascensione Chri-
positionem didicerunt	203	sti nobis donantur
Appetitio proprii boni rebus		75
omnibus ingeneratur	510	Assentatio uitii deterrimū
Appetere Deum a principio ho-		461
mini datum	510	Assentatores homines uitio ob-
Appetitionibus corruptæ natu-		rectationis peccant
		459
		Auari reprehenduntur
		470
		B
		BAPTISMI cognitio maxi-
		me necessaria
		159
		Baptismus quare a Parochis sit
		docendus
		152
		Quo tempore a Parochis de ba-
		ptismo differendum
		160
		Baptismi uox quid significet
		160
		Baptismi sacramentum quibus
		nominibus significatur
		161
		Baptismi, ut sacramentum est.
		definitio
		162
		Baptismi sacramentum quibus
		rebus conficiatur
		166
		Aqua



<b>Aqua</b> , quæ in sacro fonte ad baptismum conficiendum asservatur, non est sacramentum <span style="float: right;">162</span>	lini baptizari <span style="float: right;">180</span>
Baptismi materia est aqua elementaris <span style="float: right;">162</span>	Quando baptizandi amentes & dormientes <span style="float: right;">180</span>
Baptismi figura <span style="float: right;">163</span>	Ad baptismi gratiam consequendam fides est necessaria <span style="float: right;">181</span>
In baptismo quare chrisma addatur <span style="float: right;">163. 165.</span>	Baptizandum peccatorem præniteat oportet <span style="float: right;">181</span>
Baptismi forma <span style="float: right;">165</span>	Baptismi sacramento omne peccatum condonatur <span style="float: right;">183</span>
Baptismi forma apud Græcos varia <span style="float: right;">166</span>	In baptismo prorsus tolluntur peccata, & radicitus euelluntur <span style="float: right;">183</span>
Cur baptizabant apostoli in nomine Iesu <span style="float: right;">63. 167</span>	In baptizatis concupiscentia remanet, sed peccatum non est <span style="float: right;">184</span>
Baptismus tribus modis confici potest <span style="float: right;">168</span>	Baptismi proprius effectus peccatorum omnium remissio <span style="float: right;">185</span>
In baptismo unica an trina ablutio fiat, nihil refert <span style="float: right;">168</span>	Peccata & peccatorum pœnæ per baptismum remittuntur <span style="float: right;">185</span>
In baptismo caput abluendum <span style="float: right;">169</span>	Pœnæ civilibus iudicijs persolvenda baptismi non condonantur <span style="float: right;">186</span>
In baptismo verba simul cum ablutione proferenda <span style="float: right;">169</span>	Post baptismum quare non restituamur in statum naturæ integræ <span style="float: right;">186</span>
Baptismus a Christo domino institutus, & quando <span style="float: right;">169</span>	Baptismi fructus <span style="float: right;">188</span>
Quando vis sanctificandi aquis fuerit tributa <span style="float: right;">170</span>	Baptismus characterem imprimi <span style="float: right;">190</span>
Baptismi lege quo tempore homines teneri cœperunt <span style="float: right;">170</span>	Baptismus iterari, sacrilegium est <span style="float: right;">190</span>
Baptismi ministri <span style="float: right;">171</span>	Baptismus cæli aditum patefecit <span style="float: right;">192</span>
Baptizare sacerdotes quare præsente etiâ episcopo possunt <span style="float: right;">171</span>	Cerimoniarum & preces, quæ in baptismo fiunt, ad tria capita rediguntur <span style="float: right;">192</span>
Ordo inter baptismi ministros servandus <span style="float: right;">173</span>	Fons baptismi consecratur addito oleo mysticæ <b>unctionis</b> <span style="float: right;">193</span>
Baptizandos suscipere quibus non liceat <span style="float: right;">176</span>	Certi dies expectantur ad consecrandam baptismi aquam <span style="float: right;">194</span>
Baptismus necessarius ad salutem <span style="float: right;">176</span>	Baptizatis quæ nomina imponenda <span style="float: right;">197</span>
Baptismi sacramentum pueris dandum <span style="float: right;">177</span>	Beatitudo essentialis in quo sita <span style="float: right;">133</span>
Baptizantur pueri in fide parentum & ecclesiæ <span style="float: right;">178</span>	Beati lumine gloriæ eleuantur ad divinam essentiam uidentiam <span style="float: right;">134</span>
Baptizandi sunt filij quamprimum <span style="float: right;">178</span>	Beatitudinis imagines & similitudines <span style="float: right;">135</span>
In baptizandis <b>adultis</b> diuersa ratio est seruanda ab ea, quæ in pueris <span style="float: right;">178</span>	Beatitudo accidentalis in quo consistat <span style="float: right;">135</span>
Baptismus adultis quando sit statim conferendus <span style="float: right;">180</span>	
Baptizandi quo modo affecti esse debeant <span style="float: right;">180</span>	
Baptizandi interrogantur <b>an</b> uelint baptizari <span style="float: right;">180</span>	
	PP . Bella

Bella intestina hominis	522	Cerimoniarum quæ ad penitentiarum sacramentum adhibentur	269
Bellum sceleratis cum Deo	556	Cerimoniarum quæ sacramento extreme unctionis adhibentur	311
Benedictionibus Dei opera nostra prospere cedunt	544	Cibus multiplex & delicatus non postulandus a Deo	547
<b>Benignitas</b> Dei non uno modo eripit nos a malis	583	Cibus multiplex animarum	550
Blasphemare nomen Dei & sanctorum, detestabile scelus	396	Clerici nomen unde deductum	327
Bona humanarum uitæ quare optanda & petenda	541	Clericorum corona unde ortum habuerit, & quid significat	327
Bona temporalia quomodo petenda	541	Communio unum ex nominibus Eucharistiæ	213
Bona humanarum uitæ ad bona diuina dirigunt	541	Ante communionem præparatio qualis esse debeat, & quam sit necessaria	246
Bona humanarum uitæ adiumenta sunt ad diuinorum bonorum adeptionem	541	Præparatio ad communionem est, pacem cum alijs habere	248
<b>C</b>		Communione sumpturus amorem erga Deum habeat	248
<b>CATECHISMI</b> necessitas		Communicandum omnibus esse saltem in paschate	249
2. 4		Communicandi sub una specie quare ecclesia consuetudinem approbauerit	253
Catechismi doctrina ad captum cuiusque accommodata	7	Communia tribus personis diuinis, & non communia	41
Character trium sacramentorum effectus	157	Clauium necessitas in ecclesia	112
Character quid præstet	157	Clauium dignitas & amplitudo	113
Characterem baptismus imprimit	190	Concupiscentia in renatis remanet, sed peccatum non est	184
Characterem imprimit confirmatio	210	Concupiscentia praua, stirps malorum omnium	468
Characterem imprimit <b>ordinis</b> sacramentum	325	Concupiscentia rerum alienarum & uxorum quid inter se differant.	469
Charitatis præcepta duo	412	Concupiscentia quid	470
Charitas proximi a charitate Dei ortum habet	412	Concupiscendi uis non semper in uitio ponenda	470
Charitas uera quid moneat	515	Concupiscendi uis recta Deo auctore a natura nobis insita est	471
<b>Castitas</b> non solum uirginibus, sed qui cælibem uitam agunt, & ijs qui matrimonio iuncti sunt, conuenit	436	Concupiscentia primorum partem peccato deprauata	471
Castitatis remedia	437	Concupiscentiæ uis, si moderata est, quasnam utilitates afferat	471
Castitatis remedia quæ in actione consistunt	439	Concupiscentia quare a Paulo peccatum sit dicta	471
Cautio adhibenda in peccatorum occasionibus uitandis	571		
Cerimoniarum, & preces quæ in baptismo sunt, ad tria capita rediguntur	192		
Cerimoniarum & ritus, quibus sacramentum confirmationis confertur	211		



<b>N</b> on concupisces, quem sensum habeat	473	quare chrisma appellatū	102
<b>C</b> oncupiscenda non est aliena uxor	475	<b>C</b> hrismatis materia	101
<b>C</b> oncupiscere alienam uxorem quam periculosum sit	475	<b>C</b> hrisma episcopi consecratione conficitur	101
<b>C</b> oncupiscendi uitio qui maxime laborent	478	<b>C</b> hrisma quare ex oleo & balsa- mo conficiatur	103
<b>C</b> onfessio peccatorum & eius necessitas	182	<b>C</b> hrisma a quibus ceremonijs & quando conficiatur	103
<b>C</b> onfessio quare instituta	183	<b>S</b> acris precationibus chrisma cō- ficiendum	104
<b>C</b> onfessionis utilitas	183	<b>C</b> onfirmationis sacramenti for- ma	104
<b>C</b> onfessio accusatio dicitur, & quare	184	<b>I</b> n confirmatione tria obseruan- da	104
<b>A</b> diciū ecclesiasticū quod fit in confessione, longe dissimile est forensibus iudicijs	184	<b>C</b> onfirmationis sacramenti mi- nister proprius	105
<b>C</b> onfessio a Christo <b>q</b> uod eius boni- tatem & misericordiam insti- tuta	184	<b>A</b> d confirmationem quare patri- nus uocetur	106
<b>C</b> onfessionis figuræ	185	<b>A</b> ffinitas quæ cum patrinis con- firmationis contrahitur	106
<b>C</b> onfessionis legi quinam parere debeant	187	<b>C</b> onfirmandi qua ætate esse de- beant	107
<b>C</b> onfessio quo tempore puero in- dicta	188	<b>C</b> ōfirmationis sacramentū quo modo sit necessarium	107
<b>C</b> onfessio quando iteranda	191	<b>C</b> ōfirmationis sacramētū ad unī- uersos fideles eque pertinet	107
<b>C</b> onfessionis minister idoneus & legitimus	192	<b>C</b> ōfirmationis sacramētū susci- pientes adulti dolere debent de peccatis	108
<b>I</b> n confessione scelera non excu- sanda	195	<b>C</b> ōfirmationis sacramentū prece- dere debet cōfessio i adultis	108
<b>C</b> ulpa eorum qui uerecūdia im- pediti peccata confiteri non audent	196	<b>C</b> onfirmationis sacramentū no- uam gratiam tribuit	109
<b>P</b> eccata diligenter peruestigan- da	196	<b>C</b> onfirmationis uocabulum un- de deductum	109
<b>C</b> onfessor quando a se pœnitē- tes dimittere debeat	197	<b>C</b> onfirmationis effectus	110
<b>C</b> onfidere oportet in officio pre- candi	493	<b>C</b> ōfirmatio nō potest iterari	110
<b>C</b> onfirmationis sacramentū	198	<b>C</b> onfirmationis sacramenti ceri- monia & ritus	111
<b>C</b> onfirmationis nomen	199	<b>C</b> ōfirmationis sacramentū quo ip̄e potissimū administret	111
<b>C</b> onfirmatio est uere sacramen- tum	199	<b>C</b> ontritio quid	173
<b>C</b> ōfirmationis sacramentū a ba- ptismo maxime disiunctū	200	<b>C</b> ontritionis uis & efficacia	174
<b>C</b> onfirmationis sacramenti ori- go	201	<b>C</b> ontritionis proprius dolor ad singula peccata mortalia adhi- bendus	180
<b>C</b> onfirmationis sacramēti Chri- stus auctor	201	<b>A</b> d cōtritionem ueram quæ sint necessaria	177
<b>C</b> onfirmationis sacramentum		<b>A</b> d contritionē excitandum cum qui de peccatis nō doleat	195

Corona uincenribus parata a Deo	577	um auctor	198
Creationis opus ab ijs facilius creditur, qui de Dei omnipotia non dubitant	25	Christus totus in sacramento Eucharistiae continetur	233
Quare Deus creauit omnia	25	Christus qua ratione sit in sacramento	239
De creatione angelorum	26	Christus qua ratione poenitentiae sacramentū instituerit	266
Deus creator uisibilium & inuisibilium	27	Christi & eius matris & sanctorū imagines pingi, non interdicitur precepto legis	376
Deus quē creauit conseruat	28	Christus frater noster	209
Creatura noua in Christo quae Verbi huius, Credo, in materia fidei euangelicae acceptio & professio	13	Christi resurrectio fraternitatis Christi cum hominibus non dirimit	510
Quis sit qui credat	13	Christi diuinitas numquam a corpore seiuncta	51
Quid primo credendum	21	Christus pro peccatoribus passus	54
Credens inquirendi curiositate est liber	13	Christiani quare sancti dicantur	101
Credendum esse Deo	15	Christus quo modo in nobis regnet	524
Credens interiorē fidei actum aperte fidei professione proferre debet	14	Christi causa libenter stultitiae fama subeunda	536
Christianorum omnium unus spiritalis ortus	511	Christus imitandus in referenda nostra uoluntate ad uoluntatem Dei	537
Christiani hominis scientia uno capite comprehenditur	5	Christus dominus, panis Christi passionis mysteriū maxime Dei potentiam & benignitatem ostendit	553
Christiani doctoris opera in quo precipue uersari debeat	5	Christi passionis patrocinio ueniam peccatorum impetramus	559
Christiani uita non in otio degenda	6	Circumstantiae peccatorum in confessione narrantur	290
Christiana philosophia & saeculari sapientia in quo differat	14	Clauibus ecclesiae aditus in caelum aperiri	283
Christianus homo quantū Christo debeat	38	Clericorum corona quid significet	327
Christi regnum spirituale	35	Concio sacra a fidelibus attentē audienda	408
Christus a diuersis naturis diuersas proprietates accepit	37	Contra eos, qui medicamentis utuntur daemonum arte compositis	580
Christus quare dominus noster dicendus	37	Creatio omnibus personis Trinitatis communis	28
Christus non est dicendus filius Dei adoptione, sed natura	43	Creatura noua in Christo est, qui mandata dei obseruat	364
Christus a Dauide originem traxit secundum carnem	44	Crucis Christi pretium quantū	58
Christus quare nouissimus Adam appellatus	45		
Christus nascens salutari doctrina nos instituit	46		
Christi sanguine scelera nostra expiantur	115		
Christus sacramentorum omni-			



Colere Deos alienos quare deus prohibuerit	376	data	161
Cultus diuini cupidos homines esse oportet	381	De censu Christi ad inferos causa	61
Cultus externus deo præcipitur adhiberi tertio præcepto	398	Ante Christi mortem animæ piorum ad sinum Abraham deferrebantur	64
Cultus sabbathi quo tempore tollendus erat	399	Deus suis numquam defuit	2
Cultus diei festi quare institutus	401	Deum unum solum esse non plures confitendum est	18
Cupiditas uitiosa quare prohibeatur	472	Deus quare pater vocatur.	18. 20
Cupiditates propriæ etiam iustis aduersantur	533	Deo omnipotens uis tribuitur	12
D		Deus omnium creator	25. 27.
<b>D</b> ÆMONVM odium in homines	522	Deus quæ creauit conseruat	28
Dæmon, simulato lucis angelo, quæ bona non sunt, tamquam bona postulare persuadet	536	Deo, & non sanctis, sacrificium offertur	256
Dæmonum externi impetus & impressiones	568	Deus est legis auctor	361
Dæmones quare principes appellati & rectores mundi tenebrarum	568	Deum amare facile est	37
Dæmones perpetuum bellum nobiscum gerunt	569	Deus quare zelotes appellat <sup>9</sup>	381
Dæmones quos non oppugnet	577	Deus quare poenam ad tertiam & quartam generationem comminetur	382
Dæmonum uis alligata	570	Dei bonitas superat eiusdem iustitiam	383
Dæmon quare malus præcipue dicatur	584	Dei nomen quo modo honoratur	285
Dæmoni assignamus omnia mala, quæ in nos a proximis proficiscuntur, tamquam auctori & impulsori	584	Deo multa imposita nomina	385
Debita, quæ dimitti postulamus, quæ sint	559	Deus quib <sup>9</sup> modis laudandus	386
Cuius debiti solutio sit ad salutem necessaria	559	Deus non habebit infontem eum, qui nomen eius frustra assumptum pferit	397
Debita quare dicantur nostra	560	Deus primus diligendus, deinde parentes	413
Decalogi præcepta	359	Deus desideria exaudit	499
Decalogus legum omnium summa & epilogus	359	Deus omnium hominum pater uocatur	503
Decalogi præcepta decem ex duobus charitatis pendet	60	Dei prouidentia erga homines	503
Decalogi deum esse auctorem credere, maximam uim habet ad eam legem seruandam	361	Deus hominum non obliuiscitur	505
Decalogi lex quanta maiestate		Dei benignitas & misericordia erga homines	507
		Dei amor erga homines in redemptione ostensus	507
		Dei manus cum nos tangit, id non hostiliter facit, sed amanter	508
		De <sup>9</sup> quare castigat quos amat	508
		Deus calamitates nostras non ignorat	508
		Deus omnium deus est	512

Deus est ubique, & quomodo	513	Deus quomodo nos in tentationem inducere dicitur	573
Deus quare i celis esse dicatur	513	Deus dat vires ad Satanam prosternendum	577
De <sup>9</sup> quomodo ex animo amet <sup>9</sup>	515	Dei benignitas non uno modo eripit nos a malis	583
A Deo quid primo petendum	515	Deus non vult nos ab omnibus incommodis solutos esse	583
Dei gloria quo modo petatur	515	Deus dat solatia ijs, qui aduersis premuntur	583
Dei nomen quo modo sanctificari petamus	516	Deus utitur demone ministro in repetendis pœnis a sceleratis	584
Dei nomen sanctum & terribile sanctificatione non eget	516	Diaboli crudelis dominatus	585
Dei nomen re, non uerbis tantum, sanctificandum	519	Diabolus quare mundi princeps & tenebrarum dicatur	586
Dei prouidentia erga hominum salutem	521	Diaboli proprium officium	572
Dei potentia & prouidentia	523	Diabolus quo animo tentet homines	572
<b>Deus</b> non ad otium & inertiam nos uocauit	528	Diabolus quare tentator dicatur	572
Deus numquā nos deserit	529	Diabolus quibus modis utatur ad tentandum	572
Deus adminicula nobis cōcedit ad regnum celorū consequendum	529	Die dñico quid agere & a quibus abstinere fideles oporteat	408
Deum amare, ut par est, sine diuina <sup>ix</sup> gratiæ adminiculo nō possumus	531	Diuitiæ non amandæ	476
<b>Ad</b> christianam prudentiam, nisi Deo auctore & adiutore, nos aspirare non possumus	532	Diuites quare panem quotidianum petere debent	548
Deus in iustificatis mentem sanat, non carnem	533	Diuites facultates suas Deo acceptas referant	552
Deus requirit summum amorē in opera & studio quod ei nauamus	538	Diuites quare bonis cumulatur a Deo	552
Dei opera omnia bona	539	Doctōris legitimi fidelis opera necessaria	2
Deus omnibus operibus suis suā bonitatem impertiuit	539	Doctrina Catechismi ad captum cuiusque accommodata	7
Dei uoluntatem quare maxime colamus	539	Doctrina <sup>l</sup> fidei catholicæ quibus rebus contineatur	8
Dei uix in inuestigabiles	539	Doctrinæ Christianæ capita quatuor	8
Deus nobis melius consulit quā nos optare possumus	540	Dolor ex peccatorum cognitione	556
Ad dei gloriā omnia ad usus uitæ necessaria sunt referēda	542	Dubitare in oratione non debemus	496
Dei infinita potētia colenda	548		
Deus <b>promptus</b> & paratus ad cōdonandum peccata pœnitentibus	558		
Deus beneficentissimus parēs	558		
Deus iustitiæ retinētissimus	559		
Deus quo modo tētet suos	571		
Deus quo modo tentari sinit bonos	572		

E

<b>E</b> CCLESIAE nomine quid sit proprie intelligendū	94
Prophetæ planius de ecclesia quā de Christo locuti sunt	95
Ecclesiæ & synagogæ differentia	95

Eccle



# I N D E X

**Ecclesia** multis nominibus uocatur 96  
**Ecclesia** militans & triumphans quare dicatur 96  
**Ecclesie militantis** & triumphantis differentia 97  
**Ecclesie** figuræ & similitudines 98. 105  
**Quinam** ab ecclesia excludantur 99  
**Ecclesie** catholicæ proprietates & prærogatiuæ 100  
**Ecclesie** caput uisibile 100  
**Ecclesie** unitas 100  
**Ecclesia** sancta appellatur 102  
**Ecclesia** catholica 104  
**Ecclesie** ueræ dignoscendæ a falsa certissima regula 105  
**Ecclesia** est apostolica 105  
**Ecclesia** non potest errare 105  
**Extra** ecclesiam uerus cultus non reperitur 106  
**Ecclesia** originē suæ ueritatis traxit ab Apostolis 105  
**Ecclesiam** uniuersalem omnes tenere debent qui salutem consequi cupiunt 104  
**Ecclesie** auctor Deus 106  
**Ecclesiam** clauēs regni cælorum habere, fide intelligimus 107  
**Quare** credere sanctam ecclesiā, & non in sanctam, dicatur 107  
**Eleemosynæ** necessitas 450  
**E**hortatio ad eleemosynam faciendam 450  
**Labore** ac manibus ea querenda quibus inopum indigentia leuari possit 451  
**Eleemosyna** orationi addenda 501  
**Eleemosyna** medicina est accommodata sanandis animæ uulneribus 565  
**Episcopi** tantum & sacerdotes potestatem habent remittendi peccata 113  
**Episcopi** administratio quæ 317  
**Episcop** tantū ordines cōfert 37  
**Escharum** exquisitissima genera persequi non licet 378

**Eucharistie** usu qui aliquandiu careret, plurimū dāni patiūt 159  
**Eucharistie** institutio 213  
**Eucharistie** dignitas & excellentia 213  
**Eucharistie** sacramentum pluribus nominibus appellatū 213  
**Eucharistia** quare dicatur communio 214  
**Eucharistiam** post cibum & potum sumere non licet 215  
**Eucharistia** uere est sacramentū & unum ex septem 215  
**In** eucharist. sacramento adoramus corp<sup>9</sup> & sanguinē Xpi 216  
**Quæ** proprie sacramenti rationē habeant in Eucharistia 216  
**Eucharistie** cum ceteris sacramentis differentia 216  
**Eucharistie** sacramentum perfectum facit materiæ consecratio 216  
**Eucharistia** est unum tantum sacramentum, & non plura 217  
**Eucharistie** sacramentum tria significat 217  
**Eucharistie** sacramenti materia duplex 218  
**Aqua** modica uino quare admisceatur 220  
**In** eucharistie sacramēto quid significet panis & uinum 221  
**Eucharistie** sacramēti forma 222  
**Forma** cōsecrationis uini & eius declaratio 224  
**In** sacramento eucharistie tria sunt maxime admiranda 223  
**In** Eucharistia uerū corpus Christi & sanguinem contineri 223  
**Eucharistie** sacramentum non est tantum signum corporis Christi 229. 240  
**Eucharistie** fructus 232  
**In** Eucharistie sacramento totus Christus continetur 233  
**In** Eucharistie sacramento quæ sint ex concomitantia 234  
**Dux** consecrationes quare separatim fiant in sacramento Eucharistie 234



- In quavis utriusque speciei particula Eucharistiae totus Christus continetur 235
- Panis & uini substantia post consecrationem, in sacramento Eucharistiae non remanet 235
- Post consecrationem quare Eucharistiae sacramentum panis uocatur 237
- Conuersio admirabilis in sacramento Eucharistiae, transubstantiatio uocatur 238
- Eucharistiae sacramentum non curiose scrutandum 239
- Qua ratione Christus sit in Eucharistiae sacramento 239
- Panis & uini species in sacramento Eucharistiae sine aliqua re subiecta manent 240
- Eucharistiae sacramentum quare sub panis & uini specie administrari Christus instituit 240
- Eucharistia fons omnium gratiarum 241
- Eucharistia quo modo gratiam tribuat 242
- Prima gratia nemini tribuitur nisi prius Eucharistiae sacramentum uoto perceperit 243
- Eucharistia omnium sacramentorum finis 243
- Eucharistiae figura est manna 243
- Eucharistiae utilitates 244
- Eucharistiae sacramenti sumendi tres rationes 245
- Maximis** bonis se priuant qui cum parati sint sacramentaliter sumere corpus Domini, spiritu tantum accipiunt 246
- Eucharistiam accipere nemini licet ante sacramentalem confessionem, si **sacerdotis facultas data sit, si peccati mortalis conscientiam stimulet** 248
- Ieiuni ad Eucharistiae sacramentum accedere debemus 249
- Aliquot **dies ab** uxoribus abstinendum ab ijs qui matrimonio iuncti sunt, cum ad communionem accedere uolunt 249
- Eucharistiae communio saepius iteranda 249
- Eucharistiae **sacramento** quotidie alenda est anima 250
- Eucharistiam olim fideles quotidie sumebant 250
- Ab Eucharistiae communione excipiuntur qui per aetatem rationis usum non habent 251
- Eucharistia quare infantibus negetur 251
- Eucharistiae sacramentum amentibus non detur 252
- Eucharistiam sub utraque specie laicis sumere non licet 252
- Quare ecclesia consuetudinem communicandi sub utraque specie prohibuerit 253
- Solis sacerdotibus potestas tradita est sacramentum Eucharistiae conficiendi 254
- Qui non est consecratus, sacra uasa tangere non audeat 254
- Eucharistia est sacrificium 255
- Eucharistia uictima deo gratissima 255
- Eucharistia a Christo instituta duabus de causis 255
- Eucharistia, ut sacramentum est, non solum merendi, sed etiam satisfaciendi nimis habet 256
- Eucharistiae sacrificium quando institutum 256
- Eucharistiae figurae & oracula 258
- Eucharistiae sacramentum inexplicabile pignus charitatis 258
- Eucharistiae sacramentum quare dicatur **panis** noster 258
- Eucharistiae sacramentum quare dicatur quotidianus panis 258
- Exempla quae ad bene **sperandum** nos inducere possunt 258
- Exempla humanae infirmitatis. 257
- Exitus rerum deo permittendus 258
- Extrema unctio 309
- F
- FALSVM** testimoniū quid 458
- Falsi testimonij damna 458
- Falsum testimonium non solum in iudicio, sed extra iudicium uocatur



vetatur	458	saria	68
Falsum testimonium dicere contra se non licet	457	Figure conceptionis & natiuitatis Iesu Christi	45
In falsis testimonijs mendacium numeratur	458	Figure crucis Christi	50
Festorum dierum præceptum	398	<u>Figure confessionis</u>	286
Festi diei cultus quare institutus	401	Filius Dei & uere deus Iesus Christus	31
Festi dies præter sabbathum alij apud Iudæos	405	Filius Dei quomodo generatur	35
Festi dies præter diem dominicum quare instituti ab Ecclesia	405	Forma sacramenti Eucharistiæ declaratur	222
Dies celeberrimi in Ecclesia	406	Forma sacramenti penitentię	268
Festis diebus quibus operibus christiani se exercere debeant	408	Forma sacramenti extremæ unctionis	312
Felicitas in quo consistit	131	Forma confirmationis sacramenti	204
Felicitas semel adepta nunquam amittitur	131	Formula orandi diuersa ad Deum & sanctos	493
Fides ad salutem consequendam necessaria	10	Fornicationis peccati calamitas propria	437
Fidei multi gradus	11	Frugalitati consulendum	41
Quid primo credendum	12	<u>Fructus arboris uitæ</u>	543
Notitia quæ fidei disciplina comparatur, multo certior est quæ humanis est rationibus comprehensa	16	Furti præcepti uis auditoribus inculcanda	442
Fides de omnipotentia Dei quæ necessaria & utilis	22	Furti præcepto dei benignitas erga nos maxime percipitur	442
Fides redemptionis ad salutem necessaria semper fuit	30	Furti præceptum in duas partes diuisum	443
Fides ueterum & nostra eadem	32	Furti nomine quid intelligatur	443
Fides penitentiam antecedar oportet	263	Rapina maius peccatum quam furtum	443
Fides quid significet	13	Quare septimum præceptum furti nomine, non rapinæ, notatum sit	443
Fides non uere dicitur <u>pars</u> penitentię	263	Furtum, quod est iniusta possessio, & usus rerum alienarum, uarijs nominibus notatur	443
Fideles ad complectendam celestem doctrinam quando sint propensiores	368	Furandi etiam animus lege Dei prohibetur	444
Fides necessaria in oratione	496	Furtum quæ grane scelus sit	444
Fide <u>firmos</u> esse caput est ad rite orandum	496	Furti immanitatem declarant quæ furtum consequuntur	444
Fiducia de Deo unde ortum habeat	496	Furtorum multa genera	445
Fiduciam conciliat nomen patris in oratione	544	<u>Rapinæ latius patet quæ furta</u>	447
Fiducia orationis unde in nobis oriatur	544	<u>Rapaces</u> qui sint, & rapinarum uaria genera	447
Fides ad iustificationem necessaria		Furti excusationem nullam accipit Deus	452
		Excusationes quibus se homines defendunt in furtis	452
		Fur diuinum nomen dedecorat	453



<b>G</b> AVDIA intima sanctorum	551
Gloria inenarrabilis sanctorum	131
Gloria Dei quo modo in oratione petatur	515
<u>Gloria quid</u>	525
Gradus quibus ad orationem accedimus	494
Gratia quid	189. 525
Gratiam quo modo Eucharistia conferat	143
Gratiarum actio cum oratione iungenda	501
Grauitas relabentium	55

<b>H</b> ÆRETICORVM artes quibus sunt vsi ad impia dogmata infundenda	3
Hæreticus qui dicatur	94
Hæreticorum pestis quo irrepserit	3
Hebræorum gentem quare Deus delegit	367
Hebræi populi liberatio ab Aegypto	366
Hebræos durissima seruitute premi quare Deus permiserit	367
Hebræo populo promissa præstita post 400 annos quare	368
Locus & tempus in quo Israel legem a Deo accepit	368
Homicidium prohibens præceptum auditu iucundum	424
In præcepto, Non occides, duo continentur	424
Homicidium quod hoc præcepto non vetatur	425
Occidere vetitum est oibus	426
Omnes homines huius legis vi, Non occides, defenduntur	426
Se ipsum non licet occidere	426
Lex non occidendi, non solum man <sup>9</sup> sed animam cohibet	427
Homicidium peccatum est nefarium	428
Homo ad imaginem & similitudinem Dei formatus	27
Homo postremo creatus non vi naturæ, sed diuino beneficio	

Prima hominis ruina	29
Homo christianus quantum Christo debeat	38
Homines diuini cultus cupidos esse oportet	381
Homo quid debeat Deo	507
Hominum miseriæ propter peccatum primi parentis	530
Homo quæ bona per peccatum amiserit	530
Homines comparantur ægris & ijs qui gustum amiserunt	531
Homo pueris comparatur	532
Homo etiam iustificatus non ita habet domitos carnis affectus, ut illi postea excitari non possint	533
Homines voluptuosi a diuina voluntate alieni	536
Hominis instabilitas	522
Hominis imbecillitas	540
Homo quæ maledictione condemnatus post Adæ peccatum	543
Hominis inscitia & imbecillitas	567
Præceptum de honorando Deo	384
Præceptum de honore <u>parentum</u>	410
Honorare quâ vim habeat	414
Honoris vox rite in præcepto posita	414
Honorandi a nobis patres cuiuscunque generis	414. 418
Honoris officia quæ in parentes conferri debent	416
Honor mortuis parentibus tribuendus	417
Improbis etiam Pastoribus obediendum	418
Regibus parendum	419
Honorantes parentes quos fructus percipiant	420
Hostes humani generis, oēs aduersus nos artes excogitant	566
Hypocritæ animo non orant	500
Hypocritarum mos in orando faciendus	500

<b>I</b> ESVM Christum filium Dei credentes, quâ utilitate capiant	19
Iesus	

# I N D E X

- Iesus Dei filius solus** potuit nos  
 Deo reconciliare 30  
**Iesus** quid significet 32  
**Iesus Christus**, Rex, sacerdos,  
 & propheta supremus 33  
**Iesus filius Dei** & verus Deus 35  
**Incarnatio verbi** 40  
**Incarnationis** mysterium non  
 vna persona confecit 41  
**Incarnationis verbi opus**, qua-  
 re spiritui sácto peculiari qua-  
 dam ratione tribuitur 41  
**Incarnationis mysterio** quedam  
 supra naturæ ordinem, quædã  
 naturæ vi effecta 42  
**Mirabilia** quæ in verbi incar-  
 natione acciderunt 42  
**Simul Christi corpus** formatum  
 atq; animatũ, & corpori & ani-  
 mæ diuinitas coniuncta 42  
**Anima Christi** vberissimam spi-  
 ritus sancti copiam accepit 43  
**Christus** non est filius Dei ado-  
 ptione, sed natura 43  
**Maria virgo** vera Christi ma-  
 ter 44  
**Maria Euæ** responderet 45  
**Incarnationis** Iesu Christi my-  
 sterium quâto pietatis studio  
 recolendum 47  
**Ieiuniũ** orationi sociandũ 501  
**Imagines** venerari vt Deum, pro-  
 hibitum est 375  
**Imagines** in ecclesia habere non  
 solum licet, sed maximo fide-  
 lium bono factum est 378  
**Ad imaginem** sanctorum cum  
 quis orationẽ dominicã enun-  
 ciat, quid sentiendum 494  
**Incommoda** omnia quo animo  
 ferenda 585  
**Indignari** nõ debem⁹ cū nostras  
 preces nõ exaudit Deus 585  
**Indigentiam** habemus externa-  
 rum rerum ad victum vitæque  
 excolendam 542  
**Infelicitas** hominis quo modo  
 cognosci possit 522  
**Inferni** significatio 62  
**Ingratitudo** hoium erga Deũ 173  
**Inhumanitas** in egenos fugienda  
 ab eo q a deo vult exaudiri 496  
**Iniuriæ** remittendæ ab eo, qui  
 vult vt Deus sibi ignoscat 495  
**Iniuriarum obliuionem** a no-  
 bis requirit Deus 561  
**Iniurias** condonare nolentes, in-  
 quæ incommoda incidunt 452  
**Remedia** ad deponendas iniu-  
 rias 433  
**Iniurias remittendi voluntas** suf-  
 ficit reclamitatibus corruptæ  
 naturæ appetitionibus 563  
**Iniurias** nõ obliuisci in animo  
 habentes vri debent hac preca-  
 tionis cõditione, dimitte no-  
 bis debita nr̃a, sicut & nos 561  
**Inimicis** parcendum, si volumus  
 nobis peccata dimitti 562  
**Inimici diligendi** 562  
**Inimicis** non parcentes quid a  
 Deo petere debeant 564  
**Inimici** inuisibiles 568  
**Instrumenta** quibus quaeritur &  
 inuenitur regnum Dei 521  
**Interpretatio** Cypriani verborũ,  
 sicut in cælo & in terra 539  
**Interpretatio** huius vocis, A-  
 men, 586  
**Iudicium** finale 78  
**Tria Christi officia** ad suam ec-  
 clesiam decorandam 78  
**Dies Domini Christi aduentus**  
 nouissimus dicitur 78  
**Quare Christus** ad iudicandum  
 venturus 78  
**Duplex Christi** ad nos aduen-  
 tus 78  
**Iudicij generalis** necessitas 82  
**Iudex omnium Christus** quare  
 futurus 82  
**Iudicium** præcedentia signa 83  
**Iudicij forma**, & ratio 83  
**Iudicantis Christi** sententia &  
 verba 83  
**Iudicij vniuersalis** articulus quã  
 vultis 82  
**Iudicia forensia** iure & ex legi-  
 bus administranda 452  
**Iustificari** non potest qui nõ est  
 paratus



paratus ad omnia Dei præcepta seruanda	364	Propter periurium diuersis supplicijs affligimur	397
Iustitia originalis supra naturæ facultatē homini a Deo data	27	L	
Iurandi lex quæ iubeat, & quæ prohibeat	385	LACRYMÆ in penitentia summo opere optandæ	277
Iurandi frequens usus minime laudandus	387	Lex naturæ a lege scripta non diuersa	361
Iurare quid	388	Lex in decalogo contenta non est noua lex, sed naturæ lex illustrata	361
Iurare per creaturas, iusiurandum est	388	Legis iussu difficultatem nõ habent	363
Iusiurandū per execrationē	389	Legi obtemperandum	363
Iusiurandum assertorium & promissorium	389	Legis obseruantia fructus	364
Iusiurandum ut rectum sanctūque sit, quæ requiruntur	390	Ad legem obseruandam propensiores nos reddit, scire Deum esse dominum nostrum	370
Iuraturus quæ considerare debet	390	Lex omnis ad præcepta seruanda homines præmio, aut pœna inducit	370
Iusiurandum non exigitur a pueris ante pubertatem	391	Legis seruandæ modus & ratio	383
Iustificatio <u>ipij, magnū</u> opus	114	Lege non concupiscendi præscripta quid a Deo prouisum sit	468
Iustificatur impius per sacramenta tanquam per instrumenta	113	Lex Dei intimo animi sensu seruanda	470
Iustitia maxime in promissis requiritur	391	Differentia inter diuinas & humanas leges	470
Iurando peccat qui iniustum aliquid promittit	391	Lex diuina quasi speculū quoddam est, in quo naturæ nostræ initia intuemur	470
Iurare cui non liceat	391	Loquacitas uitanda	466
Iusiurandum quando sit laudabile	392	Liberum arbitrium homini datum	27
Iusiurandum a fide originem ducit	392	Lingua uitiū cõmunissimū	466
Iusiurandum ad quem finem tendere oporteat	392	<u>Loquacitas</u> in oratione prohibetur non longè præces	500
Quoddam iusiurandum a Christo prohibeatur	393	Lucris honestis tranquillitas inest	547
Iurandi necessitas excusationem habet	393	M	
Iurandi nimia consuetudo multa mala parit	393	MALA cum patimur, ad Dei auxilium confugimus	579
Graui peccato se adstringit, qui temere iurat	394	Malorum omnium liberationē non petimus	581
Iurare falsum, prohibitum est secundo præcepto	394	Mala quædam, quæ communiter mala putantur, sunt tamen fructuosa	582
Iurare falsum, est peierare, & quot modis peierat hoies	394	Mala illa deprecamur, quæ nullam animæ utilitatem afferre possunt	582
Iurandi præcepto quare minè adiunctæ	397	A quibus malis liberari petendum	
Summa hominum procliuitas ad peierandum	397		



# I N D E X

- dum sit 583  
 Mala quæ in nos a proximis proficiuntur, dæmoni assignanda 584  
 Malorum liberatio a Deo impetranda 579  
 Mala animæ & corporis deprecari debemus 553  
 Maria Dei & hominis mater uere & propriè dicitur 42  
 Maria uere mater Dei quare 42  
 Mariæ perpetua & incorrupta uirginitas 44  
 Mariæ in partu spiritus sanctus affuit 44  
 Maria cum Eua confertur 45  
 Maria ex regibus orta 44  
 Mariæ felicitatem gratulamur, cum eam angelica salutatione salutamus 492  
 Mariam iure oramus, ut nobis peccatoribus ueniam sua intercessione conciliet 492  
 Maria mater misericordiæ 492  
 Maria aduocata nostra 492  
 Mariæ merita apud Deum præstantissima 493  
 Mariæ summa uoluntas adiuuandi humanum genus 593  
 Maledictio qua condénatus est homo post Adæ peccatû 543  
 Materia sacramenti Eucharistiæ duplex 218  
 Materia sacramenti penitentiæ 433  
 Materia sacramenti extremæ unctionis 311  
 Matrimonium unde dictû 342  
 Matrimonij sacramentû uarijs nominibus appellatum 342  
 Matrimonij differentia & eius declaratio 342  
 Matrimonium inire nō possunt qui legibus a matrimonij consortio excluduntur 243  
 Matrimonij uis & natura in quo consistit 343  
 Cōsensus matrimonij efficit 343  
 Consensus uerbis, quæ præsens tempus significant, exprimitur 343  
 Consensus alterius tantum ad matrimonium coniungendû satis esse non potest 343  
 Matrimonium non contrahitur per uerba futurum tempus significantia 344  
 Verborum loco in matrimonio nuntus & signa sufficiunt 344  
 Præter consensû ut uerû matrimonium existat, cōcubitus necessario non requiritur 345  
 Matrimonij duplex ratio, ut est in officium naturæ, & ut est sacramentum 345  
 Matrimonium, ut est officiû naturæ, a Deo institutum 345  
 Matrimonij indissolubile 346  
 Matrimonium quibus causis institutum 347  
 Matrimonij natura ut sacramentum est 348  
 Matrimonij quid significet 349  
 Matrimonium sacramentû esse, & unû de septem legis euangelicæ sacramentis 341  
 Matrimonij sacramentû a Christo institutum 349  
 Matrimonium gratiam significat & tribuit 350  
 Matrimonij sacramentum quantum præstet matrimonijs ante legem 350  
 Matrimonia Iudæorum 351  
 Quare antiqui patres plures simul uxores ducerent 351  
 Libellus repudiij quare in lege Moysis concessus 351  
 Matrimonium duorum tantum & non plurium coniunctione definitur 352  
 Infidelis ad ueram religionem conuersus primam, ceteris relictis, pro uxore habeat 352  
 Matrimonij uinculum nullo diuortio dissolui potest 352  
 Matrimonium dissolui non posse utilissimum est 353  
 Fidelium cōiugia perfectione & nobilitate gentiliû & Iudæorum matrimonijs longe præstât 354  
 Matrimonij bona tria 354  
 Matrim-



Marrimonia clandestina neque vera neque rata esse	357	to clariorem reddit	304
Marrimoniꝝ impedimenta	357	Merendi ampla occasio, patien- ti animo labores & incommo- da ferre	306
Marrimoniũ contrahentes quo modo affecti esse debeant	358	Merentur opera nostra exaudi- ri per meritum Christi	301
Marrimoniꝝ vs <sup>9</sup> q esse debeat	358	Mereri possumus cum divina gratia vitam æternam	305
A marrimoniꝝ officio interdum orandi causa abstinendũ	359	Minister sacramenti baptismi proprius	171
Mœchari prohibitum est præ- cepto sexto	434	Ministorum baptismi ordo qui seruandus est	171
Mœchia quare post homicidiũ prohibeatur	434	Minister proprius sacramenti confirmationis	206
Præceptum de mœchia quibus verbis tractandum	434	Ministram confessionis scien- tia & prudentia præditum esse	293
Mœchię præcepti duplex vis	435	Ministri sacrificium facientes Christi personam suscipiunt	258
Medicina a deo hoĩbus data	381	Miseriæ humanæ causę	522
In medicinæ remedijs quo mo- do spes ponenda	381	Miseriæ hominis propter pec- catum primi parentis	530
Meditationes de Xpi passione	53	Miseria summa humani generis quę mala sunt nõ vt mala iu- dicare	538
Mendacium plenissimum im- pietatis	461	Miseriæ hominum vnde	533
Mendacio fallere ioco, & officij causa indignum est	461	Mislæ sacrificium idem cum eo quod in cruce oblatũ est	258
Mendacij summa miseria & tur- pitudine	464	Mislæ sacrificium non est nuda commemoratio sacrificij in cruce peracti, sed vere propi- tatorium	259
Mendacij pater Dẽmon	464	Mislæ sacrificium pro mortuis offertur, & illis prodest	259
Mendaciũ quæ mala consequun- tur	464	Mislæ sacrificium propitiatori- um sacrificium	259
Mendacij vitium est fere insana- bile	465	Mislæ sacrificium pro mortuis offertur & illis prodest	259
Mendacij vitium latissime pa- tet	465	Mislę oēs cõmunes dicendę	259
Mendacia excusare, error	466	Mislæ ritus non sunt inanes, & superuacanei	260
Mendacio nemo studeat	458	Cur Christus in ligno mortem perpeßus	49
Mēs bona a Deo postulāda	347	Christus vere mortuus & sepul- tus	51
Meritum nostrum diuina gra- tia adiuuatur	304	Christus locum, modum & tẽ- pus suæ mortis elegit	52
Meritis paria redduntur præ- mia in cælis	137	Anima Christi quo ad inferio- rem partem cruciata	48
Meretur fructum passionis qui sacrificium Eucharistię offe- runt	256	Mulier quare ex altere viri for-	3249
Meritum premij glorię immor- talis operibus nostris tribui- tur	304		
Meritum operum nostrorum ex merito passionis Christi pen- det	304		
Meritum nostrum non obscu- rat Christi passionem, sed mul-			



mata non ex pedibus, aut ex ca- pite 356	Pro quibus orandum 490
Mulier uiro subdita sit 356	Orandi sancti, & qua ratione ut nostri misereantur 493
Mulier libenter se domi conti- near 356	Orandi ratio 498
N	Orandum est in spiritu & veri- tate 498
<b>NATVRAE</b> rationis exper- tes in eo statu & cōditione, qua create sunt, māserunt 510	Orandi in spiritu consuetudi- nem <i>infideles</i> nō habent 499
Necessitate nostra cognita, ad pa- trem adire cogimur 544	Orandū in nomine Christi 501
Necessitati nostrae quae supersūt, cum alijs communicanda 549	Orandus Deus, cū proximus nos lædat, quo modo 584
Nequitia carnis & spiritus 568	Orātes Deo honorē <i>habemus</i> 481
Noīa imponenda baptizatis 197	Oranti maiestas diuina sit pro- pior 586
Nomina gentiliū imponētes ba- ptizatis reprehenduntur 197	Orantes cum Deo colloquuntur 586
Nomen Dei Tetragrammaton nō pronunciare, inanis est super- stitio 385	Orantiū fructus & munera 586
Nomina Deo imposita 385	Orare sicut oportet debemus, & qui non sic orant 542
Nomini diuino quam uerus ho- nor attribuitur 386	Multi sūt gradus petēdi aliquid a Deo, & gratias agendi 486
Nomé clerici unde deductū 327	Modus precandi uocem effundē- do 486
Nomen Dei quo modo sanctifi- cari petatur 516	Quos peccatores in oratione De- us exaudiat & inuet 487
Nomen Dei sanctum & terribile sanctificationē non eget 516	Petenda a Deo quae 488
<b>Nomen</b> Dei quo modo sanctifi- catur in omnibus 517	Quid sit sine adiunctione peten- dum 490
Nomen Dei re, non uerbis tantū sanctificandum 519	Execrationes sanctorum in im- pios sunt prædictiones 492
Nota certa iudicandi quae sit pra- ua, quae recta petitio 542	Oratio ad Deū necessaria 479
O	Christus i orōne pnoctabat 479
<b>O B E D I R E</b> debent omnia di- uinae uoluntati 540	Orationis utilitas & fructus 480
Obtrectatio uitiiū pessimū 459	Oratio est quoddam religionis argumentum 481
Obtrectatorū multa genera 460	Obseruatio legis necessaria ad sa- lutem 564
Odiū Dæmonum in nos inhi- tum 569	Omnis doctrinae ratio, fidelibus tradenda, in scripturam & tra- ditionem distribuitur 8
Officiū Parochi, quod audito- ribus præstare debet 541	Opibus cū gratia Dei factis diui- nae legi satisfacere possumus 505
Opus redimendi hominum ge- nus eminet inter opera guber- nationis & creationis 507	Operibus nostris uitam æternā consequi possumus 505
Operibus regnū Dei cōparat 529	Opera, quae sine fide & charitate sūt, grata esse nō possunt 505
Orandus primo Deus, deinde san- cti 493	Oratione Deo subiectos nos esse prophitemur 481
Orandi optimus modus 485	Oratio est cæli clauis 481
	Orationis uis, & utilitas 481
	Ora-



Oratio quib <sup>9</sup> partibus cōstet	485	Ordo lectoris; officium	329
Orōnis <b>pārtes</b> præcipuę duę	485	Ordo exorcistarum, munus	330
Oratio eorum qui nondum fi- dei lucem acceperunt	487	Ordo acolytorum, munus	331
Oratio quōrum non exaudiatur a Deo	489	Ordo subdiaconi, officium	331
Orationes pro impijs factę	491	Ordinibus sacris lex perpetua continentiæ imponitur	330
Orationes pro mortuis in purga- torio ab Apostolis fluxere	491	Ordo diaconi, munus	331
Orationes pro peccantibus ad mortem non proficiunt	491	Ordo sacerdotij	338
Orationē dominicam ante ima- gines sanctorum pronuntians quid sentire debeat	494	Ordines sacri quibus sint dan- di	337
Oratio humilis	494	Opera nostra ex Christi gratia merentur	305
Orationis præparatio	494	Ordines sacri fiunt statis diebus, quibus etiam ieiunia indicun- tur	338
In orōne q uult exaudiri, a qui- bus ei scelerib <sup>9</sup> abstinēdū	495	Ordinādi prius sacramēto peni- tentię conscientia purgēt	338
Orationē nostrā facit execrabile contemptus diuinę legis	496	Ordinis sacramentum pueris & furiosis non conferendū	339
Oratio dubitationem <b>nō</b> admit- tit	496	Qui etatis annus in singulis or- dinibus expectandus	339
Oratio mentalis uocalem non excludit	499	Ordinis sacramentum gratiam confert	340
Oratio mentalis principem locū tenet	499	Ordinis sacramentum caracte- rem imprimit	340
Orationis uocalis propria utili- tas & necessitas	499	Originalis iustitię donū homi- ni datum	27
Oratio priuata & publica	499		
Orōnis dominicę expositio	502	<b>P</b>	
Orationis pro altero facta oranti prodest	511	<b>PANIS</b> nomine multa in di- uinis litteris significari	545
Oratio ne inanis sit, quid requi- rat	514	Panem petendo quid a Deo pe- tamus	546
Orationes sunt arma contra sa- tanam	576	Panis ad necessitatem, non ad lu- xuriam petendus	546
Orationes in principio timoris plenę, in fine exultationis	583	Panis a nobis iure acquirendus, non iniuria, uel fraude	547
Ordo seruādus in oratione	579	Panis quare quotidianus appel- latus	548
Ordo quid	325	Panis assidue a Deo petendus quare	552
Ordinis sacramētū multos habet gradus & <b>uarias</b> fūctiones	325	Panem quotidianum quo modo diuites petere debeant	548
Ordo sacer inter ecclesię sacramē- ta quare enumerandus	325	Panis spiritualis petendus	549
Ordo sacer characterem imprimi- mit	326	Panis spiritualisqđ significet	550
Ordines septem	326	Panis, qui Christus est, incredi- bili lēritia perfundit piorum animos	551
Ordines maiores & minores	327	Panis noster substantialis Chri- stus in Eucharistia sacramen- to continetur	551
Prima tonsura	326		
Ordo ostuarij, munus	328		



Passionis Christi mysteriū maxime Dei potentiam & benignitatem ostendit	553	Adam ad nos permanauit	29
Passionis Christi, tempus quare obseruatur	49	Peccata quadā remitti non posse, quo modo intelligatur	271
Anima Christi, quo ad inferiorem partem, cruciata	48	Peccata cogitationis confiteri debemus	289
Passionis Christi causa	55	Peccata diligenter peruestiganda	297
Passus est Christus <u>pœnas</u> grauissimas	56	Peccatum cōsequuntur duo	300
Passiones Christi acerbiores, quā sanctorum	57	Peccati fomes	470
Passio Christi quæ commoda nobis conferat	58	Peccatum & peccati fomes ubi habiter	533
Passio Christi <u>nobis</u> ueniam peccatorum impetrat	559	Peccatorū nostrorum immanitate auersus a nobis Deus operibus nostris nō benedicit	543
A passione Christi omnis satisfactionis uis & ratio fluxit	559	Peccato omnes addictos esse	554
Pastorum ecclesiæ uerba tamquā Dei uerba <u>recipienda</u>	2	Peccatorum recognitio qualis esse debet	555
Patris uox qd i Deo significet	18	Peccatorum turpitudine	555
Pater quare dicatur prima persona in diuinis	20	Peccati pestis	555
Parentum honor	411	Peccatum, etsi eius actio transierit, macula tamē, & reatu permanet	557
Patris nomine qui uocentur	414	Peccatum semper insequitur ira Dei	557
Patres cuiuscunq; generis a nobis honorandi	414. 419	Peccatorum dolor & sensus quā sit necessarius	557
Parentum officia erga filios	421	Peccata pœnitentibus condonare semper promptus est & paratus Deus	558
Parentes nimiam seueritatem & indulgentiam fugiant	422	Peccatis Deus offenditur	556
Pater quare in principio orationis positum	502	Peccata quare debita dicantur	559
Pater omnium Deus	503	Peccatorū remissionem petentes excusatione non utimur	560
Patrini baptizandorum	173	Peccata sine Dei auxilio uitare non possumus	537
Patrini quare adiuncti ad baptismum præter sacramenti ministros	173	Peierat is qui iurando iusticiam deserit	395
Patrinorum affinitas cum quibus contrahitur	174	Peierare uarijs modis solemus	395
Patrini partes	174	Summa hominū procliuitas ad peierandum	397
Quibus non liceat baptizandos inscipere	176	Prophetæ <u>falsi</u> exierūt in mūdū ;	
Patrinus quare ad confirmationem uocetur	206	Prophetarum falsorum impietas quam longe sit progressa ;	
Patrini confirmationis quam affinitatem contrahant	206	Purgatorius ignis, ante Christi aduentum	61
Patroni causarum officia	463	Propter peritium diuersis supplicijs affligimur	397
Patriarcharum gradus	336	Pœnæ grauissimæ quas Christus perpeßus est	56
Patriarchæ quattuor	336		
Peccatum, & peccati pœna ex			

Pœne postulada est liberatio 579  
 Pœnitentiæ necessitas 111  
 Pœnitentiæ usu carere, plurima  
 damna affert 159  
 Pœnitentiæ sacramentum est ne-  
 cessarium 261  
 Pœnitentia reieterari debet 261  
 Pœnitentia secunda naufragij ta-  
 bula 261  
 Pœnitentiæ uaria notio, & po-  
 testas 261  
 Pœnitentia multiplex 262  
 Pœnitere Deum, per translatio-  
 nem dicimus 262  
 Pœnitentiæ uariæ significatio-  
 nes in quo differant 262  
 Pœnitentiâ fides antecedit 263  
 Pœnitentia intima quare sit uir-  
 tus 264  
 Pœnitens uere quid sibi propo-  
 nat 264  
 Quibus gradibus ad pœnitentiâ  
 licet ascendere 264  
 Pœnitentiæ regnum cœlorum sa-  
 cræ litteræ pollicentur 265  
 Pœnitentia exterior est sacramē-  
 tum 265  
 Pœnitentiæ sacramentum quare  
 Deus instituerit 266  
 Pœnitentiæ sacramenti materia  
 & forma 267.268  
 Pœnitentiæ ceremoniæ & ritus 269  
 Pœnitentiæ sacramēti fructus 270  
 Pœnitentia nos in Dei gratiam  
 restituit 270  
 Pœnitentiæ partes integrales 272  
 Pœnitentia quare ex partibus  
 constet 272  
 Pœnitentia publica quare publi-  
 co peccato indicatur 302  
 In pœnitentia duo animadu-  
 erenda 303  
 Pœnitentiæ pœna a nobis susce-  
 pta Dei animaduersionem an-  
 teuertit 304  
 Petrus summus pontifex, & ca-  
 put omniū apostolorum 100  
 Petrus a Christo caput Ecclesiæ  
 constitutus 101  
 Petri successor eandem cum Pe-

tro potestatem habet 100  
 Pericula in quibus assidue uer-  
 samur, ante oculos ponenda  
 567  
 Permissio in Deo quo modo in-  
 telligatur 574  
 Personarum diuinarum proprie-  
 tates 20  
Persona prima in diuinis quare  
 pater dicatur 20  
 Quæ ad diuinas personas perti-  
 nent subtilius exquirere non  
 oportet 20  
 Petitores & accusatores quo mo-  
 do sint monendi 464  
 Petere quid primum a Deo de-  
 beamus 515  
 Petere regnum Dei non satis est  
 ad illud acquirendum 521  
 Petere ut Deus nostris cupidita-  
 tibus non satisfaciatur, diffici-  
 lius animum inducimus 536  
 Petere non debemus abundantē  
 & exquisitā copiā ciborū 546  
 Petere subsidia rerum humana-  
 rum a Deo possumus 545  
 Petere nō sibi, sed omnib⁹, est pro-  
 priū Christianæ charitatis 549  
 Petere dimitti debita, quid sibi  
 uelit 553  
 Petere non debemus ut omnino  
 non tentemur 574  
 Petere non debemus, omnino ab  
 omnibus malis liberari 582  
 Petere debemus, ut Domini ma-  
 nus cibos suppeditet 549  
 In petendis his quæ ad usum re-  
 rum terrenarum pertinet, ani-  
 mus ad Dei præscriptionem  
 intendatur 541  
 Petentibus pijs hominibus si  
 quid negat Deus, argumentū  
 est id eis utile non fuisse 585  
 Petitio de regno Dei cum om-  
 nibus coniungenda & separa-  
 tum facienda 521  
 Petitio, fiat uoluntas tua, quem  
 ordinem habeat 530  
 Petitiones quibus corporis &  
 animæ subsidia petuntur 541  
 Philo-



- Philosophia Christiana a seculari sapientia quid differat [14](#)  
 Philosophi qd de Deo sēserint [15](#)  
 Pontifex romanus catholicæ ecclesiæ pontifex [336](#)  
 Pōtifici romanos ūma dignitas & iurisdīctio diuinitus data [336](#)  
 Pontifex romanus moderator uniuersalis Ecclesiæ, Petri successor, & Christi uerus & legitimus Vicarius [337](#)  
 Postulatio de regno Dei magnā uī donōrū & copiā cōtinēt [520](#)  
 Postulatio dimittendi debita de quibus intelligatur [559](#)  
 Precatione dominica singuli quotidie uti debent [549](#)  
 Precantes omnes ecclesiæ nomine precantur [563](#)  
 Decem præcepta ex duobus pendunt [360](#)  
 Præceptum primū decalogi [366](#)  
 Præceptorum ordinis ratio [370](#)  
 Præceptum duplex continetur in uerbis primi præcepti [370](#)  
 Præceptum omnium primum & maximum [371](#)  
 Præcepti primi transgressores [371](#)  
 Præcepto primo non prohibetur ars sculpendi, pingendi, & fingendi [376](#)  
 Præceptum primum quare a secundo separatur [384](#)  
 Præcepti secundi lex quid prohibeat, & quid iubeat [384](#)  
 Præcepti de diligendis parentibus usus latissime patet [411](#)  
 Præcepta decalogi duabus tabulis incisa, & quare [412](#)  
 Præceptū de diligendis parentib⁹ quare matrem explicet [415](#)  
 Præcepta ultima duo quare simul coniuncta [468](#)  
 Præceptorum duorum ultimorū duplex necessitas [469](#)  
**Preces** Deo assidue faciendæ [501](#)  
 Preces etiam pro proximis faciendæ [560](#)  
 Preces Christianorum & infidelium in quo differant [580](#)  
 Preces cum non audit Deus, in dignari non debemus [585](#)  
**Preces, quæ in litanijis fiunt, quare institutæ** [583](#)  
 Pretiū crucis Christi quāti sit [559](#)  
 Prædicatio diuini uerbi numquam intermittenda [3](#)  
 Prædicare non debet aliquis nisi mittatur [2](#)  
 Prædicatio uerbi Dei fidem nobis acquirit [1](#)  
 Prædicantium uerbum Dei auctoritas [2](#)  
 Præmia uictoribus poposita [577](#)  
 Præparatio ad orationem in quo consistat [494](#)  
 Præparatio ante communionem qualis & quam necessaria [246](#)  
 Præparatio ad communionē requirit ut ieiuni accedam⁹ [249](#)  
 Prouidentia Dei erga homines [501. 511. 524.](#)  
 Proximus qui [457](#)  
 Pudicitia & continentia omni studio colenda [436](#)  
 Purgatorius ignis [61](#)
- R
- RAPINAE** & quorū earum genera [443. 445](#)  
 Ratio impetrandi quod a Deo petimus. [528](#)  
 Redemptionis pondere quid acceperimus [507](#)  
 Regnum celeste [520](#)  
 Regnum Dei ante omnia postulandum [520](#)  
 Regni Dei postulatio magnam donorum uim continet [521](#)  
 Regni Dei multæ significationes [523](#)  
 Regnum Christi non est de hoc mundo [524](#)  
 Regnum Dei quid sit [524](#)  
 Regnum Dei intra nos [524](#)  
 Regnum Christi quare iustitia dicatur [525](#)  
 Regnū **gratiæ** Dei in quibus sit [525](#)  
 Regnum gloriæ Dei quid [525](#)  
 Regnum gratiæ prius ponendū, quam gloria [525](#)

# INDEX

Digitized by Google



- monia 334
- Sacerdotalis** ordo tametsi vnus  
est, varios tamen & dignitatis  
& potestatis gradus habet 335
- Sacerdotes simplices 335
- Quid in eo, qui sacerdos crean-  
dus est, requirendum 337
- Sacerdos quam cognitionem ha-  
bere debeat 338
- Sacerdotis** duo munera 338
- Sacerdotij nobilitas & excellen-  
tia 320
- Sacerdotij onus nemini temere  
imponendum 321
- Qui ad sacerdotium vocari di-  
cantur 321
- Sacerdotij potestas duplex 324
- Sacerdotij legis euangelicæ pote-  
stas plurimum præstat sacerdo-  
ti legis naturæ scriptæ 325
- Sacerdotij euangelici **potestas** a  
Christo ortum habet 325
- Sacerdotij munus 334
- Sacerdotij functio præcipua 335
- Sacramenti nomē quo modo ac-  
cipiatur 138
- Sacramentum quid 139
- Sacramentis** salus & iustitia com-  
paratur 139
- Sacramenti definitio ex Augu-  
stino 140
- Sacramenta inter eas res, quæ si-  
gnificant, referuntur 140
- Sacramenta sunt signa rei sa-  
cræ 140
- Sacra res est gratia Dei 143
- Sacramentum sanctitatem signi-  
ficat & efficit 143
- Sacramenta non sunt, imagines  
sanctorum & cruces 143
- Sacramēta plūrs res significāt 145
- Sacramenta legis euangelicæ qua-  
re instituta 145
- Sacramentū quodlibet ex duobus  
cōfici, ex materia, & forma 148
- Verba inter omnia signa maxi-  
mam vim habent 149
- Sacramenta nouæ legis formam  
uerborum præscriptam **habēt**,  
a qua si discedatur, sacramenti  
ratio constare non potest 149
- Sacramentorum ceremoniæ sine  
peccatō prætermitti non pos-  
sunt 149
- Sacramētōrū ceremoniæ si omit-  
tuntur, nihil reuera de sacra-  
menti ratione minuitur 150
- Sacramenta quare sollemnibus  
cerimonijs ministrantur 150
- Sacramentorum numerus 150
- Sacramentorum differentia in-  
ter se 152
- Sacramētōrū auctor Christus 153
- Sacramenta quare per homines  
deus ministrari voluerit 153
- Sacramentorum ministri Chri-  
sti personam gerunt 153
- Sacramenta nouæ legis impura  
cōscientia ministrare quā pni-  
tiosum sit ipsis ministris 154
- Sacramentorum effectus 155
- Sacramenta gratiam iustifican-  
tem conferunt 155
- Sacramentorum nouæ **legis** ex-  
cellentia ad vetera compara-  
torum 157
- Sacramenta tria characterem im-  
primunt 157
- Sacramentorum usu Christianū  
ædificium fulcitur 159
- Sacramentum Eucharistiæ soli  
sacerdotes conficiunt 154
- Sacramenta per improbos, si, quæ  
**ad** eorū rectā rationē attinent,  
rite se seruētur, conficiūtur 154
- Sacramenti & sacrificij differen-  
tia 156
- Sacrificium vni Deo & non san-  
ctis offertur 156
- Sacrificium vnum sunt cruenta  
& incruenta hostia 158
- Sacrificiū idē est quod in missa  
& quod i cruce oblatū est 159
- Sanctorum communio quam  
**utilis**, & quid significet 109
- Sanctorum communione om-  
nes Christiani unum corpus  
fiunt 109
- Sanctorum cultus, in sanctis ue-  
nerandis dei gloria non mi-  
nuitur.

nuitur, sed augetur	373	tio compensabit	308
Sanctorum patrocinium non est superuacuum	374	Satisfactionis opera a sacerdote indicta penitens saepe etiam ultra suscipiat	308
Christus, etsi mediator proposi- tus sit, non propterea sequitur quin ad sanctorum gratiam confugere liceat	374	Seruire Deo, nihil magnificen- tius	340
Sanctorum imagines pingi non prohibet diuino precepto	376	<b>Sancti</b> quo modo a nobis inuo- centur	493
<b>Satanæ ausus</b>	569	Sanctiones Ecclesiasticæ sacerdo- tem confessionis ministrum esse, declarant	292
<b>Satanæ incurfibus</b> qui maxime omnium petantur	70	Schismatici qui sunt	550
<b>Satan</b> non potest tentare, quan- do & quantum uult, sed quan- do, & quantum a Deo permit- titur	570	Sepulture Christi cur <b>fit</b> expressa mentio	53
<b>Satan</b> quibus rebus uincatur	576	Sepultura, passio, & mors Chri- sto ut homini, non ut Deo conuenit	58
Satisfactionis necessitas	298	<b>Signa a natura adinuenta</b> & di- uinitus data	142
Satisfactionis nomen unde	298	Signa quæ dicantur	142
Satisfactio uarie accipitur	298	Signa ante iudicium	82
Satisfactio quæ nobis Deum pla- catum reddit, quæ sit	298	Sicut in celo & in terra, ad tres primas postulationes referri	116
<b>Satisfactio canonica</b>	299	Inter omnia signa uerba maxi- mam uim habent	149
Satisfactio a nobis sumpta	299	Signaculum totius orationis do- minicæ	586
<b>Satisfactio</b> quæ est sacramenti pars	299	Spes impetrandi maximum pon- dus ad impetrandum affert	497
Satisfactionis definitio & neces- sitas	300	Spe cælestium præmiorum quo- modo <b>nos</b> Deo dicare debea- mus	538
Satisfactionis <b>uis</b>	300	Spes nostra in amore in Deum tota nitatur	538
Satisfactio nostra Christi satis- factione non obscurat, sed mul- to clariorem reddit	304	Spem habere debemus impetran- di <b>ueniam peccatorum</b>	557
Satisfactio uera quæ requirit	305	Spes in tentationibus ex quibus noscatur	574
Qui satisfacit iustus est	305	Spes habenda, cum tentamur in Dei patrocinio	575
Opera pœnalia & afflictiua sus- cipiuntur in satisfactione	305	Superbia magnopere Deum of- fendit	496
Omnes satisfactionis genus ad tria præcipue confertur	305	Spiritus sancti personam non de- bemus ignorare	86
Satisfaciendi uim habent incō- moda & labores, a Deo immisi- patienti animo ferantur	306	Spiritus sancti propria significa- tio	86
Satisfacere unus pro altero po- test	306	Quare personæ tertie in diuinis propriū nomen tributum non sit	87
Satisfacturum se proximo, si quid de re aut existimatione detra- xerit, polliceri debet penitens priusq̃ a peccatis absoluat	307	Spiritus sanctus patri & filio in omni -	
In satisfactionis pœna irrogan- da quid sit seruandum	308		
Satisfactionis modum culpæ ra-			



# I N D E X

omnibus omnino æqualis [88](#)  
 Spiritus sanctus est Deus [88](#)  
 Spiritus sanctus a patre filioque  
 procedit [90](#)  
 Spiritus sancti admirandi effe-  
 ctus [91. 93](#)  
 Spiritus sanctus quare donum  
 appellatus [92](#)  
 Symbolū ab apostolis compoli-  
 tū & quare sic appellatum [11](#)  
 Symbolum in tres partes distri-  
 butum [12](#)

## T

**T**ENTATIO quid [171](#)  
 In tentationē ne inducamur,  
 uocandus est Deus [566](#)  
 Tentationum fluctibus agitati  
 in precationis portum confu-  
 giamus [570](#)  
 Tentandi genera multa [571](#)  
 Tētari homines ī malā partē [571](#)  
 Tētor quare [diabolus dicat](#) [572](#)  
 Ia tentationem quando indu-  
 cimus [572](#)  
 Tentat, qui non impedit tenta-  
 tionem [572](#)  
 Tentatio est uita hominis super  
 terram [574](#)  
 Tērationes æquo aīo ferendę [574](#)  
 Terra in media mundi parte cō-  
 sistit [27](#)  
 Testimonij falsi non dicendi  
 præceptum [456](#)  
 Testimonij falsi non dicendi præ-  
 ceptū linguarū [cohibet](#) [456](#)  
 Testimonij falsi nō dicendi præ-  
 cepto duę leges cōtinētur, una  
 iubens, altera prohibens [456](#)  
 Quid præcepto nō dicendi falsū  
 testimonium prohibetur [456](#)  
 Testem iuratum iudex reiicere  
 non potest [457](#)  
 Testimonium falsum in se dice-  
 re non licet [457](#)  
 Testimonium falsum quid [458](#)  
 Testimonij falsi damna [459](#)  
 Testimonium falsum nō solum  
 in iudicio sed extra iudicium  
 uetatur [458](#)  
 Quo. modis falsa dicendo existi-

matio hominis offenditur [459](#)  
 Testimonium est confessio lau-  
 dis Dei [463](#)  
 Testimonij ueri in rebus huma-  
 nis maximus usus [463](#)  
 Testes ī iudicio caueāt, ne, quod  
 exploratum non habent, pro  
 certo affirmant [463](#)  
 Tondendi caput in coronę spe-  
 ciem, consuetudinem Petrus  
 primus induxit [527](#)  
 Traditione apostolica declaratur  
 Purgatorius ignis [61](#)  
 Traditione patrum peruenire  
 ad [nos](#) formam uerborum ex-  
 tremę unctiōis [312](#)  
 Traditione apostolica capilli in  
 coronę speciem clericis ton-  
 dentur [527](#)  
 Traditio apostolorum, qua Epi-  
 scopus a tribus Episcopis con-  
 secratur [337](#)  
 Traditio de numero sacramen-  
 torum [150](#)  
 Traditione apostolica Episcopus  
 est minister ordinandi ad sa-  
 croscordines [337](#)

## V

**V**ERBA pastōrū Ecclesię tan-  
 quam Dei uerba recipiēda [2](#)  
 Verbi diuini prædicatio num-  
 quam intermittendā [3](#)  
 Verba inter omnia signa maxi-  
 mam uim habent [149](#)  
 Verbi prædicatione & sacramen-  
 torum usu Christianum ædifi-  
 cium fulcitur [159](#)  
 Verbi incarnatio [40](#)  
 Verbū Dei cibus est animę [550](#)  
 Verbi Dei fames, quare a Deo  
 mittatur [550](#)  
 Verum confiteri debent rei &  
 fontes, cū ex iudiciij forma in-  
 terrogantur [463](#)  
 Verum tacere interdum licet,  
 sed extra iudicium [463](#)  
 Vicarius potestatis Episcopi Ec-  
 clesię præpositus [101](#)  
 Vigilię tentationes uincunt [576](#)  
 Vir quare uxorem diligere de-  
 beat

• beat	350	Vnctionis extreme minister	356
Viri officium erga uxorem	356	<u>Vnctionis extreme</u> utilitas	357
Vita eterna quid significet	128	Vnctionis extreme tempus op-	357
Vita eterna magis explicat homi-		portunissimum	357
nis felicitatē quā beatitudo	129	Vnctionis extreme sacramētum	
Vita hominis tentatio	574	suscipientes agroti quare nō	
Vita & salus nostra ex Deo pen-		sanentur	318
det	548	Voluntas Dei, ut fiat, quare pe-	
A uitio linguæ innumerabilia		tamus	332
mala proficiuntur	456	Voluntas Dei quā fieri perimus,	
Vnctionis extreme sacramētum,		est uoluntas signi	334
quare sic dictum.	310	Voluntas Dei ut fiat, qui maxi-	
Vnctionis extreme sacramento,		me petere debeant	333
in <u>afflicta</u> mortis meditatione		Voluntas signi quæ	334
uersamur	309	<u>Voluntas</u> Dei ut fiat, maxime	
Vnctio extrema est uere sacra-		desiderandum	336
mentum	313	Voluntas tua fiat, quo modo	
Vnctio extrema est unum sacra-		Deo ex animo dicendum	337
mentum tantum	313	Voluntatē suā Christus ad patris	
Vnctionis extreme materia, &		uoluntatē retulit in maximo	
forma, & ritus	312	acerbissimæ mortis dolore	337
Vnctionis extreme sacramētum		Voluntatem diuinā totus mun-	
quibus sit conferendum	314	dus cognoscere debet	338
Vnctionis extreme sacramentū		Voluntas Dei in terra seruanda,	
a Christo institutum	313	sicut in cælo seruatur	338
Vnctionis extreme sacramentū		Voluntas Dei summa est om-	
quo tempore adhibeatur	317	nium ratio	340
Vnctionis extreme sacramentū		Volūtate Dei omnia eueniūt	340
suscipere apti nō sunt qui ra-		Voluntatem Dei quare maxime	
tionis usu carent	314	colamus	340
Quæ partes corporis sint ungen-		Vxorem uir diligere debet	350
da	315	<u>Vxor</u> & uiri mutua officia	356
Vnctionis extreme sacramētum		Vxoris partes erga uirum	357
potest iterari	316	Vxor uiro subdita sit	356
Vnctionis extreme preparatio	316		


F I N I S .

## Series Chartarum .

† A B C D E F G H I K L M N O P Q R S T V X  
Y Z, A A B B C C D D E E F F G G H H I I K K L L  
M M N N O O P P Q Q .

Omnes sunt quaterniones, præter †, & Q Q .  
qui sunt duerniones .







• beat	350	Vnctionis extreme minister	316
Viri officium erga uxorem	356	Vnctionis extreme utilitas	317
Vita eterna quid significet	138	Vnctionis extreme tempus op-	
Vita eterna magis explicat homi-		portunissimum	317
nis felicitate quā beatitudo	129	Vnctionis extreme sacramentum	
Vita hominis tentatio	574	suscipientes agroti quare nō	
Vita & salus nostra ex Deo pen-		sanentur	318
det	548	Voluntas Dei, ut fiat, quare pe-	
A uitio linguæ innumerabilia		tamus	532
mala proficiscuntur	456	Voluntas Dei quā fieri petimus,	
Vnctionis extreme sacramentum,		est voluntas signi	534
quare sic dictum.	310	Voluntas Dei ut fiat, qui maxi-	
Vnctionis extreme sacramento,		me petere debeant	533
in assidua mortis meditatione		Voluntas signi quæ	534
uersamur	309	Voluntas Dei ut fiat, maxime	
Vnctio extrema est uere sacra-		desiderandum	536
mentum	313	Voluntas tua fiat, quo modo	
Vnctio extrema est unum sacra-		Deo ex animo dicendum	537
mentum tantum	313	Voluntate suā Christus ad patris	
Vnctionis extreme materia, &		voluntate retulit in maximo	
forma, & ritus	312	acerbissime mortis dolore	537
Vnctionis extreme sacramentum		Voluntatem diuinā totus mun-	
quibus sit conferendum	314	dus cognoscere debet	538
Vnctionis extreme sacramentū		Voluntas Dei in terra seruanda,	
a Christo institutum	313	sicut in cælo seruatur	538
Vnctionis extreme sacramentū		Voluntas Dei summa est om-	
quo tempore adhibeatur	317	nium ratio	540
Vnctionis extreme sacramentū		Voluntate Dei omnia eueniūt	540
suscipere apti nō sunt qui ra-		Voluntatem Dei quare maxime	
tionis usu carent	314	colamus	540
Quæ partes corporis sint ungen-		Vxorem uir diligere debet	350
dæ	315	Vxoris & uiri mutua officia	356
Vnctionis extreme sacramentum		Vxoris partes erga uirum	357
potest iterari	316	Vxor uiro subdita sit	356
Vnctionis extreme preparatio	316		

F I N I S.

## Series Chartarum.

† A B C D E F G H I K L M N O P Q R S T V X  
Y Z, A A B B C C D D E E F F G G H H I I K K L L  
M M N N O O P P Q Q.

Omnes sunt quaterniones, præter †, & Q Q.  
qui sunt duerniones.





